





Nr. 4233

8. J. 10.







CHRIST. VARSEVICH
Equitis Poloni
DE LEGATO
ET LEGATIONE.
Item Eiusdem
De CONCILIO *et* CONSILIARIIS
PRINCIPIS
LIBER.
Accessit
HIPPOL. A COLLIBVS
CONSILIARIVS.

DANTISCI,
Sumptib. Georgii Försteri. 1646.
Cum Privilegio S.R.M. Polon. et Suec.

M. Hyacinthe Drey:
by the effect
a live a
Antoine and
tous deux chant
Professeurs au
College de Patal
nab de Grou



CHRISTOPHORI VARSEVICII,
Equitis Poloni,

DE LEGATO
ET
LEGATIONE,

Item ejusdem

DE CONCILIO
ET
CONSILIARIIS PRINCIPIS
Liber ;

Ex F. FVRIT CERIOLE Hispanico
in Latinum versus.

Cui accessit

HIPPOLYTI A COLLIBVS
CONSILIARIVS



DANTISCI,
Sumptibus GEORGII FÖRSTERT,

Anno MDCXLVI.

Cum Privilegio S. R. M. Poloniae & Succid.

XVII: 3756-I.



5
Illustrissimo Domino,

DOMINO

ACHATIO PRZYLECKI

DE PRZYLEK,

CASTELLANO OSWIECI-

MENSI,

Domino ac Patrono meo colendissimo.



LEGATVS ad Te venit
ILLVSTRIS-
SIME
DOMINE, magno,
hominum dicam, an
Musarum? maximo
virtutum comitatu. In-

veniet quocirca facilem aditum, quem
Tu ob eximiam humanitatem, bene-
volentiamque Tuam, ne quidem infi-
mo cuiquam, clausum esse unquam
voluisti. Quin & inter primæ admis-
sionis amicos, locum, ut spero, inve-
niet, quia primus apud Te virtuti li-
terisque locus semper fuit. Si fortè
quæras, unde LEGATVS hic ad Te
veniat? Abs te, inquam, advenit,
quemadmodum & ad Te venit. Tu
enim es ILLVSTRIS-
SIME DO-
MINE, qui consilio in primis mihi

præivisti, ut cum alia omnia **CHRISTOPHORI VARSEVICII** opera, tum hanc in primis **DE LEGATO ET LEGATIONE** lucubrationem iteratò producerem in lucem. Et sanè mirum est, **VARSEVICIVM**, nobilissimo inter Polonos genere ortum, nec minus à gestis in Republica & Dei Ecclesia honoribus, quam ab Illustri Prudentiæ civilis laude, plurimisque de ea voluminibus in lucem datis, toto orbe clarissimum, in suâ Poloniâ prope ignotum aut peregrinum hætenus fuisse. Quotus enim in amplissimo hoc Poloniarum Regno civis est, qui hunc **VARSEVICII** de **LEGATO** librum, ut de aliis ejus literarum monumentis interim fileam, videre in Polonia potuerit? Diu est quod opus illud extra Regnum impressum, toto Regno ita desideratur, ut paucula ejus supersint exempla. Quod cum Tu **ILLVSTRIS-SIME DOMINE** advertisses, mihi quemadmodum ad aliorum hujus Regni scriptorum, ita & ad **VARSEVICII TVI**, recudenda vel primum etiam cudenda opera, satis alioqui incitato, calcar addidisti. Secutus sum

sum Ill^{mæ} Dnis V consilium, perinde uti nunc properantem ad TE VARSEVICII LEGATVM committendo ponè sequor. quia & mihi apud Ill^{mam} D. V. patentem fuisse adiutum profiteor, & deinceps fore confido. DANTISCI Kalendis Ianuarii, Anno 1646.

Illustrissimæ Dnis Vrx

devotissimus cliens

GEORGIVS FÖRSTERVVS
Bibliopola Dantiscanus.

Illustrissimo Domino,
 DOMINO
 STANISLAO MINSCIO,
 PALATINO LANCICIEN.
 Capitano Liven. &c.

Domino suo observandissimo S. P.



*M*itto tibi librum de Legato
 & Legatione meum, cuius
 tu quidem lineamenta quod
 auct.) omnia. non verbis,
 sed rebus expressisti ipsis, in-
 que r. o. docti. ite. virtutis
 quoniam staret cursum esse ce-
 lerarem. Quod non me, ut debeo gratulor vel
 plurimum tibi. Et hoc quantulacunque inge-
 niu meum inuenit, dico conficereque libens,
 non tam ex alteram cruda libris, quam ex u-
 su breuitate et brevitateque communi. Quod
 etiam magis utilitatem vel aliquam alicui,
 tibi certe non qui que & quomodo gesseris ipse
 in di. t. uo recognosces, legenti voluptatem
 fore allatura. Cui quidem pro tam preclare
 merita Restitueret opera. nulla seve digna à
 nobis gratia referri f. d. potest. nec ulla non
 debet. Multa ego videri videri videri ornamenta
 gentium, sed illa cumum et maiorem, le-
 gatorum & legationum, cum publica totius
 regni dignitate: alia enim aliorum in nostro
 corpo-

corpore membrorum; soli illi legati in imperio similitudinem referunt oculorum. Quibus cum non in aliquo alio theatro, sed in oculis orbis terra, & sacrario religionis Roma, in omni genere laudis, de principatu certavisti, & illud nimirum in tot tantisque aliis consecutus es, ut beatus Hiacynthus, à Clemente octavo, Pont. Opt. Max. divorum in numerum referretur, summa cum tua Polonicque nominis laude, & Ecclesie Dei, religionisque Catholica splendore & maiestate. Etenim nihil quam sanctitas & Pont. Max. vera illa & legitima ab Apostolorum principe profecta successio, & quae semper & ubique & ab omnibus uno ore & pectore culta est religio, demum verò miracula in ea edita, Christi Opt. Max. Ecclesiam firmam & insignem magis reddiderint. Cui rei & orthodoxa doctrina notarum claritati, quoniam ex hoc nostro Aquilone, tu quoque vel aliquid intulisti lucis, letatus profectò hoc nomine magnopere sum, omniaque opum & honoris insignia & ornamenta dignitatis deberi tibi agnosco gratulorque ex animo. cum dubium fuerit nemini, quantum in splendidis scienterque obitis legationibus, regnis & provinciis positum sit semperque fuerit: & quanta non adumbrata, sed expressa vestigia Roma reliqueris virtutis, pietatis, prudentiae, & humanitatis tuae singularis digna tali tantoque viro mihi fuisse ut videatur legatio, & vir ipse legatione memoranda Quo ipso ornatu reverteris summa ad nos gloria, & à duobus Pontificibus

A s

Max.

*Max. Innocentio & Clemente, utrisque octa-
vi nomen sortientibus, ea refers munera, qua-
lia maiorum tuorum praestantium ossa. & in-
primis matris tuae optima & spectatissimae for-
mine picta. & reliqua ornamenta requirunt.
Quibus omnibus, utinam quam diutissime
perfruare. Hanc ego quidem non solum ve-
ram, sed unam dixerō nobilitatem atque glo-
riam, quae & maiorum imaginibus clara, &
luculentissimis hereditatibus aucta, & obitis
honorificis legationibus insignita, & omni de-
nique ornamentorum genere est illustrata, sic
ut tu tuique similes legationibus querenai &
non tam ambientibus, quàm refugientibus ille
dande, nec tam pompa, quàm rebus instructi
legati ad externos dimittendi potius videantur.
Bene vale, decus & ornamentum patriae.
Varavia Calendis Decemb. 1595.*

D. Vestrae Illustriss.

Addictiss. servitor

C. VARSÉVICIUS.

CHRIST.

CHRIST. VARSEVICII,
 D E L E G A T O
 E T L E G A T I O N E
 L I B E R.



V I T A S ego magnasque *Duo ad*
 res, sed vel has potissimum *guber-*
 duas, desiderari animad- *nandum*
 verto gentibus nationibus *necessa-*
 que gubernandis, unam *ria.*
 quidem legum, maximè
 verò municipalium scien-

tiam; populorum alteram, quibus aliquis
 præfuerit, morum & ingeniorum cogni-
 tionem exactissimam, ut demum necessa-
 ria illa tam nostris aliò dimittendis, quàm
 exteris ad nos Legatis admittendis perspi-
 cax sequatur prudentia, qua belli pacisque
 negotia tractantur & continentur. Ac le-
 gum quidem statutorumque ratio, literis
 & codicibus comprehensa, longè fuerit fa-
 ciliior, quàm ut de ea multa verba fieri de-
 bere videantur: Secus est ingenius mori-
 busq; hominum cognoscendis. Nihil enim
 natura hominis est reconditius, nec quic-
 quam aliud abstrusos magis habet recessus.
 Qua tamen ipsa in re, & ceu quadam an-
 cipiti deliberatione, fide, consilio & au-
 thoritate honorum multum sublevantur
 reges, & certis quibusdam observationi-
 bus,

bus, veluti radius illustrantur solis; ut aut raro, aut nunquam, aut saltem non nec aberrant à seipso, si praesertim consiliarii fuerint ii, qui odii & gratiae, metus & cupiditatis expertes sint, & aut negligetia habuerint nihil, aut temeritatis. Quod haud scio an rectius illi, quam, quos vocamus muti videntur mihi consiliarii affecuti. Etenim perturbationibus animi cecis, & ipse oportet rex cecidat, & ut plerumque fit) in diversas partes distractatur. Quo ipso paucorum causa, odio futurus est infinitus, & in eo qui praerit regno, veluti in corpore sano, multos morbos pariet insanabiles, qui nescio si non augentur quotidie, cum magna infamia & exitio Republicae. *Semel enim orta raro manescit agnitas, & facilius repelluntur quam corriguntur errores.* Una autem omnium Legationum & Legatorum sive admittendorum sive dimittendorum ratio, magis nodosam habet viam publicae expediendae dignitatis. Cum enim Legatus dici is soleat, qui alicuius potestatis, aut personam sustinet magistratus: aut vero ille, qui ablegantis manu mittitur, aliquid tractaturus, multum profecto in eo positum fuerit, ut ubi, quae ratione, & tempore, Legatos ad te venientes excipias, & quae eis responsa des, non ignores: & quos rursus, ac quales, quo, & quomodo dimittas & quando. Sunt namque & debent esse Legatorum corpora

sancta,

sandæ, & Legati, tam ejus in quo nati sunt, populi, quam ipsiusmet, à quo mittuntur, magistratus simulachra. Qui variis licet vocabulis, nunc Oratores, nunc Interpretes, nunc Nuntii appellantur, unam tamen & eandem prope-modum omnes, explicandarum & denunciandarum rerum sortuntur facultatem, tantum quod legandi & ablegandi verbum, hoc privata, illud negotia respiciat publica, principum aut magistratuum aliquorum. Multum proinde in humanitate regum & principum externis Legatis excipiendis situm esse semperque fuisse, nemo dubitaverit. Nec tamen continuò, aut peræquè omnia. Male quippe se habet, cum externis apud nos Legatis cuncta licuerint, nostris vero apud eos nec adedò vel tantillum: & cum nostri apud aliquos aliqua de causa punientur, illorum verò eo nomine apud nos ne appellabuntur quidem. Quod feras & barbaras gentes aliquando fecisse legimus, & audimus: & si denique aliorum Legatos non facile admiserimus audiendos, accipiti contentione nostri tenebuntur diu suspensi, & minus quàm par fuerit videbuntur honorati, ut taceam, adhibitis etiam custodibus in hospitio teneri Legatos alieni; quod speciem nescio cujus præ se fert servitutis. Quod tamen minimè mirum videri debet, præsertim si belli, aut tumultuum acciderit tempore, aut Legati illi in aliena Repub.



pub. nimium fuerint curiosi. *inertes enim domi, & curiosi foris agere feruntur.* Quamquam enim Christianæ Reipub. cives omnes simus, & ad salutem dignitatemque publicam nostras actiones referre debeamus; tutius tamen semper in illam peccabitur partem, ut passim & ubique, præsertim verò in alieno solo, moderatè & scienter versemur, quàm dissoluti ineptique habeamur: Alienum enim homines solum compefcit & salum. Quantum vero ad principem, qui admittendarum & dimittendarum Legationum habiturus est potestatem, pertinebit, vel inprimis curet, ut eum honorem habeat externis, quem cupiet apud externos haberi suis, citra tamen omnem vel minimam reprehensionem levitatis. Nam & in hac quidem ipsa re delectus esto atque discrimen, &, ut vitia & vitiosa imitanda non fuerint, saltem quo modo alibi tractabuntur nostri, aliorum quoque Legatos similem humanitatem, ejusque vicissitudinem par fuerit experiri: secus si fuerit factum, quidam non judicio, aut magnanimitati, sed nunc metui, nunc desperatis rebus, nunc imbecilibus viribus, nunc intellectus nostri adscribent id infirmitati. Omnia enim ferè in deteriorem, quàm in meliorem partem, vulgus hominum interpretatur: cujus, ut minoris faciendum sit judicium, approbatio non est negligenda. Ac princeps quidem dispiciat omnia per se primum ipse necessaria,
de-

demum non nisi prudentissimorum & fidelissimorum consilio & authoritate nitatur. Nam si non suo sed alieno consilio semper utetur, hoc sicuti nihil melius, ita neque periculosius est aliquando, propterea quod multa sunt, quæ percipiendis consiliariorum sententiis nobis imponunt, summa probabilitate dicendi. *Nunquam enim aliquem re ipsa sapientem esse, corrumpas verò non neminem persuasionem.* Curam mittendorum & excipiendorum Legatorum senatui olim Romæ datam fuisse, gravissimus author testis est Polybius: quod & ipsius Livii tota testatur historia. Nec obstat, quod alicubi dixerit Tacitus: Magnam agitatam in senatu controversiam fuisse, si electione, aut sortitione summi Legati debuissent. Certum enim fuerit, nec in T. Livio copiosissimo rerum Romanarum scriptore, neque adeo in ipso Tacito alio aliquo loco, & vel in aliquibus aliis id authoribus deprehendi. Ex adversus autem majores natu viros nobilissimos esse missos, decretos, lectos, aptos præ cæteris rei gerendæ, proditum est memoriæ. Quemadmodum & illud atque satis superque ex eodem constiterit Livio, quo loco, quo tempore, quo modo excepti, aut verò dimissi fuerint Legati externi, & legationes, nempe in Comitio, & Græco-stasio, ubi sedere solitos Legatos externos & Varro, & alii literis consignarunt. Excipere quidem hostium Legatos intra urbis

mœnia

incentia non erat in more positum & consuetudine Romanorum: ac nec adeo ipsos Legatos gentium & nationum exterarum, tametsi illa de re variant Iureconsulti inter se, nec non & alii rerum vel annalium scriptores. De tempore illud liquet, quod non nisi mense Februario, modo & more pene, qui & nostris est, audiebantur legationes, initis statim magistratibus, & rebus omnibus, pro usu communi, dignitateque constitutis. In quibus quidem aliis, quoniam non peræque tantum, quantum in electione ipsorum Legatorum est situm, accedemus vel ad illam alteram paulatim partem, & pro nostra tenuitate opportuna his rebus, & obeundis legationibus adiumenta disquiremus. Factum est incredibile, nisi prius multa sciantur, legantur, & videantur, omnes omnium rerum, cum dimittuntur, posse Legatos admoneri. Quorum quàm rarum & difficile sit munus, vel inde est cognoscere, quod Cyrus inter primos Legatum sibi educandum, instruendumque proposuerit. Magna namque & magnifica aggressurum, inde à teneris (quod ajunt) unguiculis diligentissimè expedit erudiri; neque tamen & immensa illa fuerint, aut prorsus factu incredibilia, quæ in Legato requiruntur. Etenim, quod quidam omnium linguarum, nec scio, si non & scientiarum peritum esse Legatum existimant oportere, næ haud intelligunt, quid hac in parte sibi velle videantur: immensæ enim cupidit-

cupiditates sunt nostræ, ætates vero angustissimis terminis circumscriptæ. Illius quidem gentis, aut etiam principis linguam Legato esse sciendam, non dubitanter dixerim, apud quem Legatione defungetur. Hoc amovet incommoda Legato gravia & magna, affert vero summa & plurima contraria: nemo enim communicandis alicui secretis adhibet plures, cum præstare id possit ipse, aut per pauciores. Barbarus denique videtur semper is, qui eum, apud quem verba facit, sermonis sui non habuerit intelligentem, & omnes surdi, M. Tullio teste, sumus, cum eas linguas, quas non intelligimus, quasi occultum aliquid, arrigendo aures, taciti vestigamus. Historiarum certe, quam linguarum plurimum cognitionem, multo magis dixerim Legato necessariam, euanquam & illarum non omnino posthabendam. Est enim historia dux actionum, consiliorum inventrix, comes itineris, pronuba instituti salutaris, quam quò magis variam, & exactius aliquis legerit, & legendo rebus & temporibus præsentibus adaptaverit, eo & plures legationes obiisse, & in portum, quem querit, facilius invehere videbitur didicisse. Sed ad ejus historię cognitionem divinarum humanarumque rerum accedat oportet scientia. Parum namque utilis librorum est lectio, nisi humano ingenio vires aut cælitus infundantur, aut longo usu acuantur. Quam ad rem Deo Opt. Max.

inpri-

inprimis duce & anthore, & perillustri natura Legatus opus habet, ac demum studio & exercitatione assidua & peculiari. Est enim per se quisque nedum videtur tardior, celeri illo animi motu & sagacitate destitutus. Sed idem ille se cognoverit, frenaveritque semper, non minus alacri animo, quàm etiam studioso. Sicut enim cultri, ita & acuta ingenia ut faciliè findunt, sic & hebesunt. Iam & naturæ ornamenta idem Legatus habeat, & aliquando fortunarum: festivum enim est, quod de secretario naturæ & ingenii magistro fertur Aristotele, quod cùm aliquando, quàm obrem illa, quæ pulchra sunt, in amorem sui homines raperent, interrogaretur, cœci esse hanc interrogationem responderit: *Pulchra enim omnia suapte ad se nos alligant*, & magna per se, tacita licèt, commendatio pulchræ est faciei. Duplex tamen vulgo, virilis & muliebris, habetur pulchritudo: quarum altera in venustate; altera, quæ Legatorum est propria, in oris & totius corporis ponitur dignitate: gibbosi, (ut mox plura iis de rebus infra dicemus,) claudi item, & vel aliquibus membris distorti, aut mutilati Legati magis commovent risum, quàm aliquam tam sibi, quàm principi suo vel minimam conciliaverint authoritatem; nisi fortè aliqua re aut arte sint excellentissimi. Quod etiam ipsum apud incultas & barbaras gentes parum valuerit vel nonnunquam: barbari enim ad
irriden-

Pulchritudo duplex.

irridendos, morati verò homines ad honorificè tractandos exteros sunt promptiores. Sic olim à regina Amazonum Macedo contemptui est habitus Alexander, quòd non perinde pulcher, quàm rerum gestarum fama celebrer ei videbatur. Sic Agefilaus Magnus ab Aegyptiis, minori fuit in veneratione, quod staturæ esset brevioris: sic alii aliis quidem minus; sed fuerunt tamen omnes despiciatui semper, qui aut naturæ, aut fortunarum adjumenta non habuissent. Quot enim & quanti Legati, in medio ceu quodam cursu saepe subsistunt, nec aliorum erga se humanitati & officiis respondent, nec nisi ære alieno obruti, ab aula proficiscuntur, partim ob profusionem aliquando nimiam, partim ob æris & facultatum inopiam. Quid? quàm multi, petenda identidem pecunia, principibus suis molesti sunt, & tandem juvandi necessariò veniunt; quod non fieret, si aut opibus per se semel instructi prius essent, aut obeundis legationibus, idoneos judicatos, quàm ineptos alios, rerum gerendarum instrumentis, principes ipsi potius augerent. Melius enim ad negotia apti, pauperes licèt, sublevantur ære, quam ceu quædam mutæ personæ opulenti, sed inertes in rerum versantur tractatione. Quo magis viderint reges, quibus faciem suam dandam potissimum arbitrentur: si enim musico inepto, quantò minus Legato utendum est inconsiderato. Virum certè ignobilem, rudem

rudem & egentem, principis personam decorè præstare minus posse, nemo dubitaverit. Verùm nec in divitiis adeò etiam posita sunt, aut erunt omnia. Ac multò minus in pompa & ostentatione divitiarum: sapienter namque sensisse, & pulchrè mihi videtur dixisse, qui non tam pompa, quam rebus instructum Legatum ajebat dimitti oportere: neque tam eum, qui ipsum se ultro & curiosè ingereret, quam qui refugeret quodammodo legationem obeundam. Etenim turpius nihil ambitur, nihil invidiosius suscipitur, nihil difficilius peragitur, nihil variè & multipliciter magis interpretatur, quàm legatio. Vnus vel minimus commissus aliquando error turpat legationis omnia: & propter pauca Legati vitia, saepe evanuerunt plurima & maxima, quæ erant vel imprimis dilaudanda. Est enim Legatus persona publica, & vel nonnunquam nova proposita omnibus ad spectandum, paucissimis peculiariter commendata ad prædicandum. Qui tantò quidem majorem etiam sapius fortitur invidiam, quanto quod sibi visum fuerit agere, datur tandem sibi à principe plus potestatis. Nam non usque coratò, res temporaque, ne quid certi legato præscribatur, requirunt; sed facultas conceditur, quod è re, & dignitate principis magis fuerit, libere quandoque de omnibus legato statuendi. Sæpe enim occurrunt, de quibus nihil in mandato præstitui potest, & rur-

& rursus multa præcisè , & diligenter legatis committantur necesse est , in quibus præsens rerum tractatio subjicit consilia certiora. In his autem omnibus perspicaci maxime opus est prudentia , longo rerum usu & tractatione comparata: non enim semel & iterum , sed vix etiam infinitis modis & vicibus suffecerit aliquid tractavisse : nec tam prosperis successibus partis, quam naufragiis factis , res rerumque eventus meminisse: *premunt enim gravia, leta vero & levia exolescunt.* Quò etiam pauciores idoneos his & tantis legationibus reperias: nihil enim facilius fungi volenti , & nihil difficilius videtur experienti legationem ; nisi, quod continuo imploraveris, numen affulgeat divinitatis. Itaque eos potissimum ad hæc similiaque munera obeunda deligant sibi principes, in quibus catholicæ religionis & boni publici maxime spectetur studium: cum pietatis concepta de aliquibus opinio venerabiles faciat etiam expertes aliquando pietatis. Quanquam ego non modo cum Deo, sed nec cum hominibus quidem , fallaciter aliquid agere auctor alicui fuero : multi enim simulant pietatem, vel ipsam reddiderunt suspectam in aliis probitatem ; & Deus ipse Opt. Max. cum diu multumque tulerit, eò tandem severius castigat falsitatem. Religionis porro Catholicæ sincerum ubicunque studium , sequatur necessarid in Legato fides, sequatur prudentia, sequatur
tem.

temperantia, & ipsa denique, quæ muri adamantini est instar, nunquam satis laudata sequatur fortitudo: reliqua enim in Legato omnia videntur esse ceu cujusdam urbanitatis, hæc certe, quas enumeravi virtutes, soliditatis sunt singularis: nam sicuti ad pulchritudinem corpus, ad fortitudinem veluti ad robur, ad temperantiam perinde ac ad sanitatem, ad prudentiam quasi ad subtilitatem sensuum, legatus est conformandus; fide in eo nihil est præclarius & commendatius memoria hominum sempiternæ. Etenim ut illud taceam, quod habita, veteri proverbio, fides obligat ipsam fidem, & erit, qui proditoris crimine scœdus aliquid dicat vel sentiat, & cujus vitium virtuti oppositum à virtute magis declinaverit? Ferunt Borbonium illum, qui ad Romam occubuit, vel tam præclare de Hispanis meritum, cum in Hispaniam appulisset, ne hospitio quidem exceptum à quodam fuisse, quod domo sua indignus diceretur, nescio ob quam suspicionem perversæ in principem suum fidei, aut commutationem voluntatis. Quo tamen loco nunquam ego proditorem appellavero eum, qui, quod à virtute discedere nolisset, proditoris insimulatur alicujus. Est enim constans & perpetuum quid, quod justitia appellatur, & quod perversis & depravatis hominum moribus & consuetudinibus, nec potest nec debet unquam mutari. Ac ut plurimum iis, quorum beneficiis

ciis affecti sumus debeamus ; multò tamen plus nobis ipsis, & honestati debemus, quæ moribus licet temporibusque præsentibus non quadraverit ratio aut oratio, nec & ego eum legatum oratione finxero, qui certo aliquo loco & tempore seu persona definitur ; sed qui rectæ rationis normæ justitiæque quàm maximè fuerit proximus & accominodatus. Quare, quid præter fidem in legato præterea requiratur, & quàm necessaria ipsi fortitudo prudentiaque fuerit, videamus. Summa quidem certè habeat oportet omnia. Etenim, ut à fortitudine ordiar, cum timidus aliquando habitus sit Cicero, & Pompejus ei dixerit: Transi, inquit, M. Tulli in castra Cæsaris, & me timebis: prudenter videtur fecisse, cum seipsum nosset, quòd ad Antonium legationem fuerit deprecatus. Ut ex adversus male audivit Demosthenes, quòd in legatione, nescio ad quem, publico nomine destinatus, & usque in aliquam viæ partem progressus, dum subinde impotentiam animi, & iracundiam illius, ad quem mittebatur, secum ipse cogitasset, missam fecit legationem ; quo nomine non apud suos peræquè omnes, ut dixi, fuit laudatus: *declinanda enim sunt maturè, quorum nos aliquando deberet pœnitere.* Quo loco recentius adhuc & facetum proferam exemplum cujusdam principis Italici legati, qui ad Sigismundum Augustum Poloniæ regem, pro nuptiis eum invitaturus, Grod-


*Legatus
ridicu-
lus.*

nam profectus, cum in quandam paulò longiorem sylvam apud Knischinum incidisset, & num multum ejus superesset fortè quævisset, responso, quod dirigi ad huc major pars ejus restabat, accepto, per familiarem suum ad regem principis literis missis, nescio quid causatus, & ipse quidem mox revertit. Itaque prudentia, fortitudoque pariter legatio est necessaria, ut suscepta demum legatione dispiciat, quatenus progredi possit & debeat, & quibus in rebus, ac quomodo fortitudine uti, & quando. Nonnunquam enim cauta consilia, quàm elata sequi præstiterit: & parere potius necessitati, quàm indulgere appetitui, aut perversæ voluntati. Ac breviter, multa ac penè infinita sunt, quæ præceptionibus circumscribi non possunt, & in quibus ad novas res nova consilia adaptantur. Pulchrè ergo quidam, non tantum, inquit, verborum nuncii crediti sunt legati, sed iudices rerum adeò etiam appellati, & oculi ac aures imperiorum; quos ego non tantum in magnis magnum, sed in omni denique re volo gerere animum, nec de sua concedere dignitate vel tantillum. Nam memorabile semper fuerit, quod alicubi refert Tacitus, quòd cum quidam Germanorum legati, Romam venientes, in sedibus senatorum sedere externos legatos animadvertissent, & quibus id honoris datum, percontati fuissent, &, sic in populum Romanum magnis, responsum acceperissent:

cepissent; deos hominesque restati, nullos hac in parte Germanis præferendos; inter patres confederunt. Est enim dignum, digniorem locum se concedere legatorum nemini; sed & in ea ipsa re, ut infra dicemus, eatenus progrediendum, quatenus suaserit ratio, aut summi alicujus principis interposita autoritas & persuasio. Nam superbum agere legatum, Deo hominibusque est odiosum, cum quodam non obscuro contemptu, & irrisione totius gentis atque nationis. Hinc illis Lusitanorum legatis, in Hispaniensem aulam venientibus, & hospitiorum causa nescio quem præmittentibus, palatii præfectus ridiculum dederat responsum, cum, quot essent, interrogasset, & ille, mille quidem omnes, sed quingentos prorsus Deo, alios aliis hominibus similes, respondisset: Bene habet, inquit; isti, quos tu Deo dicis esse similes, in templa; reliqui eant in hospitia. Quo non obscure animi perstrinxit eorum levitatem: *omnis enim jactatio & verborum vanitas est molesta*, sed illa vestium, supellectilis, aut equorum, aut his similium rerum molestissima. Fugiendis tamen his in sermone & colloquutione ineptiis, suæ nunquam obliviscatur legatus gravitatis, amicum omnibus, familiarem præbet se nemini: licet nec multos, neque nullos amandos esse censeant alii: in privatis rebus humanitatem, in publicis retineat dignitatem. Frequens commessatio parit nobis

B

non



non raro despicatum: & indignum est, cum
sobrius non audeas loqui, inter pocula vel-
le garrere: *juvenes denique plura, senes ver-
ba facere consueverunt meliora.* Proinde vel
hac in parte debet esse legatus cautus, & in
publicis conviviiis, in sermone parcus, &
quodammodo etiam taciturnus. Sicuti e-
nim occultata virtus parum à stultitia dif-
fert; sic ad opinionem sapientia silentium loco
servatum stultus suffragatur: vascula inania
maximè tinniunt, & quod minus mentis, ed
aliquibus plus est loquacitatis: denique quod
citro ultroque, ferendis temerè sermoni-
bus, *lingua nihil est nocentius*, ed is, qui il-
lam arte frenaverit, magis in sapientibus
numeratur. Sæpe vel amplissimus campus
restat iterato cuivis dicendi; non peræquè
autem semper ea, quæ protuleris, reticen-
di: *nam verba & azes semel emissa, postli-
minio non revertuntur*: & suspicandum est
semper, ea, quæ uni vel alteri dixerimus,
brevis consocios fore etiam quàm plurimos.
Mors ergo & vita in manibus linguæ est,
dixit ille non insipiens. Multi postremo
multa dicunt, ut plura eliciant ipsi non à
nemine, & aut in publico liberius loquen-
tes, quod plures sermonis habeant testes, a-
cutè alios observant; aut quem aliquis ver-
bis ulcisci vellet occultato, altero vero pau-
latim ad libertatem obloquendi, ceu in are-
nam educto, incautum circumscribunt.
Non sint tamèn talibus aut faciles ad cre-
dendum Reges, aut ad castigandos proni
sermiones;

fermones ; levitatem enim loquendi irridendam, insaniam commiserendum , dolori ex injuria accepto indulgendum aliquid, semper est judicatum: & Imperatorum extat sanctio in hæc verba trium: Si quis modestiæ nescius, & pudoris ignarus, improbo *I ex*
petulantique maledicto nomina nostra crediderit laceßenda , ac temulentia turbulentus obrectator temporum nostrorum fuerit, eum poenæ volumus subjugari , neque durum aliquid , neque asperum volumus sustinere ; quoniam si id ex levitate processerit, contemnendum est ; si ex insaniamiseratione dignum ; si ab injuria , remittendum. Vnde integris omnibus hoc ad nostram scientiam referatur , ut ex personis hominum dicta pensemus , & utrum prætermitti an exequi debeant, censeamus. Atque hæc quidem verba sunt sanctionis. De convitiis autem in absentem principem jactatis , vel contumeliis absenti dictis , tantum statuendum est , quantum statui volebat in eum Aristoteles, qui absentem pulsavisset : etenim verborum superbiam , qui facile excandescunt , plerumque ulciscuntur, prudentes irrident , leves sequuntur. Vnde & Veneti regis Galliarum Fœcilem bellum Reipub. denunciante, injustitiamque & alia iis exprobrante, religiosè dimiserunt. Et Parthorum olim legatos Romæ, quod Armeniam peterent, quam ereptam tenebant, irritos quidem dimissos, sed legimus tamen muneratos : non enim is,

qui mandata tulerit, incusandus; sed qui dederit, magis est redarguendus; uterque tamen hanc mandatorum libertatem non usque ad amplectatur, ut vel aliis sit ea molestus. Etenim etiam illam animi sensuum proferendi prudentiam habere legatus debet commendatissimam, nec à considerata ratione differendi, vel in privata colloquutione avelli cum principe se, & in altum disputationum trahi, temerè patiat: & postquam ad externos venerit, potiùs laudatorem se eorum præstet, quam temerarium censorem vel æstimatorem: *omnes enim nobis ipsis plus quam par est placeamus & alios irridemus*, ut vel maxime nobis præstantiores esse, tacitè agnoscamus, & quod plerumque fit, verbis præ nobis extenuemus. Iam & ipsum, quem semel adierit, principem observet & revereatur legatus perpetuò: nec illius titulis aut juribus tam dicto quam facto detrahat vel tantillum: quod si vel aliquid sibi ab eo displicuerit, non queratur vel evulget à vestigio, memor dicti illius Romani sapientis: *Potentiorum iniuriæ non solum patienter, sed hilariter etiam fronte semper esse perferendas*. Sæpe accidit, ut potens injuriam injuriâ cumulet: & si patienter feratur, non omnium optimè facti compunctus conscientia, eam beneficio obliterandam potiùs arbitretur. & unum aliud beneficium tandem sequatur: *raro enim gratis datur aliquid*, quominus is, qui semel gratis dederit, ad dandum

non denuo invitetur. Quanquam nullius rei minus quam beneficiorum, ab externo principe venandorum, insit legato cupiditas, imò evitari omnis debet suspicio cupiditatis; ut vimirum principis, à quo missus est, facta tectaue conservetur dignitas; quæ ut medico salus, imperatori victoria, legato sit proposita: merces enim ratione mercatorum, & principes domesticorum nonnunquam æstimantur. Quæ quoniam magna & principum, & legatorum pars non intelligit, aut saltem intelligere non cupit, propterea principes, huc & illuc illis mittendis, sibi non parèquè semper satisfaciunt, & eorum culpâ aut in odium aliorum contemptumve incurrunt, aut ad aperta bella, bellorumque incendia cum vicinis veniunt, aut aliquid ejusmodi committunt, quod ex ipsorum non est re, neque dignitate. Cordati enim & prudentes legati, omnis honestatis & pacis, publicaue tranquillitatis, non dissidiorum vel bellorum præstare se debent authores. Sed nec interim etiam, vel maxima proposita commodi, aut quietis spe, indignum se suoque domino committant aliquid, neque in principem comitatumque suum impune perbacchari alios patiantur. Major namque, quam vel vitæ ipsius ratio, habenda est dignitatis: & qui fert temerè unam, facili alteram invitat in se contumeliam, unde postea exoritur despiciatus: quod etiam solers & providus magis, sui suorumque le-

gatus sit indagator, non eos, quæ in buccam veniunt, garrere, non dissolutè vivere, non alioefaciat huc & illuc discurrere, non subito nova sibi latibula quærere extra domum ludendi, bibendi aut dormiendi, non denique temere evagari per urbem & compita semper, non suspecta infamiaque invisere loca, ut rixarum & cædum occasiones suis perimant, facildè patitur; nam ut nescio cui servituti id simile fuerit, præstat quidem certè comitatus suo, ad bene beatèque vivendum exemplo & authoritate præire, & demere semper aliquid, quàm adungere potius libertatis. Id autem potissimàm fiat in principio, ac cœn quodam vestibulo & ingressu rerum & legationum: prima namque in oculos incurrunt maximè, & ab exordio de progressu rerum, ut plerumque fit, judicatur, nec ea, quæ de nobis in animis hominum semel inhæserit opinio, facildè eradicatur. Meminerimus, quàm & nos etiam curiosi domi nostræ sumus, cùm legatum & externum aliquem dominum ad nos contigerit advenisse, die noctuque, ut ita dicam, res ipsius rimamur, statum & conditiones omnes scrutamur, familiares intuemur, hoc idem, ne apud alios nobis quoque eveniat, videamus, demusque sedulò operam, ne sorte aliquis, tam à nobis ipsis, quàm à domesticis nostris, priusquam necesse sit, res & mandata nobis data expiscetur: nihil enim est turpius, quàm fumum priusquam flammam
(dixit

(dixit ille,) in legatione alicuius appare-
re, quod non aliunde quàm à legati, aut e-
jus familiarium proficiscitur vanitate; cùm
aut suos suorumque res immoderatis ple-
rumque efferunt laudibus, aut minas mis-
cent precibus, aut aliorum vires & reliqua
verbis, ut fit, extenuant, non sine stomacho
& indignatione tam ipsorum principum,
quàm ejus etiam senatorum. Omnes enim
ubique contemni nos non libenter pati-
mur; sed hanc impotentiam externorum
in loquendo animi, domi nostræ potissi-
mùm averfamur. Quamquam nec illud qui-
dem expedierit, fictis aut etiam nimis lau-
dationibus principum venari gratiam; &
aliud (quod ajunt,) stantem, aliud seden-
tem loqui, & nunc hoc hodie, nunc illud
postridie, cum non obscura quadam suspi-
cione vanitatis. Quod (ut plerumque fit)
accidit, cùm aut lippis tonsoribusque nota
longâ oratione tractamus, aut quod antea
extenuavimus, ornamus & amplificamus
dicendo: nihil enim magis virum decue-
rit, quàm nunquam sui, suæque oblivisci
firmitatis. Memorant Carolum Quintum,
at qualem & quantum cæsarem? post ini-
tam cum Francisco Galliarum rege ad Ca-
meracum pacificationem, cuidam legato
summis encomiis in os eum laudanti, in o-
rationis fine dixisse: Vtinam, inquit, &
nunc laudasses, & biennio antè in Anglia
vituperasses me parcius, æquè utroque
nunc caruissem. Modus in laudando juxta

ac vituperando fuerit optimus; & cum vivis, tum vero præsentibus offerendis, convenit esse moderatum: *dies enim ante occasum, & homo ante diem mutatur supremum.* Dare præterea alicui nimium in os laudis, habet speciem nescio quam assentationis; neque tam virtuti tribuere, quàm in aures principum influere velle judicatur. Vnde ille Carolus Burgundiæ Dux crebris usurpabat sermonibus, neque laudari acriter, neque vituperari vivos principes oportere, quod unum periculo, alterum suspitione non careret adulatoriæ artis valde inertis. Iam & illud legatus meminisse debet, si vel illo statim momento, rebus sui principis nomine postulandis, minime potiat, non despondendum esse animum, & si vel repulsam ferat, ad minas & expostulationes non veniendum, non semper sunt bonæ, quæ c. t. d. dantur responsiones, nec multum à repulsâ proficiunt contentiones. Quare, si vel meliorem causam habuerimus, declinanda semper est injuria; impotenter causa tuenda; cum non tardè accidat, ut contrariæ parti vel aliquid de nostro jure concedendo, rursus in nostram pertrahamus eam sententiam, quod nimirum opinionem prudentiæ attulerit nobis singularem. Ut enim equi fessoribus, sic principum plurimi dardioribus resistunt oratoribus, moratis & moderatis multa concedunt. Quod cum semper & ubique valuerit, tum potissimum tractandis rebus cum iisdem regibus.

regibus, quos, non secus quàm Cetos marinos, in littus deducas paulatim, repellas vehementius impellendo: volunt enim, quod dixit ille, hæc idola coli, & vix faciunt aliquid moniti, tantum abest ut coacti. Quare si impugnanda regis aut alicujus magistratus fuerit sententia, excusabit se legatus primùm, deum verò in verbis, gestu & oratione, omnem necessariam adhibebit modestiam, & suam propensissimam erga principem testabitur voluntatem: & denique, si duriora fuerint postulata, non à se sed principe à suo id ostendet proficisci: ut enim sol, si hominis verticem immineat, aut prorsus tollit umbram, aut reddit quàm minimam; sic maximi alicujus principis conditio aut gloria minuit invidiam. Minor denique supremi, quàm minoris livor est magistratus, nec tantus absentis regis, quàm presentis ipsius oratoris: qui quò etiam sibi aliquando negata dolenter tulerit minùs, eò illius, qui negaverat, experietur vicissim erga se commutationem celerius voluntatis: ægrè enim omnes injustitiam nobis obijci ab aliquo patimur; alius vero alio faciliùs amplectitur æquitatem. Ferunt eundem illum Carolum Quintum, Romanorum Imperatorem, (libenter enim in magnis, magnorum principum perstamus exemplis,) Ioanni Dantisco, Episcopo Varmienti, Sigismundi Primi Regis Poloniae legato, in petenda pro Regina Bona ejus conjuge, ab

*Ioanni
Dantis-
co.*

Itabellæ Arragoniæ ipsius matris morte,
 Barenfi hereditate, duriores se initio præ-
 stitisse: Quod cum Dantiscus paulo tulif-
 set immoderatus, & vinum suum principem
 pari, cœnatus alicubi, exclamasset, hæsit
 in illa aula opinione sua diutius, nec vel
 aliquid aliquamdiu visus est impetrasse:
 demum verò modestior in sermone factus,
 vel è medio, quod apparaverat, convivio
 ad Casarem venire repente est iussus; qui
 in venationes iturus, & per multos dies ab
 aula dicebatur absiturus; sed tum nimi-
 rum vel maximè Dantiscus, licet vino in-
 caluerat, moderationis & eloquentiæ lau-
 dem apud Casarem promeruit singularem,
 & quod diu non poterat, illa die impetra-
 vit; neque enim per æquè urgendis princi-
 pibus, quàm eorum observandis nutibus
 compotes reddimur nostræ voluntatis.
 Quo facilius intelligas, quanti momenti
 in prudentia legati sit positum, & quàm
 vere ille quondam rerum dominam sapien-
 tiam appellârit. Etenim sapiens legatus,
 quæ impetrari vel secus possunt, animo
 cernit, & in posterum rei quoque tentan-
 dæ vires non incidit, nec spe concordia a-
 lios excludit. Multa enim & gravia ferun-
 tur, quæ omni prorsus adempta spe, ægrè
 possent tolerari. Quid etiam magis, cum
 obtentu aliqua res videbitur difficilis, im-
 perfecta potius relinquatur, quàm ut prorsus
 abiciatur. *Hus posterior magistra est*
prioris, & semel atitilla de negotiis publi-

cis conferendi fide, aut etiam potestate, non tam aliquis efficitur citò ejusdem compos facultatis. At verò, cujus rei gratia legatus petitiu[m] est missus, si fortè obtinuerit, ad imponendum universæ rei & tractationi finem, nihil moræ interponat; sed quæ promissa ei fuerint, consignet litteris, & quoad ejus melius fieri poterit, acta conventa efficiat firmiora: neque iis rebus ullo pacto indormiat, cum nox interposita, siue auditio una, & vel nonnumquam falsa, perumpat omnia, & desideriorum viri, ut regalis ille Propheta alicubi eos appellavit, hac tempestate reperiantur quamplurimi, apud quos opinionum & variarum cogitationum perpetua quadam regnat vicissitudo. Semel autem de controversa & decisa re, rursus controversia orta, non secus se habet, ac corporis aliqua ægritudo, quæ si semel curata recrudescit, plus in curatione habet difficultatis. Nocuit ergo, quod dicitur, differre paratis, & manus asserre iurmatu-
ris. Atque hæc quidem omnia usu & tractatione constant rerum, & quadam veluti mensura, quæ non magis medico, quàm politico observatu[m] est necessaria: illi, ne ægrotantem perimat, huic, ne, quæ immortalis esse debet, evertat Rempubl. Præstat tamen conficiendis negotiis, maturam quadam celeritate, quam supina uti tarditate: *præterpropterea enim celeritas inimica est consilio; sed procrastinatio omnium & con-*

filiorum & actionum est perturbatrix. Sed age progrediamur: nam eidem illi legato curæ sit, ut scribendis tam ad populares, quam ad externos literis, ab his vel diversorum argumentorum epistolas sapientius vicissim sortiatur: quas cum amicis quidem communicabit liberius; sed neque suspectos in amicitia expertes earum faciet, demptis præsertim his, quæ minùs communicanda videbuntur. Qua de re eos ad quos scribit, & à quibus sibi scribi volet, tempestive admonabit, & id vel maximè propterea, quòd nulla res prudentiæ opinionem magis nobis conciliaverit, quam rerum vel exactissima cognitio, tam quæ antè fuerant, quam quæ & nunc passim geruntur. Vnde etiam quidam solos reges, eorumque consiliarios atque legatos, curiosos esse ex instituto debere testabatur, cæteros non item, quibus non peræque incumberet cura publicorum commodorum, siue dignitatis: suo enim quisque debet se metiri pede, & contentus esse sua tantummodo functione. Iam vero non solùm ostendendis literis, sed crebris etiam & officiosis visitationibus, tempestivisque convivis tam aliorum legatorum quam quorumcunque aulæ procerum conciliatur legato benevolentia, & quasi imponitur necessitas quædam, aliis quoque, quod tamen ille minimè spectare debet, ejusdem voluntatis & humanitatis erga legatū declarande. Pulchre enim Romanus ille nescio quis:

Alien-

Aliena, inquit, pocula siccas, nemo tua; aut redde vices, aut desine velle vocari. Et fit profead magna magnis inter se viris dilerendi sive facultas sive cupiditas ubicunque, sed ubi incaluerint ad mensam, maxima. Etenim multa multi vel ultro ipsi confitentur in mensa, quæ vix aliquando confiterentur in tortura. Quid, quod non ad nostrorum tantum principum, ad quorum redundaverit id gloriam, sed ad aliorum proculdubio gratiam hac ratione struitur nobis via maxime compendiaria; aded ut quorundam principum legatos, tractandis hoc modo eorum consiliariis & aulae familiaribus, primum gratiae locum apud exteros reges & principes tenuisse audiamus & legamus: non enim homines tantum, sed & simiam aliquando suam in honore haberi non illibenter videre se, nescio quis ille dixerat Imperator. Qua ipsa de causa principum in gratiam se ut legati magis insinuent, non tantum aulae proceres, sed adeo etiam regios domesticos quosque mensæ suæ adhibebunt: cum illis familiariter, ut fit, contabulabuntur: cum illis nunc hos, nunc illos miscebunt sermones: illis hinc & inde sibi allatas ostendent literas: cum his principis tam sui, quam ipsorum perhonorificam facient mentionem: cum his statis temporibus, cum aut strenæ, aut similia dantur munuscula, hilarè versabuntur, & dona dilargientur. *Omnia enim serè qua aut fiunt, aut dicuntur*

in aula, principem non effugiunt, & pari rursus modo rationeque pensantur: nam fama est malum, quo non aliud velocius ullum, dixit verè Poeta, & qua principum nostrorum ad aures, sive bona, sive mala illa fuerint, quæ de nobis circumferuntur, pervolant derepente, unde aut dolent, aut lætantur. Itaque & habitare commodè, & multò, quàm si privatus esset, se perere splendidiùs, legati expedierit dignitati, & hac in parte nullis parcere sumptibus; si fortè odio, aut incuria eorum, quibus hospitiorum distribuendorum munus incumbit, id non assequatur: splendore enim & magnificentia capitur multitudo; & sive ut nos contemnat, sive suspiciat, facillimè incitatur. Denique qui commodè habitando & alios ad se invitando, munerandoque gratificatur pluribus, vix est credibile, ut ei vel ab uno non referatur gratia, & principes ad ornandum & remunerandum non commoveantur: fidelis enim servus sit benigno domino, & hic beatus fido & taciturno. Absit tamen semper inanis profusio à legato & legati domo: & quæ debet esse officina pudoris & continentiae, non sit libidinis & diurnæ nocturnæque comessationis: debemus enim uti, & non abuti nostris regisque opibus & muneribus, cumque domi, tum foris esse continentes, & cum id probare cunctis, tum nostris vel imprimis regibus, qui dissolutis & profusis haud ita libenter
beneficia

beneficia largiuntur : *dolium enim perforatum, & hominem sui oblitum vix impleveris.* Quanquam hac in parte semper animi prævaluerit magnitudo, pudetque iis nostra denegare bona, qui pro nobis præstiterint vel pertulerint graviora : *refugiunt enim omnes, quem nulla remuneratio sequitur, famulatum.* Ac memorabile inprimis fuerit, quod de Ferdinando Consalvo proditum est memoriae, qui cum Ferdinando Hispaniarum Regi Catholico, regno Neapolitano sub Gallis recuperando per multos annos egregiam navasset operam, tandem quarundam rerum insimulatus, coëgit ipsum regem, ex Hispaniis Neapolim navigare, & administrati illius regni, ac tam perceptorum, quam expensarum rationem ab eo postulare : tum ille, modico sibi eam ad rem sumpto tempore, parva quadam scheda postridie ostensa, omnia expensa ea contineri fidenter confirmavit, facileque obtinuit, ut & rei bene gestæ, & pecuniæ non male locatæ memoria nihil ab eo magis exigeretur : ut enim magno constet, videtur constare modico publica quies, & regni possessio restituta : hoc eodem modo & summi alicujus legati excusabitur interdum profusio, si constiterit omnibus ejus profusionis ratio, utpote ad scienda quæque regum regnorumque secretiora, ad indaganda, & aliquando corrumpendos eorum consiliarios & consilia, ad fomites bellorum impediendos, ad oppres-

oppressos sublevandos, ad rebelles propter exemplum pecunia emptos, & ad supplicium rapiendos, & id genus alia. Et si denique à legato & ejus principe ad unam illam Christi Opt. Max. gloriam, & publicam pacem & tranquillitatem, tanquam ad certum scopum fuerit perpetuò collineatum; multa quippe etiam suspecta & odiosa, plana feceris atque grata, uno illo prætenso & præ oculis semper habito fine & studio, divinæ gloriæ & Reipub. utilitatis. Neque tamen vel his etiam rebus & actionibus omnibus lubricæ & præcipitis cujusdam ambitionis & curiositatis legatus notari se temerè patiat. Relinquenda Deo Opt. Max. sunt quam plurima, & tempori ipsi, quod ratio sanare non potest, aliquando committendum. Et denique nec iis, qui nunc huic, nunc alteri parti operam venditant suam, multum adhibendum fidei, & concedendum auctoritati, qui una manu porrigunt panem, & altera ingerunt scorpione: cùm qui non fuerit fidus suis, qui fiat longinquis & alienigenis? Postremò usu etiam venit, ut sciscitandis veris, infinita mendacia domum referamus nostris, & pudeat pœniteatque nos sumptuum factorum, laborumque obitorum, ut interim livorem invidiamque taceam, qua curiosi isti flagrant, & periculum, quod ardeliones, qui uno ore flant & sorbent, manet: & præterea quod denique semel amissa fides talibus nulla constiterit

constiterit ad omnem perpetuitatem: certissimum enim est, passim & ubique leves haberi malignos, percunctatores garrulos, curiosos mendaces, & omnes denique acres imperus in perfidiam plerumque cominutari, qui non tam citò emunt, quam subitò divendunt, nec tam facillè metunt, quam disseminant falsitatem; quo nomine multi in bene constituta Repub. puniti sunt & fuerunt: quod ut principum legati impune aliquando tulerint, tanto quidem subierunt invidiæ magis, quanto ad vanitatem ipsorum major accesserat auctoritas, & auxerat vulgo odium *impunitas*, *perpetua quadam illecebra delinquendi*. Sit postremo legatus, quoad ejus fieri maxime potest, ut suprà etiam diximus, sanctimonix & castitatis speculum: non inventor & artifex libidinis, aut inhonestæ alicujus voluptatis. Etenim quò Deo Opt. Max. addictus & devotus aliquis magis fuerit, eò etiam reverentur omnes cum libentiùs: & quò sibi plura licere legatus arbitratur, eò, ut sit diuturnior, moderatiùs utatur illa eadem libertate. Fama vulgatum est, barbarorum quendam legatum ob nefaria crimina, ostensa ex ipsius lege, necessitate moriendi, Lusitanos exussisse. Nec scio si injuria: Nam legatorum licèt corpora habeantur sacrosancta; legatio tamen ipsa innocentia debet esse tecta, & non stupris ac maleficio publico cooperta. Quo loco magnus quidam campus mihi
o boritur

oboritur de jure legationum differendi : antiquissimum enim habetur proverbium : Legatus neque cæditur , neque violatur. Et de caduceatoribus Eustachius meminit ; Divinum eos genus existimatos , aut certè inter Deos & homines medium , nec nisi à Lastrigonibus , Cyclopibus , aliisque , qui fas non norunt , de his aliter cogitatum ; eosdem etiam Iovis atque hominum nuncios ipse poetarum deus nominat Homerus , & Xenophon de Pædia Cyri , honorandos ait oratores , itemque Cato : Nemo , inquit , homo nocet caduceatori. Secus tamen se habet de mentitis legationibus : qui aut legati sunt ad neminem , aut legationem suo tempore non proferunt , aut denique si legati fuerint , non tamen ad eum ad quem se misissos testantur , quos tamen crebrius impunitos dimissos , quàm severitate aliqua animadversionis legimus violatos. Nam pulchrè alicubi de Africano Valerius , voluisse eum potius , ut Romani Imperatoris decepta fides , quàm frustra implorata judicaretur. Iam & illud in quæstionem venit : an tuti legati etiam cum his sint , ad quos non mittuntur ? Sed facile ea dissolvitur quæstio. Cùm legati ad hostes missi , hostilia molientes , si paria patiuntur , non habent quod justè doleant , non secus quam milites , qui quod non pro se , sed pro principe suo se dimicare profiterentur , & propterea sibi vellent parsum. Vnde Livius de

de Macedonum legatis verba faciens, in hanc loquitur sententiam: Felici, inquit, primum evasere mendacio, mox verò cogniti capti sunt, Romamque deducti. Et enim legatis ex ipso nomine, ad alios non sunt, nisi ad quos legantur, nec jura legationis obtinent, nisi quibus debent ob consilia communicanda. Sed hoc quidem de stricto, quod ajunt, jure multi esse autumant: secus expedierit rebus & dignitati regum & principum maximorum. Nam & Alexander Magnus legatis Carthaginiensium pepercerat, qui ad Tyrios in eum animandos erant profecti. Quo nomine Carolus V. Cæsar rursus à Gallis reprehensus, quod eorum legatos ad Turcam euntes jussisset interficiendos. Sed hæc quidem differunt: non enim Christianorum cum Mahometanis communio, nec illorum qui quærebant sua, cum his, qui divinam tuentur gloriam, ulla est similitudo. Sed ad propositum revertamur. Sunt enim legatis homines pacis, & principis aut Reipub. personam gerentes, Rempub. pacificè tractantes, propterea vel apud hostes ipsos debent esse inviolabiles: nec solum in amicorum tectis, sed etiam in inimicorum telis tutè versari. Nam qui alterius legatos læserit, non speret stare jus legationis suis. Est tamen exemplum Majoris Africani, qui teste Appiano rogatus, quid fieri Carthaginiensium legatis deberet, nihil tale respondit, quale Carthaginienses: multi enim spe-

ſpectant, non quid aliis fieri poſſit, aut debeat, ſed quid inſtitutis patriæ moribusque eorum conveniat. Nam in interdita legatione ſupplicum miſereri, vel ipſo Cicero-
ne de Inventione teſte, vulgò omnibus probari, & aded legatos ſpeculatores & perfidos, impune dimiſſos legimus vel nonnunquam. Poſthumiuſque Dictator Romanus, legatos quosdam Volſcos convictos ſpeculatores ſervavit: quia, ut Dionyſius prodidit memoriæ, legationis nomini, quod præ ſe ferebant, plus dandum cenſuerit, quam certo facinori rependendum. Quibus tamen rebus minime legatus conſiliuſ, vita & moribus ſeipſum oſtendat honorandum: nam magnuſ quidam, magnique vir conſilii, cum multas & varias legationes obiviſſet, domum tandem rediens, quid potiſſimum legato ineſſe oporteret, quaſituſ, manuſ primùm ori, demum membris admovit genitalibus; quo innuere volebat, legatum utraque re debere eſſe continentem: ſed eadem illa tandem etiam exporrecta manu teſtabatur, oportere eſſe magnanimum & liberalem. Quæ quidem magnanimitas non ſolùm continetur dando, verùm etiam munera aliorum reſpuendo: nihil enim eſt inquinatius, quam eum, quem non modò factu, ſed nec violare faſ eſt verbo, muneribuſ poſſe corrumpere. Nam qui ſemel acceperit munera, & largitionibuſ ſe patitur violari & corrum-
pi, is (ut olim in Aſchinem quidam dixerat)
non

non jam constans manere potest iudex publicorum commodorum; in ò ut & legationem rectè obierit, credi, id non oportere, nec fieri posse omnino. *Quandoquidem is, qui pecuniam recipit, sui ipsius dominum illum constituit, à quo acceperit; ut ex Socrate libro primo de ejus dictis factisque refert nobilis ille Græciæ historicus Thucydides; & Demosthenes in adversarium invehens: Non concio, inquit Æschines, manu in sinu conditâ, habenda, sed legatio eadem manu in sinu retentâ potius est obeunda. Proinde & alicubi testatur Valerius, legatos quidem aliquando Romanos accepisse munera, sed detulisse in ærarium, idque prius quàm ad senatum referrent legationem: neque sanè id injuria: de publico enim ministerio nihil unquam privatis accedat, quàm rectè administrati officii commendatio. Quod nescio, si & in Venetorum Repub. domicilio veteri libertatis & virtutum omnium armamentario, non observatur. Pulcherrimum enim de Xenocrate Atheniensium legato Philippi illud fuit testimonium, quod solus Athenas muneribus incorruptus rediisset: secus tamen est de esculentis & poculentis muneribus, & parvi momenti aliquibus, quæ aut legato principid, aut intermedio tempore, aut etiam mittuntur à principe tandem postreimd, tantum abest ut ambita, quod nec sperata quidem, quæ licet essent etiam opinione majora, cum quo.*

quodam veluti contemptu aspernari, & remittere principi, si non esset, saltem diceretur rusticitatis. Cujus rei reprehensionem legatus ut effugiat, pro re & tempore munera accipiet quidem, sed tum & dona ferentes, tum & principes ipsos, si tanti fuerit, rursus alacriter munerabit, ita nimirum in ore versabitur omnium, & ad ea munera crebrius sibi offerenda, vicissitudine humanitatis invitatum excitabit non neminem, dat enim aliquis, ut illi detur, & officia præstat, ut referat vicissim. Quanquam hæc mercatura videtur potius, qua nihil est sordidius: officia enim & beneficia, si non sunt, volunt saltem videri gratuita. Etenim non hominum est amicitia ea, sed pecudum, quæ spectatur emolumentum. Age, an & illud legato non magnopere utile necessariumque fuerit, ut cum iis, qui in eadem legatione antè fuerunt, sæpe multumque colloquatur: ingeniū ejus ad quem mittitur principis, & aulæ procerum mores, regionum situs, instituta & consuetudines nosse prius discat, quàm ed venerit: & omnia vel minutatim ab iis, qui ibi prius versati sunt, peruestiget, quæ ad tantum tamque arduum munus feliciter obeundum pertinebunt. Sicut enim ii, qui difficultates maris superaverint, monent alios fidentius: sic & ii, qui magnos legationum exantlarunt labores, præstant consilia saniora: una enim alterave dies tractandis negotiis data, ad rerum

rerum usum comparandum, multorum mensium præstiterit lectioni, præsertim si tales legati illi fuerint, qui minimè obtuso ingenio fuisse, & cum summis in aula viris amicitiam habuisse videantur: & qui denique nominis sui memoriam in discessu reliquerint gratam, sublimiores honorando, inferiores munerando, & omnes humanitate & officio sibi devinciendo, & cunctis denique aut per se, aut per suos valedicendo: hæc namque officia constant parvo, & magno interdum æstimantur. Qui idem, ut in aulam alicujus regis venerit, nihil habeat prius aut antiquius, quàm sine mora velle adire regem, deum & perpetud & in omnibus ejus veluti quoddam numen observare: honorare item ejus consiliarios, & non contemnere vel inferiores alios: à sui autem consulto cavere similibus: hoc autem est ab externis legatis aliis, eorumque ministris omnibus, qui huc & illuc cursitant, & minutatim quæque explorant; non quod eos honorare par non sit, sed quod semper inter æquales perpetua in aula est æmulatio, parum fida mutui amoris conciliatrix. Quo etiam nescio quis unius legati errorem aliis ornamento, aut saltem allevamento dixit esse, propterea quòd non tam ille, qui errorem commiserit, citò reprehendatur, quàm alii quodammodo tacitò collaudantur, & adducuntur in exemplum: minus enim habet anxietatis & turpitudinis

error

error per multos latè fufus, neque iis, quæ exemplis defendas, tantopere evadis odiosus; postremò plena, ut dixi, omnia in aula sunt invidentiæ, ut simulandi & dissimulandi teſta ſint artificio: & ut ii qui talibus utuntur artibus, parvis ſæpe periculis expoſiti, & excellentes ceu quidam magiſtri populi ſibi videantur: inter namque annuſtantia multa, vulpes ſunt aſtutiſſimæ; & tamen vulpium, quàm aliorum pelles circumferuntur plures. Nunciet interim legatus aliis latiora, quæ inaudierit primus; ſed ad ſignificanda adverſa & arumnoſa ſit poſtremus: & ſi interrogatus de iis fuerit, nec pervulgata ſciverit, occultet ea fronte & ſermone, ne in aliena calamitate exultare videatur. Et obſervandum illud eſt ſemper, ut lippis & conſoribus (quod vetus habet verbum,) priùs innoſceſcant omnia. Demum à palatio regio, & legatorum domo exeant nuntii rerum, præſertim adverſarum: *ubi enim plurimum authoritatis, ibi minimum ſit vanitatis.* Nitidæ porrò & magnifica legatorum ſint menſæ: perſonent acutè dictis, & excellentium ſcriptorum legendis monumentis: abſit vero intemperans aut procax locutio, & quæ aliorum exiſtimationem rodât, calumniandi libido: ubique enim maledici diſſimulanter ferri vix debent, ſed in ſummorum principum legatorumque domibus omnium minimè tolerantur, ne ſalis adſtipulari auditionibus, & patrocina-

nari maledicendi videamur libertati. Absint etiam Quathonum parasitorumque greges, cauponantium item mores & clamores obsecraque omnes exulent voces, ne, quæ una maximè regibus eorumque legatis odio esse debet, participes velimus esse levitatis. Seria se colis in domibus præsertim regum, eorumque legatorum præposere miscetur. Vnde aliquando Romanorum Imperatorum necio cuius, tribus oneratis navibus, plenis instrutionibus in Pontum missis, tres tantùm sapientes pro iis sibi remitti à præf. & postulavit: *maledicum enim auri magno pondere plenum, anteferretur*: & demum tam à legato ipso, quàm ab ejus domo blasphemandi, parriendi, nefasendi, aut demum quæ collibuerit apendi semper absit consuetudo. Multa namque in multis notantur alius, sed potissimum aut in legatorum conatibus, aut in ipsis domum legatis. Domum neminem ex parte legatus se contineat & dormiat, neque in turram se frequenter det, in oculis eorum hominum quotidie variari quadam veluti infirmitate, homines quantamvis magnos, minus seculi verendos: & ætate vel præstibus aut nobilitate, aut etiam virtutis nec privatim necque publice infulgent, & ad illius eximium se totus componat, qui vitam hominum sibi ostaverat, in qua quæ interdum, postquam exeret, perperam committeretur. Moresque & legationis legati famulantes nota recte mactant.

que, quod omnibus collibuerit, agendi temerè sibi usurpaverint potestatem. Regna multos non capiunt simul: & sicuti quidem plena sunt in aulis invidiæ & obrectationum omnia, qui vel aliquando sibi plusculum sumplerit libertatis, in immentum arrogare dicitur voluisse. Non possum non meminisse, quid Ioanni Przerembio, Gnesnensi Archiepiscopo, summo illis temporibus viro, sed paulò in suos indulgentiori, Sigisimundi Regis Poloniæ apud Ferdinandum Cæsarem legato, Viennæ acciderit, cum ejus quidam aurigæ pragranti curru, octo equis junctis, ad secanda ligna extra urbem discessissent, & aut alterius sylvæ ignari, aut longius iter veriti, in proximiorē & Viennæ magis vicinam sylvam divertissent, quæ Imperatoris ipsius non tam utilis, quam delictis servabatur. Ex hac igitur sylva cum pragrandem illum lignis onustum currum Viennam traherent, Ferdinandus, ut eos est compicatus, ita subito exarsit, & aurigas, cupulam essent quæstum mittere, & ipsi demum interrogare ipsos non dubitavit. Tum quidem aurigas illos barba paucis illis latinis voculis (si Deo placebant) sapientes, Archiepiscopi Gnesnensis, legati nati, & Regni Poloniæ primatis, ac apud Cæsaream Majestatem Poloniæ Regis oratoris esse se testati sunt, & alio latino sermone Cæsari respondere non dubitaverunt: Quò magis, re, ut sit,

Ioann.
Przeremb.
Archiep.
Gnes.

fit, in risum versa, & quod vel ipsi etiam aurigæ apud Polonos latine loquerentur, omnibus inter se jocantibus, jussi tandem impune sunt proficisci, non sine tamen tacita qua iam reprehensione, quod vel aurigæ tantum sibi sumptissent in alieno solo libertatis: *in licentia enim ferè semper, pudoris & moderationis nunquam apunt aliquem potuisse.* Etenim licentiosi & insolentes, non modò ipsi, sed etiam eorum causa innocentes multi plectuntur. Itaque nemo quidem legati familiarium auctoritate sui domini, si vel maxima fuerit, spiritu augeatur, & quod libere, hoc & licere passum & ubique sibi existimet: *Sæpe enim serena condita, & facta dilaçus modestia distincta, nil il habent vilitatis.* Quocirca & legatus ipse non tantum vivendi, sed & immoderate expers sit parciendi: quanto enim aliquis continentius vixerit, tanto (ut plerumque sit) & à loquendi si licentia magis se sejungit, nec ungendi & pungendi (quod vetus habet verbum) utitur contrerudine verbis alicubi facinoris. Quæ quidem consuetudo cum semper & ubique fingenda fuerit, tum vel imprimis in consessu regum & principum maximorum. Multi enim teneram, sed potissimum principes habent cuticulam, qui aculeatum legati sermionem & facillimè sentiunt, & agerrimè patiuntur. Exarsit aliquando inter Crucyeros & Polonos bellum, vel una Archiepisco-

pi Gnesnensis ad Magistrum Ordinis liberiori voce in translatione pacis prolata. Et notatus Caroli V. Caesaris legatus Didacus Mendocius est Venetus, qui, cum eo venisset, ad hunc modum apud prudentem illum senatum quasi ex abrupto verba fecit. Au hio, inquit, inter Caesarem meum, & inter Galliarum Regem, vos velle sequi partes, & alere bellorum incensiones: non est quodd ejusmodi consilia molitionesve agiteris. Vidi ego hodie ante hoc vestrum proximè palatium alborum lapillorum acre certamen, quibus ova, invidia ducta, confestim se immiscuerunt, & minutissima in frustra concisa sunt, cum illud, quod lapides tacere viderant, prastare se posse judicassent. Molestissimè tulerunt id Veneti, adeoque legatum monere & adhortari, ne ea libertate loquendi apud eos uteretur, & eam Rempubl., quae mille annis stetit, factorum suorum rationes optime nosse non dubitaret. *Fortuna quippe rationem, & petentes non libenter patiuntur mentem*, sed ut quidem intemperans alicui visa illa exponendorum mandatorum sit ratio, libertas oris differt à contumeliis, & pro re & tempore aliquando etiam est necessaria. Abignens Cardinalis, Polonorum legatus, Sigismundo Caesari, eidemque Hungariae Regi Bala exprobravit ea, quorum partium absint, quin poena à capitis periculo exolvisset. Sed tamen & eventus salves,

&c

& vel hoc ipso nomine à dignitate patriæ intrepide tuenda inprimis est dilaudatus. Ac memorabile vel illud quoque fuerat, quibus verbis Helvetiorum confederatorum legati Camera Spiritus præsidentem & consiliarios semel dicuntur fuisse allocuti. Evocabantur hi ad Tribunal illud præter morem majorum frequentius; sed quantum in illis tuerat, eo proficisci identidem recusabant. Postremo verò tandem cum literis & citationibus crebris urgerentur, miserunt Spiram legatos, viros inter se primarios, qui in publicum confessum admissi, ad eum modum suo illo Helvetico idiomate dicuntur perorasse. Domini, inquit, confederati Helvetii vos vicinos suos salvere jubent. Mirantur verò, quòd tam crebris citationibus vestris placuerit vobis diu eos vexavisse: orant & hortantur, ne amplius eos exagitetis. Sed usi sunt vocabulo quodam, quod nec dici quidem honestè videbatur potuisse. Obstupuerunt ad illa verba omnes; nec reperiebatur, qui facile respondisset. Sed se demum maturius examinata, ne ferox illa & indomita gens gravius aliquid in eos rursus tentaret, missos fecerunt, nec citationibus illos amplius evocarunt: ut etiam modestia grata, sic & libertas loquendi alicubi est necessaria. Quia tamen ipsa nec per æquè singulis, nec omni loco atque tempore, nec sine delectu & freno expedierit uti omni-

no. Etenim legationes liberæ vocis aliquando feruntur ; sed *contumeliose lingue semper & ubique coercentur*. Cupis rei exempla passim extant quamplurima, aded ut Spartanorum, Atheniensium, & Iuliani, & aliorum exemplis doceri posset, vel liberæ tantum vocis legationes puritas extitisse. Quod tamen probaverit nemo: verum si daretur optio, tutius in unam, quam in alteram partem utique peccaretur. *Omnes enim reges regere, sed domi sue adeo etiam aliqui cupiunt imperare*. Quo ipso honorandi sunt magis, si quis vicissim ab eis voluerit honorari. Raro item & modeste exponendorum mandatorum tempus ab eis est postulandum: *volunt namque cegi, sed regere principes; & ab eorum auctoritate, non a nostro arbitrio & auctoritate, nos pendere*; sic denam vel præter expectationem nostris adstantur facilius postulatis. Semel verò concessum, stricte & accurate observandum. Legato est tempus illis ipsis mandatis, quæ habuerit, exponendis. Fit enim, ut una aliqua opportuna occasione apud principes, qui se iustificari non patiuntur, amissa, quam diutissime alteram & tertiam expectemus. Sed & exponendorum mandatorum cum obtinebitur tempus, non eo est abutendum. Sermones cum principibus ferere, expedit semper parcè: verba ab eis liberè, aut aded etiam inconsideratè prolata non carpere;

pere ; & vel longissimas verborum circuitiones audire patienter , & si vel expectationi non responderint nostræ , omnia dissimulare. Etenim de garrulis legatis dictum id solet , quod non tam sortiri , quam concedere vulgè soleant audientiam. Ac reperiuntur profectò vel nonnulli , qui tam sui , tamque conditionis oblitum sunt suæ ; ut ad exponenda mandata hora sibi impetratâ , totam illam consumant , vel nonnunquam nunc his nunc illis sermonibus cum principe , ac si privatus esset , ferendis & protrahendis , sic ut ne unius quidem verbi proferendi principi ipsi reliquerint facultatem : quod cum principibus , tacuerint licet , fuerit molestissimum , tum nec ipsorum legatorum rebus , aut expedierit necessitati. *Index enim animi semper habetur oratio* , quo penitus cognoscendo , principis responsionibus audiendis , legatum patientem & moderatum esse necesse est ; aliàs nihil horum , quæ in rem ipsius essent , intelliget , tantùm sibi ipsi sapiet , & denique animus principis illa loquendi , & omnia sibi arrogandi quadam licentia , faciliè abalienabit. *Arces enim & possessiones , quàm rerum intelligentie laudem præcipi sibi principes facilius patiuntur.* Quod magis eorum vituperanda animi est impotentia , qui , tantum abest , ut quæ principes verba faciunt , patienter audiant , ut vel aded etiam eorum sermones (ut dictum est) interrumpant.

& prolata verba aut sententias reprehendant, quasi ipsi perfectissimi in omnium magnitudine atque doctores. Nam si hoc vel illo idiomate profertur parum emendatè aliquid à principe, mox in quaestionem vocant, & aded etiam solito carpiunt libertas, quasi in una aut altera tantum possum sit vocula, & omnium linguarum ecclesiasticarum in principibus necessitas imponatur absoluta, & ipsi his eorum dictis aut factis paranda sit sententia, cum ipsi nihil sciunt aut didicerint nisi ora. Sed inveniunt necesse cujus ostentandi ergo hæc & similia loquuntur. Multi enim non tam sunt, quàm videri acuti et parvi, & veluti facilius ipsi tandem hebescent Quo quidem nomine eundem legatum apud Ferdinandum Casarem memorant esse notatum, quo cum Casar, sermone arbitris, sermones nuscens, cum nescio quod verbulum contra præceptiones Grammaticas latinè protulisset, & vestigio, quod non latinum esset, à legato est acclamatum. Tum verò subridens Casar, oblitum se esse, quod cum patrygeo, & non cum legato loqueretur, argutè respondit. Et rectè quidem: quorsum enim fuerat, in eum principem sumpsisse sibi legatum tantum aded libertatis? Est legati munus, non nisi iudicium adesse: non nisi pro re & occasione verba facere, non nisi responsa sibi data patienter audire; non nisi acceptis pauca loqui: non nisi de re & ma-

teria

reria temporis, loco, & personæ suæ accommodata, in publico perorare. Turpiter se dedit aliquando Phormio, qui non iussus neque interrogatus, neque suo loco, & coram summo bellatore, de militari re differendi sumpserat sibi libertatem: omnium autem fuerat turpissimum, legatum cum Cæsare de Grammaticis loqui; aut illum nescio quem alterum obscenum protulisse verbum, cum Cæsar tale aliquid, quod ipsi admirationem moverat, fortè dixisset. Debet certè legatus homo esse prudens, & multò antè, quàm fungatur legatione, in agendis rebus, & cum principibus esse versatus, nec tam loquens quàm eloquens, nec tam dicax quàm perspicax, cui etiam ipsi in omni vita & actione, verbis & sermone, habitu denique & vestibus ipsis commendata semper sit modestia: non enim peræquè omnia, quæ licuerint, decuerint derepentè: & quæ convenient privato, non convenient fortasse legato: & secus juveni, secus provectioris ætatis viro, aut seni: secus huius, secus illius nationis homini: secus externo, secus indigenitali. Erat quidam rex, qui mirabatur uno eodemque serè tempore, sed tamen disjunctos, & separatim aliquanto missos ad se fuisse legatos duos. Italum Polonicè, & Polonum Italicè. Quanquam enim (quod dici solet) *monachum habitus non faciat*: tamen vel in eo etiam ipso, certa quædam condecencia maxime nos

condecorat. Non enim cuiquam vestem, sed ei qua usus est in die vesti, egisse non neminem gratias audimus vespere. Aditurus ergo legatus principem, primo illo aduentus publicæ tempore utatur ipse vestibus, quoad eius fieri minus potest splendidioribus. De reliquo ipsius nihil disputavero comitatu: illa enim in primo seu aditu & vestibulo exponenda legationis divitiarum & vestium ostentatio, habet non oblectare quid vanitatis, cum non decisset locus & occasio illarum ostendendarum, vel modico aliquo tempore interjecto, & quidem cum maiori legati ipsius prudentiæ laude, aut saltem levitatis excusatione, *progrediendum enim potius, quam regrediendum est semper*, opibus & divitiis ostentandis. Et haud scio, si expedierit, illa prima, qua legatus audietur, die vestibus indui novis, quod primus novarum vestium usus rejiciat nescio quid languoris, & aliquando vestium illarum crepitus, qui pro crepitu alio sordiori interpretari solet, audiat. Omnes autem graves personas movere non convenit risum, sed unum illum minimè externum legatum, à summo aliquo principe ad alium allegatum: & ut denique aurea frena equum, sic vel maxima vestium ornamenta, non fecerint meliorem unquam legatum. Licet tamen vel nonnunquam etiam vestibus uti legato splendidioribus, præsertim si juvenis aut vir fuerit militaris: habet enim

enim juvenus nescio quid delectabilis
semper viriditatis, & militia plus liberta-
tis. Observetur tamen illud vel potissi-
mum unum, ut quod ad alicujus diei, vel
principis honorem fuerit factum, præter-
lapso illo modico tempore non fiat am-
plus, & ad suam in vestibus & ornamen-
tis pristinam revertatur legatus frugalita-
tem. Ut enim voluptatum, sic & pompæ
rarior usus, habet plus non modò festivi-
tatis, sed etiam gravitatis: quippe per ex-
terna crebrius interna deprehendas, & ut
ex verborum ampullis, sic ex vestium co-
loribus & modis, mores & ingenia plu-
rium metiare. Avarus interim, & tam in
victu, quam etiam in vestitu, sordidus
fuerit legatorum nemo: sordes enim ve-
stium respuit aula, & non jam modestiæ
& gravitati, quam partim id tenacitati,
partim verò adscribit egestati. Victus ve-
rò & splendore epularum si aliorum erga
se humanitati legatus non responderit, ar-
guitur protinus tenacitatis, cum non ob-
scuro legationis suæ despicatu: nihil enim
minus, quàm parcitas & avaritia decernerit
oratore, si non aratorem dicendum po-
tius, qui suis perpetuò univsus moribus,
sanè agrestibus, nec alieno solo, nec ele-
gantia, inter quos versatur, hominum, ne-
que humanitate collegarum condocere
se patitur. Iocupletes namque & ni-
hili legati, tanquam quidam arietes aureâ
lanâ dotati æstimantur. Neque tamen

hoc uno, licet fado, vitio devitando legatus spectetur prodigus. Numquam as alienum contractum & non dissolutum, quam in legato turpis apparet. Alii enim legationes idè dicuntur ambire, & debitorum compellerentur nemine, aut vero persequium faze fortiter egestatis. Age verò, quanta vel in reliquis rebus legato prudentia fuerit opus videamus: si mina quidem certe. Etenim cum nihil difficilius videatur, quam gravitati facilitatem inorum, res longissimè a se distantes adungere, tamen illa ipsa re legato nihil magis fuerit necessarium. Est enim legatus homo ad principem aliquem missus, referens personam alterius, propter amicitiam, & publicam populorum tranquillitatem. Nam illi, qui a principibus ad privatos, & a privatis ad principes mittuntur, haud scio, si in legatorum numerum jure & merito referentur. Duplex quippe est legati species, quemadmodum & duplex materia ejusdem functionis. Alii legati tractandorum negotiorum ergò mittuntur, siue pacis, siue belli, siue induciarum illa fuerint, siue verò ineunda aliorum societatis. Ablegantur alii propter simplicem benevolentiae testificationem, ut videlicet pateat, quanti aestimamus socios, quanto odio prosequimur nostros & eorum hostes: congratulamur amicorum nuptiis, aut natis liberis, aut partis victoris; aut verò conlolemur morti & infortunio alicui. Et denique alii
sunt

sunt legati, qui perpetuo in aula principum manent: & alii extraordinarii, & qui ad modicum excurrunt tempus, brevi domum reversuri. Omnes tamen in universum legationes unum illum eundemque finem habent propositum, conciliandi animos principum, & publicæ omnium tuendæ tranquillitatis. Unde & legati partium fuerit, primum quidem à sui principis nutu & voluntate pendere, & nihil non agere, quod ipsius expedire commodis & ornamentis inprimis iudicabit: Proximum, & alteri pariter, ad quem missus fuerit, principi, omni officio satisfacere. Si enim hominum legatos cælestium legatorum exempla sequi non indignum fuerit; quis nescit, quid sit officium angelorum primum & præcipuum est exequi divinam voluntatem: tamen eosdem illos angelos commisereri nostræ humanitati, & condonare multa videmus infirmitati, sic ut sæpius pro homine, quæ voluerint, impetraverint. Unde etiam sacris proditum est literis: Regnum cælorum vim pati: quæ sanè non alia fuerit, quàm amoris & benevolentiae cuiusdam singularis. Si igitur angelus, non solum illi, qui eum mittit, verum etiam & ei ad quem mittitur, satisfacere desiderat, quid idem non faciat legatus, ab uno ad alterum principem ablegatus, quod non solum in maioribus, sed vel in minoribus quibusque rebus etiam observabit. Nam & illud quidem etiam est

necessarium, ut semel & iterum, aut ad summum tertio à principe consiliariisve ejus monitus fuerit, imperata legatus faciat, caput tegat, in loco, qui illi ostensus fuerit, sedeat, liberè mandata quæ habuerit proferat, & quæ meliori poterit utatur actionis dignitate. Multa enim in oratore sunt admirabilia, sed una illa dignitas actionis maximè est admiranda, libilis, murmurationibus & colloctionibus aliorum, si quæ fortè inciderint, turbati se non patiatur: fiunt hæc sæpe casu, fiunt etiam meditatio, apud barbaros præsertim, cum legati verba facturi versus obscuriora ponuntur lumina, ut de sole atque splendore in obscuriora ingressi titubent & turbentur, & vel aliorum sermocinationibus distracti hæreant, vel alienis cum metus imprudentiæve notentur. Ex qua nimirum recipit non nemo ridiculam licet, nescio quam, in aula voluptatem. Multi enim luminibus suis putant obstructum, si ab externis legatis ad admirationem publicè fuerit aliquid gestum, vel peroratum. Posteaquam verò principis alicujus legato responsum datum fuerit, eo, ad quem venerit, potissimum venerato, salutisque perhumaniter omnibus, & prætermisiss quibuscunque confabulationibus, domum se recipiat, & demum externos alios legatos, & aulæ præciosos, domi eorum visitei & alloquatur. Quid si prius vitatus ab aliquo fuerit, videat, ut vicissim pari humanitate

nitate respondeat, nec se officio in illo ceu primo quodam vestibulo & ingressu rerum superari patiatur. Omnia enim quæ in primoribus rerum fiunt, mentibus hominum facilius inhaerent, ægrè tolluntur, & futuri ejusdem legati mores & omnes quodammodo testificantur actiones. Attamen vel hac etiam ipsa in re detectus esto atque discrimen: ne, qui nobis multis gradibus inferiores fuerint visitando, nobismet ipsi principibusque nostris detrahere aliquid videamur. Demittere namque summi principis legato se iuvare, valde fuerit inconcinnum: & quia parum consideratè facturos se nonnulli exstiment, si venerato ipso rege, alios quoque ejus comitarios ibidem non salutaverint, propterea quid moris consuetudinisve aula illius sit, ad quam venerit, maturè prius exploret, antequam vel in ea re, quantumvis non magna, hallucinetur. Est in more & consuetudine aliquorum regum positum, ut adied etiam subterfugiant in eorum præsentia id honoris quidam, publicè ab aliis saluari, propter illam unam, quæ cum aliis communicari & dividi non debet supremam regalem majestatem. Infamis enim cum mediis, & medius cum supremis, semper odiosa & inæqualis est æqualitas, & differunt privatorum inter se officia à publicis legationibus regum: principes ipsi à consiliariis principum, alia denique ratio regii est palatii, alia privatarum adium: alius splen-

splendor solis, alius lychnorum. Quæ omnia exactissimè debet legatus considerasse: & si in his rebus publicisque muneribus aut inconsiderator, aut paulò fuerit timidior, &, quod à principe iubebitur, tempestive non fecerit, videat ne quod aliquando omiserit, iterum tandem facere tentet, & id, quod sequetur, non assequatur, ac non modò sibi, sed & suo principi, aliisque ejus legatis post se venientibus prejudicet. Pulchre enim nescio quis de hoc hominum genere aliquando pronunciavit: Accidit, inquit, iis, quod plerumque hominibus nimia pertinacia & arrogantia accidere solet, ut eò recurrant, idque cupidissimè perant, quod paulò ante contempserint, & observatum denique est, ejusdem principis aut nationis legatis, id quod semel & iterum moniti non fecissent, etiam petentibus his vel aliis facile postea denegari. Multa quippe in aula non semper optima; sed legatorum maxime errata in exemplum rapiuntur. Quod aliquando Caroli Quinti Cæsaris legatus apud Turcicum Imperatorem veritus, cùm ad exponenda mandata accitus aliquamdiu stetisset, neque confidere iussus fuisset, velle, quam habebat, substrata, hunc ipse sedit, & mandata sui principis nomine intrepidè exposuit. Mox confurgens, cùm illud, quod substraverat fortè, reliquisset, quamobrem id faceret, interrogatus, Cæsaris legatum, sellam sibi portare non solere, false

Caroli V.
Legatus.

falsè respondit : ipsis enim principibus, non legatis, si, qui par est, honos negatus fuerit, derogatur. Quod idem & de Sorantio quodam Veneto in Turcia legato vulgò fertur. Secus tamen est in diversarum barbararumque gentium, & nationum legationibus, quæ quoniam nihil commune cum aliis habent, nihil etiam, præter majorum morem, illis excipiendo innovetur. Nam perdidicimus illud fuerat, quod quædam, à vitæ moris & consuetudinis ignarus, Tartarorum legatis ad Regem Poloniæ accedentibus scammum curaverat ferri, ut confederent, cum illi, ut plerumque fit, venerati Regem, genibus flexis, mandata suorum soleant exponere. nec secus unquam fecisse memorentur. Quod magis curandum est, ut pro se quisque suo principe dignam humanitatem experiatur legatorum : sed nihil tamen (ut dixi) aut in moribus innovetur antiquis, aut in legato ipso moris vel aliquid deprehendatur incivile. Scimus non solum dicta aut facta, sed adeo etiam ipsi gestus, vultus & oculi notantur legatorum : & si his observandis non occupantur prudentes, hominum vulgus, qui bellua multorum capitum dicitur, vult cæteris hac in parte plus dispexisse. Quam adde eo timore & animi est arrogantia, ut cum ingredientem legatum caput tardius nudare, aut nudatam mox cooperire animadvertit, multitudo illa non amplius caput discooperiat, etiam ipso

Tartarorum Legati.

ipso nudante vicissim Oratore. Scitè igitur quidam dixerat , ad conciliandam vulgè benevolentiam non tantum procerum favore , aut mediocrium officio , sed infimorum etiam approbatione interdum nos indigere : procerum , ut juvent ; medicorum ne impediunt , infimorum , ne irrideant , cum hæc omnia soleant vel nonnunquam usu venire. Impedimur namque facilius , quàm adjuvamus ; irridemur , quàm miserationem sortimur , si veluti quadam velificatione mutata , contrarium non assequamur ? Quid ? an & legatorum ipsorum domos violari alicubi non videas ? cum aut fontes non tam legibus quàm parietibus suis tegunt , aut publicis magistratuum edictis aliqua in parte aliquando adversantur. Ibi quidem quantum in multitudinis erga legatum positum sit benevolentia , facile est cognoscere. Non enim tam citò ad arma conclamatur , cum n , quis furor populi & in legatum offensus sit animus , facile deprehendas , præsertim si veluti impunitate quadam , & vel dissimulato ad tempus facto , multitudinis in legatum armetur audacia. Non enim jus legatorum temerè violandum est . sed & legati , quantum in eis fuerit , illa ipsa de re cum multitudine experiri subterfugiant certamen. Quo loco multa sunt , quæ de jure admixtæ & contemptæ legationis dicerentur , sed hand scio , si omnibus sufficero. Durat quidem officium legati , quàm
diu

diu ipse in itinere durat, quàm diu in loco manet, & quàm diu eò non redit, unde est allegatus. Idque eò fit vel potissimum, quòd legati nuncii pacis habentur, & nunquam aut à nemine, tanquam homines pacifici, jure violantur. Unde ille Poëta de Oratoribus Æneæ verba faciens, sic alicubi cecinit:

*Tum satus Anchisæ delectos ordine ab omni
Centum Oratores. augustæ ad moenia Regis
Tre ubet, ramis velatos Palladis omnes.*

Nam Oliva est arbor Palladis, & signum pacis: & Æneas optimum quemque legatorum ex ordinibus omnibus delegerat, nemini tamen dederat provinciam belli denunciandi. Quin aded ex omnibus ordinibus eos ided se creverat, quòd universalem pacem requirebat. Non enim decent legatum alia, quàm pacis omnia. Et nusquam, nisi me opinio fallit, legati a limitarentur, nec pro hospitibus, sed pro hostibus haberentur, si aut hostilem animum apertè gererèt, aut arma tractare & expedire in eos, ad quos veniunt, viderentur. Modestissimi igitur legati eorumque familiares fuato: nam si, teste Aristotele, Pontici fibri sibi ipsi amputant genitalia, cùm in venatu vel maxime peti se suspicantur, legati prudentes ea non abjiciant, ob quæ potissimum venirent in discrimen? Par tamen est, incolumes non solum inter amicorum tecta, sed etiam inter hostium tela legatos versari. Nam principis propriæ sunt partes,

res, non modò curare, ne à se, ſuoque conſilio legatus ledatur, ſed neque ab alio quovis injuriam illam patiatur. Aliàs ut Coloſſi foris inſignes, propius ſi acceſſeris, luto fuerint pleni, ſic & principes, ſi tantùm equis, comitatu, auro, gemmiſque ſplendentur, & in animo ingui habuerint nihil, minime videntur venerandi. Eſt Iureconſultorum quorundam opinio, Legatis, qui apud ipſum ſunt, laſis, principis ipſius offenſi maiestatem, quod ad legatos, inquit lex, oratore comiteſve attinet, ſi quem eorum quis pulſaſſe & injuriam feciſſe arguetur, lege Julia de vi publica teneret. Et quidem quòd contra jus gentium peccatum eſt, tradi ſolitum fuiſſe delinquentem, ac domino legatorum violatorem quis ignorat? Qui legatos Apollinatium pulſarunt, Apollinatus; qui Carthaginienſium, Carthaginienſibus conſtat fuiſſe deditos, & ad ſupplicium condemnatos. Quanquam & delinquentis principem conſtituere poenam, qua injuriæ legatorum vindicentur, ſi id poſtulaverint, certiffimum eſt: ſic enim Saturninum, quòd legatos Mithridatis graviffima injuria affeciſſet, à legatis in judiciũ vocatum, Senatus mortis damnavit. Hoc enim eſt jus ſanctiffimum legatorum, quod qui aliquando contempſerunt, gravia ubique mala experti ſunt, & infinitas calamitates pertruxerunt. Unde alicubi Cicero: Legati, inquit, quòd erant appellati ſuperbius, Corinthum

rinthum patres nostri, totius Græciæ lumen, extinctum esse voluerunt; ut Hammonitas ob violatos legatos à Davide perditos; ut Arabes ab Herode caros non compemorem: neque Athenienses referam; qui in lè habito Dari legato, totam Atticam depopulari, & totam flinam regionem viderunt devastari. Nam & Ammianus alicubi in hanc loquitur sententiam: Vigilat, inquit, oculus justitiæ sempiternus, ultricesque diræ sunt legatorum. Non sine causa tamen monui, omnes legato devitandas esse occasiones, ut aut nunquam, aut rarissimè ad rixas & dissidia veniatur. Quod si una aliqua de re à principe aut ejus populis requisitus fuerit, & eam sibi necessarium faciendam esse cognoverit, dicat quidem licet, non sibi factu id esse facile, sed faciat nihilominus & non cunctanter & propensè. Duo enim per id assequetur; Unum primum, quod hæc natura est beneficii, ut nisi citò & alacriter collato magna habeatur gratia: Alterum, quod res, quæ à nobis petitur, sine aliorum ope & consilio concessa, majorem nobis opinionem valedè parit prudentiæ & auctoritatem: noticias enim, cui interdum plus debeas, an auctori beneficii, an verò consultori. Et pulchè rē quidam dixit: *Be-*
ne facta a nobis sunt nisi dari; minus verò ne-
ctas per alios delere amittantur: moles is cum
hominum suavitur, & suavitibus morantur.
 Itaque necn̄ etiam legatus totius aulæ,
 ejusque

ejusque tam procerum quàm familiarium
 investigabit mores, statum, rationes, con-
 ditionesque universas: linguam denique
 & alia intelligere discet: & tam munera,
 quàm munerum ipsorum expiscabitur mo-
 menta, & omnem aded magistratum po-
 testatem; ut quantum cuique tribuendum,
 qua re & ratione gratificandum, quid de-
 merere ab unoquoque expectandum sit, in-
 telligat: Et num illa ipsius functio bello an
 pace, domi an foris, re an opinione magis
 constet. Sape enim harum rerum ignora-
 tione quidam, qui se progredi putant, re-
 grediantur, & pedibus (quod audent) ma-
 nibusque capiuntur. Ac ut quidem in alto
 sine ventorum siderumque ratione, sic
 absque exacta aulae & ejus ministrorum ac
 magistratum cognitione, non peragendū
 legato omnia facilia sunt sperata. *Ita cum
 in rerum agendarum prudentia multo plus
 posita, quam doctrina:* & plus refert u-
 nus linguae exactam, cuius in aula est u-
 sus, quàm plurimum cognitionem habuisse.
 Pulchrè aliquando in aula Hispanica Ru-
 jugones ille, cum quidam à cognitione
 linguarum ei commendaretur, num etiam
 Castellæ regni linguam nosset, cujus in au-
 la Hispanica præcipuus usus esset, interro-
 gavit: quam cum scire diceretur: satis, re-
 spondit. Verùm & hæc quidem ipsa, de qua
 diximus, rerum agendarum prudentia tam
 rara, & variè variis explicanda occurrit, ut
 verendum magnopere sit, ne aulae moribus,

magi-

magistratibus, magistratuumque functionibus, de quibus paulò antè habitus est sermo, resciscendis temerè sibi imponi legatus patiatur. Quod ed vitabit maxime, si unus ille, à quo id scire voluerit, communicaverit eadem pluribus: vel si ei etiam dixerint plures & magis veraces: dixisse enim aliquem, unum & idem fidenter pluribus, certissimum argumentum est veritatis. Quantum verò ad mores & ingenia hominum cognoscenda spectat, varium sanè & multiplex semper aliorum eade re est iudicium: & ille *vir iudicandæ optimus, qui minimis urgetur vitiis*, & à rectè & incorruptè iudicantibus pluribus commendatur. Nam non temerè Paulus ille III. Pontifex Max. crebris uirpabat sermonibus, Non cum perfectis hic nos vivere, sed unumquemque hominem in quinque dividendum esse partes; quatum si duas in se bonitatis haberet tolerandum, si tres, debere aestimari probatissimum, cum difficile sit hominem exuere totum, & quoad hanc sarcinam portaverimus corporis, omnem molem deponere peccatorum. Nec verò ut gubernator, cui maius aut pulchrius est navigium, habetur statim melior; sic & vir, cui fortuna est splendidior. Dies succedit diei, & nihil eorum conceditur uni aut perfectum, aut aded etiam admodum diuturnum. Quò magis, ut illa ipsa indagatio apprime utilis & necessaria sit futura, non tam quidem alienos, quam

Pauli III.
Pont.
Max. dictum.

quàm nostros mores inquiramus libentius;
 & illam non dicimus summam, sed utram ef-
 se semperque fuisse, cognoscere nosmet-
 ipsos, sapientiam perpetuo arbitramur.
 Hoc si non omnibus, ac certè nostris pro-
 babitur principibus, quibus colendis, co-
 rumque cum modis & omnianctis procu-
 randis, nunquam defatigemur; & oblatos
 quidem communis causa nobis honores in ex-
 terni principis aula non refugiamus; sed
 non ulcere etiam avile & perperitè conse-
 demus. Qui minus suspici voluit, videntur
 crebrè; & qui aliud sibi delatos mode-
 stè refugiant honores, ut aliis atque aliis
 certatim cumulantur. Narratum est mihi,
 & quidem à fide dignissimis, Legatum
 atheniensem Polonticum, magnum illum &
 Catholicum virum, sed uno aut altero ha-
 retico, praesertim vero Faccio, virulento
 contra Orthodoxos scriptore, contactum,
 ad Carolum V. Caesarem allegatum, à
 Duce Albano Caesari Palatii priore Prae-
 fecto, secreto postulasse, ut inter ipsum &
 alios Principis Legatos doctrinam sciret,
 & venienti obviam longè progredi non
 cumberet. Quod tantum abest ut fecisset,
 ut ne ex penetralibus quidem ad eum egre-
 di voluerit: negantur enim ambicio se pe-
 nitè aliud dantur pro se quoque digni:
 Si nihil minus convenit, eundem *Catholicum*
virum, dico virum & doctrinæ, demerito
quod virum habuisse. Hinc Graucus deus il-
 le temerè ad Joannem Comitem Tanne-
 vium,

vium, Senatus Polonici tum facillè principem, dederat literas, quibus, ut Oratores non tam quidem pompa, quàm rebus instructos, ad eos mitteret, hortabatur. Ridicula enim profectò cùm quorundam aliorum populorum, tum maxime Moscovitarum spectatur arrogantia, qui si aliquando (quod rarè fit,) domo efferunt pedem, vel una illa perpetua rerum suarum jactatione molesti sunt audientibus, & alias gentes atque nationes præ se ipsi non obscurè aspernantur. Romæ cum stupenda illa ædificia eis monstrarentur, & num simile aliquid alicubi vidissent, interrogarentur, multò se in Moscovia habere profitebantur rariora, ut & aliquando, quid conscientia esset, quæsi, in principis sui Gaza eam reperiri, responderunt. Iam & in Ratisponensibus Imperii Comitibus, quæ Maximilianus Romanorum Imperator, hoc nomine alter, celebraverat postremis, ab Alberto duce Baviaræ pro prandio invitati, cùm ejus hora advenisset, & Dux præcipuos auctoritatis viros in legatorum hospitia misisset; responderant, se non aliter intellexisse, quàm quòd Dux ipse prandere apud ipsos debuisset. Qui enim liceret, tanti Imperatoris, quantus esset Moscus, legatis, prandii ergò huc & illuc vagari? Quid verò de eorum moribus & ingenio alibi quoque notato & deriso loquar? an in Polonia etiam non maximè vituperata eorum est barbaries, cùm ante

*Mosco-
vitarum le-
gati ridi-
culi.*

se nudare alios prius capita, d. filire equo, cedere sibi via, & id genus alia imperarent? Ut igitur quoddam nescio quis Imperator eos, qui fumos venditare & ventosi esse consueverant, fumo ex arida materia excitato perimebat; sic haud scio, si Stephano Rege Poloniæ auctore, non iustas Moysi pernas dederunt: & cum à verbis ad arma est ventum, ab illa ferocia loquendi ad vilitatem animi protinus reciderunt. Metus enim Tyrannis, & *didactas indicium est vilitatis*. Canes enim, qui in mensa mordent, in venatu non respondent. Quæ cum ita sint, & cum legatus totius quasi gentis Principisque, à quo mittitur, sui, apud externos versetur: tanta est opera, ut si summa doctrinæ & variarum linguarum cognitionis non habuerit præsidia, vir bonus, & ejus linguæ, qua Princeps, ad quem mittitur, uti solet, non sit imperitus, & tum in moribus, tum in sermone moderatus, ne vel sua nimis dilaudet, vel vituperet aliena. *Principium enim amicitia est laudatio, vituperium odii & inimicitia. Ita certe natura comparatum est, ut quum cuique maxime videatur pulchrum, & æquè nobis anteponi nostris aliena putamur.* Quod si Principi, à quo missus est, suo plussculum legatus tribuerit, quis hoc ei verterit vitio? *debentur enim obsequia amico, laudes Regi & Principi nostro.* Sed & his quidem laudationibus, locus, tempus, modusque certus esto: ne in eorum

sum incurramus suspicionem atque odium, qui domi suæ alienas laudes prædicari ægerrime patiuntur. Dictu profeſſo vix credibile fuerit, quàm apud vicinos industriæ potentiæve Principis alicujus fama animo parum audiatur æquo : & quantum exteris datum, tantum per id detractum nonnulli sibi arbitrantur : & quàm denique sibi rebusque suis tum metuant, tum diffident, hæc taliaque audiendo : cum variis modis & artibus, tanquam aliud quid agendo, concitetur sæpe in eos expers rationis & quietis multitudo. Itaque ne vel minimam ejus rei suspicionem legatus de se prabeat, non se alienis temere immisceat : non præter modum aut consuetudinem gentis nunc hæc laudibus, nunc illa prosequatur reprehensiones : & ante omnia tam in dictis, quàm in factis, nullum relinquat vestigium fallacitatis. Nullum enim est turpius, quàm à Principe, aut ejus legato profectum mendacium, cujus gratia ne vera quidem dicentibus fides habetur. Quo loco quaeritur : Vtrum nunquam, aut verò aliquando etiam pro re & tempore licuerit legato aliquid confinxisse. Sunt enim quædam mendacia, quæ dicuntur officiosa, quibus nunquam Imperatores exercituum inter milites utentes, & falsum aliquid in medium afferentes, salutem dederunt exercitibus, Magistratus populis, Consilium Principum indigentibus & concubibus

suis : sed tamen mendacium inferioris erga superiorem non modò temerarium, sed aded etiam fuerit periculosum, propterea quòd is, qui dicit falsitatem, plus scire se, & illo, cui dicit, meliorem esse tacitus quodammodo profitetur. Et quoniam Principes sunt omnibus majores, & haud dubie volunt videri aliquanto etiam meliores, multum legati amittunt apud eos fidei, si vel minimum deprehendatur in iis falsitatis : silere quidem tutior videtur modus veritatis occultandæ : nam nunc ignorantia, nunc negligentia prætendi potest excusatio. Si tamen anxie de veritate quæramur, non usquequaque expedierit eam celasse : ut enim orator, quo nomine legati appellantur, si vir bonus esse & appellari cupit, opprimendo innocentem, velare faciem non volet opinor veritatis, sed salutem tantùm asserre periclitantibus ; sic & legatus, dum datur occasio, non ad aliorum exitium, sed ad principis salutem, si tamen hæc disjungi poterunt, vera loquendi commendatam habeat libertatem. Inprimis autem incerta pro compertis, falsa pro veris, seminota pro exploratis, nunquam aut tuebitur obstinatè, aut in apertum proferet prædixit. Hæc enim (ut plerumque fit) aut intellectus tribuuntur imbecillitati, aut malignitati. Multa enim alia, sed vel hæc potissimum tria, nostræ imprudentiæ fuerint semper argumenta : incognita pro cogni-

ris apud nos habere : in res non necessarias
& exiguo tempore duraturas sumptus ni-
mios facere : & denique novarum rerum
& auditionum temere se constituere au-
thorem. Iam enim & illud legatus obser-
vandum sibi perpetuò meminerit , ne eos,
qui sub legibus silentii se ei concedide-
rint, temerè seu aded etiam perfidiose ali-
quando prodat & periculis objiciat : cum
enim , præter quod indignissimum fuerit,
de nobis bene mereri cupientibus malam
referre gratiam, *nemo unquam fudit amplius*
ei, quem secreta sibi communicata scit facile
effutire. Postremo nec sperabit , nec despe-
rabit legatus subito de toto eventu & con-
secutione rei , tam ordiendis negotiis,
quàm etiam terminandis: parvis enim mo-
mentis magnæ rerum & temporum incli-
nationes fiunt , & vel optimè cœpta tan-
dem non procedunt. Principem suum nul-
la unquam de re , cujus certa & evidentia
signa vel non habuerit legatus testimonia,
faciat certiolem ; secus quidem , si non fi-
dei , prudentiæ certè suæ imminuet vulgo
opinionem. Nocuit semper vanas spes &
cogitationes secutum , tempus, quo nihil
est carius, amisisse. Scribendis literis probè
distinguat omnia , & quæ constant conje-
ctura , decisa & in vulgus emanata secus
judicabit. Differunt & illa , quæ ab ipso-
met principe prius vel posterius , & quæ
rursus ab illius audientur Consiliariis.
Multa quippè ad terrorem , multa ad fa-
ciendam

cien ſam inanem ſpem, multa ad expiſcandam alterius dicuntur voluntatem. Quæ omnia quidem necesse eſt notare, ſed non expediet per æquæ æſtimare, aut literis ſubito committere, cum aut nullum, aut quàm modetiſſimum ſuum de iis interponendum ſit iudicium: propterea quòd ſuam de rebus ſententiam non libenter velint Principes præoccupari. Quid tamen non modo prudentiores, ſed & vulgus hominum vel de Principe loquatur ipſo, poteſt aliquando commode legatus innuere: ſiquidem communicâdis Principi ſuo conſiliis, induit quæſi perſonam, in quo libertas ſententiæ imprimis eſt laudabilis ipſius Senatoris: & cum negligere quid de nobis vel multitudo ipſa interdum dicat, aut ſentiat, non modo ſuperbi, verum etiam ſit omnino diſſoluti. Ac ne multa, nihil non rimabitur, nihil non veſtigabit, nihil non dicet & perſcribet legatus, quæ ad principis ſui non modo dignitatem, verum etiam pertinerint animi voluptatem. Nam vel minutiora & inutiliora quæque, Epiſtolæ pro tempore inſerta, ſæpe delectant. A Frantiſci I. Galliarum Regis funere, ad Paulum III. Pont. Max. quidam eius legatus, quamdâ candelæ funeri prælucentes artiſſent, inter alia, quæ forte ſcripſerat, commemoravit, & illud præterea addidit, ad neminem alium, ſed ad ſuum Principem talia ſcribere eum voluiſſe, cujus auctoritas ſumma, ne quid fortè vel

minutissimorum prætermitteret, officium admonerebat. Privati enim parvis industriae voluntatisque erga eos nostrae significationibus conquiescunt, principes vix aliquando contenti esse vel maximis solent, & jure non debent. His igitur similibusque rebus, & industriae ac indefessi nostri studii reificationibus, legatus suo principi velit reddi commendatissimus; sed neque eius principis, apud quem versatur, conciliet sibi aliquod hoc nomine odium aut malevolentiam vix ullis officiis postea abolendam. *Debemus enim ita gratificari uni, ne injurii simus alteri; & ita scienter inter homines versari, ne alicujus temeritatis merito inculpemur; mundani enim omnes sumus, & in hunc orbem nos immisos, ut mutuam nobis præstemus operam, non inviti profitemur.* Unde olim coquis, lenonibus, & ad genus aliis vilioribus ministris, non dubitantes esse legatos, scio dixisse non neminem, & laud scio an immerito. Neque enim interdum earum rerum magna est dissimilitudo: & quemadmodum coqui secula condendo, aut lenones amantium inter terras & dissidia mitigando; ita & legati principum conciliaverunt animos, rectè & scienter res, quæ ad eorum concordiam facerent proponendo, & nunc hæc, nunc illam partem ratione & argumentis convincendo; præstiterit tamen benignos, quàm malignos affectus, quos odium &

inimicitia comitatur ſemper, magis com-
moviſſe, & apud quemlibet principem ita
ſe gerere, ut non modò prudentem, ſed
& ſibi rebusque ſuis faventem eum, qui
ad ſe miſſus eſt, legatum, certò ſibi pol-
ceatur: dimidium enim vel prima legatio-
nis die depoſuerit oneris, qui principem
ſibi benevolum fecerit cauſa ejus, qui ex-
pectatur, honoris, quod ſine magnis inge-
nit & eloquentiæ viribus præſtari non ſo-
let, ac promde multum in iis ſtudiis col-
locari operæ & diligentiae debet. Vnde
infortunia ſua apud Latinum decantantes,
& loca ad habitandum petentes, pulchre
alicubi Trojanos induxit Poëta oratores:

*Quanta per Idaeos ſecis effuſa Mycenis
Tempeſtas terit campos quibus æſtus uterque
Europa atque Aſie ſatis concurrerit orbiſ,
Auduit, & ſi quem tellus extrema reſuſo
Submovet Oceano, & ſi quem extenſa pla-
garum*

*Quatuor in medio dirimit plaga ſolis iniqui.
Deluvio ex illo tot caſta per æquora & celi
Dus ſedem exiguum patris littuſq; rogamus
Innocentum, & cunctis undamque auramque
patentem.*

Nec ſatis eſt dicere, ſed expedit etiam fa-
cere, cum mica talis, graviterque omnia.
& tam ſua quàm principis ſui maxima
cum dignitate. Multi enim reperiuntur, qui
quantumvis apud ſe, bonum licet propoſi-
tum finem ſapius habuerint, in rebus ta-
men ipliſtractioneque illarum aberrant à
ſco-

scopo: & aut in suspensionem non rectæ fidei, aut levitatis incurrunt. Venerat olim pro imperii comitiis Ratisponam Moronus, at qualis & quantus Cardinalis? Gregorii XIII. Pont. Max. ad Maximilianum Cæsarem, ejus nominis secundum, legatus: & quia Stephani Bathorei, Cæsaris æmuli, eodem illo tempore in Regem Poloniae inaugurati, ibi quoque legati, quos medicus quidam ejusdem Cardinalis visitabat, spectabantur, suspicari illico, non temerè illud fieri, est cœptum, & de omnibus iis, quæ inter Cæsarem & legatum tractarentur, reddi eos proculdubio certiores. Quo adeò nomine ipso exposulavit cum Moreno Cæsar vehementiùs, & cum ejus suspensionis causa, tum quòd suum quoque legatum, ad Gedanenses profectum, violatum in Polonia audierat, Stephani Regis legatos Ratisponâ discedentes jusserat in itinere detineri: qui tamen, Cæsare vita functo, statim sunt dimissi. Quod ideo commemoro, ut legati omnes memoria teneant, nullam vel minimam ei, apud quem versantur, principi occasionem præbendam de se esse sinistrè aliquomodo suspicandi. Non enim rectè facti tantùm legato suffecerit conscientia, sed adeò etiam summa necessaria est prudentia, animis principum inter se conciliandis. Quo etiam magis omnes apertas vitabit legatus inimicitias, & nec falli quidem, sed neque volet fallere, aut verba dare alicui, perso-

Joan.
Monlu-
cius, le-
gatus
vanus.

na & authoritati suæ confidenti. Polliceri enim, quod servare non possis, aut minus vellis, faistratis; digladiari, quibus cum non debeas, imprudentia est singularis. A Sigismundi Augusti Regis Poloniae morte, Ioannes Monlucius, Caroli IX. Galliarum Regis legatus, in Poloniam fortè venerat, & ut Henricum regis sui fratrem creare potuisset regem, aureos quod dicitur montes non modo ordinibus, sed & hominibus penè promiserat universis. Tandem verò cum pro inauguratione regis ventum esset Cracoviam, inter tot atque tantos, qui in regio comitatu advenerant, proceres, unus ille, qui maximè expectatus adfuisset, desiderabatur Monlucius, & idè Cœnobii præfectus, per locum & ludibrium non à nemine fuerat appellatus. Ferunt enim, peregrè quibusdam discedentibus, monasterii præfectis suas antiquitus res tradere non dubitavisse: quas recuperare volentibus, præfectos cœnobii nondum revertisse solitum erat responderi. Quo eo lem modo Gallos secum agere nonnulli affirmabant, cum, à quo promissa sibi facta peterent, Monlucium desiderarent. Una igitur illa falsa pro veris dicendi, fugienda legato est consuetudo, & ne ad iurgia, rixas, vel certamina aliqua ullo modo ab eo veniatur. Itenim ut unus quidem altero susceptarum inimicitiarum minorem causam legatus habuerit, non omnium tamen optima fertur pro utroque sententia, aut saltem,

tem, quod hic & ille egisset, dicuntur non habuisse: diu enim arcus tendendus, & antequam aliquid, quod nolis, excidat tibi, animus est comprimendus; nisi fortè aut noster, aut nostri principis agatur honos, qui imposuerit onus, vel morte ipsa turpitudinis & servitutis à nobis nostroq. principe repellendæ, quod ut vitari omni ratione & occasione queat, ferantur multa dissimulanter necesse est, antequam sanguinis effusio, cædes & laniatus nostra causa subsequantur. *Omnibus enim, sed senibus & publicis personis maximè sedum est cruentari.* Quod ut adeò contentione & exemplorum varietate planum fiat, quæ paulò etiam acciderunt ante, breviter repetamus. Risit Sigismundus I. Rex Poloniae Ioannem Dantiscum, primùm quidem Culmensē, postea Varmiensē Episcopum, apud Carolum V. Cæsarem diutius commoratum, eo die festo, quo sibi ab Imperatore ad frequentandum cum eo templum, alternatis cum Lusitaniæ Regis Legato vicibus, vitandæ contentionis ergo fuerat assignatus, tanquam aliud agendo Lusitanum legatum loco movisse, & per speciem collocationis, quam porrigenti manum cum eo habiturum se ille crediderat, è loco sic movisse, ut ne conquerendi aut altercandi cum eo causa restare legato videretur. Sed non riserunt Italiæ principes, qui internuncios apud Imperatorem Rudolphum suos in ponte Pragensi, obviam si-

D 6

bi fa-

bi factos, quod unus nolebat cessisse alteri, tota die intellexerunt stetisse, cum irrisione pratercurrentium. Volunt enim principes legationes suas gloriæ & amplitudinis eorum testificandæ esse campum, non ineptiarum & sannionum ullum theatrum. Quo etiam hæc & similia, quæ ipsis dedecori essent futura, legati magis declinabunt. & circa principes amicos habere eritentur, qui omnia dicta & facta ipsorum recta & felicia augeant sermone, paulo adversa extenuent, quacunque poterunt maxime ratione: multum enim apud principes in domesticorum illorum positum est patrociniò, & prima quasi narratione factorum; sed utrique videant, ne ullam vel minimam ejus rei, quod hæc videlicet ex composito fiant, veram de se suspicionem inveniantur præbuisse. Emendicati quippe favores tandem juvant, quândiu, quod emendicati sint, intellectum non fuerit: semel cognita falsitate, etiam illa, quæ verè antea fuerant dicta, instar habentur sumentorum. Proinde deinde erit opera, ut eorum, quod scitu imprimis necessarium fuerit, effugiat nos nihil: sed ut etiam in narrationibus rerum vel eventuum nullum vel minimum vestigium nostræ in credendo deprehendatur levitatis. Scire enim plurima, eademque secreta, summe argumentum est prudentiæ: facile credere, & falsa pro veris admittere, rursus illius regulis & expectationi ad-

ni adversatur. Magno honori cuidam Cardinali, qui vulgò Granvellanus dicebatur, fuerat, cùm nescio quo loco aut tempore variè variis de fœdere inter Venetos & Turcam ictis (ut fit) disceptantibus, certa ejus rei documenta proferre potuerit, & qualis ac quantus vir esset, cùm aliis multis, tùm vel illa etiam ipsa re procul dubiò ostenderit. Sed è contrario risu exagritabatur Saxonix Ducis, & Philippi Landgravii Hessiæ, bello Saxonico, in Galliis legatus, qui de Caroli V. Cæsaris in Germania progressibus Franciscum Regem debebat facere indies certiorē, & non prius, quàm ab ipso rege didicit, dominos suos à Cæsare detineri. Libenter quidem communicari avent principes sibi multa, sed fastidiunt inepta, aut omninò etiam antea pervulgata. Quo magis tam seriis quàm jocosis rebus patet legato locus principis gratiæ aucupandæ; sed utatur non abutatur eadem legatus facultate. Tribue-
rat tantum Dantisco, Sigismundi Regis Poloniae apud se legato, Carolus V. Imperator, ut cùm aliquando omnibus externis legatis, ne in Hispanias navigantem ex Belgio sequerentur, dici fecisset, soli Dantisco contrarium curaverit postridie nuntiari. Tum ille, ut lepidus fuerat, Bene est, inquit, proficiscamur; sed sicuti quidem voce præconis ea generatim omnibus profectio inhibita fuerat, sic rursus ejusdem voce necessitas mihi quoque speciatim im-

*Joan.
Dantiscus.*

natur. Assensus est Cæsar, & ille non solum in Hispanias cum comitatus, sed & maximis honoribus in iisdem Hispaniis fuerat ab eo auctus, cum in numerum illius nobilitatis, cum toto suo genere & agnatione referretur: amant enim ingenia principes, sed cupiunt vicissim candidè redamari. Ebriosus, scortator, aleator, atque alius ejus generis vitiis deditus legatus, nunquam putetur, nec faciundis itineribus suscepta protectione lentus, neque voluptatibus blandissimis dominis aut delicis quærendis occupatus. Notabatur eo nomine legatus quidam, quod cum aliquam viæ partem forte consecisset, subsistebatur evestigio, & vel non necessarius faciundis sumatibus iterum & iterum immorabatur. Mox mittebat rursus domum pro pecunia, quam antequam accepisset, tantum interdum alieni contrahebat æris, ut ne pecunia quidem allata illud dissolvere potuerit, parumque abfuerit, quin à principe suo, qui illum ipsius itineris ægerime ferebat tarditatem, revocaretur: seria enim seriò tractanda, & suscepta publico nomine itinera, nullis adhibitis voluptatum lenociniis, sunt conficienda. Meminisse pro se quisque debet, Annibalem armis invictum, voluptatibus & luxuria Capuæ manus dedisse, & Prosperum Columnam, qui foris tot tantisque hostibus juvenis sæpè resisterat, muliercularum amoribus domi senem resistere non potuisse.

se. Turpe namque omnibus, *sed turpissimum est repuerascere senibus, legatis & militibus.* Peragrandis porro regionibus, omnia & singula notet, & nota a item ab aliis ad manum habeat semper, ut facilius intelligat locorum rerumque mementa omnia, tam presentis temporis, quam ipsius etiam antiquitatis. Scire quidem & videre semper aliquid novi desiderant fere universi; sed cum ratione ac delectu peregrinari didicerunt paucissimi. Quo etiam cœlum non animum dicuntur mutare, qui aut vertunt solum, aut trajiciunt salum, & non secus ac alii veredarit, vel tabelliones videri, qui vel magna una die terrarum percurrunt spatia, sed nullum inde profectum sortiuntur. Quidam enim non secus, ac aliquid mercium plena sed male dispositarum dicuntur testudo, quod multa viderunt & audierunt, sed non per æque scienter visis auditisque utantur. quo magis expedierit notare indies singula, & loca ac personas quæ occurrerint, & quæ opportunè aliquid nobis nunciaverint, ob-
servare: nulla denique non occasione vel ex itinere ipso dare ad principem aliquid perpetuè literarum: multa enim multos delectant, sed nihil magis quam sapientes reges literæ, seu quidam nuncii & interpretes mentis ipsorum legatorum. Nam si laudatum in pictore illo fuerat, quod nullam fere diem sibi excidere, in qua vel unam non duxisset lineam, perimitebat, quandò

quantò erit legati scribendis crebrò ad suum principem epistolis diligentia commendatior? & cùm non uno aut altero, sed tribus atque aded pluribus itineribus, & tam mari, quàm terra susceptis, transmittet literas, ut pari modo, si ita necessitas postulaverit, vicissim ei respondeatur, maximè si & itinera longiora, & suspecta fuerint loca, quæ terra marique sunt superanda. Accedit, quòd per errorem alteri alicui inscriptæ literæ, moram asserunt rebus, & multifariæ viæ sint erroris, una illa & certa veritatis: quapropter vel ante illud etiam tempus ipsum, quo commoda transmittendæ epistolæ expectatur occasio, tempestive exarantur literæ, ne si secus acciderit, tandem transmittendum facultas elabatur. Scribendum quidem esse satis constat necessariò, & illud ignoratur, quo argumento, per quem, quomodo, & quando. Anticipare igitur tempus, non abs re interdum fuerit: & si videbuntur suspecti tabellarii, aut enipiam alteri inscribere epistolam, erit necesse, à quo ut principi ejus reddatur, legatus postulabit. aut verò ignotis notis separatim ab aliis literis eam prorsus exarare, ut ille, cui interpretandæ epistolæ, & notarum indicandarum incubuerit cura, minus illorum sit conficius, quæ unitatis characteribus scripta constabunt, quo magis & linea in epistola, quæ ignotis exaratur notis, cuilibet folio sit circumducta, ne præterea aliquid additum videatur:

videatur: prius tamen ille, ad quem tales scribentur literæ, omnium harum rerum exactè admonetur. Nam licet vel ejusmodi diligentia tandem etiam eludatur, tutius in hanc semper peccabitur partem, ut cauti & solliciti, quam indiligentes & ignavi habeamur. *Cura namque & cogitatio acris, malleus est omnis difficultatis.* Interim his similibusque agendis, nec occasionem aliquam de se ipso aliis suspicandi legatus dabit, nec frivolis suspicionibus nunc de hoc nunc de illo laborabit. Frivola suspicio consilii argumentum est inopiæ, & maligni, qui criminis expertes ipsi non sunt, ingenio suo alios metiri plerumque consueverunt. Diem, & ipsam denique horam, qua se in viam tabellarius dabit, suo legatus perscribet principi, & iis, qui se ultro transportandis offerunt literis, fidem haud ita magnam peræquè semper habebit. Quod tamen ipsum ut quàm maxime occultare possit, scribet nihilominus aliquid, quod parvi momenti fuerit, & majoris cautionis in posterum ergò, si illa fortè reddita, vel secus, epistola fuerat, semper inquireret: his enim ab uno decipi, & geminatis vicibus coctum sumere prandium, est submolestum. Postremo, cum hinc & inde varia & multiplicia occurrerint negotia legato in aula expedienda, dabit operam, ut quæ prius, quæve posterius tractata sunt, suum principem faciat certiore: & aded vel verba inserat ipsa, quæ,

quæ , & à quo , & quo loco , quo vultu ,
gestu , tempore ad eum prolata sunt &
fuerunt , & num à principe ipso , num ab
ejus consilio , num verbis , num scripto ,
num ex tempore , num verò etiam medi-
tato. A prudentibus enim non modò ipse
res , sed rerum etiam momenta omnium ,
circumstantiæque adeo universæ , ad cer-
tam rationis normam , quàm vulgus ho-
minum facere consuevit , acrius expendun-
tur. Quo etiam legatus ea , quæ notatu
erunt digniora , in calce literarum non in-
vitus repetierit , & omnem vel minimam
notam vitaverit salutatis : labilis est me-
moria , & aliquibus tantum abest , ut ne-
cessaria sint frena , ut ne quidem suffice-
rint calcaria præter morem. Quò consul-
tius , etiam crebrius si . in eorum nobis
commodis positum aliquid est , occurrunt
admonendi , suppressis auctorum nomini-
bus , a quibus quid in rem nostram princi-
pisque nostri facit , auditione aliquid acce-
perimus. Scribendis autem ad principem
raptim , (quod aliquando contingit ,) rard
autem contingat , epistolis , si alicubi erra-
tum fuerit , expungantur , quam eradantur
potiùs characteres , ne doceant us alios ar-
tem & perversum usum eradendi : *facilius*
enim vitiosa sequi , quàm bona imitari. Lem-
nes videas , & raptim scribendis literis non
nemo suspicatur , quod contemnas. Priva-
tarum suarum rerum in epistola ad prin-
cipem inseret legatus nihil , præsertim si
alio

alio modo ad notitiam ipsius posse eas deducere videatur. Peræquè, in id & majori curæ sua, quàm vel principis sui inde plerumque dicitur habuisse: & ita revera natura comparatum est, ut alienis spectandis omnia nobis instar pyramidum, nostra verò appareant humi repositorum quasi nidorum. Unde scribendis literis arripimus facilè occasionem, quas principes rebus cum suis misceri ægerrimè ferunt, nostra de infelicitate querelarum. Accuratissimè porrò omnes scribet epistolæ, & earum sibi exempla multis & magnis usibus servitura reservabit: nec verò uno eodemque signo eas communet, nec unis ullemque scribet characteribus semper; ut eorum audaciæ viam obsepiat, qui nunc manum, nunc signa aliorum adulterare consueverunt. Multi, qui veritatis non potuerunt, aut potius noluerunt via, sumptus cupiditatum in via quæsierunt sibi falsitatis. Si epistolam plura habere contigerit folia, non ea consuât, sed quod aut prius, aut fuerit posterius, unicuique inscribat foliorum. Si quid secreti alicubi amiserit, cogitet, in cuius manus venire illud potuerit, & nullum laborem aut sumptum refugiat, ut recuperare illud possit: quod si minus poterit, nunquam temerè ei se credat, contra cuius salutem machinatus est aliquid, aut verò dignitatem; & nec sit sollicitus, cui hæc vel illa usui servierit præceptio: sat sit recta monenti paruisse. Multa sunt, quorum

quorum & Iureconsulti in suis libris rationem non reddunt ; & tamen sapientissimè esse scripta & constituta , quis ignorat ? Me quidem , ne his de rebus plura disseram , legati ipsius , quem non temerè jam vel ante in rebus versatum , & non tyronem futurum crediderim , retrahit prudentia , tum & rerum , quæ una ex aliis gignitur hac in parte , magnitudo. Quò enim altius dicendo de hac materia invehor , eò mihi minor spes affulget portus aliquando capiendi. Quapropter cùm de legato ejusque adjumentis & exercitiis dixerim , de ipsa quoque , quæ propriè in manu est principis , dimittenda subjungam aliquid legatione. Negant , (ludicra enim miscere seriis aliquando libet ,) in Turciam alios quàm ablegari animo debere fortes & liberales : quia , ut plerumque fit , Turcæ partim minaces , partim verò sunt petaces. Ut ergo minus minas vereantur , & pro re & necessitate munera & pecunias largiantur , nec timidos neque parcos dimittendos : Cautos in Moscoviam , quod ibi Græca vivatur fide , & raro quid concedatur sine longa licitatione. Romam mittantur pii & religionis observantia noti , & potiùs politici , quàm ecclesiastici ordinis viri ; ut eorum petita , qui Pont. Max. minus obnoxii sunt , majorem habeant auctoritatem. In Hispanias moribus & ingenio ablegantur sedati , & quàm minimè novarum rerum dogmatumve

*Legati in
Turciam.*

*In Mosco-
viam.*

Romam.

*In Hispani-
as.*

tumve appetentes, quia ibi velint nolint
facile in officio continentur. Per totam *In Italiā*
Italiam proficiſcantur humani & officioſi,
cū ibi earum rerum quaſi quoddam per-
petuum ſit certamen. In Gallias ingenio *In Gal-*
celeri, aut potiùs verſatili, ut ex re conſi-
lium capiant, & ſcenæ, quod ajunt, ſer-
vire ſciant, aut verò diſcant. In Angliam *In An-*
dimittantur formoſi & proceres, cū ta-
libus viſis ſtatim Angli in admirationem *gliam.*
rapiantur, & quòd Angli non ſint, dolen-
dum crebrò loquantur. In Germaniam *In Ger-*
promiſſorum tenaces, cū antiquitus di-
etorum factorumque conſtantia Germani *maniam.*
fuerint celebres. Vbicunq; autem loco-
rum legati ſint continentes & abſtinentes: *Vbique.*
nam non temerè duæ illæ voculæ multo-
rum ſemper fuerunt in ore, *ſuſtine & ab-*
ſtine, niſi quidd in his veluti duobus qui-
busdam vitæ præſidiis multum videbatur
poſitum tum utilitatis tum verò etiam di-
gnitatis. Et denique quam patresfamilias
Hiſpani peregrè diſceſſuris filiis, modico
viatico dato, eandem principes legatis ſuis,
ſed pro dignitate ſumptu ſuppeditato,
commendent gravitatem. Concurrent e-
nim in legato oportet plurima; ſed una
illa maximè ſpectetur gravitas, quæ ta-
men expers occulti in legatum ſit odii, &
habeat plus amoris quàm alicujus formi-
dinis, plus integritatis quàm aſſimulata
bonitatis, & quæ privatam cum publica
perſona ſic legati commiſceat, ut & illius
principis,

principis, a quo mittitur, odiosam majestatem, & ejus, ad quem venit, minime a se abalienatam reddat voluntatem. Cujus etiam personæ imit vel aliqua ex parte claritas & nobilitas generis, pulchritudo & concinnitas corporis, liberalitatis exercendæ facultas, peragratio exterarum gentium, lustratio regiarum, intelligentia rerum, usus & tractatio negotiorum, multarum & variarum historiarum lectio, & ejus denique philosophiæ partis cognitio, quæ ad formandos mores, administrationemque justitiæ, & scientiam pertinet gubernandi: huic demùm etiam fides in principem esto, amor in suos, comitas erga externos, vivacitas ingenti, ars & copia in utramque partem de rebus differendi, & doctrinæ literarum studium proprium ac peculiare: humanitas postremo in convivio & colloquio familiari, constantia in colendis amicis, prudentia in cognoscendis, & tarditas in disjunctis potius quàm disrumpendis. *Quæ* ut aliàs etiam dicta fuerint, placuit vel denuo de legato attulisse. Iam vero dandorum legatis mandatorum duplex est ratio: libera una, literis & cœu quibusdam cancellis circumscripta altera. Nihil autem minus quàm certum de legato ferri potest judicium, cuius, quod sibi videbitur, agere conceditur potestati; & tamen antiquitus etiam id usu receptum fuisse ambigat nemo, qui modo in historiarum lectione paulo est

versatus. Quid enim? an Carthaginenses olim, an Achæi non miserunt suos legatos Romam, quibus liberè, quod vellent, agendi dederant facultatem? Quid? an rursus iidem illi Romani ad Coriolanum, & ad eam, quæ secesserat plebem, cum tali eademque potestate legatos non dimiserunt? Nam ut hæc res periculo quandoque non careat, pro re tamen & occasione est necessaria: multa enim nec opinantibus eveniunt, de quibus nihil prius constitui in mandato poterit, & haud scio an debebit. Exempli gratia. A morte Ferdinandi Caesaris Maximilianus Caesar ejus filius tardius paulò legationem Constantinopolim misit, pactis & fœderibus pacis cum Solymano Turca confirmandis. Misit ergo Solymanus ad eum suam, ut multi crediderant, pacem postulatum; sed ita, ut, si forte in itinere fieret ei Caesaris legatus obviam, statim Constantinopolim reverteretur, imperaret, & reversus est, resque ad illud bellum, in quo Giulia & Seget est captum, tandem devenit. Quid hic poterat aut debebat legatus Caesaris præstitisse? aut quomodo contra illam barbari molitionem poterat aliquid legato committi, quo cludi potuisset? Multa ergo ut dixi præter opinionem eveniunt, & multa legati credi debent prudentiæ, ac necessario committi potestati; sed & ille non obliviscatur ejus, à quo missus fuerit, authoritatis; expedit enim

enim semper Menenii, aut Manlii illius Romani imitari exemplum, qui, licet summa donatus fuerat à senatu potestate, non tamen ulus ea est impotenter, cum quædam ab eo præter expectationem peterentur, & nimirum Menenii consilium siue factum non tam per se, quod rectum fuerat, commendatur, quam ipsi contrariis Cassii actionibus, cujus Dionysius meminit, illustratur: qui accepto à patribus honore, non eum, quem par fuerat, vicissim honorem habuit, nec unquam consilium cum iis communicavit: par enim est, ei, qui dat totum, particulam vel aliquam reservari. Porro variari hæc locis & temporibus non nego, & multa incidere, quæ moram non patiantur, liberè affirmabo; sed tamen in perspicaci multum positum legati est prudentia, qui, quæ fides & in principem observantia ejus sit esseque debeat, consideret, & tam à quibusdam, quæ illi permittentur, consulto abstineat, & principem suum requirat, quàm & iis rursus liberè faciat finem, quibus nulla videbitur mora debere interponi, sed uno illo candore & sinceritate in omnibus singulisque utatur. Nam quemadmodum personati, sic & simulators, nec per æque omnes & semper, nec diu delectant. Ac ne dubitandum non sit, illos, qui futura prædicunt, multo plus, quàm veri, habere falsitatis, tamen mirum est, quantum inter hos & alios mentientes habeatur discrimen:

men: his, ut semel deprehensi in mendacio fuerint nulla; illis, qui futura denunciant, vel aliqua semper adhibetur fides, ut sint fuerintque fallissimi. Quod non aliunde provenit, nisi quod sicuti medicis salutem promittentibus, sic & ariolis aut Astrologis futura prædicentibus vulgò multum est authoritatis: semper enim dominantibus infesta, præteritorum obliviosa, & futurorum sciendorum cupida est multitudo. Iam verò observatum est in ineundis præliis, multa ea in acie periculosè mutari, quæ domi non fuerant prævisa & considerata. Quod idem & in legatione multis evenit, si de quibusdam opportunè moniti, & ab iis, à quibus mittuntur, plenè instructi non fuerint: educendæ enim è portu in altum navis, sed non semper, quò velit, dirigendæ potis est gubernator Quo magis multa legati commiseris prudentiæ, sed & nihilominus expedierit, eundem de nonnullis admoneri: *nemo enim sua tantum præsidat prudentiæ, ut nihil habere se opus arbitretur hortatore.* Quid, quod & legato & principi ipsi est utilius, discipulum quàm magistrum videri potius mandatorum? Cùm enim variè admodum accipi & interpretari soleat legatio, & vel bene in ea meritis vix ulla aliquando referatur gratia, an non præstiterit obsecundare nutui in ea domini, quàm suæ nescio cui hac in parte servire cupiditati? *qui enim inservit summis, imperat haud dubiè aliis: subit*

verò sepius iugum, qui appetit dominatum.
Itaque molevit adeo etiam nova quædam
apud nonnullos consuetudo, ut quæ vel
antea legati iudicio permittebatur haberi
oratio, nunc habenda exhibeatur scripto;
ut nec vel transversum quidem unguem à
præscripta formula discedatur dicendi, &
sive memoriæ mandetur, sive scripto re-
citetur. Non tam enim eloquentiæ laus
legato quærenda, quàm ex sententia sui
domini omnia sunt conficienda. Ac mul-
tum licet in differendi usu atque copia, &
in actionis ipsius positum sit dignitate,
maluit tamen non nemo vel his aliquando
caruisse, & principis sui, a quo mitteba-
tur, commendationem retulisse. Quidam
enim contenti sunt parvo, & vix acquies-
cunt alii vel immenso. Consultius tamen
mittere est legatos his omnibus adjunen-
tis instructos, & qui tum dicendi gravita-
te atque copia, tum excellant prudentia,
& sine ulla vulnorum & signorum, quæ
faciem turpent fœditate, regalem quan-
dam præ se ferant majestatem. Nam ut ad
eandem illa in legato turpia aut vitiosa re-
petenda recurramus, veteremque Persa-
rum in eligendis regibus consuetudinem
taceamus, an ut mutilatis naribus princi-
pem in Valachia fas non est eligere, Sic
& in Turcia, atque etiam alibi, perridi-
culum non accidit, intueri legatum, cui
vulnus in facie aliquod sit inflictum, &
ipse aut distortus, aut membris appareat
muti-

mutilatis? Vnde purpuratus ille Turcicus ad legatum Hispaniensem: Deerantne tuo domino, inquit, quos sine vulnere in faciem inflicto ad nos misisset? Tum verò legatus: Non deerant, ait, sed hoc videlicet vulnus antè, non retro, acceptum, nostræ de vobis ad Naupactum testis est victoriæ, in qua & tu debebas interfici, nisi aufugisses. Atque hæc quidem de adiumentis legati corporis dicta sufficiant: quæ si in magno sunt fueruntque semper pretio, quantò animi habebuntur gratiora, cum semel sibi dicendi concessa non temerè abutetur potestate; nec subito & ex tempore, sed meditato potiùs verba faciet, & iis neminem carpet, inveheturque prorsus in neminem, sed si forte dicendum esset liberius aliquid, vitia, non homines notabit: vulnera enim cicatrice obducuntur, verba in alicujus famam prolata frequenti memoria recrudescunt. Quo fiebat, ut & Pericles ille, in cujus ore Suaeda sessitasse dicta est, ad dicendum accessurus, ne vel verbulum aliquod ei excideret, quo populi aures læderentur, divinitus precaretur. Lucerna enim & flore ignis opus habet, quod olere debet: cujus quidem lucernæ tantum abest ut Demosthenem puduerit, ut adeò illi, qui orationem ejus olere fortè affirmaverat, dixerit: Bene habet, inquit, tua quidem furtis, mea meis servit lucerna lucubrationibus. Quid enim, cum in omnibus rebus

aliis , tùm verò diligenti studio , non opus sit in literis & longa cura cogitationeque mandatis principis exponendis , adeò ut scripta multò antè prius , & ab aliis item lecta ac examinata , quam subita & extemporanea placuerit semper magis oratio. Plus quippe oculi , quàm videt oculus , & suo uno illo orbatus bonam in perpetuum noctem precatur monoculus. Postremò , quod genitoribus liberi , libri hoc nobis sunt nostri ; ut oculis capiamur iis amandis , & vita donemur diutius elucubrandis : *Vina enim & scripta reddit tempus preciosa*. Quid ? legato , cui in summa summorum virorum corona verba facienda fuerint , curæ non sit , ut non tam à pigmentis verborum , quam à pondere & gravitate sententiarum laus sit eloquentiæ ? si modò eloquentiam dixeris , quæ ad salutem hominum & delectationem data , non secus ac plumbea framea ex aurea vagina producta risum moveat circumstantium. Omnes enim eloquentia decet , sed legatos maxime condecorat : cùm ut hominis ornamentum oratio , sic rursus orationis veluti quoddam illustre theatrum sit legatio. Quæ nisi justum sibi sumpserit tempus ad meditandum , quomodo , quid , & quocumque loco , & qua dicat ratione , poterit circumspicere , & tractanda re sagaciter discussa , venire tandem ad argumentis rationibusque muniendam ? quomodo item inventam ordinatè distinctèque dis-

po-

ponet? dispositam omni ornatu & elegantia verborum vestiet? vestitam actione & pronuntiatione cum dignitate prosequetur? Omnia quidem, ut mea fert opinio, minus elaborata hodie aures respiciunt: & nec diligentiores quique immensis penè hominum cupiditatibus satisfaciunt dicendo, tantum verò abest, ut inepta & ridicula quæque in legato laudentur. Quo ipso loco non possum non recordari magni cujusdam dicti, Principis Holsatiæ, Danorum Regis fratris, oratoris magis quàm oratoris ad Stephanum Regem ablegati: Qui ut distortus ipse fuerat, sic & legatum quasi aliquod monstrum gestu & oratione ferè habebat. Hic cum Stephanum Poloniae regem miris in os decantatis laudibus extulisset, vel illud quoque addidit: Scire ex astris se, quod Ioannes, Magnus Moscovia Dux, proximo futuro anno regis armis esset celsurus, & vitam cum imperio amissurus, utpotè qui hoc & illud cœleste signum in ascendente haberet: & præterea obscurum nemini esset, quo, quando, & quàm periculoso morbo laboraret. Ita ille (si Deo placebat,) & legatum, & mathematicum, & medicum, & denique egit stultum coram Rege & Senatu, verbis sine delectu faciundis. Ut enim furiosus educto gladio aërem verberandi, sic logodædalus, cum verba fundere cœperit, nec rationem incipiendi, nec modum scit desinendi. Quod

Laconum quàm non ferendum sit, vel ex illo *Laco-*
respōsum. num responso, nescio quorum legatis da-
 to, facile est elicere. Priora, inquit, obliti
 sumus, media fieri obscura, & non in-
 telleximus tandem postrema. Avet ani-
 mus seria potius quàm jocosa, gravia
 quàm levia audire semper, & brevis ac
 erudita, quàm longa & inepta satisfacit
 magis oratio. Antiactu & quasi quadam
 longa circuitioe nec licet, nec decet uti
 verborum: nec verò aut precibus misceat
 minas, aut privatas publicis res legatus in-
 terponat: nec tam in penetralibus adium
 minacibus verbis tonandum, quàm cum
 ad bellum ventum fuerit, scienter exer-
 citum cum suis ordinibus & vexillis ex-
 plicandum esse potius recordetur. Ut ple-
 rumque fit, canes qui vehementius latrant,
 & hostes qui multum hostilitatis denun-
 ciant, habentur viliores. Quin ut cò et-
 iam majorem auctoritatem fortiatur le-
 gatio, raro, & cum dignitate dimittatur;
 potiusque senibus quàm juvenibus, indi-
 genis quàm externis semper mandetur:
 qui enim juvenem, quàm legatum senem
 magis mihi laudaverit, hic spem quàm
 rem laudare videbitur potius voluisse;
 quanquam interim virtutis quàm ætatis
 cursum videre etiam quandoque sit cele-
 riorem. Non enim barba & pallium, sed
 eximia natura, externum, solidum ac con-
 tinuum studium in humerum referunt te
 sapientum. Veruntamen cum, veteri illo
 prover-

proverbio, non nisi à seris veniat prudentia annis, consultissimum quidem fuerit, non nisi in magnis magnorum uti consilio, & præsertim senum, qui illud dicere non injuria posse videantur: Audite juvenes senem, quem juvenem senes audierunt: juvenes enim nondum senes, at hi fuerunt pueri & adolescentes. Iam verò nobiles quàm plebeios, indigēnitas quàm externos, idoneos quàm ineptos rectius propterea miseris, ne principes, quibuscum futura tibi est res, ludificari se abs te quodammodo suspicentur. Ita enim pro se quisque magnus, magni vel secus fieri se ab altero putat, prout cùm aliis rebus, tum maxime legationibus observatur. Unde Gallorum regum ingens quondam fuit odium, quòd primogenitos ecclesiæ, & omnium regum antiquissimos se professi, his, similibusque legationibus, quæ minorum pentum fuerant, nunc hos, nunc illos, & vel dicis causa tantum salutabant. Quis enim non ægerimè tolerit, in tanto nobilium virorum regni unius numero, in tanta copia lectissimorum senatorum, ad se miti nunc obsecros, nunc alienigenas, nunc ineptos? Evidem nullum majus inertiae gentis fuerit argumentum, quàm hominum turbam in hunc legationum orbem produci nihili, & præstantiores quasi contemni, à quibus & mandata rectius exponuntur, & petita obtinentur,

E 4

que

que illustrantur. Dicit enim vix potest, quæ & quanta, etiam dum tacet, loquatur ille, ad quem nescio quis regum, durum legationis imponendæ onus nactus, hæc verba principio epistolæ exaraverat: Si stas, iter ingredi; si ingressus es, curre; si curris, advola. Et Pœnorum ille callidissimus persuadenda à legationis dignitate Romanis pace, hæc aliquando facere verba minimè dubitavit: Vestrum, inquit, ut audio, patres, nonnulli etiam ob hoc, quia parum dignitatis in legatione erat, negaverunt pacem, Annibal peto pacem. Ex quo ipso intelligi potest, quanto consilio, ratione, delectu & discrimine principibus sit opus ad externos legationibus dimittendis. Neque enim mihi probatur, probabiturque unquam Pauli I V. Pont. Max. & ejus similium consuetudo, qui cum nescio quem amicorum veterum in Cardinalium collegium cooptare apud se secretò statuisset, accivit illum Roma, Neapoli primùm, deinde ut sacros susciperet ordines seriò imperavit: mox longius progressus, missum se & in Galliam legatum, est pollicitus. At ille, cum se imparem utrique, ut sit, rei respondisset, Apage cum hac excusatione, inquit: ecquis duobus nobis exceptis, nihili esse sciverit te, nisi ipse fateare? Sed multò quidem habent se ista secus: nam cum ad rem ventum est, non ut vestium, aut equorum, ingeni

genii atque animi ornamenta mutuo semper accipias ; & quid in diligentia ac studio vel inde à teneris annis positum sit, semperque fuerit , tecum ipse serio licet recognoscas. Talis autem magna ex parte opinione hominum princeps pro se quisque fuit , qualis ejus nomine legatus publicum illud apud externos munus rectè vel secus obivit. Nam ut ferè vel à minimis legatorum exordiar vitiis , quot , & quanti legati , verba facturi , in primo illo aditu allocutioneque regis obmutuerunt ? Quæ res in postremo , ut dixi , errorum numerari licèt possit aut debeat , tamen non à nemine pro maximo saepe est aestimata. Multi enim aut contemni per id se duxerunt , aut non omnium rectissime sibi conscios, id divinitus pœnæ sortitos dixerunt ; aut verò nescio quid aliud sinistri de iis suspicari minime dubitarunt : errorem enim committit unus , variè hunc varii interpretantur infiniti . Ac vidi ego summum quendam , summisque de rebus missum virum, in collegium Cardinalium post cooptatum , cum clarissimum regem ex longinqua profectiōe redeuntem alloqui debuisset , nulla de causa obmutuisse , & nec unum tantum verbum proferre potuisse. Et vidi Cardinalem alterum , qui, ut semel & iterum interpellatus fuisset, animosè recolligentem se , & usque ad finem summa cum libertate vocis & orationis perorantem. Quod nescio unde even-

rit. Sed ut mihi quidem videtur, duplex ejus rei est remedium. Primum, ut id nobis etiam amicissimis evenire posse in animum nostrum inducamus, ac proinde contra ejus rei aut exitus periculum nos fortiter muniamus. Alterum, ne ad ipsa verba, eorumque contextum prorsus nos alligemus, aut si meminerimus, memoria sic ea mandemus, ut nequaquam hallucinemur. Sed omnium remediorum fuerit illud maximum, ne princeps in legatione utatur tyrone, sed homine jam maturo, & diu multumque exercitato: *inglorie enim dicit, qui secundis erroribus vult ridere ducisse.* Sape lapsus accidit, ut ejusmodi legati, muti repente facti, aut dormium, ut edormiant crapulam, remittantur, aut non omnium optimam, quod dixi, habere putentur conscientiam; unde postea multarum rerum in aula infimulentur, & aliquando captivi teneantur. Sigismundus I. Poloniae Rex Turcicum legatum, tanta illa Regis & senatus, qui verè a senibus est dictus, majestate in stuporem quendam adductum, & nec unum verbum proferentem, in hospitium remittit, & ut postmodum ad se reverteretur postulavit Maximilianus Caesar, a exposita legatione modicis temporis spatius Stephanum Bathorem, post Regem Poloniae creatum, captivum fecit, quod pacificationis loco, cuius tractandae causa ille forte a Principe Transylvaniae venerat, res ad arma inter-

terim

Steph.
Bathore-
um. Ma-
xim. Ca-
sar, &
primum fa-
ctus.

terum recidisset. Quod quidem sui æmuli Gaspari Bekeschii arte, magni illius & ingeniosi in Transylvania Satrapæ dicebat Bathoreus evenisse. Multi enim creantur legati, ligati ut videantur. Nam cum nihil magis variam & multiplicem quàm legatio in se recipiat interpretationem, considerandum est, quo modo & animo illa nobis demandetur. Harum rerum artificio Catharina Medicæ, Regina Franciæ, præcipitem in aula dedit non neminem: ac imprimis memorabile illud est, quod Bellegardio Marschallo, & Pibracio, regii Sacrationis consilii consiliario, ea authore dicitur evenisse. Occupare illa filios omnes, totumque eorum discupiebat semper dominatum. Quare, si qui fortè reperiebantur, qui primum gratiæ apud eos locum affecuti dicerentur, hos e vestigio curabat aliò ablegari: & aut duetandorum exercitum, aut legationum munera his mandabat. Erant autem in aliis Henrico Regi, cum ex Polonia revertisset, Bellegardus & Pibracius charissimi, hic quidem pacis, belli ille artibus satis insignis: Quem cum Livonium oppugnatum misisset, subtraxit ei ante bello gerendo necessaria; ut hominem nihili, & bello administrando minus aptum, quod & effecit, vulgo ostendisset. Mox ad Pibracium conversa, & hunc in legatione ad Regni Poloniæ Ordines voluit mitti, sed ita, ut in finibus Germaniæ & Lotaringiæ excuteretur, irritaque

prorsus omnis illa fieret ipsius profectio, qua & Polonicas res, ex intricatis intricatissimas fecit, & tum publica, tum & privata nonnullorum negotia impedivit. Sic nimirum ludunt rebus, vel in rebus ii, qui plus aliquid aliis habent in aula potestatis. Quam rectè, illi viderint; ego & principum artes, & inferiorum partes, cum ea quæ eruditionis & prudentiæ sit differentia, tacitus inecum ipse recognovi. *Pulchrum quidem est, sequi & assequi munera; sed tutissimum caruisse.* Ac quemadmodum pro argillæ gleba nihil prorsus datur, vas verò ex ea confectum suo pretio aestimatur; sic sine usu & tractatione rerum habet se doctrina, parum aut nihil valitura; asini enim libris cooperti, & docti inepti, quid à se distabunt? Quocirca si qui fortè legati minus intelligentes & experientes fuerint rerum, & aut in itinere tardaverint, aut alias quasque occupationes ineptas habuerint, ineptive ipsi sint, non omnino videantur tutò in legatione dimittendi: præstat enim domi retinere inertem, quam ipsius indignitatis habere non neminem foris spectatorem. Parvo enim momento huc atque illuc impelluntur, sententiam facile mutant, nec interrogati cum dignitate eam explicant, nec imperare sibi familiarique suæ sciunt, & debita facilè contrahunt, quæ denique multis mensibus sufficere potuissent, paucis abliguriunt. Iam
quas

quas nec ipsi quidem habent, in aliis virtutes desiderant: aliorum studia & mores carpunt: in alienam vitam inquirunt, & assimulatæ cujusdam probitatis specie, non tam esse boni, quàm videri volunt; & nec tamen vel aliquando sibi vel aliis hoc nomine satisfaciunt. Vt enim muli ex equo & asina conflati; sic nunc boni nunc perversi neutrum dicuntur. Qui si sapiunt, (sapere autem alieno, quàm suo damno potius debent,) munera publica & legationes per se ipsi refugiant: quid sibi desit videant; suos quàm alienos nævos potius introspiciant: & si cum perfectis semper vivere volunt, quærant sibi urbem sponte sua, Non vinclo, nec legibus æquam, ut ait Poëta. Nam aliud est in Lyceo Platonis, & aliud in sece Romuli vivere: & aliud in ore, aliud in pectore gerere bonitatem. Principes etiam ipsi, non tam ambientibus, quàm refugientibus munera publica & legationes mandent: quatenus progredi vel regredi in iis debeant, præscribant: simias, quò altius ascenderint, pudenda magis ostentare sua moneant: nihil gratiæ & favori, omnia virtuti & industriæ tribuant: dandis legato mandatis, quoad eius fieri paucioribus potest, se concedant, & humani ingenii morem esse, perpetuò licitari, & iniqua interdum petere, ut æqua obtineantur, recordentur. Multas denique tendi insidias multis, sed imprimis publica negotia tractantibus at-

E 7

que

que legatis. Vnde videmus quosdam, & maximè barbaros principes, cùm externi legati in eorum sententiam non statim descendere voluissent, mandatis eorum scriptis ostentis, facere imperata coëgisse, & vel hoc ipso nomine, legatorum quas vocant instructionibus disquirendis, quàm curiosissimi fuerint, non obscurè ostendisse. Fecit id hujus nominis alter, & tertius Turcarum dominus Bajazetes Venetis: fecit & olim Galeatius Dux Mediolani Florentinis: fecerunt alii aliis: quàm rectè, non disputo, sed tantùm ipsum factum profero in apertum. Valdè quippè sunt solliciti principes sciendis penitus omnibus mandatis legatorum. Itaque & Maximilianus Cæsar, admirabili princeps ingenio, secretam instructionem, quam Regni Poloniæ procures ad Stephanum Regem legatis in Trausylvaniam dederant suis, magno studio quæsitam habuit, & nobis Ratisbonæ ostendit. Quo magis legationem expedit esse secretissimam, & habere mandata, quæ contineant obsecratis modicum, & quàm minimum amphibologiarum: ut enim mystice vel amphibologice loqui videatur nescio cujus sapientiæ, tamen regis quidam candor præstat artificis omnibus simulandi & dissimulandi, ut ille nescio quis, qui nesciret simulare, nescire eum & regnare, dixerit Imperator. Sed multùm simulare & dissimulare differunt, ac primum quidem malitiæ,

litia, posterius fuerit necessitatis. Unum
verò maxime indubitatum illud est, eum,
qui ambularet simpliciter, ambulare &
confidenter. Est quidem aliquid, esse te-
ctum, sed multò plus rectum suis in confi-
liis, cum malè sibi conscii oculos deiciant,
& latera vulneribus aperiant, recta verò
conscientia muri instar habeatur. Interest
autem & legati, & principis, ea, quæ se-
mel data fuerint, mandata, habere perpe-
tuo rata, ne si fortè immutata fuerint, in
ea pericula legatus incurrat, quæ ante mo-
nuimus, siue id legati culpa, siue principis
acciderit voluntate. Ac nec quidem est re-
gium, una manu ostentare panem, & alte-
ra ingerere velle scorpionem. Et plerum-
que usu venit, ut qui verborum aucupis,
aut literarum tendiculis alios circumve-
niunt, posteaquam ad apertum venit bel-
lum, cadant eorundem armis, & publico
risu exagitentur. Non vult Deus, eos, qui
impie & fallaciter agunt, diu successibus
augeri. Nec verò & ego soleo insultare
cujusquam vulneribus, nec præceptis esse æ-
stimandis aliarum gentium nationumque
moribus, quos scio variè varios interpre-
tari, & nihil non esse plenum in utramque
partem exemplorum; sed ut tamen ad su-
premum illud offensum numen revocen-
tur omnia, quis non legit, quæ fuerit Græ-
corum aut Græca cum Latinis fides, &
quæ nunc sit etiam Moscovitarum. De qui-
bus nihilominus sapius triumphavit non
nemo

nemo barbarorum. Et non temerè id quidem. Nam *ubi plurimum caliditatis, ibi minimum saepe est felicitatis*. Quo loco multa equidè possem afferre, quæ de hujus gentis versutia etiam citra ullam suspicionem falsi producerentur. Sed unum illud sufficiat, quando Ioannis Magni Moscoviæ Ducis legati, in tractatione ad Zapolscium cum rege Stephano pacis, legatos regios quibusdam arcibus, quas in Livonia semel concesserant, ante ipsum edendum iusjurandum, supposito falso diplomate, fraudare visi sunt voluisse: sunt enim multa fraudationum genera memorabilia, at in publica tractatione inter reges pacis, memorabilissima. Verùm alteri loco & tempori hæc reservetur potiùs narratio. Vnum autem illud hæreat memoria, quæ justitiæ contraria, ea nec futura quidem felicia: & Anglos tractanda pace imprudentiores, Gallis armis superiores se profiteri, quod olim idem de Crucigeris & majoribus nostris vulgè sermonibus usurpabatur. Sed non semper, ut apparet, facilia nodosa, & clara turbida expedit reddidisse: recto enim proposito fine, ut consilium defuerit, numen pro se cuique bono aderit divinitatis. Quare (quod Apollo Pythius monuit, quodque ego paulò antè observandum censui,) legatus cognoscat semet ipsum; & tam in petenda, quàm assumenda legatione, quid juris justitiæve fuerit. & quid tam per se præstare possit, quàm aliunde subsidii

subsidii expectare debeat, ipse secum mature recognoscat. Vastæ cogitationes sunt nostræ, & quo minus aliquis sapit, eò opinionione sapientiæ ditare se magis consuevit. Cui morbo occurrendum sanè est tum scienter, tum verò etiam studiosè: multos enim vinum in prælia inermes, & ineptos ambitio in legationes protrahit insipientes. At verò cum ad tractandas venit res, tuis te pedibus oportet, sustineas; & quod antè non didicisti forte privatus, agrè discas factus legatus. Vt enim consilium tibi aliqui dederint, hinc rursus consultore opus, quod & quale consilium fuerit amplectendum: non minus enim errat, qui nullo consilio facit aliquid malè, quàm qui perverso utitur consultore. Quem ad cognoscendum non semihoræ spatio, sed multo, quidd cum eo comedas, indigebis sale, & in confessu regum non una aut altera occasione & causa verbis (ut fit) faciundis: auget enim animum publicum & frequens theatrum, & ardor ille dicendi, teste ipso M. Tullio, angusto debilitatur loco. Quis denique non moveat risum, interruptis vocibus, & veluti cum quadam titubatione & hæsitantia habita oratio? Qualem cum nescio quis in purpuratorum apud Turcas confessu forte habuisset, & interpretari alter verba ipsius debuisset, cursim omnia ea, quæ legatus dixerat, exposuit, & quodammodo legato ipso orationem visus est habuisse pulchriorem.

Tum

Tum verò purpuratotum quendam ride-
re, & Deos hominesque coepisse testari,
nunquam se, qui magis legato abuteretur,
vidisse tempore, & qui aded servo uteretur
ipso se prudentiore. Et nisi me animus fal-
lit, haud ita injuria: Semper enim non,
quàm multa, sed quàm multum quis dixe-
rit, spectatur: nec quàm nobili, sed quàm
idoneo legatio demandetur. Humilitas e-
nim generis, neque offensio adimit scien-
tiam popularis. Sed nimirum, cùm ad
præclarum ipsum genus majorumque ima-
gines accesserit eruditio, næ haud legatus
& legatio facile exolefcit. Habet enim non
obscurum obscuritas generis despiciatum,
cùm, ut antè dixi, & principes ipsi despi-
catui se haberi putant, cùm aut obscuri,
aut externi, aut patre notato, vel notati
ipsi ad eos legati dimittuntur. Etenim, si
divinus ille & morum magister Plato, no-
tato patre filios ad Rempub. non censuit
admittendos, quí publicas legationes ob-
ierint ii, qui alicujus criminis notati ipsi
sunt vel fuerunt, nisi fortè flexu ætatis
commissum aliquid sit, quod firmata stir-
pe virtutis, egregiè compensatum videat-
ur? Tum quidem tantum abesset, ut re-
cordari ea debeant, ut quasi quardam eti-
am testimonia virtutis sint resurgentis.
Rard enim sunt visi, qui uberes ingenii e-
dituri fruges, vitiorum prius semina non
aliqua jecerint, quod nihil minus quàm
vituperio eis vertebatur. Melior quippè
culpata

culpata est virtus, quàm torpore quodam languens continuo innocentia. Quid quod nec æquum aliàs fuerit, exprobrare ea virtuti mortali, quæ credibile est in oblivionem venisse Deo ipsi immortalis. Laurus vel media hyeme viret, & virtutis ingenii-que fama, etiamsi vel aliquos habueris naves, nunquam arefcit. Sed age progrediamur, & certissimum quidem esto, nec obscuros, neque sceleribus infames, neque ab infamibus legatos venire oportere. Verùm adhuc illud certius, dimittendis illis parem, imò majorem semper habendam esse rationem virtutis, quàm generis, probitatis quam nobilitatis; & si adeò proficiantur plures, animi & consilii spectetur potissimum in iis magnitudo. Parvo namque est usui, nautæ nasci & appellari filios, si demùm illos omnes videas remiges, non nanderos: & sicuti surdo soni, cæco perspicilli, aratrum naviganti, clavus nauticus ambulanti; sic nobilitas, quæ virtute caret, Thrasoni fuerit non nemini. Non etenim aliena dicas tua, quorum ipse ostendere non possis te authorem. Hinc postea & inter collegas legationis unius, morum & animorum nascitur dissimilitudo; cum hi majorum imaginibus tument, & alios præ se aspernantur, & rursus illi contemnant contemnentem. Quæ omnia apud exteros præsertim & citò notantur, & subitò vulgantur, & rebus eorum, principis dignitatique adversantur: quidquid enim legati

Mart.
Crome-
rus.

legati intriverint, id excedendum est eos mittenti. Dixit mihi aliquando Cromerus, vir non quidem genere, sed doctrina & eruditione clarissimus, cum apud Ferdinandum, Romanorum, Hungariæ, Bohemiæque Regem, cum perillustri quodam procere Sigismundi Augusti Poloniæ regis fuisset legatus, sic ante regem in scamno, quod capiebat duos, collegam sedisse, ut ille excludi non obscure videretur. Tum Ferdinandum dixisse: Sedeat, inquit, uterque, cum & in legatione uterque contineatur: quod non evenisset, si inter se legati ipsi differentiam non quærent, & quadam veluti rivalitate animo opinioneque non variarent: *persuasio enim de seipso magna alterius contemnendi fax est certa.* Quo etiam restringendum semper quàm augendum dicerem numerum legatorum, & vix ipsum ternarium excedendum, ipsis mittendis. Fit enim, ut cum plures pluribus stipati comitibus veniunt, bellandi causa venisse; pauci, tractandorum negotiorum ergo legationis comitatum dicantur excessisse: non tam enim numerus aut comitatus, quàm ipsum pondus & concordia mutua legatorum spectatur: quæ si omnino desideretur, (desideratur autem in pluribus sapissimè,) statim omnes laborant infamia levitatis. Factiones enim inter se excitant & alunt, & variis ac multiplicibus nunc harum nunc illarum rerum narrationibus principi causam & occa-

occasionem præbent de eorum fide , aut saltem prudentia dubitandi. Non temerè igitur veteres aut inter discessuros legatos concordiam faciebant , aut verò ultrò ipsi per se legati peregrè profecturi inimicitias deponebant. Pulchrum est Græcorum illud : Relinquamus his in montibus , inquit , inimicitias inter nos veteres ; resumemus , si placuerit , cùm à legatione revertemur. Quis enim amicitia cum aliis alicui sit fida , si nulla cum collega fuerit ? aut quis bonum testimonium ei dederit , cui itineris comes negaverit ? Et tamen hoc vitio cùm inter alios , tum inter Christianorum principum legatos , maximè laboratur , quibus Christus Opt. Max. sui amoris symbolum concordiam dedit , & non adumbrata , sed expressa vestigia reliquit lenitatis. Quod non aliunde provenit , quàm ab animi quodam tumore & impotentia , & quod nonnulli partim debitorum , quæ solvenda essent , nisi legatio obstaret , gratia , partim compendii alicujus , & ut semper , quod prætendant , habeant , causa , ambiunt temerè legationes ; & eorum sibi comparant ad eam rem patrocina , à quibus , principum dignitatis ergo , deberent potius removeri. Quo magis ipsi principes viderint , quibus faciem suam ad externos permiserint deportandam : & si non præstiterit , conciliare inter se & domi retinere profecturos , quàm demùm audire digladiari à se missos fatuos vel ambitiosos,

bitiosos. Sumptibus quidem legati providendi sunt necessariis, ne in medio veluti quodam rerum cursu gradum sistant, & cum vel à portu parum abfuerint, contrariis ventis subito trahantur. Difficile dictu est, quantus hostis paupertas sit fueritque semper virtutis, & quàm, Reipub. insigni detrimento, navis & industriis viris ejus facultates denegantur. Eorum autem loco augentur ii, qui poterant, & haud scio an debebant, facultatibus caruisse: tantum enim abest, ut iis sint usui, aut decori alicui, ut quasi quædam etiam instrumenta libidinum videantur, quibus apud externos abutentes, & non injuria dicti ventosi, passim proculdubio irridentur. Quod ne fiat, senes & maturos, ut ante etiam monui, in legationibus mittere præstiterit, in quibus multa semper dies lenivit, ætas mitigavit; & quos experiundo contempsisse, satietate abjecisse quædam etiam præter opinionem aliquando deprehendas; sed ita, ut & hi nullum usquam relinquunt vestigium avaritiæ & cupiditatis suæ: *senectus enim affert secum morositatem, & habendi sitim.* Quæ cum omnibus fuerit turpis, tum legato turpissima: munera enim legati accipere possunt, sed qui quæstus gratia legationes obeunt, his principes nihil debent. Sunt enim quædam gratuiæ, & quæstus gratia aliæ susceptæ legationes. Hæ nullum, illæ habent duplex beneficium: unum à lege, alterum ab homine.

Vnum

Vnum ergo illud tam fœdum avaritiæ virium, quàm longissimè absit à legato ejusque animo, qui major ferè habetur imperatore ipso. Etenim hic multa officia, quorum ipse imperitus est, opera aliorum administrat vicaria: legatum verò propria non aliena, vera non fucata ornamenta commendant. Vnde etiam bellatorum nescio quis ille, unius sui legati ore, quàm maxima quaque militum cohorte, arces cepisse se plures gloriabatur. Quo etiam legati ipsius functio & amatur vehementius, & colitur numinis instar impensius, & illustris ac magnifica semper habetur. Quis enim eo sit charior, qui arma verbis dirimit, gentes & nationes in hostes confociat, adversarios voce opprimit, socios perpetuo otio atque quiete latari facit, cum omnium non dicam laude, sed planè etiam admiratione? quis illo sanctior, qui Christi & Apostolorum, & ipsius denique annunciantis refert personam Gabrielis? & non tam armis aut satellitibus septus, quàm jure gentium vallatus, quò, & quando, & quomodo vult semper pervadit? quis denique legato habeatur illustrior, qui tot honorificentissimis legationibus cum dignitate obitis, tot regiis visis, tot colloquiis & responsionibus regum auditis, quàm ullis lauri foliis citò arefcentibus rectius gloriatur? Quo nomine cum multi nostra ætate alii, tum nimirum Cardinalis Moronus, nescio quid plusculum

laudis

*Pyrrhus,
Cinea.*

laudis sibi tribui, modestè licèt, cupiebat :
nam Pardi instar , qui , ut tertio assultu fe-
ram capere , sic & ille negotia conficere
consuevisse, vulgò dicebatur ; cùm revera
prudenti legato nihil sit majus , nec magis
necessarium , neque aded commendabile
hominum memoriæ sempiternæ. Ac me-
moria inprimis fuerit dignissimum , quod
de Ludovico nescio quo Galliarum rege
vulgò circumfertur, qui cùm per legatum
suum hominem industrium Caroli Bur-
gundiæ Ducis animum à se nonnihil aba-
lienatum , & spe cujusdam ab eo defectio-
nis subjectorum belli cupidum fortè co-
gnovisset , certa quadam uti arte , & per
eundem illum legatum de omnibus pacatè
cum eo voluit transgisse : *præstat enim le-
gatione, quàm armis omnia terminari* Hoc
facto ad tuos conversus , nunc hos capitali
afficit supplicio , nunc illos in exilium e-
git, nunc alios gravi ære multavit ; Quod
non fecisset, si & prudentem legatum , &
minimè præcipitem ad vindictam animum
non habuisset : non enim nisi lento & bene
firmato pede rebellionem aggrediare ca-
stigandam ; & tantum quidem in mitten-
dis ad externos nunciis positum est discri-
minis, ut pax & bellum, felicitas & infeli-
citas , contemptus & majestas principis
inde haud dubiè proficisci videatur. Sed
meminerimus , non omnes peraxquè esse,
qui videri cupiunt , & alios opinione vul-
gi , alios incorruptè judicantium judicio

cenferi ſapientes, aliam denique verbosam, aliam rerum omnium dominam eſſe ſapientiam. Quam ut hic perfectè non diſcimus, proximè quidem ad ejus perfectionem accedere conniti debemus, & opinionem ſemel de nobis excitatam virtute & conſtantia tueamur; *neque perperam & malitiòſè facta latere diu poſſe*, aut ex latebra impunitatem ſperare nos debere arbitremur. Pulchrè enim alicubi Sophocles:

Nihil occulto quando cuncta tuens,

Et cuncta audiens, omnia revelabit dies.

Quo etiam magis turpia quæque & ignominioſa mandata ſtudioſiſſimè ſunt vitanda, & tam occulta omnia, quàm quæ in aliorum vergunt exitium, nobis non invitis nec invidentibus, cuius potius quàm nobis mandentur. Habent enim neſcio quam ſpeciem proditiõis, quæcunque aguntur ſimulatè: non enim illi ſolùm, qui ſcelere & maleficio paſcuntur, ſed qui ad eò etiam in aliorum necem conſilium præſtant, habentur interfectores. Vnde ut varia legationum & mandatorum ſunt genera, ſic maximè deſideranda ſunt magis pacata & tranquilla, ne aut malitioſi, aut ingrati, aut etiam leves & temerarii habeamur. Quis enim legatorum futurus eſt gratus, quem mandata fecerint odioſum? & quem paulò curioſius in Repub. verſantem, non reddiderint tandem ſuſpectum, præſertim tot ſectis tam inter ſe diſſectis, & non tantùm animis, verùm etiam caſtris

F

regi.

regibus inter se dissidentibus, quorum aliqui ideo se, legatosque suos, majorem auctoritatem habere putant, quod superiores non agnoscant, quasi & Deo Opt. Max. non liceat rebellasse, quod tantum abest, ut probari debeat, ut quod graviore animadversione dignius sit, tempori & occasione eò magis reservetur. Non enim impunitas auctoramentum errorum, nec conspiratio bonis nocuerit improborum. Sed relinquamus querelas, ac unum illud sequamur, & utinam quidem assequamur omnes, ut sicuti capitis unius membra Christi, ita & doctrinae consensione unum in ipso simus, & non tam otiosis syllogismis dogmata, quam fortibus factis imperium proferendum judicemus Legatis, qui & majorum nostrorum suus honos constaret, & eorum auctoritate, quibus olim paruerunt omnes, sancta testaque conservata, haud scio si quis ita fidenter alienis etiam inhieret, sed *unius contemptus generat alterius despectum*. Quanquam & Maximiliani Primi Caesaris tempore jam illud etiam moris fuerat, externos legatos longius ab aula tenuisse, & non facile aditum ad eos patuisse. Quod & Comineus in Hispaniis sub Ferdinando Catholico rege accidisse sibi testificatur. *Vix enim alia aliqua re expiator ab oratore, quam una illa differt impunitate*. Qui tamò etiam in suspicionem citius incurrit, quamò non modò regionis, sed illius etiam, apud quos versabitur,

expers.

expers erit religionis: inter enim alia multa vincula, hominum animi, à qua & dicitur, maxime religione religantur. Neque tamen in omnes alios legatos fraudis & injuriæ subito cadat suspicio, neque vita & dogmatibus legati inquirendis opus est properato. Multi non tam judicio, quam errore & contagione quadam seculi, eò, ut diversum à nobis sentiant, delati sunt: & multi non tam voluntate, quam necessitate quadam superiorum jussu in curiositatis suspensionem tandem venerunt, cum ea disquirerent, quæ non videbantur debuisse. Sed & naturâ ingenua nobis *cupidas esse* quedam, *novi semper aliquid sciendi & sciscitandi*: & ut hominis finis non sit scientia, siæ tamen ea in cognitionem rei creatæ & creatoris venire factum est incredibile, quæ nimirum summa nec scio, an una appellatur sapientia, quam non humanitus datam, sed calitus fufam antiqui putaverunt. Sed sicuti quidem in omnibus rebus, quæ laudari debent, ars occultanda, sic & hæc curiositas comitate, affabilitate, & omnis generis erga indigenitales officio, necessario est tegenda & regenda. Malum enim est, in suspensionem venire curiosi, sed multo adhuc deterius, sortiri nomen pariter & morosi: ægrè enim ubique tumidos, sed domi nimirum nostræ omnium ægerrius toleramus. Quamobrem sit illius dicti legatus vel in prius memor, tales nos debere esse in inferiores, quales velle-

mus erga nos invenire superiores. Arroganter compellandi, scominata in aliquem jaciendi, temerè res aliorum æstimandi, & nunc hujus nunc illius ferendi de hominibus judicii, absit à legato quàm longissimè consuetudo. Accidit nescio in qua aula, quòd legatorum dictum est non nemini: Dominus, inquit, legatus perpetuò malè; ego contrà loquor de illo benè; viderit, ne nostrum alteruter mentiatur. Sed & sibi quàm alteri magis nocet, qui absenti obtrectatur: vulgo enim ostentat animi sui impotentiam, & minorem se illo, cui fortè invidet, testificatur. Denique observatum est, quod quando aliquis creatum periculum alteri voluit, quod bonus voluerit nemo, creditum est magis rem quasi aliam agenti, quàm ex instituto accusanti. Memorabile est Prosperi illius Columnæ exemplum, qui cum Ferdinando Consalvo, susceptis parvis quibusdam offensionibus, in Hispanias navigasset, cumque ab Isabella Ferdinandi Catholici Hispaniarum Regis conjuge, de eo, deque rebus ab eo gestis interrogaretur, quo loco Neapoli esset, & quomodo in vulgus ejus actiones probarentur; Perbellè, ac unum illud deesse illi diadema, acutè respondit. Quæ demum responsio causa fuit, quæ ab hinc centum annis ex Hispaniis Neapolim profectionis exitit Ferdinandi, qua Consalvi administratio & autoritas fuit paulo diminuta: semper enim suspecta regnantibus

bus procèrum est virtus & amplitudo : quanquam viderint, ne dum suspicionibus indulgent, erga bene meritos ingrati habeantur : sed ad curriculum revertamur. Legatis quidem illud vel potissimum curæ sit, ut quæ nocere gravius eis possint, omnî ratione fugiant ; amplectantur, quibus juvantur : Vnde & rard quod dixi convivari, non indulgere alexæ, non commessationibus, non aliis id genus voluptatibus multum dare temporis, legati expediet dignitati. Nec verò & primos illos in mensa petere accubitus, non interrompere aliorum in sermone exorsus, in suo non habere morsus ; sed & consideratè, & paulatim, & pauca loqui, quod sæpè dictum est, summæ prudentiæ judicatur. Etenim vel ex minimis de summis aliquando capitur conjectura. Itaque ut vel ad minutiora etiam descendamus, raro, nisi prorsus habuerit neminem domi suæ, loco se posuerit legatus primo, ac nec secundo ; sed præferat sibi pares, præmittat superiores, ac nec eò usque inferiores demittat, ut cùm mensæ suæ hospites adhibuerit, conturbatos quàm recreatos potius dimisisse, & sibi, non aliis honorem & authoritatem iis quassisse videatur. Vt enim musci levi cordarum tactu, quàm gravi aliquo pulsu, demulcent magis aures ; sic civili ratione, cùm comiter aliquem excipimus, placidèque & suaviter tractamus, quàm contractione aliqua frontis, & supercilio gravi.

omnium nobis conciliamus magis voluntates. Et habet quidem unusquisque in se legatus naturas, ut ita dicam, duas: Propriam sive naturalem unam; Principis, quæ illi est imposita, alteram. Quapropter, sicuti quidem in Comædiis aut Trægoriis, qui aut Cæsarem aut Pompejum representant, eorum videri quàm simillimi cupiunt; finita autem scena, relictæque chlamide ad gestus & vestitus proprios revertuntur: sic quidem & legatos in publicis theatris aut congressibus sui principis, cuius personam referunt, par fuerit meminisse; sed reverti hand ita gravatim ad suam in convivium familiari. Est enim publicum cum privato decoro ita miscendum, ut & supra conditionem nostram nunquam nos efferamus: nec nimium demittentes, gravitatis nostræ & principis, à quo missi sumus, dignitatis penitus obliviscamur. Alterum quidem agrestium, alterum superborum nomen & invidiam facile nobis constabit: & si aliquibus admirationi, pluribus erimus contemptui: novi quippè mores & numismata respiciuntur, & differt unius gentis ab altera natura, & nunc huius nunc illius aulæ consuetudo. Nam ut illud etiam denuo ipsum, quod pauld' antè attigeram, breviter succinctèque commemorem, & quisquam dubitabit, quod quibusdam in regnis capiendi pro se cuique loci facultas in mensa datur, alibi verò non nisi arbitrato hospitis

spiritus hospes collocatur. Quid igitur? An & hoc ei, qui in aulam legatus venit, scitu non fuerit necessarium, tum ut alios apud se discubituros collocare sciat, aut eorum voluntati & iudicio id permittat, tum verò ut & ipse locum sibi eligat, personæ & dignitati suæ congruentem. Minuta hæc sunt fateor, sed turpius est ignorasse illa, quàm discere noluisse. Vnum autem, quod toties dixi, quodque ipse gentium Doctor alicubi monet, Piè, castè, sobrièque vivere in legationibus sciamus, & alios ad exhaurienda pocula non tantopere urgeamus. Enimverò nescias, cùm aliquando potum volueris effutire vim apud te omnem quam habet secretorum, quod tu ipse in eandem illam, quam alteri struxeris foveam, faciliè etiam illaberis. Vna illa *ebrietas omnis licentie est mater, & infida custos taciturnitatis*. Quid quod & refugiunt talem legatum homines; ut contra sobrietatis & taciturnitatis fama invitantur ad eum quàm plurimi, & legatus quod non scit hodie ab uno, resciscit postridiè ab altero, atque item tertio, humanitate & taciturnitate nostra victis, & quodammodo in legati sententiam & familiaritatem sensim perductis: compedes enim injicit, qui credenti se alicui fidem servaverit: & qui major existens, facit sibi inferiorem, vel nonnunquam cum gravitate parem. Omnes enim ferè homines contrarium licèt præ se ferant, æstimant se magno, & æstimari cupiunt,

piunt, præsertim ab æstimato. Ac ut nihil magis sit lubricum & incertum quam verborum pompa & externa ista denuncia-
tio voluntatis, tamen mirum est, quot & quanti his rebus etiam capiautur. Non sit tamen in taciturnitatis quærenda laude legatus, ligatus celare aliorum crimina, in principem aut suum, aut eum apud quem versabitur, commissa, si præcipuè ea de re fuerit requisitus. Quo minus & facilis aliis, præsertim quos aut non diu, aut minus probè novit, regibus commendandis. Nam præter quòd suos sibi ab exteris commendari ægrè ferunt reges, non multum in recessu gloriæ & emolumentum subita aliqua habet commendatio, cum quos commendaverimus, commendationi non respondentibus, cum quodam veluti rubore quotidie in aula intuemur, & aliquando imponimus nobis necessitatem pro sceleribus, si quæ fortè eorum inciderint, respondendi. Et quoniam memoria plerumque est labilis, consignet quotidie legatus literis, quæ vel ipse loquitur, vel audit ab aliis, notatu præsertim digniora. *Fuerunt usui multa, quæ delituerunt in scrinio diu secreta.* Sed hac in parte & princeps & legatus ipsius sint cautissimi, nec illa temerè velint literis committere, quæ aliquando possent vulgari. Etenim sicuti nulla alia magis re, quàm epistolis communicantur plurima, ita volunt & debent esse secretissimæ illæ, ne in manus aliorum devolutæ
dammum,

damnum, aut ignominiam pariant nobis sempiternam: omnia enim secreta anxie quaruntur, & occulta inveniuntur. Severus olim Imperator Clodio Albinio occiso, statim inquire ipsius literas jussit, & quæ ad alios scripserat, & quæ responsa habuerat; tandem invenit, quo erat factum, ut multi hostes patriæ à senatu pronunciarentur. Cui rei ut occurrere quidam potuissent, tabellis ligneis, scriptura desuper cera obducta, hostium consilia suis prodiderunt: & aliqui loris circa baculum complicatis, quæ sciebant secreta, perscripserunt; alii è castris & munitionibus bullas plumbeas, certis notis consignatas è funda miserunt, & denique etiam nonnulli literas sagittis interpositas, sunt ejaculati. Vt epistolas, quæ lacte, aut succo capris scribi possunt, non commemorem, quarum characteres ad ignem admoti exeunt, & in apertum veluti ex nihilo proferuntur; & ut literarum notas, quas vulgò vocant ignotas, taceam, quibus secretissima quaque inter se communicantur. Quæ omnia ad legati & legationis munus pertinent, scienter & cum dignitate obeundum: quo haud scio si quid fuerit illustrius, utpotè cum una illa rectè obita legatione, legatus passim & ubique laudetur, suorum & hostium in ore versetur, præsens & absens, vivens & moriens commendetur; maximè si non tantùm ea, quæ propriè ad legationem, & tam negata

Succo capris scribere.

quàm obtenta postulata spectant, sed etiam quæ ad regem regnumque, sive provinciam, in qua fuerat, pertinent, fideliter explicabit: ut enim singulis ferè decenniis ea mutantur, & perpetuo floreat nihil, tamen his cognoscendis homines imprimis delectantur, & haud scio an juvantur. Cujus rei ut majorem lucem legatus exponendæ & obeundæ legationis habeat, brevem quandam seu formam & lineamenta quasi extrema annotabo. Primum quidem legatus describet situm illius, in quo fuerat, regni aut provinciae, & tam antiquas, quàm recentiores appellationes regionum, urbium, & oppidorum apponet. Deinde habebit semper ad manum aliorum quoque tam veteres quam posteriores descriptiones, quibus collatis, de unaquaque re facilius eliciat veritatem, nimirum quæ sit illius regni sive provinciae elevatio poli, quæ orientis & obeuntis solis, quæ Austri & Aquilonis partes, quæ longitudo atque latitudo, quæ circumferentia, quot porro minores alias provincias seu municipia, quot Archiepiscopatus & Episcopatus, quot navigabilia flumina, quot excelsos & superatu difficiles montes, quot munitiones, & quæ adhuc extrui possent, sortiatur. Deinde veniet ad ejusdem regni sive provinciae vicinitates, confinia, consiniorumque rationes, aëris temperiem, bonitatem soli, ubertatem agrorum, rivulos auri, argenti, & aliorum metallorum, commoditatem

vena-

venationum, genera & multitudinem ferarum, magnitudinem sylvarum, & similia. Ab his transibit ad mores & ingenia hominum, ad rationem & cultum vivendi indigenitalium, ad habitum & habitudinem corporis, ad speciem & quandam veluti proprietatem coloris, & oris denique ipsius ac faciei dignitatem. Nec verò non describet publicas etiam leges atque sanctiones, pietatem vel superstitionem nationis, peculiare consuetudines omnium, modum & qualitates caeremoniarum, terra marique militandi usum, militem domesticum, & quo aliquando utitur etiam externum, ducum munia, prærogativas, præmia; inferioris verò militiæ ordinem, stipendia; procerum vires & magnificentiam; nobilitatis vigorem; frequentiam & facultatem plebis; mores & consuetudines gentis, & omnium tam politicorum quàm ecclesiasticorum statum & conditiones. Postremò verò accedet ad ipsum, ad quem mittetur, principem, suis (quod ajunt) coloribus depingendum, ordieturque primùm à genere, majorumque incubulis ipsius, demùm progressu temporum quibus artibus & occasionibus creverint, quas domi forisque res gesserint, quale nomen in morte, quale & quantum imperium reliquerint, suis demonstrabit. Ac nimirum ad ipsius principis, apud quem legatione fungebatur, mores, ingenium, & tam ocii, quàm negotii illius rationes ve-

niet explicandas , & quàm odio habeatur vel ametur à suis , suspiciatur vel contemnatur ab exteris , quantum vestigalium ei sit, quot rursus & quantos sumptus faciat, quantum militiæ foris, quantum domi stipatorum alat , qualem & quantam aulam, quales consiliarios, quales domesticos quot & quales corporis custodes, quibus cum amicitia aliquid & hostilitatis habeat , & quæ denique tam subsidia pacis, quàm præsidia belli, pro re & occasione nancisceretur. His enim sciendis & resciscendis legati ditescit animus, & lucem haurit principum non nemo, & tota denique ejuscemodi legatis condecoratur regio atque religio: sunt enim idonei legati, tanquam quidam flores populi , quibus constat honos omnium , & pax & tranquillitas , in qua cultus Dei & religio viget regionum. Sua denique scire & ignorare aliena, dimidium est scientiæ in Repub. gubernanda, & una sunt illa, ad documentum posteritatis obitæ legationis , scripta relicta , & in archivum regium , tanquam in quoddam sacrum, importata , quæ seriem & vicissitudinem testantur temporum , memoriam conservant præteritorum, & industriam ac opera locupletant scriptorum. Sciendum tamen est , non peræque omnibus scriptis & scriptoribus habendam esse fidem : nam multa dicuntur partim odio , partim inscientia, partim vanitate. Sed unum illud omnium maximâ dat authoritatem eorum
moni-

monimentis, cum non modò interfuerint, sed & præfuerint ipsi aliquando rebus, & placuerint si non cunctis, saltem sanioribus, & perfuncti postremò legatione, ejus rei testimonium ad suos retulerint luculentum: nefas enim est, sine ejus ad quem veneris, & sine illius, à quo missus fueris, scitu & voluntate ab aula discessisse; ac multò minus decuerit, non deposita legatione, apud exteros remansisse. Quod olim Philippum Callimachum Italum, à Florentinis ad Cazimirum III; & Andream Dudicium Sbardellatum Hungarum, à Maximiliano Cæsare ad Sigismundum Augustum; & Andream Lorichium Germanum, à Joanne III. Sueciæ Rege ad Stephanum Poloniæ Reges constat fecisse, & in Polonia remansisse. Quod ipsum & Polonici cæli non omnium inclementissimi, & nationis haud ita incivilis est argumentum. Vix enim aliquis paulò cultior mores suorum, nedum aliorum barbaros, & regionem patitur horridiorem. Quid quod multorum & saniorum est opinio, præstare ejus principis, apud quem fungere legatione, retulisse literas parum moratas, quàm sine obitæ legationis aliqua saltem nota ad suos revertisse. Illud enim principis, qui scribit, animi tribuitur impotentia, posterius aut legati metui, aut verò levitati. Cum tamen ejusmodi legatis, qui pro patria aliquid experti difficultatis sint, aut mortem obierint, statuas & trophæa erecta antiquitus me-

*Andr.
Dudicius
levitatu
arguitur.*

morentur. Curet tamen, quantum in ipso fuerit, ut ne tales quidem, quales odio & contemptui essent, legatus domum referat literas, & legatum, non tabellarium, se esse recordetur. Aut si apud morosum aliquem principem obtentu id erit incredibile, exemplum literarum earum, quæ sibi dabuntur, petat, eoque viso dehortetur eum ab instituto: est enim magna loquendi, sed multo in principe scribendi major licentiæ turpitudine. Proditionis verò alicujus simul ac convictus legatus fuerit, & sine retardatione & gravissimè puniatur, ne, qui non modò factò, sed etiam peccare videtur & exemplo, propter auctoritatem & ejus, cujus personam in se sustinuerit, majestatem principis, impunitus dimissus dicatur. *Facilius enim inturba imitamus vitia, quàm, quæ in aliis premiis affici cernimus, virtutum exprimimus simulachra.* Iam verò nec illud quoque, quod quibusdam placuit, unquam probàvero, principi alicui verbis dandis, prius legato, qui ad eum mittitur, dari oportere, quò acrius persuadeat, nihil simulationis in mandatis latere suspicatus. Quorsum enim hæc fuerit simulatio, cum aut bono aut secus viro mandanda sit legatio? & fido quidem verba non expediat dari, infido se committere planè sit fatuitatis. Nec item alterius laudivero sententiam, qui verbis planè iis vult exponi mandata, quibus ab ipso rege aut principe fuerint pronunciata. Cui enim bono daretur divi-

nitus

nitus eloquentia? si pro re & occasione ea non uteremur? & quasi omnes & singuli principes sint ad persuadendum faciles & uniformes, cum concitatus unus & vehemens sit, sedatus & temperatus alter: ille fundat multa ex tempore verba, hic profert etiam meditato pauca: ille det ambigua, hic clara responsa: ille propositas sibi res in disquisitionem ponat, hic sine cunctatione respondeat: ac unus non immoretur, alter deliberet diu. *Vt enim facies sic diversa sunt ingenia hominum*, & non nostris principes, sed nos expedit accommodare se nutibus regum & principum maximorum. Atque ut medicus cibi, & chirurgus balnei, non nisi ejus, qui consilium petit, cognita prius necessitate, tempus & rationem præscripserit: sic & legatus non nisi in arena (quod ajunt) quid illi faciendum, omitendumve fuerit, consilium capere poterit & debebit. Denique ut corpora nostra sine alterna quiete & exercitio; sic nec rerum tractatio potest esse tam aliquando felix, quam etiam diuturna. Nam si is, qui negotia tractare debeat, celeritate tantum rationi inimica utitur, quæ ipsius est anima, expers erit dignitatis; sed oportet ut hoc cum illo misceat, & moram festinationi cupiditæque suæ interponat. Cum enim volumus esse diligentes, sæpè aut leves, aut importuni habemur: & tantum quidem abest, ut re, quam tam anxie querimus, potiamur, ut vel eò etiam magis, eos quibus cum nobis

bis negotia fuerint, principid erga nos arrogantes, mox obstinatos, postremò etiam cognoscamus furiosos. Itaque ut vel aliquando paulò tardius detur nobis responso, non subito præcipitata omnia velimus, aut etiam interpretemur iniquius. *Multi magni morbi* (inquit Cornelius Celsus) *curantur abstinentia & quiete.* Hoc item modo magna quæque negotia, magnâ rerum humanarum tolerantia ad exitum optatum provehuntur. Facilis quidem procrastinationis & tarditatis cujusvis invenitur explicatus: nam aut alicujus rei successu temporis veritas disquiritur, aut postulata habentur injusta, aut despicabiles ii, qui eorum sunt authores. Si non extrahendi temerè temporis causa, sed investigandi veri aliquid interponitur mora, tolerandum est patienter: si injusta legati videbuntur postulata, ut dissimulanter aliquandiu id feratur; nec illud quidem latuerit diu, si contemnimur, ne aded plus etiam & periculi & difficultatis sortiamur, serid & sollicitè provideamus. *Importuna petitio despicatum, iniusta odium, difficilis aliorum animum reddit erga nos alienum.* Nos verò contra hæc omnia minime præcipites simus, ne si fortè negatum nobis aliquid fuerit, ad arma necessitatem recurrendi non tam habuisse, quàm ipsi quæsisse videamur: *in multis enim bonis, imprimis nominis & fama, & bonum amemus publicum.* Quid quod sæpè sæpius usu venit, ut nec in ipsa quidem

dem desperatione omninò sic desperandum, præsertim cum ratio præest, & appetitus ancillatur; & tam is, qui petit, quàm & ille à quo petitur, sui non obliviscitur decoris, status & conditionis. Sic olim & Carthaginenses à Romanis petebant interdum aliqua, quæ nec peti, nedum obtineri videbantur potuisse: & nihilominus tamen postremo facta sunt tandem etiam & facilia ipso obtenti. Non tam enim petentis, quàm à quo petitur, consideratur sæpè conditio: nec tam propter alios, quàm propter nos ipsos multa multis elargimur. Unde illud sermonibus vulgò crebrò usurpatur proverbium, quòd *juvat audaces fortuna*. Nam quantumvis licèt actum immoderatum fateamur esse audaciam, tamen juvari, ut plerumque fit, audaces videmus, & contra omnem rationem & consilium fieri quamplurima, quæ nihilominus sequi, quàm secus, præstiterit, & in consilium non admittere casum, nec velle videri temerarium. Semel enim & iterum fortunam, quàm rationem magis secuti, & repulsam passi, simul imprudentes impudentesque habemur, & in eorum, quibus cum negotia tractaverimus, odium & suspicionem incurrimus, quorum alterum periculi, alterum nostri causa est despicatùs. Nemo enim iis quæ petuntur negatis, facillè sibi promittat largiora, & duplex ferè accepti & negati beneficii est ratio; dato, ad danda invitamur plura; negato, nos ipsos privamus

vamus voluntate dandi etiam minutiora. Antequam igitur aliquid postules consulto, postquam postulaveris animo opus est magno, postulatis quæ negantur obliviscendis: ridiculum enim est, ut pomis pueris negatis, sic cruciari prudentiores irritis eorum postulatis. Quò magis in legati cognitione & intelligentia rerum multum est positum, qui ne quid in eo resideat culpæ, consignabit in ea quidem sententia tutius omnia literis, & adeò familiaribus & domesticis suis, cunctorum in legatione, vel minutorum author erit notandorum: ut enim in urbium irruptionibus, præliisque majoribus, nunc hoc iste, nunc videt ille, nec per æquè in narratione rerum concordant universi: sic se habet & in legationibus, quod plus alienando, quàm legatus ipse, observant ejus familiares, præsertim si sagaces fuerint, & in penitiora adium intromittantur regiarum, ubi is, qui veluti in proscenium prodit, in rem ipsam intentus, parum aut nihil circumstantiarum videt, comites facilius omnia per se ipsi intuentur. Ad eum modum legatus legatione functus, domumque suam reversus, principi amabilis, omnibus admirabilis, & æmulis suis, qui, ut umbra corpus, legati comitantur industriam, reddetur formidabilis. Qui tanto etiam aliis communicabit hæc libentius, quanto inde sue gentis omnes & singulos major manet honos, & secura recordatio naufragiorum avertit in
tran-

tranquillo plus voluptatis. Ut enim ii, qui ex magna aliqua portum capiunt tempestate, illis qui portu solvunt, præstant se commodè monitores: sic quidem & legationes publicas obituri, aliorum admonitiones nunquam respiciunt salutates. Quæ cum ita sint, præclarum sanè legationis censendum est munus, siue sanctitatem, siue utilitatem ejus spectes, & siue publica siue privata commoda intucare. Ac proinde probè navata Reipub. a legato opera, ornabit princeps eum & munerabit semper, ut alii etiam ejus exemplo ad virtutem accendantur: *ut enim humana corpora cibo sic virtus suo alitur premio, nec libenter feruntur labores, qui nullo prorsus emolumento allevantur.* Quis enim nescit, magnos magno semper vivere, & *aulam splendorem & magnificentiam postulare?* Sic ut acquisita um sit, præter illas, quæ profecturis dantur pecuniæ, opibus Reipub. legatos præterea augeri: magis enim Respub. idoneis indiget viris, quàm vel illi ipsi, Reipub. divitiis. Ac tantum quidem abest, laudi ut fuerit, ineptis idoneorum loco dare, ut solem è mundo tollat, qui virtutem inedia & contemptu labefactat: nemo enim honoratus ipse, habitantem adit sordidè; nemo æstimat viventem parcè, nemo observat cum uno aut altero inambulanti comite; nemo miratur absque currubus, equis, & phaleris, in quodam quasi hærentem pistrino, perpetuâque egestate, & denique non

non solum hominum vulgus ipsum, qui hoc maximè capitur, sed & prudentiores requirunt in nobis splendorem vitæ externum, imprimis autem vel internum. Iam verò ut semel & iterum legatus expectationi non responderit, abstineat princeps uti ipsius opera, nec velit committendis erroribus videre aut reddere solidiorem: legatio enim requirit maturum hominem, non tyronem; gravem, non histrionem. Nam quantum idcunque fuerit, in quo legatus pedem impeggerit, augetur verbis vehementius, & hæret memoriæ diu, nec vel unius lapsus, plurium, qui eum subsequuntur, emendatur firmitate. Quo etiam eorundem legatorum, qui bene se gesserunt, opera, quoad ejus fieri potest, diutius apud eosdem illos principes magis expediet uti, ne novi & non peracquè experientes, in errorem aliquem crassum prius illabantur, quàm erudiantur: scopas enim & ministros novos initio laudaveris, sed paulò post plura ferè in iis quàm veteribus requiras. Sed nec ita princeps, ut unum & eundem semper mittat, veluti cuidam necessitati alligatum se arbitretur: nam qui identidem & perpetuò operam navant, deberi sibi omnia existimant, & facilius sibi præsidunt, & denique corrumpuntur. Ac ne multa, tam princeps dimittendis legatis, quàm legatus ipse his rursus rebus negotiisque tractandis, magno delectu, consilio & rerum usu ipso opus habet: turpius enim cum mandatis

mandatis revocatur, quàm ea negantur legato, & quàm rectè factis suum honorem tribuamus, minus alterius commiseremur infirmitati. Interim tamen meminisse pro se quisque principum etiam debet, quòd in hoc mundo immundo, ceu vitiorum quorundam versamur omnes Oceano, & montes atque colles stare, homines hominibus obviam fieri, & tanquam lepores leporibus simillimos nasci. Iudicia quidem sua ferre de nobis vulgò varios varia, sed (ut plerumque fit) sæpius etiam nihili & temeraria. Victis ergo ratione tantùm valetudini consulendum, & medicorum turbam negligendam. Observatum est, non per æquè tribui laudem & præmium virtuti, quàm præstari patrociniū sceleri, nec tam suspici doctum & diligentem, quàm cum hoc commisceri rudem & insipientem. Regium verò esse, beneficiis obligare sibi multos, fideles licet experiatur quàm paucissimos; audire vulgò malè, & facere nihilominus benè; vitis etiam quàm hominibus plus succensere; ingrato aliorum animo non offendi, & quantum Deo Opt. Max. pro tot ac tantis acceptis beneficiis ipse debeas, & quid gratiæ exolvas, tecum ipse reminiscendo recordari; ac tum nimirum futurum te aliis quoque, quos ingratos dicis, æquiores. Vnum autem pro multis relaturum semel beneficio vicem, & Deum Opt. Max. tam esse semperque fuisse locupletem, ut aliorum inopiam possit & velit supplere.

supplere. Postremò Ioannis Sepussi Hungariæ Regis dictum illud esse memorabile: Si vel mille quotidie nos fraudarent homines, non admittendos in consuetudinem postridie quadrupedes; verùm cum illis ipsis hominibus vivendum & moriendum. Vnus Deus Opt. Max. est perfectissimus, homo homine imbecillior & imperfectior paulò plus vel minus. Vnam interim normam illam vitæ potissimùm observandam, ut arcana celemus, pauca loquamur, nihil inconsultò aggrediamur: nec modò ordiendæ rei principia, sed finem adedò ac exitum cogitatione collustremus: falsitatem, quantum in nobis est, habeamus odio: parum aliquid aut nihil temporis otio, plus semper tribuamus negotio: virtutem honore, scelus dignum arbitremur supplicio: cohibeamus iram, servemus moderatorem animi & iustitiam: loco superioribus sine retardatione cedamus: inferioribus de eorum iure nihil prorsus detrahimus: fide & taciturnitate maxime commendari, pauperum misereri, ut & ipsi misericordiam aliquando sortiamur, velimus: & ante ultima funera *tempestive dicamus mori*, ne illa suprema die, qua multa incommoda simul concurrent, tanto, quantus futurus est, oneri atque angori, succumbamus. Nostrium istud, quidquid est, scire & vivere umbræ est simillimum. Nos igitur ipsos quam alios potius noscamus, ne falsa persuasione de nobis inebriati, cum portum cepisse

nos, tum maxime portu solvisse videamur. Deus Opt. Max. honorum author est omnium, qui dat & illuminat intellectum, & qui facit omnia sine errore, & nihil vult fieri, ut hic tantum laudemur assumulata probitate. Facile alioqui pedem impingit mortalis, sed qui lapsus non surrexerit, ad interitum ruet ipse voluntarium, quem pro se quisque tum maxime timeat, cum præfide sibi ipsi coeperit; & morbum, casum, senectutem, quasi quosdam prænuncios mortis, ipsūque aded se creatam rem, & creatorem noluerit agnovisse: Qui cum unigenam suum filium apud nos legatione fungi, & ipse Apostolos suos quasi quosdam interpretes, & nuncios rerum vitæque nostræ magistros per orbem terrarum passim voluerit mitti, nos quoque ad unam illam æternam ipsius gloriam, legatos & legationes, nostræque dirigamus universa, & non magis dici, quam esse in occasionibus idonei legati; & qui eorum mittendorum potestatem habuerint, imprimis considerati, ac quod denique summum est, eritque perpetuò, omnes omnibus in rebus & actionibus nostris non magis nomine, quam ipsa re Christiani esse & haberi cupiamus.

Finis ad gloriam unius Dei Opt. Max.

STANISLAUS MINSCIVS
PALATINVS LENCICIÆ,
Christophoro Varsevicio S.

LEgi epistolam tuam, pronubam libri de legato & legatione tui, & quidem ita legi, mihi summæ ut fuerit voluptati: nam & amoris in me tui, & ingenti simul velis ita veclus es latissimè, ut horum utrumque tibi vicissim adiumento fuerit. Quid enim brevibus, vel de me honorificentius, vel de ipsa singulari materia gravius dici potuit? In quo cum omnia & doctissimi viri, & amicissimi conjunxissent officia, illud est quod vereare, ne dum me patrem præceptis fingis, iudicio gravissimo tuo nonnihil præjudicasse videaris. Amavi te semper, mi Varsevici, ut debui, cum ob singulare animi tui in me studium, mihi antea jam pridem notum, & antiquam familiarum nostrarum in hac provincia conjunctionem; tum ob eas animi dotes, quibus non solum te, sed & patriam exornare semper studuisti. Nunc verò te etiam atque etiam diligo, & admittor me herculè, quod inter tot tuas calamitates, & adversæ fortunæ procellas, non modò animum te dignum non remisisti; sed & studia ac literas ita coluisti, ut nunc plurima laborum & lucubrationum tuarum monimenta, externorum manibus summa cum laude tua passim conterantur. Ita senescere oportet virum, qui tot Imperatoribus, tot regibus, tot Principibus servierit, & charissimus fuerit, negotia domi forisque tractaverit, multas gentes, regiones, moresque ipsarum viderit, ut & prima vitæ tuæ tempora, & media, & extrema meliori præmio, non animo, à iudicibus hand invidis digna fuisse censeantur. Ad quorum certò consensum, unus ego licet parvus magnarum virtutum tuarum & doctrinæ testis, libenter accedo, & dum ipse civili labore liberioris vitæ otium mereri studeo, favebo si unquam potero dignitati tuæ. Interim te valere percupio. Datis ex Minscio VII Calen. Decembris. Anno M. D. LXXXXI III.

CHRI-

CHRISTOPHORI VARSEVICII,
D E C O N C I L I O

E T

CONSILIARIIS PRINCIPIS

Liber ;

Ex F. FVRII CERIOLE Hispanico
in Latinum versus.



Illustrissimo Principi &

Reverendissimo

D O M I N O ;

D. G E O R G I O ,

Miseratione Divina, Tituli S. Sixti,
S. R. E. Presbytero Cardinali,
Radivilo nuncupato, perpetuo Ad-
ministratori Episcopatus Craco-
viensis Ducatusque Severiensis nec
non Olicæ & Niesvitz Duci, &c.
&c.

Domino semper colendissimo.



*Vi non modo suo Marte e-
dendis, verum etiam alio-
rum bonis convertendis de-
sudant libris, ne haud illi
ineptè fecisse, & oleum
(quod ajunt) operamque*

*videntur mihi amisisse. Aliena enim laca-
brationis versio fidelis, cum utilis est multis,
tum tua ipsius opinionem prabet omnibus,
& argumentum veritatis. Quo magis hanc
Codicem Hispanum, Latine à me versum,
& sub tuo, Illustrissime Princeps, prodeun-*

tem nomine, si non omnibus, sanioribus saltem probatum iri spero, opto quidem certè; verbum enim verbo redditum est, quidquid in materia tam gravi & ardua, breviter & succinctè ab eo est exaratum. Quod sanè, multis multorum, vel longissimis commentationibus est præferendum. Sic enim respondet acumen ingenii pectoris candori, & disputandi subtilitas sententiarum gravitati; ut tales Cerioler consilarii omni ævo optari, quàm sperari videantur mihi magis potuisse. Sed utinam quidem vel aliqua aliquando extet eorum similitudo, cum Catores præturis, & non hæc illis sint fuerintque semper magis querenda; minus fortasse his moribus & temporibus Respub. laboraret. Quod tamen ego, assequi si vellet, velle autem debet, principum posse dicere non neminem, vel hoc uno Ceriola per otium lætando. Est enim rectus & rectus dandis consiliis, sic ut, licet ab alio quodam etiam conversum audierim, viderim quidem nunquam, non pœnituerit me in eo vertendo laboris & obita, si qua fuit, difficultatis: uno illo excepto, quod in Polonicis quibusdam hallucinatus est rebus, & nimis magnam in candidatos dedisse licentiam, aule pesti videtur, obreptatoribus. Quod tamen ipsum non maligno ani-

Hispania
laudatur.

moillum secisse, & hos, si qui fuerunt, novos, præclaris aliis consiliis obscurasse, & ab Hispanico nomine tyrannidis suspicionem falsam, quam alienæ felicitatis comes invidia, & civiles, inciviles admodum, inter Christianos discordie gignere consueverunt, quantum in eo fuit amorisse, quis ignorat? Quæ una (patec aliarum dixerim) natio inter tot tantasque alias, haud scio si obtinuerit in multis principatum, siue imperii quam habet amplitudinem, siue religionis speciem constantiam, siue denique morum præ aliis firmitatem, & moneta (licet minimum id fuerit) non suspecta eadem intueri rationem. Quæ peræquè omnia non ita ubique inventu sunt facilia, & vel ipsa ad eò monimenta, qualia ex Hispanicis prodeunt scriptorum, assèrunt nostro seculo lucem, & nomen genti existimationemque singularem. In quibus hunc unum Cerialam, Illustrissime Princeps, dedicare potissimum placuit tibi, quod & Hispanicæ lingua gnarus, & in omnibus Hispaniarum regnis summa cum pietatis tuæ & sanetimonie laude versatus, proptereaque & in aula illa à summo regum imprimis honoratus, & à me, antequam hæc ederem, quasi alter Cerialæ Consiliarius semper fueris existimatus. Quem Deus Opt. Max. florentem, & quæm

devotissimè servare incolumem. Ego, quod
 reliquum fuerit, me, servitutemque meam
 officio, & commendo tibi sem. eternam.
 Vale. Cracovix XXVII Junii. Anno
 1595.

D. Vestre Illustriss.

& Reverendiss.

Addictiss. servitor

C. VARSEVICIUS.

CHRIST.

CHRIST. VARSEVICII,
DE CONCILIO

ET
CONSILIARIIS PRINCIPIS

Liber;

EX F. FVRII CERIOLE Hispanico in
Latinum versus, inque lucem editus.

C A P V T I.

DE CONCILIO.



Rincipis Concilium homi- *Concilium*
num selectorum est con- *quid?*
ventus, seu quædam con-
gregatio ad consilium, in
omnibus ei præstandum,
quæ tam bello incident,
quàm etiam pace; ut tanto

quidem facilius recordetur præteritorum,
& futuris prospiciat, & in rebus delibera-
tionibusque omnibus prosperum exitum
fortiatur; ut adversa interim vitet atque
fugiat, aut si evitari non possunt, quoad
ejus fieri maximè potest, in ad incumbat,
ne quid detrimenti patiatur. Quem eun-
dem conventum, propter finem, ad quem
est excogitatus, placuit non neriari Con-
silium appellasse. Nobis verò justis quibus-
dam de causis, quas, ne prolixi simus, con-
sultò

sultò præterimus, Concilium dicere videtur non ineptum. Quo tamen non obstante, pro se quisque, ut rectius existimabit, loquatur & scribat, cum hac in parte, Concilium vel Consilium dicere, perinde fuerit. Qua de re omissa disputatione, ad propositum revertamur. Est ergo concilium Principi idem, quod omnes ipsius sensus, ipsius intellectus, ipsius memoria, ipsius denique oculi, ipsius aures, vox atque manus ipsius: Populo verò est pater, est tutor, est curator: idem & uterque tam Princeps, quam & illud ejus concilium, personam in terris referunt divinitatis. Quo fit, ut bonum consilium quandam veluti integram perfectionem & auctoritatem tribuat ipsi Principi; sustentet & augeat populum: & uterque, Princeps inquam & Concilium, boni, fideles, & verè sint ministri Dei. Ex adversus verò *malum concilium obsecrat, & in nihilum ipsum Principem reducit, & ceu quoddam saxum reddit*: Quo olim aliquando veteres Romani suo Deo Termino effringendo utebantur: Populus ipse dissipatur, & tam Princeps quam & ejus concilium, fiunt Deo Opt. Max. rebelles, & mancipia Sathanæ. Quæ quidem tales ac tanta sunt res, ut nesciam, liceatne in hac vita spectare graviores. Quo magis etiam dies noctesque ipsis invigilandum est Regibus, ut tale exquirant & habeant concilium, in quo nec vel minimum desiderari posse videatur. Mihi quidem,
cui

cui rationem & experientiam, & regulas maximorum Rectorum sequi placet, hæc stat sententia: Quod etsi consilium Principis, non nisi existat unum, in quantum habeat caput, qui est Princeps; determinare nihilominus in partes multas illud oportere, quæ ipsæ non minus quàm pedes, brachia, & alia membra Principi respondebunt: quæ, licet loco, forma, & officio disparia sint, unum constituunt hominem; sic & concilium, quàmlibet, ut necesse erit, in multas dividatur partes, non plus quàm unum referet corpus, & declarabit unam videlicet & bonam administrationem, & defensionem, cujus caput est Princeps, & ejus membra diversitas consiliorum. Vnde, qui assignare voluerit regulas & ordinem alicujus boni concilii cujuscunque Principis, ante omnia explicare debet, quot consiliis indiget: & in quolibet ipsorum, quot consiliariis, quot præfectis, quot à secretis, quot scribis opus habere videatur: quas porro prærogativas, & quantum habere debeant auctoritatis: quomodo conveniendum eis sit, quo loco, & tempore, qua hora, quomodo proponenda negotia, quibus reddendæ Schedæ, quæ vulgò appellantur memoria- lia, apud quos requirenda responsa, qua ratione dicendæ sententiæ, & alia quàm plurima: postremo necesse est, ut ostendatur, quo modo ipsa etiam concilia se mutuo ad evitandam negotiorum confusio-

*Concilia
septem.*

1.

nem intelligant ; & quo pacto tandem concilium in extrema determinatione , antequam sequatur conclusio , informare ipsum Principem debeat , ad quem omnia necessario referuntur. Me quidem hunc ordinem secutum , par erit a prima parte sumere exordium , qua planum fiat , quot Principi concilia necessaria sunt futura. Quod quidem jam dico , nec pluribus quam septem , nec etiam paucioribus esse necesse : & ut denique diserte explicem omnia , repeto identidem , instituendum & servandum septuplex Principi esse concilium , pro toto & integro ejus imperio , negotiis , ministris , munere & auctoritate , si vult bene & citra difficultatem administrare Principatum. Quorum eorundem conciliorum , erit ararii primum , & ita quoque Concilium Ararii nuncupetur : Cui cura incumbet omnium proventuum Principis , tam descriptorum , quam extraordinariorum : & quomodo congregare , custodire , tueri , amplificare ipsos proventus oporteat : Quomodo etiam extraordinarii sunt exigendi , unde , quo tempore : postremò , qua ratione tributum ipsum imperandum sit , & quo pacto imponi , augeri , & promulgari sine damno & querela populorum queat. Nec verò non & illud animadvertendum est , ut etiam ea , quæ aut superflua , aut injusta , aut nociva & odiosa sunt , abrogentur. Huic eadem concilio omnium , tam belli quam
paci

pacis tempore, sumptuum Regiorum in-
 cumbet cura: & ita quidem, ut modicè
 auferantur sumptus; alii autem qui fue-
 rint necessarii, augeantur: *regum namque
 opes, non solum conquirendo ære, sed immo-
 derato etiam demendo sumptu continentur.*
 Sic, ut hoc concilium Thesaurus sit Prin-
 cipis, aut ærarium, sicut olim Romanis
 antiquitus dicebatur. Sine quo, in quo-
 cunque tandem Principatu, Princeps ege-
 bit semper, & debita contrahet, & erit
 subjectis imperanda pecunia gravis, qua
 & ipsa sensim minuetur, populi verò exa-
 rescent, & instar mortuorum penè red-
 dentur. Alterum concilium est pacis, 2.
 quod erit illud, quod vulgo concilium
 status seu administrationis appellatur: con-
 tinet quippè gubernationem universam.
 Quod unicuique pro eo, ut placuerit, ap-
 pellare licitum sit. Ego Concilium Pacis
 nuncupabo: cujus erit proprium, circa
 civiles, & legum res sive actiones occu-
 pari, inspicere proreges, & rectores, cor-
 rectores, duces turmarum, quos vulgo
 campiductores nuncupant: castellanos,
 præfectos, consiliarios, & reliquos om-
 nes Principis tam belli quàm pacis admi-
 nistros: si rectè suo aut verò secus fun-
 guntur officio; si tempus eorum admi-
 nistrationis finitum est, qui eorum surro-
 gandi sunt loco, & qui etiam excludendi:
 postremò, ne vel provisiones quoque & ex-
 peditiones surreptitiæ fiant, est providen-
 dum.

dum. Hoc idem concilium ordinariorum & extraordinariorum sumptuum subducat rationes, si suo subministrantur tempore, æquè bello atque pace: Quo magis dabit etiam schedas, quarum ratione apud ararii, de quo diximus, concilium tandem præstetur. Quod ipsum instar vasis erit alicuius, ad recolligendam in se servandamque pecuniam, & ab hoc fiet distributio, mandato & potestate concilii pacis, sine quo ne unus quidem teruncius est absumendus. Hoc deniq; idem expendet & perponderabit secum concilium, quo cum incunda & quo cum sit abrumpenda pax, seu bellum ordiendum: à quo alienior, & cum quo Princeps debet esse conjunctior: quo cum bonis verbis tantum deimptis rebus, & quibus cum rebus ipsis uti expedierit: & in his omnibus, quomodo, quantum, quando privatim, & quando publice est progrediendum. Quo ipso erit hoc concilium tanquam caput quoddam omnium reliquorum. Tertium est consilium bellorum: & sic omnino est appellandum. Huic intererit, quomodo arces rectè muniendæ, erigendæque munitiones, quomodo tuenda sint consilia, quibus tam bello quam pace præsidis facta rectèque conservanda, & alia ejus generis plura habere debet explorata. Idem & exactè sciet arma, armorumque genera, exercitia, & omnem antiquorum rationem præliandi: Quæ nimirum cum præsentis rerum temporumque statu & conditione comparabit.

rabit. Intelliget unius & alterius discrimen: equitum turmas, & peditum cohortes suo ordine disponet: & quæ gens aut natio, quæve in re præstet aliis, & quæ denique his vel emendandis vel imminutandis via inventatur, non ignorabit. Noscet egregie sui Principis vires, & ejus hostium sive adversariorum: & utraq; quantæ futuræ essent, si sociorum adjungerentur potentia, aut quantæ rursus, si illa destituerentur. Quid postremo in præsentiarum valeant, & quid progressu temporis valere queant, circumspiciet animo, tenebitque memoria præterita sui Principis, & ejus majorum bella, & prælia universa, quæ videlicet principia, progressus, consecutionesque & eventus sortita sunt, & quid qualésque res, & causæ, ad dandas & accipiendas utrinque conditiones eos traxerunt. Hoc idem concilium sui Principis hostium circum vicinos cunctos, socios, confœderatos, & qui inimici esse possent, intelligendo assequetur. Nam demum eo modo non difficile erit judicare, si majores hostium fuerint vires, ut potius, quàm bellum poscamus, pacem; & si erit secus, ut item contrarium experiamur. Et si fortè hostibus sumus inferiores, quibus rebus, an armis, an verò usu & exercitatione bellandi, an ducibus, an præfectis, an pecuniis, an opinione & fama, an amicis & sociis, an comitatu, an rebus similibus, disquirendum. Omnibus autem his ritè

examinatis & perspectis, acutè & pruden-
 ter investigabit, quo pacto fieri posset, ut
 non solum nos ab hoste tueamur, sed aded
 fatigemus atque debellemus ipsum ho-
 stem. *Est enim certum, viribus & potentia
 prestare intellectum.* At verò in principatu,
 ubi horum reperitur nihil, errat Princeps
 perpetud, quascunque tandem persequi
 res habet apud se constitutum. Bellum ex-
 tra tempus & rationem movet: admini-
 strare illud nunquam & multò minus scit
 terminare: ad fortunam refert omnia, &
 casus in ipsius consilio dominatur: ac ut
 denique aliquem vincat aliquando, nti ne-
 scit victoria: si autem vincatur, dejicitur
 animo, ac quo se vertat, ignorat, & mu-
 lierculae instar, si non in hominum turba,
 saltem privatim secum ipse colluctatur.
 Atque ut id, quod ei reliquum fortuna fe-
 cit, tueatur, & suam debilem & mancam
 quoquomodo sustentet sive famam sive di-
 gnitatem, ad turpes condescendit condi-
 tiones aut induciarum, aut verò ipsius pa-
 cis. Quo loco risum movet audire voces
 inscientium, qui de fortuna conqueruntur,
 & non intelligunt, *exiguum ibi fortuna re-
 stare locum, ubi viget prudentia.* Alii verò,
 ita visum fuisse Deo Opt. Max. testifican-
 tur. Inrerim autem ego de divina provi-
 dentia non disputabo; verùm si licet, cum
 Paulo loquar. Si tales non sunt Deo à se-
 cretis, aut à sancta Trinitate non accepe-
 runt literas, quam habituri sunt certitudi-
 nem,

nem, ita habere rem se, quemadmodum ipsi asseverant? Nonnulli, nostra causantur scelera, & hæc quidem veritas est ipsa. Nam errores Principum, & eorum perversorum consiliariorum, illa ipsa sunt scelera, quibus ad nostrum & eorum exitium præcipitamus. Sed ne multa, iterum dico, quoddã quodocunque tale, quale superius demonstravi, non habebit deinceps concilium, non mirabitur, adversa & infelicia omnia in bello sibi evenire. Quartum est de comineatu & provisionibus, & ita illud nuncupabo, Concilium Comineatus. Huic cura incumbet providendi & paciscendi de victu & comineatu, pacis & belli tempore, pro toto & integro principatu: & idcirco oportet, in numerato descriptaque habere eum omnia ad suum munus pertinentia & principatum: Quantum nimirum habeat comineatus: quantum ejus supersit, & quantum desit, quantum terramarique importetur & exportetur, & unde promitur, quo itinere, & quomodo, & quando affertur, & his similia. Quicumque autem à Principe exportandi comineatus postulabit facultatem, sine hujus concilii scitu & voluntate eam non assequatur. Revera, si tale concilium, ut expedit, constitueretur, neque bello neque pace deessent nobis necessaria ad vitæ humanæ sustentationem; & suppeditaremus adeò iis nostris, quorum amicitia & benevolentia indigemus. Iam verò dum illud desideratur,
con-

confunduntur omnia , & qualibet provin-
cia plurimas patitur difficultates. Malitia
aut avaritia paucorum necessarias surripit
res, desumusque amicis; inimici verò ma-
gnitudine pecuniæ iis rebus aliquando po-
tiuntur. Vnde nostri languent , & à nobis
abalienantur. Ac denique illud etiam ex-
perimur , ut ob talis concilii penuriam in
iis regionibus oriantur bella , ubi neque e-
quis neque hominibus certa vitæ præsidia
amplius relinquuntur , & vix in bellum e-
gredimur ipsi, ut nos deficiunt omnia, red-
eundum est domum necessariò , aut præter
tempus turpis incunda pax , sive induciæ
cum Principis infamia, & erga eum offen-
sione populorum. Duo namque subjecto-
rum benevolentiam Principibus conci-
liant, Vnum cum à potentioribus tuentur,
& vindicant suos: Alterum , cum illis be-
nè cum iis conveniet, sine quibus com-
mercia & negotiationes ipsorum ægrè &
cum difficultate peraguntur. Quintum est
Legum , & ita appellandum est Legum
concilium. Huius incumbet curæ, audire,
quibus functionibus, quibus magistrati-
bus, quibus rectoribus, & cum quali &
quanta potentia vel auctoritate Principa-
tus indigebit. Istud adinveniet , qui desi-
derabuntur, novos, veteres verò vel su-
perfluos abrogabit. Habebit præterea onus
condendarum, declarandarum, mutanda-
rum, & delendarum legum, & institu-
ndarum, ut dixi, necessariarum. Hoc Con-
cilium

lium erit ceu Pater & defensor legum, omnemque animi seu mentis suæ in id intendet aciem, ut sine ulla exceptione, re & veritate eis satis fiat. Propter talis Concilii inopiam videmus in multis regnis & urbibus minus magistratuum, quàm Reipub. expediret; ex adversus in aliis plures, & quod omnium est pessimum, alicubi reperiuntur illi ipsi sibi invicem contrarii, & repugnantes magistratus. Quòd si non in rebus peræquè omnibus, saltem in aliquibus. Vnde infinita mala, simultates, odia, hostiles civium erga se animi, contentiones, & litium controversiæ enascuntur. Quæ demum conjurationibus, & effusione sanguinis, vel ipsius Principis, aut imperii illius ruinâ & in alios conversione terminatur. Multi autem ista non considerant. *Et quæ malorum semina uno anno jaciuntur, eorum messis supervenit in sequenti.* Apparet igitur, quantum sit positum in condendis emendandisque legibus, liberè ut audeam affirmare, in centum, nonaginta quinque erroribus vel defectu vel absurditate legum errari. Quæ ipsæ his moribus temporibusque nostris nullo amplius sunt usui, neque possunt aut debent custodiri: & quia non habetur tale concilium, neque mutantur, neque emendantur, neque etiam abrogantur, sed serviunt tantum causidicorum ambitioni & avaritiæ; ut iniquè & falsò ferendis litibus sumptus cupiditatum per eas consequantur. Sextum
erit

6. erit pœnarum , & ita appello pœnarum Concilium. Hoc omnia criminalia in ſe uno continebit , quantum ſpectabit perſonam ipſius Principis , pro re & occasione, aut via aliqua incidente. Feret etiam ſententiam in & de omnibus criminibus , ſecundum illius urbis leges, ubi committuntur.
7. Septimum eſt præmiorum , & ita Concilium Præmiorum illud vocabo. Huc interit , bene vel ſecus merita omnium & ſingulorum non ignorare ; vitam & mores , virtutes , geſtaque res habere exploratas , adeo etiam illorum , qui utut non petant , propter ſua rara & excellentia merita , præmia meruerunt ; At verò maximè eorum , qui adeo etiam , ut eorum ratio habeatur, inſtabunt. *Nam ſi inſigenda pœna ſunt malis, ſuo honore & præmio minime etiam defraudare ipſam expedierit virtutem.* Omnia autem præmia , quæ Princeps diſtribuit , ex conſilio ipſius concilii id faciet ; nec ſine ipſius ſcitu & conſuſione hac in parte aliquid aggredietur aut terminabit. Interim tamen, quod tale deſideratur concilium , virtutem paſſim in aulis videmus, ut plerumque fit, viluiſſe : Omnia cadunt favori aut nundinationi : Idoneus , & paulò obſcurus vel pauper homo in angulo deliteſcit , aut tardè & ægrè admodum virtutis ſuæ refert teſtimonium. E contrario homines nihili , hypocritæ , ſycophantæ , adulatores , plus experiuntur beneficentiæ , ſunt Principum familiares,
- aucto.

ancupantur , & assequuntur facultates.
Quid igitur sequitur? Boni aguntur in furorem , nonnulli moliuntur vindictam, vindicta movet factiones , parit turbas, cades, tumultus, & Principis ipsius ac imperii ejus eversionem. Atque hæc quidem concilia sunt septem, ad quemlibet gubernandum necessaria principatum : & id cum propter alias multas & justas causas, tum verò ideo maxime , quod in tali distinctione , seu conciliorum divisione, melius & facilius expediuntur negotia , & Princeps ipse non tantoperè occupatur & distinetur , cum caruerit tot tantisque curis rerum à se petitarum, aut petendarum. Ipsi etiam subjecti , non tantam valetudinis, pecuniæ, facultatum patiuntur jacturam , dum expectant decisiones causarum, etiam minimarum ; & consilarii non habebunt tantum quod agant, distributis ipsis negotiis , & ab invicem inter illos separatis. Video quippè laboriosum instar mortis esse, tribus aut quatuor , aut etiam sex omnem molem imponi negotiorum tam belli quàm pacis , & pœnarum, præmiorumque , & nunc Reipub. curam , nunc ipsius comineatus , & sexcenta tam parva quàm magna, tam levia quàm gravia, tam jocosa quàm seria , divitum æquè & pauperum , quæ vel ipsâ magistrâ experientiâ ne mediocriter quidem curari possunt omnia ; ut omnino , qui hæc Consiliorum sui Principis non perspiciat , cæcus esse videatur.

deatur. Qui autem perspiciunt, & non occurrunt, neque ut plura concilia constituantur, Principi suo sunt auctores, ut eo ipsius negotiis melius atque facilius provideant, tales sunt avari, sunt ambitiosi, sunt vani, sunt damnosi Reipub. Etenim nihil aliud propositum magis habent, quàm ut adorentur, quàm ut se suosque ditent & extollant, etiamsi interim Respub. detrimenti aliquid patiat. Materia hæc revera est gravis & ampla, sic ut eâ fusius explicandâ me oporteret esse longiorem. Sed hæc interim, ex quibus reliqua possunt comprehendi, dicta sufficiant. Illud autem potissimum considerare Principem par fuerit, ut unus aliquis consiliariorum, conciliis aliis nec se ipse ingerat, neque ab aliis misceatur. Exempli causa: Consiliarius qui erit ararii, omninò ad reliqua alia concilia sex non admittetur: & quod de uno concilio, hoc & de aliis dictum volo, prorsus, ut liceat nisi unius concilii agere res consiliario nemini. Alioquin plura concilia in unum redigerentur, & nihil eis aliud quàm nomen vanum & otiosum restaret, & ipse denique infinitis difficultatibus & periculis, de quibus alio loco mentionem fecimus, exponeretur Principatus; unde majora quotidie & graviora damna exoriri oporteret, quibus commemorandis nolo esse prolixus. Consequens proinde est, ut ordinandis his septem ritè conciliis, à primo ad extremum considerentur omnia

omnia minutatim in suis partibus, ponderibus, & circumstantiis, de quibus in istius capituli exordio est disceptatum. Quod ut adeò lucidius declaretur, in libros septem dividi illud oportebit, & unusquisque liber declarationem concilii unius continebit, in quem etiam adjumenta pro se niuscujusque consilarii includentur, & (ut aliquod in iis discrimen fuerit,) consiliariis ferè omnibus convenient; dividere autem adjumenta illa, errore non careret. Dicemus igitur partes & adjumenta boni consilarii generatim. Atque hoc ipso tandem huic libro finem imponemus, qui erit primus de Concilio & Consiliariis, & cum aliis septem communis. Quos, quando Deo Opt. Max. fuerit visum, eo duce & auspice prosequemur.

C A P V T II.

DE CONSILIARIO.

*Et primum quidem, de ipsius quo ad animum
adjumentis.*

CONSILIARII persona est idonea muneri & effectiōni uni ex supradictis conciliis electa. Quo magis considerandum est, in Consiliario duas requiripotissimum res; ut idoneus & par functioni sit obendndæ; altera, ut ritè legitimèque eligatur. Quod propriè quidem ipsi Principi

*In Consiliario duo
requiruntur.*

cipi incumbet; sic ut esse & haberi idoneum, sit consilarii; Prudentia verò consilarii eligendi ad ipsum pertineat Regem. De una tamen & altera re scripturi, ab ipso consilarii munere exordium capiemus. Virtus & praesidia viri duabus maximè rebus ponderantur, animi & corporis adiumentis: Verùm in altero corporis, in hoc porro capite animi praesidia intueamur: Quæ his sequentibus partibus quindecim facillè constiterint. Primum quidem, ut consiliarius rari & excellentis sit ingenii. Etenim *rarum ingenium*, principium medium, & finis magnarum & plurimum humanarum est actionum. Cunctæ, quæ in homine inveniuntur & inveniri possunt, virtutes, nisi magnum habuerint ingenium, sunt humiles, vires suas perdunt, & quasi nihili aestimantur. Experientia ipsa docet, omnes artes, omnes magistros, omnes libros, omnes admonitiones & consilia, exiguum facere profectum in iis, qui ingenii sunt tardioris. Sic ut ii eorumque similes, multis admonitionibus, continuo studio & sollicitudine, diuturno item labore parum aut nihil assurgunt: Magnum contra ingenium paucis admonitionibus, minori labore, brevi tempore, eò, quò tendit, pervenit. At breviter; tardius ingenium est instar alicujus campi sterilis, qui quantumvis licet multum colatur, aliis non respondet bonitate, nec tantum frugum, nec tam citò, neque
tant

1.

Ingenio-
sus.

tam bonarum afferre consuevit. Itaque ubi magnum defuerit ingenium, ibi nulla virtus potest esse solida, & omnibus partibus numerisque absoluta. Quo etiam magis hoc primum præcipuumque esto, quod idoneum, quoad quidem ad animum, consiliarium testificetur. Et hoc rarum magnumque ingenium volo, ut Princeps exploret ipse, nec aliorum sermoni aut testimonio de eo acquiescat. Cujus cognoscendi præscribam aded certas notas, ut nisi prorsus cæcutiat, tanquam solem in meridie deprehendat, & hoc idem servabo in reliquis etiam adjumentis ejusdem consilarii exquirendis. At quod ante dixi, ipsâ experienciâ duce, quæ in dictis factisque per se cuique fuerit vis, facile assequetur. Dicta namque rarioris ingeni non sunt in usu & consuetudine posita communis: & quemadmodum animo concipit res ab aliis magnopere separatas, ita eas eloquitur, cum magna & perillustri sermonis & ratiocinationis differentia. Est enim certum, talem verbis & sententiis aliis uti, quàm quæ cadunt in multitudinem, sicut ut discutiat & dispiciat melius & solidius res, præter opinionem & expectationem permultorum. Est talis sermone acutus, in responsis promptus, facilis ad intelligendum, in instruendis aliis expeditus & clarus, in facetiis jucundus, in seruis circumspectus, scit se iis, quibus cum habet aliquid negotii, accommodare, sive illi
boni,

boni, sive sint mali, semper tamen salva ipsa virtute. Nunquam verò is auræ servit populari, neque ad favorem vulgi loquitur, neque os habet aqua repletum, non est ulli molestus, non stomachatur, non est confusus, neque infestus alicui genti aut nationi. Inter alia autem turpis ingenii argumentum est evidentissimum, de suo adversario malè, & cum quadam animi perturbatione loquitur, & de hostibus sui Principis, aut denique de iis, qui alterius sectæ sunt, vel externi vel alienigenæ, sive illi Iudæi, sive sint Mauritanii, sive gentiles, sive Christiani. Magnum quippè ingenium in omnibus tandem regionibus septem malæ viæ miliaria cernit, & malis bonos intermixtos semper & ubique esse locorum: quod bonum est, laudat & sequitur; quod malum, & condemnat & avversatur, idque sine nationis ejus probro, in qua simile quid intuetur. Opera ingentia magni sunt viva, sunt efficacia, assidue est occupatum, vult videre omnia, audire omnia, tangere omnia, prætermittit nihil, legit quàm plurima, confabulatur cum omni genere mortalium, scire avet præterita, intelligere præsentia, assequi futura, vel ipsâ etiam conjecturâ. Multarum artium homo talis est gnarus, non unâ & alterâ, ac ne tertiâ aut quartâ est contentus; sed appetit scire & discere aliis plura & subtiliora. Proinde plus etiam aliis ponit in qualibet re studii & vigiliarum. Hic
ejus-

eiusmodi in sua juventute habet aliquid
semper viriditatis, & omnis generis pro-
fert fruges, & (quemadmodum rectè ali-
cubi dixit Maro) instar fertilis est campi,
in quo, propter nimiam ubertatem, gene-
rantur aliquando herbæ, inter bonas non
omnium optimæ, cum nusquam aliquem
insignem belli Ducem, Principem virum,
aut Philosophum alicujus nominis lega-
mus fuisse, cujus præclaris virtutibus ali-
qua aliquando vitia & vel notabilia in-
spersa non fuissent. Cum autem tale inge-
nium maturaverit, quoddam circiter trigesi-
mum ipsius ætatis annum plerunque acci-
dit, profert tandem fructus omnino saluta-
res; ac, ut uno verbo dicam, planè est di-
vinum. Ex adversus homo remissus & de-
bilis, piger & dissolutus, non nisi abdomi- *Piger.*
ni videtur esse natus, ut bibat & comedat,
Iudisque & ineptiis occupetur. Hic nihil
scit; Nullas artes & secreta naturæ discit;
magis ardua negotia non intelligit; exter-
norum familiaritatem refugit; & aut tur-
piter vivit, aut saltem ingenii, quod minus
quàm mediocre sit, semper notatur. Se-
cunda nota est, quæ quoad animum ido-
neum monstret consiliarium, ut artem cal-
leat & facultatem benè & appositè dicen-
di. Quemadmodum enim non ulla alia
magis re, quàm intellectu & sermone à
brutis animantibus homines differunt, sic
tantò quidem alii aliis antecellunt, quanto
bene dicendū adjumentis majoribus sul-

Eloquens, ciuntur. Expedi igitur consiliarium instructum & exercitatum esse in Oratoria facultate; tantumque aded in hoc studiorum genere ponet operæ & industriæ, ut emineat præ cæteris, & vel ed admirabilis maximè videatur. Quotidie enim offeruntur occasiones Principi, consiliarios suos aut ad exteros, aut verò ad subiectos ablegandi, sive illi Regni, sive Provinciæ, sive urbis alicujus nomine & ambitu continentur. Hic debet suadere aut dissuadere, accusare aut defendere, laudare aut vituperare, boni aut mali aliquid exaggerare verbis, & his similia. Quæ omnia rectè & scienter fieri necesse est, ad commodam, & Principis, à quo mittitur, dignitatem; Quæ dum præstare nescit, periculo & vituperio, imò & exitio aliquando se exponit. Quo plus Reipub. quàm ulla alia re, inuritur calamitatis. Quò autem dicendo erit exercitator, ed tumultus exorientes facilius tranquillabit. Sic idem ille consiliarius magno erit usui scripto vel voce responsionibus dandis, legatis vel oratoribus externis, qui negotia tractatum ad ejus Principem allegantur. Hoc autem modo idoneum, ipsa experientia duce, sanum cognoscet Princeps consiliarium: Primum quidem ratione verborum, cum acute observabit, quomodo animi profert sensa in colloquutione familiari. Accerset nimirum ad se ipsum, & per horam unam cum eo sermones miscebit, in sequenti per
duas,

duas, per tres; tertia, plus vel minus. Interim recitare eum etiam faciet historias, ut videat, quo pacto protrahit & includit ductum ipsum materiae: quomodo proponit, quomodo dividit, quomodo prosequitur, & quo pacto tandem etiam terminat & definit, qua porro cum venustate, gravitate & proprietate verborum. Quae etiam ipsa interdum cognoveris à consiliarii magistro & praeceptore, tum quantum in iis studiis posuerit temporis, qua diligentia usus sit, & si fortè aliquid in lucem monumentorum edidit, illa omnino examinanda erunt diligenter. Postremò & in palatii ipsius penetralibus, nec quidem opinantem scribere aliquid de aliqua re curabit ipse Princeps ex tempore, ut re oculis subjecta, incorruptius de eo fiat iudicium, & penitus cognoscatur. Tertium adiumentum, quod idoneum monstret consiliarium, multarum linguarum est cognitio: praecipue autem illarum gentium, quibus imperat Princeps, vel qui hostes, socii vè ejus habentur. Exempli gratia: Sit unus aliquis consiliarius Regis Hispaniae &c. Hunc quidem, Latinae, Italicae, Arabicae, Gallicae & Germanicae linguae non ignarum esse expedit, propterea quòd ii, qui subjiuntur ipsi populi, intelligere eorum sermonem, & ab ipsis rursus volunt intelligi, propter multas & varias inter se tractationes: *exactius quippe sua ipsius sensa homo explicat, & cum majori auditur gratia.*

*Linguarum
rum co-
gnitor.*

*ab iis , qui eâdem lingua utuntur , quàm si
semper & ubique interpretes adhiberentur.*
Hinc & suos casus æruinasque narrare, &
magnorum Principum (quod sæpè usu ve-
nit) arcana pro se quisque tali consiliario
non dubitabit potius enunciare. Declinat
non raro tertium, quem noluerit esse con-
scium secretorum. Legationibus item vi-
cinatorum audiendis, tam ratione officii
quàm occasione ipsius belli, quantum idem
asseret adjumenti? Si amicus aliquis est,
multò magis suâ quam alienâ linguâ in
ore Consiliarii adinventâ delectatur. Quid
& quod pollicebitur sibi ab animi quadam
erga eum benevolentia id aded̃ proficisci?
Qua in re, ut spe sua cadat, error ille ipsius
non incommodabit, præsertim si inimicus
fuerit, imò vel aliqua in parte illius conci-
liabitur favor, aut tandem id commodi
subsequetur, quod ex sono ipsorum verbo-
rum, nostraque, ea proferendi, ex contra-
ctione frontis, & elevatione supercilii &
alia re hostilis animus magis patebit, quàm
si hæc omnia adhibitis fierent interpreti-
bus, proprietate non intellecta sermonis.
Adde, quod rarissimos interpretes repe-
rias, qui usquequaque omnibus numeris
absoluti videantur. Circumducunt de-
mum, & implicant quàm plurima: venit
postremò explorator, in cujus fide & di-
ctis regni tuus consistit nunc honos, nunc
salus, & interdum res non patitur moram,
eritne semper interpret tam inventu faci-
lis?

lis? Quid si verò caveat exploratorem, aut ab ipso exploratore timeatur, ut tot tantaque præteream alia, quæ impedimento sunt, infinita? Iam & ille, qui multarum linguarum gnarus est, fidem omnibus facit, vidisse, legisse, audiisse se quàmplurima; & populorum, quibus cum versabatur, mores, consuetudines, & instituta didicisse. Quod apprime consiliario est utile & necessarium, propter omnes res, quæ veniunt, aut venire possunt in consultationem. Prætereo verò alias causas & rationes, ne earum enumeratione sim molestus, cum hæc nuda tantum sit admonitio, omni ornatu & congerie detracta exemplorum. Hæc verò ipsâ experienciâ duce, in suo consiliario Princeps deprehendet, quoties eum coram seipso loqui & scribere faciet, & aliorum dictis, quæ (ut plerunque sit) fallacia esse solent, fidem non temere adhibebit. Quartum indicium idonei Consiliarii fuerit, In historiis admodum esse versatum, quas quidem ille, tam antiquas, quàm & recentes, accuratè leget, examinabit & evolvēt. Maximè autem eas, quæ ad suos sui que Principis spectant majores, & tum ejus hostium atque vicinorum. Et enim qui consiliarius magnus fuerit historicus, & qui fructum ex historiis elicere non ignorabit, is certè perfectissimus poterit æstimari. Nihil quippè in eo desideratur: in omnibus sui Principis negotiis est versatus & exercitatus, imò usus rerum &

Historicus.

*Historia
laudatur.*

experientia est ipsa. Nam historia non aliud sunt, quam congeries, seu congregatio quædam variorum & diversorum ususuum, omnium hominum & temporum, cujuscunque tandem naturæ, professionis, & conditionis fuerint. Da mihi aliquem historicum peritignem, qui fructum ex historiis elicere sciat: hic quidem tanta rerum in omni genere negotiorum pollebit experientia, quanta vix aliquis alter reperiatur, ut etiam illa ipsa sit ars, in qua viginti annorum spatio aliquis fuisset versatus & exercitatus. Atque, ut à re bellica exempla capiamus, Miles veteranus, sive ille summus belli dux, sive militum præfectus, sive alius fuerit, in sine & decursu annorum viginti, ad minimum in quatuor præliis versatus est; in centum verd levioribus conflictibus, in quinquaginta oppugnationibus, in duodecim assultibus, in quinque motibus belli, & totidem pacificationibus. Verus autem historicus habet experientiam immensarum pugnarum, innumerabilium conflictuum, infinitarum oppugnationum, infinitorum motuum belli & compositionum pacis. Quæ est ergo proportio finiti ad infinitum? Adde, quod iste experiens annorum viginti, novit tantum naturam & ingenium, & rationem bellandi unius aut alterius, aut etiam trium vel quatuor nationum: historicus verd propemodum omnium. Huc accedit, quod viginti annorum experiens, non potuit

potuit intellexisse eorum partem vel decimam, quæ munere, & nomine militiæ continentur. Nam in viginti annis non offeruntur æquæ occasiones omnium usu & tractatione discendorum. Historicus contra omnia scit & intelligit: & nihil, quod legi & in quæstionem venire potest, prætermittit. Ille, ut etiam viginti annis foris & militiæ se exercuerit, non potuit causas ipsius perspexisse universas, originem ejus, & quomodo processerit, & ad quem finem directa fuerit: ignorat stragemata cuncta, eventus, difficultates: & despicatum, quem pati oportuit, non est assecutus: prætereunt eum utrinque prætensa postulata, utrinque profusæ lachrymæ, simulata & dissimulata utrinque nata; & nunc huic nunc illi parti in specie ostentata propensio voluntatis: postremo necessitas ipsa, qua ad pacificationem utrinque est devenum. Historicum horum latet prorsus nihil. Quod adeo instar animæ (ut ita dicam) belli ipsius est gerendi, & illud quasi quædam corporis particula. Quod autem de militia hoc loco asfero, hoc de aliis omnibus negotiis, & ipsa etiam defensione dixerò principatus. Quæ quidem omnia, si fusius à me explicarentur, viderer facere contra eam, quam aliàs sum pollicitus, brevitate. Quare, ut verbo, quod sentio, complectar uno, vel ipsæ etiam leges nihil aliud sunt, quàm historia, quæ continet sententias & opi-

niones antiquorum & prudentium legislatorum, quibus urbes & civitates ordinaverunt, & suos cives, juris & justitiæ æqualitate, in tranquillitate & concordia conservaverunt; & jam quidem demonstrant, quo pacto nos idem quoque faciamus. Et hoc ipso etiam modo medicina est experimentorum historia, quæ antiquitus observaverunt Physici, quorum ratione nostri medici judicia ferunt, & curationes suas prosequuntur. Proinde instituenda Republica gubernando Principatu, gerendo bello, tuendo imperio, amplificandis juribus, sequendo denique bono, & fugiendo malo, quid magis conducit quàm historia? Verùm similia intelligunt paucissimi: Quo fit, ut paucissimos etiam rectè gubernantes deprehendas; Quod non aliunde venit, nisi quoddam legendis non occupantur historiis. Et si horum legit aliquis, fructum historiarum non percipit: varietate tantum casuum, qui ea continentur, delectatur, & non considerat, quo pacto domi, forisque, in omnibus deliberationibus & consiliis, eos sibi proponendo, ipsi essent adiumento. Non est historia fallendi temporis causa, sed lucrandi, evolvenda gratia, ut una die perfectè quis discat, quod experiundo toto suæ vitæ tempore vix apprehendat. Nam etiamsi trecentos complere posset annos, aut malè, aut tardè id quod sequitur, assequeretur. Est historia imago vitæ relicta ex moribus

&c

& ingeniis hominum, recordatio ingeniorum omnium, certa & infallibilis experientia actionum humanarum: consultrix fidelis & prudens in omni deliberatione, magistra in tranquillitate, in bello Dux, in mari naclerus, portus & perfugium hominum cujuscunque conditionis. O quàm pulchrè hæc dicuntur, & tamen paucissimi similia amplectuntur! Sit igitur Consiliarius insignis historicus. Atque hoc potissimum volo, ut in eo Princeps spectet; & experientia ipsa Duce, eo modo assequatur. Sciscitetur inprimis res in historiis passim contentas, & inter alia diligenter ab eo perquirat, quoties Regna Hispanica (libet enim ejusdem nationis exemplis perstare,) aliquas subierunt mutationes: aut item Gallicum & Anglicum Regnum, à quibus porro fuere possessa: & quo jure, quave justitia, quamdiu, & cur conversionem sint passa, qui ex quaque familia in iis regnaverunt: & in his, quis illustrior, & qui nominis minoris habebatur: eorum quot bella quisque gessit: quibus cum, & quo tempore: qua de causa, unde ortus inimicitiarum: & quæ ratio aut necessitas pacis rursus fuerit inveniendæ. A mille quingentis annis, quot prælia confecit Hispania, & quot Gallia; & quanta hæc aut illa, secundâ vel adversâ fortuna: quibus denique consiliis & artibus, his vel illis cessit victoria: & cur nunc ab his, nunc ab illis infeli-

citer eſt dimicatum. Ab hinc his mille annis, quanta communiones ſunt excitatae in Hiſpaniis, Galliis, & Romae: & quae ſuſcitandarum extitit cauſa: quid porro boni vel mali inde eſt ſubſecutum, & quomodo haec omnia tandem fuerint tranquilla. Qui quidem ad has, earumque interrogationum ſimiles rectè reſponderit: hunc tu historicum habeto optimum, qui pro re, & occasione in publicis deliberationibus ſuae lectionis fructum egregium fortietur. Quintum adjuvmentum, quo aptus demonſtretur, quoad quidem animum, conſiliarius, eſt, ut bene & perfecte ſciat ſinem & materiam, & quomodo, quando, quatenusque ſe extendunt ipſae virtutes: nam in eo potiffimum peccatur: & ſi conſiliarius ipſe nititur multitudinis opinione, iſta toto caelo, quod ajunt, ſemper errabit. Etenim earum rerum ignoratione, ut plerumque ſit, plurimi, ne dicam propemodum cuncti, hominem compositum meticuloſum; aſutum proditorem; rudem & ineptum, hominem; abjectum, manſuetum; deſidem & ſubtiliorum rerum non capacem, hominem via Regia & ſimpliciter ambulantem appellant: iracundum porro candidum; ſuperbum magnificum; furioſum fortem; prodigum liberalem; avarum providum; ſanctum ſuperſtitioſum; doctum curioſum, & omnibus denique tam vitiis quam virtutibus contrariis nominibus

*Virtuoſus.
Prudens.*

bus dandis, conscientia hominum aut saltem prudentiorum abutuntur. Quod maximum sanè est vitium: & si fortè illud consiliario inerit, (ut inesse oportebit, si autem nesciverit aut noluerit virtutum proprietates nosse) manifestus ipsius Principis, & totius Principatus est interitus. Caput namque est consilii, in omnibus iis, quæ in deliberationem veniunt, dispicere, si est, vel secus, contra honestatem, omnibus circumstantiis consideratis & expensis. Mandandis muneribus publicis hoc idem sciendum est, ne nigrum pro albo accipiat. Iam & præmiis distribuendis, si hoc eodem illo destituatur adjumento, perpetuo hallucinabitur & impinget. Ac ut tandem faciam finem, hoc tale in consiliario lumen, volo, ut experientia ipsa duce, hac ratione Princeps deprehendat. Primum quidem ex ipsius verbis, cum cum ad hunc modum, aut perquiret similem, quot videlicet egeat homo rebus, ad culmen gloriæ in hac vita consequendum: quot & quibus rationibus utendum illi est, favore populi sibi conciliando: quibus interdum artibus, ut fides vulgò ei habeatur: quid denique moveat populum ad honorem alicui deferendum: quot viis & rationibus in fortitudinem peccatur: quot & quales res requirit iustitia: & multa alia generis ejusdem, quibus judicium expiscabitur consilarii haud sanè difficulter. Verum & ab actionibus ipsius conjecturam

Politicus.

capiet, quos habuerit institutores sciscitando; quæ coluerit Gymnasia; quibus cum vixerit & vivat; quos libros legat; quid inde fructus in lucem proferat, & quibus rebus occupetur. Sextum est argumentum, quod idoneum arguat consiliarium, Ut sit Politicus. Hoc autem est, ut sit experiens in tractatione artium tam belli quàm pacis, & rerum, quæ eo spectant, aliarum. Etenim cùm munus, & ceu quoddam Principis vinculum, duabus maximè contineatur rebus, Gubernatione, & Defensione populorum: & tam quidem unum, quàm alterum ad bellum pacemque referatur: (Quamquam gubernatio magis sit pacis, armorum verd defensio,) illis non intellectus, vix factu est credibile, boni aliquid consiliario posse præstare: Quocirca expediet, consiliarium nosse Rempub. hoc est, cœtum & congregationem hominum universam, vita comuni sociatam, compositam (ut ita loquar) ex corpore & anima. Corporis nomine habitationes continentur. Quo loco calum potissimum spectatur, si est calidum, frigidum, aut temperatum: situs, si est in continenti, si est mari proximus, si aliquod flumen, aut stagnum habet, si est declivis, aut verd sublimis, si siccus aut lutosus, si fertilis aut sterilis, si in vicinia, aut ab hostibus remotus, quibus denique ventis, ut plerunque sit, expositus. Nam harum rerum respectu & ratione habita, extruenda vel secus sunt ædifi-

ædificia , & plateæ sive arctiores sive am-
 pliores erigendæ : videndumque, num uni
 apertæ vento, & reclusæ ab alio : num altæ
 vel humiles habitationes : & omnia qui-
 dem ad usum utilitatemque publicam sunt
 dirigenda , dando iis magis convenientem
 formam, quæ videbitur expedire ; sive illa
 rotunda, sive triangularis fuerit, sive etiam
 quadrata , aut multorum punctuum , pro-
 ut ipsæ res , eorumque circumstantiæ ma-
 gis requirent. Quarum rerum , quoniam
 non exacta est intelligentia , ideo multa æ-
 dificia casu fieri cernimus ; & loca infirma
 aut malè dispartita , aut inepta reperiri
 quàm plurima, quæ indies tandem minus
 redduntur populata. At vidi ego ipse in
 multis publicis ædificiis impendisse viginti
 aut triginta aureorum numorum millia
 non neminem : Quam circumacto anno
 apparuit pecuniam pessimè fuisse collatam,
 propter non observatas superius dictas cir-
 cumstantias. Quæ procul dubiò non es-
 sent, si consiliarii ejus partis Reipub. quam
 appello corpus , majorem usum & experi-
 entiam sibi adjumento compararent. Ani-
 ma verò est gubernatio , quæ primùm in
 sua forma spectatur ; si videlicet in unius
 administratione est posita , quem Regem
 appellamus. Ego interim voco Princi-
 pem , qualis est in Hispania , Lusitania , &
 Regno Castellæ : aut si est Nobilium tan-
 tùm gubernatio , quemadmodum est Ve-
 netiis , & antiquitus Spartæ spectabatur :

*Rerump.
 species
 diversa.*

aut si est Populi, ut nostris temporibus sunt Helvetiorum urbes confederatae: vel si Regis & Nobilium est administratio, quale est Regnum Daniae, & aliquando fuit Roma in suis Regibus usque ad Tarquinium: aut si Regis & Populi, quale fuit olim diu Regnum Persarum: aut si denique Nobilium & Plebejorum, qualis fuit Romanae, exactis Regibus, status; aut Athenis & apud Lacedaemonios, vel nostra aetate apud Senenses, & Florentinos, & quaedam Respub. aliae, quae in hunc diem manent in Italia: aut si est gubernatio penes Regem, Nobiles, & plebejos, quale est imperium Germanicum, Regnum Poloniae, & Regnum Arragoniae in Hispanis. Est & illud consiliarium necesse scire, quomodo acquiritur, crescit, augetur, & perditur principatus; quibus periculis est obnoxius; quomodo iis possit & debeat occurrere, ne capiat detrimentum; quomodo & quibus est vincendus legibus; qualibus eget magistratibus, ut recte & scienter gubernetur. Consiliarius autem, qui haec ignorat, factu est incredibile, ut disquirat & inveniat remedia omnibus & singulis rebus difficultatibusque Principatus. Nesciet denique opportuna suo Principi consilia suggerere: quo pacto cum hoc amico & socio illo vivendum illi est; quo pacto occurrendum hosti, & quomodo ab uno aliquid capiat commodi, effugiat ab altero damni, & alia his similia insueta. In altera
parte

parte politicæ expediet, bellica & militaria cuncta habere cum explorata: Ut nimirum intelligat, quibus præsiidiis instructum esse oporteat militem; quibus Centurionem, quibus Ducein; quibus armis debent indui; quomodo colligendæ sunt copiae, quomodo ductandæ, quomodo metanda castra, quomodo configendum, quomodo canendum receptui, aut verò hostis supiens persequendus. Et in his omnibus, à recta via & tramite quo pacto etiam aliquando aberratur. Nam alio modo nescio, quid daturus consilii sit ipse consiliarius: & hunc necessario magnum politicum esse oportet: Quo nomine, num idoneus sit, ipsâ Duce experientiâ, hoc modo Princeps in eo perspiciet: interrogabit ipsum nunc de hac, nunc verò de illa re ad gubernationem pertinente: num præstet, in sterili an fertili solo ædificare: quibus porro ventis in habitatione est obfistendum: quot modis amittitur Principatus: quot viis negotium inficitur gubernandi: quomodo populi oriuntur seditiones, & quot modis vicissim opprimuntur: in quo consistunt Principis vires, si in divitiis, vel virtute militum: quot modis cum colore & prætextu aliquo contra eum arma capias, qui aded nullam magnam causam hostilitatis præbuisse: quid postremo, præstetne expectare adventantem domi, an in hostico aggredi hostem: quot res expediat considerasse prius, quàm ad arma & bellum apertum
venia-

veniat: quot demum exorto bello, quot antè & confecto prælio, sive vincas sive vincare. Ex his, & aliis ad interrogata consiliarii responſionibus, quàm bonus politicus sit, & haberi possit, conjectura demum capietur. Septimum verò adjuvmentum, quod cum aptum, quoad animum declaret, illud habeto, si nimirum multorum populorum viderit mores & urbes, maxime Principis sui, atque ejus hostium, aut etiam sociorum, aut qui omnino Principi sunt viciniore. Et quidem curiosa & prudens debet esse ista peregrinatio, non ignava aut iners, qualis ociosorum & vagabundorum esse consuevit: qui non secus, ac in nundinis pascentes tantum oculos, divagantur. Peregrinatio, quæ propriè ad consiliarium spectat, ejusmodi est, ut omnia, quæ ad bellum pacemve pertinent, exactè exploret: ordinarios & extraordinarios proventus sciat: amorem, & erga Principem subjectorum reverentiam, omnia denique tam bona quàm mala, munitiones fortes, hominum mores & ingenia, & id genus alia penitus habeat explorata. Eo quippè prudentia comparatur, & homo locupletatus & consideratus domum suam redit, multumque conquiret suppellectilis pro consilio dando, & Principis sui augendo imperio, omni loco, tempore & occasione. Secus verò qui facit, tempus inutiliter terit, facultates dilapidat, corpus affligit, & vitam suam mille exponit periculis,

Populorum mores videat, & urbes.

Peregrinatio.

riculis, sine spe profectus alicujus. Narratum mihi est aliquando de Principe Neapoleos quodam, homine alioqui considerato, quid cuidam nepoti responderit suo, qui potestatem sibi ab eo fieri, ut excurrere, & externos videre posset, postulaverat. Primum quidem, ut Romam profisceretur, dixit; demum tandem rediret: atque si ita videretur, denuo iter ingrederetur. Paruit, & fecit ita adolescens: & cum Princeps ipsius tarditatem animadvertisset, cujus gratia exiguos profectus fecisse videbatur, ad eum modum illum est allocutus: Fili mi, tu vidisti, inquit, prata, planiciem, montes, colles, valles, agros consitos vastos, & inanes sylvas, pinas, fontes, rivulos, arbores, pagos, villas, urbes, quadrupedes, viros, & mulieres. Non est amplius, quod in mundo spectes: proinde quiesce, & domi tua te contine-to. Egregiè verò hic tantus & dixit & sensit vir: hoc ejusmodi casu & nobis quasi quandam peregrinandi regulam præscripsit, & tacito quodam modo abusum communem reprehendit. Consiliarius interim, posteaquàm, ut par est, peregrinatus fuerit accuratè & scienter extra regna, hæc & illa perlustrando, & omnia cum suo comparando, hunc referet fructum, quòd omnia mala & bona, quæ domi sunt suæ, faciliùs assequetur, & utum atque intelligentiam meliorum tandem sibi comparabit: fugiet verò contraria: & moris
corri-

corrigendi auctor erit depravati, & introducendi probatoris. Iam neque expers erit humanè & scienter excipiendorum hospitum, amicorum & inimicorum, aut qui neutrarum sunt partium: melius intelliget conditiones: & quemadmodum negotia poscent, sciet se accommodare verbis, scripto, & factis, ad ea, quæ tam illorum, quàm ipsius temporis, & Principis necessitas postulabit. Non denique opportunitates & difficultates temporum & regionum ipsum effugient, falsis narrationibus non ducet concilium, aut saltem alieno decerpendo pilo non admodum se exornabit. Tale lumen sive præsidium animi, experientia Duce, Princeps in consiliario sic investigabit: Nempe quæret ex eo, quot miliaribus in longitudinem constat Gallia, quot verò in latitudinem, quot in circuitu: quas munitiones habet firmiores: à qua parte est facilior aditu: quot lumina habet, quæ vado transiri nequeant: qua virtute excellunt magis Galli, & quo vitio magis laborant: quibus rebus maximè tenentur & capiuntur: quod inter Gallicam & Hispanicam nobilitatem est discrimen: quæ differentia inter nostram & illorum ædificandi rationem: quis horum regum magis imperat absolutè: qua via suo Regi resistit populus, & non pro libito agere semper ipsum permittit: quot rebus noster à suo vasallus differt: quomodo suum exercitum colligit: quomodo instruit &
exe rci-

exercitat : quomodo in expeditione providet bellica, ne coloni opprimantur. Iam verò, quod de uno populo, hoc de reliquis omnibus, hunc eundem interrogatum volo consiliarium : & hoc quod de Galliis & Hispaniis posui exemplum, pro se quisque Principum transferet ad exempla alia, suo principatui magis accommodata. Sicuti faciet & in reliquis omnibus, quæ toto hoc opere continentur. Sufficiat tantùm dixisse, hanc esse certam & veram regulam, profectus peregrinantium cognoscendi. Quamquam vel in familiari convivio & confabulatione multa deprehendas similia, demptis etiam interrogationibus, ut videlicet, si statim aliena vituperat, sua verò laudat. Animi enim id est argumentum impotentiae, & talem aut inertem, aut dissolutum, aut fatuum esse oportet. Nam in talem hominem non rerum cadit distinctio, non delectus, sine quo nulla est prudentia; qua demum exclusa, nihil restat quod probari posse videatur. Octavum animi adjumentum est consilarii, ut exactè vires, & potentiam sui Principis sciat, & tam hostium quàm sociorum illius aut etiam vicinorum. Nam ut medicus in humano corpore temperamentum & virtutem, quanta sit, naturalem, primum est quod considerat; hoc eodem modo quantæ sint, & quo se extendant principis sui vires, ejusque hostium & sociorum, scire consiliarium expedit; alioquin consilio dando

*Principis
sui potentiam, sociorum & hostium, sciat.*

daudo vehementer à scopo aberrabit. Harum rerum ignoratione consiliariorum multi, Principibus suis fiunt belli contra eos movendi auctores, quibus cum colere pacem multò magis præstitisset. Et idem rursus evenit, ineunda cum aliis societate, cum in perpetuis tenebris sine ulla luce & claritate versantur. Bonus autem consiliarius utramque partem expiscatur, tam Principis ipsius, quàm ejus hostium & sociorum: Quibus proventibus gaudeat: unde eos promat: quo denique modo & tempore, quantumque conscribi possunt milites: quam diu alere, quomodo armati & exercitati sunt, & quæ capita fortiuntur: qui socii eorum sint, quibus nitantur clientelis, quam debilibus, aut firmis; quibus rebus in regione sua abundant, & quibus destituuntur, ut hoc modo colligi & expendi vires possint & potentia Principis uniuscujusque. Hoc verò adjumentum sic perspiciet Princeps in suo consiliario: de his umirum rebus, de quibus jam dixi, diligentius eum examinando. Est hac omnino generalis & infallibilis regula. Et enim quicumque tandem mortalium in dictis & factis suis hostes sui Principis aspernatur; sua verò extollit, & suspicit ipsum, hic nequidem consilarii nomine dignus est judicandus. Quòd si in scientia labitur, quàm sit idoneus, vel hoc ipso reddit testatum, cum consiliarium prudentissimum esse, & ea, quæ præ manibus sunt, nosse
&

& intelligere necesse sit: si hypocrisia facit, est assentator, & nihil ab eo expectandum boni: suis namque tantum servit cupiditatibus, & ad Principis loquitur placitum, non ad commodum, aut verò dignitatem. Nonum præsidium, quod aptum ostendat consiliarium, habetur, Ut non solum amet, sed etiam procuret commoda publica: sui autem commodi & splendoris obliviscatur. Ita quidem, ut ubicunque juvare possit Rempub., in eo animi sui intendat vires, & omnem operam atque industriam ponat. Quanquam interim in fama, bonisque & fortunis privatis damni aliquid ei esset subeundum. Et hoc videlicet adjumentum est præcipuum, quod commendat Plato in Consiliario, sive in quolibet altero Reipub. rectore, & gubernatore. Est enim illud certum, quod verus amor semper est sollicitus & diligens, sollicitudo autem nunquam quiescit, omnia rimatur, omnia pervestigat, nullius rei obliviscitur, & omnibus semper providet, quæ necessaria arbitratur. Quocirca amor, primum & præcipuum Consiliarii est adjumentum, inter alia universa: Qui, si verus fuerit, procurabit bonum publicum quàm privatum magis, quippè omnem suam spem, omne emolumentum, omnem honorem in publicis ponit commodis & ornamentis: Quibus si quid ornamenti auferatur, necesse erit & privatas res tandem perire: & ideo & ipsum se, & bona sua deside-

*Publica
commoda
procuret,
sui obli-
tus.*

rant potius pati aliquid , quàm rem publicam venire in discrimen. Interim autem dum his rebus occupatur , parva crescunt , parva conservantur , & vivitur sine aliquo incommodo aut difficultate , & secus contraria experimur. Quæ ipsa patent ex omnibus mundi historiis : & nullum imperium in hunc usque diem auxit magnopere vires , aut in auctis se conservavit , quàm hominibus hoc nono , de quo tractamus , adjumento præditis & exornatis. Ex adversus illa ipsa die , quæ ab hominibus contrariarum partium & artium gubernari sunt cepta , continuo usque ad extremam perrexerunt semper ruinam. Quo loco exempla duo reperio. Quibus citandis , ut contrarium agere videar , quam sæpius professus & pollicitus sum , brevitati , tamen cum rara & doctrinæ sint plena , merebor fortasse excusationem , præsertim cum magnorum Principum exemplis citandis magni errores raro committantur. Callicratides bello Peloponnesiaco , Lacedæmoniorum Dux , cum classem suam , si tantum Arginusis discessisset , servare potuisset , facere id noluit , affirmans , quod Lacedæmonii amissa classe aliam parare possent , se discedentem ignominia liberare non possent. Unde cum postea initum esset prælium , fusus est turpiter , & ipsa classis demersa , & Lacedæmonii memorabilem cladem perpeffi. Cui omnia ex opposito

*Callicratides.
error ejus.*

sito Q. egit Fabius, Dux Romanus, & patienter injurias sui proprii exercitus suorumque æmulorum perferendo, qui eum appellabant tardum, & habebant desperatum, ita postea Hannibalem fatigavit, & redegit in nihilum, ut fuerit haud dubie auctor & conservator patriæ libertatis, interitus verò causa Carthaginiensis. Vnde Magnus ille Poëta de ipso canit Ennius: *Q. Fabius*
laudatur.
Unus homo nobis cunctando restituit rem.

Callicratides ne semel quidem referre pedem voluit, ne ullam vel minimam jacturam existimationis suæ pateretur; Fabius se recepit, & dedit fugam sapius, nihil respectans hac in parte existimationem: Quo ipso magnoperè juvit Rempub. Callicratides voluit potius cum periculo conferere manus, quam famam suam adducere in discrimen; Fabius potius cum infamia fugere habuit, (loquor juxta opinioniones inscientium,) quam committere rem prælio cum omnium exitio. Callicratides subiit aleam pugnæ, victus est, nocuitque per id patriæ, imò & honori atque famæ suæ, nomen in morte temerarii relinquendo; Fabius semper prælium vitavit, & ideo patriam conservavit. Quo postmodum tantum laudis meruit, ut Maximi etiam appellationem sortiretur.

Quapropter quod in magnis rebus & deliberationibus volo servatum, hoc idem in minoribus, aut verò in mediocribus. Consiliarii autem discant, quæ & qualia Principi

Principi suo consilia suggerere in omnibus publicis negotiis debeant. Et Principes vicissim observent diligenter, num hoc adiumentum nonnum eorum habeant Consilarii. Quod quidem cognoscent hac ipsa ratione: Fingant, se petere ab ipsis consilium in rebus, quæ bono publico prorsus fuerint contrariæ, causati, quod quamquam re ipsa essent ejuscemodi, nihilominus tamen expedire Principi, ut interim perfruantur. Verbi gratia: violare leges veteres, maxima civium privilegia, imponere gravia tributa populis, & his similia. Et mox ex ipsius consilarii responsionibus, quo animo sit in Remp. faciliè cognoscetur. Alias interim vias & rationes, quibus hæc eadem ex dictis factisque Consilarii pervertigare liceat, prudens prætereo, partim quod intellectu difficiles non fuerint, partim quod forsitan, sed & certissimè, alios pungerent. Atque ideo qui habet aures audiendi, audiat. Regula illa certa & sine ulla est exceptione, quod *omnis avarus & hypocrita est boni publici hostis*: & aded etiam illi ipsi, qui omnia dicunt esse Regis, & quod i Regi fas sit pro libito omnia gerere, & tributa imponere quotquot sibi placuerint: & adhuc quod Rex nunquam potest a recta via aberrare. Adiumentum decimum est, quod idoneum facit consilium, ut totum & integrum corpus curet ipsius Principatus, ne curanda parte una relinquat alteram: Quod esset.

Totum
corpus cu-
ret prin-
cipatus

esset instar medici illius, qui remedium
afferendo uni membro, causa destructionis
est aliorum. Proinde integer consiliarius
ita sit compositus, ut prorsus se spoliaret om-
nibus commodis amicitiae, agnationibus,
personarum acceptatione, factionibus, &
aliis quibuscunque respectibus: & vestiatur
se firma & prudenti bonitate, quae nec scit,
neque potest, neque vult, nisi virtuti &
iustitiae patrocinari. Hanc accipit pro suo
sanguine, pro sua agnatione, pro sua ami-
citiâ & necessitudine: hanc unam revereatur,
& aliud præterea nihil. Ad eum mo-
dum oportebit ipsum, cunctorum consilia-
rium, audire omnes, & propendere animo
& voluntate in universos, sine aliquo vel
minimo alicujus discrimine: nisi quan-
tum ratio seu virtus pro se uniuscujusque
plus vel minus postulabit. Est bonus &
virtute aliquis præstans, & quamlibet et-
iam non sit, petit justam rem, & sit quo ve-
lit tandem genere, aut ortu, inter Gara-
mantas & Indos natus; hic verò talis est
ejusdem nationis, ejusdem provinciae,
ejusdem civitatis, ejusdem factionis, ejus-
dem agnationis, ejusdem familiae & san-
guinis, cum ipso consiliario: & ut tali,
oportet favere ipsi consiliario, cum omni
charitate, viribus & diligentia. Est alter
malus homo, vel etiam si malus non sit,
petit tamen iniquam rem, & fortassis est
propinquus, amicus, aut cognatus ipsius
consilarii; hic verò nec est nationis, neque

*Dua in
mundo
regiones.
Boni.*

Mali.

est provinciae, neque amicorum, neque cognationis ipsius consilarii: atque ideo non solum non debet consiliarius patrocinari ipsi, sed aded etiam eum reprehendere atque mulctare. Nam aliud est agere publicam, & aliud privatam personam. Non sunt nisi duae in mundo regiones, Bonorum quidem una, Malorum altera. Omnes boni, licet Indi, Mauri, gentiles, Christiani, aut alterius sint sectae, certe ejusdem sunt urbis, ejusdem familiae, ejusdem sanguinis & agnationis. Et cuncti rursus mali in contrarium numerum sunt, & erunt referendi. Sed interim tamen ut observetur, aqua lance ponderata prius re, amicus, agnatus, vicinus, ejusdemque urbis aut nationis, ne exteriore sit inferior. Hoc enim volunt divinae & humanae leges, ut potioem istorum habeamus rationem, quam illorum, qui forte a nobis sunt remotiores: verum praevalente interim externo, quam omnes propinqui & affines, primo loco habeatur. Itaque inter multa alia, hoc etiam, de quo loquor, ipsum, magnum est consilarii adjumentum. Quod experientia duce sic Princeps cognoscet: Primum quidem, si petit aut comparat amicis suis peculia, aut sociis, aut cognatis, aut familiaribus, & id genus aliis, etiamsi minus id meruerint, diligenter perquiret: aut si eorum causa, illorum beneficiorum digniores, quo minus illa impetrassent, impedivit. Nam qui haec

facit,

facit, peccat in hoc decimum consilii adiumentum. Idem ex ipsius animo & benevolentia, qua in hunc, qua in alium propendit magis, exactè etiam cognoscetur. Aut si aucupando favorem procerum, odium sibi constat nobilium: vel si rursus his sibi adiungendis populo est injurius & infestus. Multi ordinem & statum complectuntur Ecclesiasticum, & cum injuria aliorum adjuvando ipsum, sæpè in Regno causa sunt seditionum. Tales aliquando periculo non carent consilarii, & destruunt non raro principatum. Quo magis consiliarius nulla ratione, qui (quod vulgò dicunt) caput est partium, admittendus est: aut qui gerit apertas cum aliquo regno, seu provincia, aut urbe, inimicitias, ejus Principis, cujus agere debet consilium. Omnes namque homines sumus, & talem conscientiam habemus, ut cum fieri possit, & gubernaculis rerum potiamur, non videamur prætermisuri, cum aliqua æquitatis specie perturbationibus animi nostri indulgere, & armis publicis privatam prosequi ultionem, & denique quod oppressi non contra consilium, eorum adversarium, sed contra ipsum Principem concipiunt odium, quasi ipse contrarium partium caput; & promotione, eorum hostibus concedendo in eos potentiam, & auctoritate se constituerit. Hinc multos Principes interfectos fuisse proditoriè legimus, ipsius consilarii, aut alterius mini-

Bonus &
justus.

stri odio, cui nimium princeps ille tribuebat. Undecimum præsidium, quod, quoad animum idoneum faciat consiliarium, est: ut bonus & justus sit. Nam talis cupit, pro se quemque quod merita ipsius exigunt, semper referre, bonos videlicet præmia, & malos supplicia, & in utroque videt, ne peccet aliquo extremo, neve bene meritis ea conferat præmia, quæ sunt superflua, aut rursus exilia & modica, virtutisque eorum minus respondentia. Et denique ne pœnas irroget eas, quæ crudeles aut admodum indulgentes videantur. Hic iste talis homo est justus, est amator belli & pacis, juxta loci & temporis opportunitatem, & homo justus & fidelis, quod concilii ipsius est fundamentum. Talem ergo videmus ubique amari, cujusunque tandem conditionis, sexus, ætatis, gentis & nationis fuerit; & is communiter ab omnibus optimus judicatur, ut revera (ut plerunque fit) est perfectus & absolutus. Huic securè bona, fortunas, conjuges, liberos, vitam, honoremque nostrum concedimus; & *una omnium virtus est justitia*, sine qua parum reliquæ valent; ipsa verò sola se ipsam sustentat. Itaque providebit Princeps diligenter, ut ipsius consiliarius re & veritate sit justus & bonus. Quod ipsum sic in eo deprehendet. Oratio justæ habet in se pondus & gravitatem, contermina est virtuti, & loquitur veritatem: talis præseus & absens est: idem
in

in ore quod in pectore habet: in suis negotiis apertus est: mala animi, mansuetudine & charitate reprehendit: laudat, extollit bona: totus amor, totus dilectio est: & nec spe, neque metu sententiâ dimoveatur, quo minus, id quod sentit, eloquatur: non petit, neque quærit aliquid amplius, quàm ipsius postulant opera: prosequitur benevolentia & patrocínio bonos, admonet verò & dehortatur ab instituto malos; & in omni denique re atque actione colit & tuetur æquitatem. Talis non est nec dici potest loquax: nihil extra propositum loquitur: non est mendax: non loquitur contra conscientiam: non aliud præsens, aliud absens profitetur: hypocrita non est, nec duplici corde, nec susurro. Nam præterquam, quòd non nisi in homines vilis & angusti animi cadit susurratio, est certum infidelitatis argumentum, cum susurro in hanc usque diem nunquam fidelis sit repperitus. Idem non aliorum mores aut vitia absentium reprehendit, cum id coràm facere possit; nec unquam, quod ipse non vidisset, aut manibus non palpasset, certò testificatur. At breviter nunquam talis æget assentatorem; ac nec audire quidem assentatores poterit, aut maledicos, aut susurrone. Opera iusti facilia sunt cognitu: in pace & tranquillitate vivit: suo contentus est, laborioso genere vitæ sibi suisque peculii aliquid parare studet: domum habet benè moratam: familiares

*Iusti opera
ra.*

modestos : vivit in luce hominum : æs dissolvit alienum : rixas & litium refugit controversias. Non potest verd ulla ratione esse justus , qui contentiones quarit , jurgia , pugnas , & partium inter se dissidia : non potest esse justus , qui suo non est contentus ; sed quarit vias & occasiones per fas & nefas tam bonis quam malis artibus ditescendi , & ut tam ipse quam sui potentia augeantur. Non potest esse justus , qui dienoctæque non invigilat , ut potius virtute ipsa duce & administra honoretur , & locupletetur. Non potest esse justus , qui cum propter virtutem honoratus esse possit , negligit testimonium & mercedem virtutis. Nam hoc modo & sibi & suis est injurius ; languidam reddit virtutem , & nocet admodum Reipub. Hoc nimirum congruit legi Divinæ , & præceptis omnium Philosophorum , ne admittatur illa turpis impostura hominum quorundam stultorum , qui sub specie cujusdam humilitatis , id , de quo ego admonéo , vocant ambitionem. Etenim proprie illorum dicitur *ambitio* , qui ut inepti & nulla virtute sint freti , unico tantum favore aut patronorum , aut malis artibus innixi , fidenter petunt præ dignioribus se , conditionem meliorem. Qui autem sua virtute , scientia , sudore , vult honorari , & opibus augeri , hic est justus , est magnanimus , est generosus : & si fortè non petit debitum virtutis suæ testimonium , tum est injustus , est vilis , &

& pusillanimus. Ad propositum autem ut redeam: erit aliquis, qui malè moratam suam habuerit domum, pueros & familiares dissolutos & protervos, qui vivit sudoribus alienis, qui debita contrahit, qui delectatur litibus & tumultibus, qui interfecto crudelis & ingratus existit; hic quidem justus dici vel haberi nullo pacto potest.

Duodecimum adjumentum consiliarii est, ut sit largus & liberalis. Namque populus largitione maximè delectatur, & hanc unam amat & veneratur: *avarum contra aversantur universi*. Qui ut cupiditatibus satisfaciat suis, omnia habet venalia: nihil sine aliqua commodi spe loquitur: & à quo non aliquid aliquando spectet, admittit ad se neminem; & ita suas apertas tenet cuilibet proditioni fores, modò fiat, se tantùm salvo. Qui dum in concilio est, alienorum bonorum, jurene an injustitia, non curat, expilandorum præstat se auctorem, ut tantùm partem aliquam eorum ipse etiam sortiatur. Vnde gravissima & periculosissima quæque in Principatu oriuntur. *Decolor vero & prodigus sensim absorbit semetipsum; & postea decem millia errorum est obnoxius*: & inde splendor & existimatio ejus imminuentur, & hoc in majores adhuc labyrinthos ruit. Expedi igitur, ut consiliarius sit largus & liberalis, & ut media via inter hæc duo insistat extrema. Quod quidem consiliarii

Largus
& libera-
lis.

adjumentum sic princeps assequetur liberalis: Pauperum, virginum & viduarum juvat connubia: egentioribus subvenit: captos redimit: honestorum suorum amicorum æs alienum dissolvit, & viris ingenio & intelligentia rerum præstantibus omni ratione auxiliatur. Quod ipsum magnum argumentum in Rempub. ipsius erit voluntatis. Prodigus porro in immoderatis & plurimis epulis cognoscitur præbendis & subministrandis, in superbo & luxurioso vestitu, in hastiludiis & choreis, in venationibus, in histrionibus alendis, & adolescentibus sine aliqua necessitate, & in rebus aliis generis ejusdem, in quibus nec modus neque observatur tempus, neque ipsum discrimen. Avarus verò vel eo agnoscitur ipso, quòd sordidè vivit, & tam in vestitu quàm domi suæ plena sunt omnia mendicitatis. Qui denique magis ipsum se, quàm Principem respicit suum, & omnia omnium actionum suarum refert ad privatum emolumentum. Iam verò & petax perpetuo est; & nihil fere aliud agit. quàm supplices libellos perpetuò porrigit, & urget sua & suorum. In quo magnum committit errorem, cùm is, qui consiliarium agit Principis, oblivisci quasi deberet sui, dirigere autem omnia ad comoda sui Principis, & nominis immortalitatem. E contrario autem, ut concilium suum bonum, candidum, & providum Princeps retineat, vicissim in eo omnem curam

Prodigus.

Avarus.

curam & sollicitudinem suam ponat, ut consiliarios quàm maximè honoratos, & opibus dignitatèque efficiat auctos, cùm credibile sit, omnes & singulos, in Principe suo juvando laboraturos, à quo divitias, amplitudinem, salutem denique suam pendere intuentur. Tredecimum consiliarii adjumentum est, ut beneficus sit: hoc *Beneficium.* autem est amicus benefaciendi. Quam virtutem Latini dixerunt beneficentiam: & non refertur, neque consistit in praediorum aut pecuniæ donatione, sicut ipsa liberalitas; sed in adjuvanda Repub. & utilitate communi & ejusdem membrorum, admonendo, laudando, vituperando. reprehendendo, consolando, vires & robur adaugendo, providendo, favore & auctoritate prosequendo non modò eos qui id postulent, sed qui adeò etiam videantur meruisse, etiamsi nihil petant omninò. Itaque homo beneficus, videns vias regias, fontes, flumina, pontes, & alias res publicas aut extruendas, aut meliores faciendas, ponit in eo omnem suam operam apud Principem & omnes suos ministros, ut efficiantur alia: quæ sunt malè facta, ut diruantur aut reficiantur & efficiantur. Hic porrigit manum lapsis, erectos facit ire, euntes currere, currentes gradum sistere in lætitia & animi tranquillitate. Hic in aula Principis inanimat semper aliquid agentes præclare, facit eos cognosci, in Principis deducit notitiam, & aliquid pro ipsis impetrat stipen-

dii, aut mercedis: denique omnes omni adjuvat ratione, qui laborioso genere vitæ ad decus & gloriam solent contendere. Et rursus eos dejicit, qui malis artibus ad opes dignitatésque committuntur. Idem ille inalis iudiciis obstat, & operam bonis legibus promulgandis navat, quas easdem vult strictissimè observari. Postremò, qui habet illam virtutem, est patronus justitiæ, est defensor populi, est magister nobilitatis & naucerus consilii, est pater patriæ, est honos Principis, & quasi alter in terra Deus. Nam damnum facere pro se quisque faciliùs potest: Tali verò eminere virtute, instar est divinitatis. Quocirca, ut dicendi finem faciam, consiliarius hanc virtutem debet maximè profiteri, & re ipsa exercere: Quæ quomodo cognosci a Principe in ipso debeat, ex iis, quæ de beneficentia sunt allata, non admodum difficilis res est intellectu. Quatuordecimum adju-
Affabilis. mentum, quod aptum ostendat consiliarium, est illud, ut mansuetus & affabilis sit: nam hic aditum magnis æquè & parvis, pauperibus & divitibus ad se præstat: omnes læta accipit fronte, audit omnium postulata attentè, respondet benevolè, promissis stat cum gravitate, negat sine morositate, reprehendit absque injuria, expedit absque superbia: ita nimirum, qui aliquid præmii aut beneficii à principe sortiuntur, rem verbis amplificant, & millies magis, quàm per se est ipsa, laudibus in calum effierunt.

efferunt. Qui verò id, quod petivit, non obtinuit, saltem in ipsius consilarii mansuetudine acquiescit, & aliqua ex parte lato ejus aspectu, suavibus responsionibus, ejus candido pectore, est contentus. Quæ ipsæ res ad eum modum sunt comparatæ, ut generosi animi magis aliquando iis, quam vel ipsis opibus & divitiis capiantur. Sic legimus & audimus quotidie multos inductos fuisse, ut bona & facultates, vitam denique perderent ipsam, indignatione quadam potius, quam vel injuriis infinitis. Expedi igitur, ut consiliarius valvas suas apertas fieri cunctis patiatur, & non moveatur auditionibus: nemini etiam desperationis præbeat causam, si id, quod aliquis ab eo petit, præstare non potest; excuset id cum quadam affabilitate, quæ ipsi vel inprimis debet esse commendata. Hoc adjumentum sic Princeps cognoscet in suo consiliario: Affabilis homo, est jucundus, statim colligit se, & non est præproperans, circumspectè incedit, eleganter vestitur. Amicus est familiarium conventuum & colloctionum, partium non tenetur studio, cum omnibus omnium generum tractat hominibus, facit dicto factove injuriam nemini, prius rumpet caput alicui, quam ut aliquid injurium ei loquatur. Est amicus acutè & quadam cum venustate dictorum, amat honestam libertatem, abhorret verò ab omni genere hypocriseos & simulationis. Ho-

*iracun-
dus.*

mo interim præceps & iracundus, nulla ratione potest esse affabilis. Morosum & Melancolicum se ostendit: omnia illi molesta sunt: non admittit ad se petentes facile: audit & loquitur paucissima, & malo tandem fine terminat cuncta: patientissimum etiam quemque fatigat & offendit, & omnia ab eo pessum eunt negotia: inimicitiarum inter suum Principem & subiectos est ceu quædam seges & materia perpetua. In quem eundem errorem seu vitium incurrit arrogans & superbus, qui omnes ad consiliiarii munus prorsus inutiles habentur. Quintumdecimum & ultimum, quod idoneum testatum faciat consiliarium, est adiumentum, ut sit fortis, & ista quidem non est corporis ipsius fortitudo, propter quam nonnulli herocæs appellantur, quasi plus quam ipsi homines. Nam hæc corporalis etiam inter bajulos, vel corpulones reperitur, qui vitam suam pro quatuor regalibus argenteis venalem non inviti exponunt. Sed nimirum illa, de qua mihi institutus est sermo, non nisi in studiosissimis est veritatis fortitudo, & qui manibus pedibusque semper illam tuerentur, nec ullum vel minimum hac in parte respectum retinent personarum. Quæ defendenda pro nihilo ducunt ea, quæ alii maximopere admirantur; videlicet, habere familiaritatem cum Principe, aut secus: latari, vel non: ejus patrocinio &

pau-

Fortis.

paupertatem aut divitias consequi : habere
dominatum vel subjectionem : laborem aut
requiem : vitam vel mortem , & tam cum
prospera, quàm cum adversa fortuna collu-
ctari , unaque & altera æquè esse conten-
tum. Nulla autem in aulis domibusque
Principum pestis est capitalior, quàm quòd
rarissimus cultus & studium in hominibus
est veritatis. Quam ut aliquando in aper-
tum proferri necesse sit , adornatur nihilo-
minus blanditiis & lenocinio verborum,
sic ut difficillimè dignosci queat ab ea, quæ
omnium odiosissima nocentissimaque est
falsitate. Verè & acutè quidam dixit Phi-
losophus : Vnam tantùm rem Principibus
cognitam esse , ut videlicet benè equo insi-
deant , reliqua non admodum esse perspe-
cta. Etenim cùm nesciat assentari equus,
sine ullo respectu personarum æquè excu-
tit regem, ac quemlibet alium inferiorem:
Quo ipso innuebat assentatorem, & quàm
parum Principes delectarentur veritate.
Quocirca consiliarius fortis non solum
vera ipse Principi loquetur , sed amovebit
etiam eos, qui ipsius judicium assentatione
atque mendacio adulterant. In quocunque
tandem statu fortunæ , & tam bonorum,
oppidorum & regionum, quàm etiam
conjugum & liberorum amissione , ipsius
etiam famæ & aliarum rerum jactura , est
fortis & penè immobilis, non turbatur: est
sui ipsius & rationis dominus, & propter-
ea potest statim præcurrere & providere

I 7

rebus,

rebus, quæ ad sui Principis spectant dignitatem. Audire, loqui, respondere, præcipere, animare, erigere, tam Principem ipsum, quam ejus populum potest sine retardatione. Iam & illud perspicuum est, quod talis non à ratione, non a fide, non à sui Principis amovebitur amore, auro, amicitia, prece, vel precio, nec ulla vi, aut aliqua re, quæ in hac naturæ nostræ reperitur mortalitate. Quod quidem adjumentum sic cognoscet princeps in consiliario. Vir fortis cultor est & amator veritatis: hostis verò assentationis, non optinè omnium illi constat cum jocosis, non variatur conditione, odio magno habet suffrones, non ridet, liberè loquitur, non est superstitiosus, dicta ipsius habent pondus: peræquè Principi ac cuipiam alteri suam aperit sententiam, nec scit vel tantillum dissimulare. Interim ab amicis hypocritarum & assentatorum, & qui occultant veritatem, caveant sibi Principes, caveant à consiliario, qui se dedit pecuniæ; non modo suæ libertatis, sed & alienæ is agget venditorem: caveant à consiliario, qui bonorum, conjugum, aut liberorum interitum ad lachrymas usque prosequitur, lamentatur; qui se ipsum conficit, & magnitudine doloris agitur aliquando in furorem. Nam ejusmodi non est fortis, sed potius effœminatus & prorsus ineptus, qui consilio adhibeatur. Atque hic quidem fiunt adjumenta quindecim, quæ bonum

& idoneum testatum faciunt consiliarium, si animum ejus intueamur. Qua ipsa in re diligens fiat inquisitio, ut omnino aptus appareat is, qui aggregari concilio debeat; & interim qui adjumenta omnia quindécim habuerit, aptissimus censeatur. Qui verò plus vel minus, eodem modo plus vel minus aptus omnino erit habendus. Illud autem certo certius futurum est, in quem supra dicta adjumenta concurrent universa, illum omnino rerum intelligentia assequendarum fore capacissimum, & rursus ab omnibus intelligendum; is haud dubio etiam sequetur bonum, & fugiet malum, & in omnibus tam consiliis quam actionibus suis retinebit firmitatem. Nam eundem oportebit esse prudentem, bonum & fortem: bonus autem non fallit, & prudens non fallitur, fortis verò pervincit omnes difficultates. Idem ille amatur à populo, propter liberalitatem, beneficentiam, affabilitatem & conceptam de eo bonam existimationem. Hic habet in omnibus quæ dicit, & facit fidem: nam illis quidem nos nostraque credimus omnia, quos ea, quæ tractant, probè intelligere intuemur, & quos moderatè & justè imperare non ignoramus. Hic orbis totius judicio, omni præ cæteris honore est dignissimus. Nam res planè divina & admirabilis est ingenium, quod tot diversarum artium & scientiarum sit capax. Hic harum in vita rerum contemptor est, & nihili ducit

cit ea , quæ alii tantopere admirantur , & in eo felicitatem suam omnem reponunt. Sic ut talis , quiscunque tandem fuerit , verè sit nobilis & honoratus , sit illustrissimus , sit excellentissimus , & sit adeò serenissimus , ut cum quibuscunque tandem orbis terræ Principibus possit conferri.

C A P V T I I I.

De adjumentis in Consiliario , ratione corporis.

H O M O quisque pro se , qualis , quantum sit , & quantum adeò valeat , (ac quæcunque tandem alia res ,) duobus maximè , experientia & conjectura , perverstigatur: Illa quidem major certiorque est , atque adeò etiam magis necessaria ; quamobrem & principem occupare debet locum. Conjectura ducis instar & argumenti est , quæ ut vel nonnunquam fallat , sapius tamen elucet ipsa , & confirmatur veritate , quo etiam contemnenda , & abjicienda est minus : quanquam non ut peræque certa , secundarium locum obtineat , & ipsa experientiam proximè comitetur. Juxta autem hanc institutionem , ut quo pacto idoneus eligendus sit consiliarius planum fiat. Primum quidem cognitum esse volo ab experientia , quæ in dièlis factisque consistit uniuscujusque : quæ quoniam ab animo profisciscuntur duo , & sine

eo nec possunt, nec debent deprehendi, propterea hæc ipsius animi appellavi adjumenta, quæ quindecim his præsidis, ut apparet, continentur. Sequitur jam porro conjectura, quæ per quædam externa idoneum consiliarium reddit testatum, quæ est pars altera nostri de consiliario instituti sermonis, in quo ipso multum esse me, aut oratione non expedit divagari. Quantum videlicet ipsius adjumenta valeant corporis, & unde, & quomodo oriantur, & alias, quæ ultro citroque moveri possunt disceptationes, silentio prætereo: sufficere scire, quod, quomodo prout, si sunt vel secus fertilia, equum bonum vel malum cognoscas: sic esse & notas quasdam hominibus ingentis, & in ipsorum apparere corporibus, quæ plus vel minus idoneos, si vel aded animum ipsum spectes, testificantur consiliarios. Quia de re verbis non utemur pluribus, sed ad ipsas notas, seu adjumenta corporis in consiliario demonstranda veniemus.

Primum adjumentum corporis, quod idoneum monstrat esse consiliarium, est, ut non minus quam triginta annos habeat, & non excedat sexaginta: nam intra triginta annos intellectus non usque quaque est tranquillus: experientia vero est modica, arrogantia nimia, ardor gravis, cogitationes elatae, infirmitas naturæ multiplex, neque eam, quam par est, retinere licet gravitatem, cui nec populus satis fidit, neque sine

Annus
triginti
mus.

mur-

*Annus
sexagesi-
mus.*

murmuratione eam prosequi permittit. Cum autem ætatis annum sexagesimum fuerit prætervectus, amittit memoriam, vacillat intellectus ipsius, experientiam in obstinationem vertit, vigorem animi perdit, & elabi patitur sibi occasiones opportunas: corpora denique necessariò enervantur senum, itinera non amplius facere possunt, & quasi quædam perpetua aulæ redduntur impedimenta. Quanquam interim non inficior, omnes regulas suas habere exceptiones, & infra trigessimum, atque etiam post sexagesimum ætatis annum, idoneos nonnullos huic muneri reperiri, paucos tamen illos, & tempore admodum rariore. Et ego de eo, quod magis certum & observatum est, loquor; quòd magis intra triginta & sexaginta ætatis annos, consiliarios eligi iudico oportere, utpote, qui (si fortè aliud quid non intercesserit,) totis triginta annis suam navare operam poterunt Reipub.; qui sicuti inter viride & sterile sunt medii, ita & animum magis habent temperatum, & sunt magis graves: pollent usu & experientia rerum, valent memoria, præstant vivacitate, natura ipsa eos corroborante, recto gaudent iudicio, non laborant peræquè perturbationibus animi, nituntur ratione & consilio, imbecillitas non admodum est eis nocens, tuentur semper cum dignitate gravitatem, ire & redire non incommode queunt, observat eos populus, & fidem ipsis habet, quam merito debet.

Ac po-

Ac postremò non alterius ætatis suos eliget Princeps consiliarios, ut ii, qui infra hanc ætatem sunt, dent literis in gymnasiis operam, peregrinentur, exterorum mores & urbes videant, linguas discant, sequantur militiam & aulas, & omnia illa assequi conentur, quæ ego in hoc secundo capitulo comprehendi. Qui verò ætatis suæ sexagesimum supervenerint annum, domum redeant, quieti se dent, suas exonerent conscientias, & discant tempestivè mori. Quibus Princeps, quod aliquando olim Romani suis emeritis dabant, largiatur, ut videlicet honores, dignitates, & excellentiora privilegia, & annuos redditus, pro uniuscujusque meritis atque virtute. Secundum adjunetum, quod quoad corpus idoneum monstret consiliarium, quam vulgò appellant, complexio est; nam certa quædam temperamenta habentur, quæ naturâ aptos quosdam & illustres faciunt: & ex adversus ineptos & obscuros alios, qui ut etiam diu noctuque in eo, quod illis ingentum est, emendando perpetuè elaborent, vix proficiunt aliquid aliquando. Illi verò priores exigua arte & diligentia nixi, quod volunt, assequuntur: & in horas redduntur aptiores. Ac proinde bonum consiliarium sanguineum aut cholerici, neque alterius *Sanguineum.* complexionis arbitror esse oportere. Nam ut plerumque fit, istius, & non alterius commixtionis, sunt ingeniosi: & habent præterea memoriæ satis, deque rebus rectè &

*Melan-
cholicus.*

& scienter verba faciunt: clarum habent
judiciū, sunt justī & benigni, affabiles,
candidi, magnifici, benefici, & magnani-
mi, natura fortes, corpore agiles, & vel
minimum valetudinarii. Modus tales non
est difficilis cognoscendi, præsertim cum
Principi non desint medici, quorum vel
hac in parte consilio utatur. Videat autem
inprimis, ne consilio suo phlegmaticum
aut melancholicum adhibeat. Nam ad
omne genus gubernationis ejusmodi ipsa
naturâ sunt inepti, præsertim si munere
consiliariorum perfungantur. Etenim me-
lancholicus, ut est natura siccus & frigi-
dus, terrestris est, hoc est, ejusdem quæ &
terra complexionis: itaque humi semper
repat, & vix à terra elevatur: est morosus,
tristis, sordidus, vanus, expers, & quasi
hostis illustrium cogitationum, malitio-
sus, & ceu quodam veneno vas plenum,
est superstitiosus; sic ut hujus complexio-
nis homines religionem suis somniis & o-
ciosis quæstionibus corruerint. Hic idem
aliqua ex parte est & suspiciosus: & quo
magis senescit, eo minus habet intelle-
ctus: ipsa est invidia, statim excandescit, &
manus temerè conserit, perpetuoque jura-
gatur, ac denique infinitis contumeliis, &
jaciendis in alios maledictis est injuriis
quàmplurimis. Quid multa? melancholi-
ci Saturno sunt subjecti. Mira autem est
res, quantopere philosophi omnes saturni-
mos averfentur; sic ut certum habeatur,
Apol-

Apollonium Thyaneum Ephesi melancholicum quendam invenisse, qui sua sola praesentia urbem totam corruerat, unde postea pestilentiae lues gravissima est sequuta. Phlegmaticus porro est turpis, tardus, *Phlegmaticus.* simplex, ignarus, neque ulla in eo reperitur virtus, sed omnes sunt minores quam vel mediocres. Tertium adjumentum, quod consiliarii ostendat virtutem quoad corpus, ipsa corporis est habitudo, quae omnium optima, si mediocris fuerit, semper habetur; nam hac in parte extrema omnino sunt vitiosa, & adiungunt, quae ejus est anima, consiliario auctoritatem. Proce- *Longus.* rae namque admodum staturae aliquem omnes astrologi non bene esse compactum testificantur; & sic demum raro esse affirmant sapientem: praesertim si fuerit debilis, & colli paulo altioris; quo etiam minus verentur parum idoneum & providum ipsum appellare. Vnde communi eorum sermone tritum natum est proverbium: *Subtilem & longum plerumque esse stupidum.* In parvo vero non peraeque tot vitia *Parvus.* gubernationi infesta, quam in longo licuit observasse, eo duntaxat excepto, quod *parvi soleant esse iracundi, arrogantes, & vulgus eos ridet, neque unquam magnopere aestimat & admiratur.* Quae quidem natura ingenita nullo pacto excusari queunt, adeo ut Principi necessarium fuerit, quoad ejus fieri maxime potest, curare, ne in consiliario contraria bonae reperiatur

*Pinguis.**Medio-
cris.**Monstro-
sus.*

periatur habitudo; etenim risu publico postea facilè exagitur. Cum autem nimis pingues quasi dolium; aut subtilis ut congruus insolatus, qui in quadragesima comeditur, spectantur, ut alia incommoda, quæ ex humore, aut pingui, aut tenui eis obveniunt, præteream; qui quidem humor planè ad gubernationem reddit eos ineptissimos: quorum vitandorum causa corpore & statura mediocri expediet consiliarios elegisse. Quantum adjumentum, quod idoneum, quoad quidem corpus, monstret consiliarium, naturalis ingenita est proportio, in qua unum alteri membrum respondet, ut nec demi neque addi posse aliquid videatur. Etenim, ubi in aliquo horum peccatum deprehendas, magnum argumentum est & animi ipsius vitiosi, & offenduntur haud dubiè spectatores. Proportio verò in omnibus corporis partibus est quidam ordo non magis mirabilis, quàm & delectabilis: cùm videlicet neque minus neque majus est caput, quàm reliquum corpus requirat. Quod idem & de aliis membris statuemus: ne una manus sit longior, contractior altera; humerus hic elevatus, ille depressus, & alia generis ejusdem. Integritas quoque partium est pernecessaria. Luscum, gibbosum, aut sine pede, manu, brachiove nasci aliquem, monstrosus est: & aut superfluitas, aut defectus materiæ est causa. Et talis omnium ferè phycorum est opinio, præfer-
tim.

tim Galeni & Hippocratis , cunctos ad
 eum modum generatos (nisi fortè successu
 temporis aliunde id evencrit,) habere infi-
 nita, quibustam in intellectu, quàm in vi-
 ta & moribus impediuntur. Et dicunt , A-
 ristotelem crebris illud usurpasse sermoni-
 bus : *Libera me Deus à naturâ signato.* Qui-
 bus de causis omnibus, imprimis autem, ne
 homines eos refugiant & aversentur , in ea
 prorsus sum sententia ; Eos qui horum vi-
 tiorum aliquo laboraverint, in reliquorum
 consiliariorum numerum non esse asciscen-
 dos. Quintum & postremum, quoad cor-
 pus ejus, qui consiliarium agere debet, est
 adjumentum, ut pulchra & venusta sit fa- *Venustus.*
 cie, propterea quòd iis , qui hoc naturæ
 habent beneficium, honor præ aliis defer-
 tur, & summopere diliguuntur : & nescio
 quomodo præ ceteris multum in vulgus
 habent authoritatis. Ideò consiliarius me-
 diocre & rotundum, neque cacuminis in-
 star habere debet caput, faciem quidem
 longiorem quàm rotundam potius, non
 parvam neque minus etiam carnosam :
 frontem elevatam, aut mediocrem, non
 parvam aut tristem : oculos porrò medio-
 cres, vivos & tranquillos, non omnium
 maximos, neque etiam admodum parvos,
 aut turbidos, non sine gravitate : nares
 longiores & delicatas, non breves, neque
 crassas, neque depressas : labia mediocriter
 crassa, non minus subtilia, neque etiam
 crassa, neque pendentia : & sit denique ve-
 nustus

nustus ad insinuandum se, hominum bene-
 volentiae accommodatus. Atque hic qui-
 dem finem adjumentorum faciam, quæ
 consiliarium corporis ipsius ratione aptum
 declarant. Interim autem meam hanc dili-
 gentiam, quod minuta etiam ista de adju-
 mentis consilii adeo tractaverim, re-
 prehensuros esse quosdam non dubitabo.
 Verum ego istis haud ita dubitanter vici-
 sim respondebo, eum, qui aliquid bene tra-
 ctare & discutere cupiat, per omnia ser-
 mone & cogitatione, nulla penitus præ-
 termissa re, divagari oportere, & magis a-
 liquando ista, quæ minuta videntur, esse
 observanda, cum sine illis, nec possint ne-
 que debeant ulla ratione stare majora. Vi-
 demus, cum ad domus alicujus venit
 emptionem, quanta utamur diligentia, non
 solum fundamenta & parietes, sed ipsa et-
 iam stabula, & illa loca, quæ honestè dici
 non possunt, solertissimè scrutamur, &
 pervestigamus: Quantò verò magis acutè
 in eum introspicere par fuerit, qui regna
 & provincias gubernabit. Empturi equum
 pro decem, quinquaginta, centum, vel du-
 centis aureis, quid non facimus? jubam,
 buccam, ossa, oculos, aures, pedes, crura,
 pilos, formam, & id genus alia, acute ri-
 namur universa, jubemus ut currat, ut
 gradum sistat, ut redeat, ut in pyrum ver-
 tatur, & ut lentò inambulet, quomodo de-
 nique vel bibit, vel comedit, inquirimus
 diligenter: Princeps ipse, ut dentes equi
 videat,

*Equum
 emiturus
 quid a-
 git?*

videat, vel suas in ejus buccam manus ingerit aliquando. At nobis quid minutum in eo cognoscendo videatur, quem nostris præficiamus facultatibus, cui honorem vitamque nostram concedamus, & qui curam gerere debeat totius nostri principatus?

C A P I T U L U M IV.

De Electione Consiliarii.

DVæ tantum sunt res, (quod secundi capituli principio superius est dictum,) quæ in consiliario potissimum spectantur deligendo : Vna est, verè dignum & tanto muneri esse idoneum, quæ ipsa in præcedentibus capitibus duobus satis superque est explicata ; vita & prudens, de qua nunc loquar, electio est altera, quæ non nisi penes ipsum consistit Principem, ut nimirum intelligat, quo, quando, quomodo, quis egeat, & sibi suisque consulat, consiliario. Neque enim mihi est dubium, consiliarii electionem tanti ponderis & momenti esse rem, pro se quemque Principem cogitare oportere, ut ex una quidem parte honos & commoda ipsius consistant in eo omnia : ex altera vituperium & interitus tam ejus, quam populi consequatur. At ut breviter multa complectar, aliis quæ in hanc sententiam dici possunt pluribus præteritis, vulgo videmus primum

munum & præcipuum iudicium de Principibus & eorum virtutibus à consiliariis proficisci, qui si idonei & sapientes fuerint, hand dubiè & Princeps ipse habetur sapientissimus. Hic verò ut quales idonei sint, intelligentia assequatur, eosdemque sibi fideles & sinceros reddat, id potissimum spectet, ne hac una in re erret aliquando vehementius, in qua semel lapsus, faciliè in reliquis etiam semper impingat. Etenim ut rivulis fontis infectis tota aqua corrumpitur; sic consilio depravato regis, reliqua etiam in administratione publica descendunt. Hinc audimus, cum una omnium voce solet laudare populus Principem, tum nimirum eam inde laudem potissimum exorditur, quòd præstantes consiliarios habet: & in his demùm si quis adeò antecellit, tum ait: Hic aut ille tali præstat virtute, & hoc aut illo nomine populo satisfacit. Iam verò mox vicissim murmurat, & pessimè contentus est, si defuerint; maximè autem, si bellum gerendum est, statim acclamat: Desunt nobis boni consilarii: hic & ille rex tales habet ad tractationem pacis viros, & alias pactiones aut condiciones ineundas. Univerfus denique populus sibi metuit, & vociferatur: Nos, inquit, decipiemur, & in discrimen rerum nostrarum veniemus; quia nobis deest bonum consilium. Non est igitur dubitandum, nos à recti consilii viribus & authoritate & omnia depende-

re. Quod rectè aliquando regius Propheta intellexit, cùm in bello, quod ei cum filio Absolon intercesserat, non alio nomine Deum Opt. Max. precabatur, quàm ut consiliarium ejus primum excœcasset: nam magis sibi ab Achitophel, quod erat nomen consiliarii, metuebat consilio, quàm ab armis, bellandique usu, & artibus omnium reliquorum. Habeat Princeps consiliarios bonos, hi, ut aliquando errent, non erit, cui is facilè fidem faciat. Si autem secus fuerit, & res vel aliquando succedant benè, tribuitur casui, & errore aut negligentia adversariorum, præter omnem expectationem, dicitur evenisse. Certissimum igitur est, à concilio & consiliariis bonis non solum prosperum rerum successum, & ipsum honorem ac famam Principis proficisci, & tam quidem apud suos, quàm & apud externos ipsum magni fieri, & retinere ubique auctoritatem; ut videlicet ament eum sui, & revereantur exteri; & una omnium voce passim & ubique prædicetur. Quare primum & præcipuum eligendo cōsiliario id princeps habeat, ut meminerit & sapius secum consideret ea, quæ in hoc capitulo continentur. Secunda sit admonitio, ut Princeps etiam atque etiam cogitet, tali consiliario magis egere se, quàm ipso, quem comedit, pane: & hoc ideo maximè, ut audire possit & admittere apud se veritatem. Etenim vix est credibile, nudam veritatem ad aures

Principis , propter adulatorum multitudinem , quibus undiquaque semper circumseptus est , pervenire. Audienda quippe ab unoquoque sine discrimine veritate , amittendæ autoritatis suæ periculo non caret ; ut ad extremum tandem nihili & contemptui habeatur : neque expedit omnino , ut velint ejus veritatis enunciandæ concedere omnibus facultatem : Sed suos Principem habere consiliarios necesse est, iis præsiidiis, de quibus in aliis capitibus diximus , instructos & locupletatos ; qui & veritatem intelligere sciant , & suo loco & tempore velint eam proferre : & istorum quidem id propriè incumbet muneri , ut in omnibus , & per omnia observent & loquantur veritatem. Atque hæc unica erit via illius audiendæ , & assentatoriæ cognoscendæ , & penitus explodendæ falsitatis , qua vix crediderim meliorem aliam posse reperiri rationem. Tertia admonitio est , ut Princeps , qui in multas habet partes dispartitum imperium , eligat ex omnibus & diversis partibus , aut provinciis sibi subiectis , consiliarios , non tantùm ex una aut item altera. Cujus rei ergò facilius declarandæ, exemplo, & quidem domestico, regis Catholici Hispaniarum utemur. Inter alia plura ille dominatur Arragoniæ , Castiliæ, Siciliæ, Neapoleos, regnis , Mediolano , & inferiorum provinciarum Burgundicæ familiæ possidet principatum. Debet igitur habere consiliarios non solum

Arragonenses , aut ex Castellæ regno oriundos ; sed etiam Siculos , Neapolitanos , Mediolanenses , & Burgundos. Et quæ hoc loco de Hispaniarum rege diximus , hoc de omnibus Principibus dictum esto generatim. Expedit quippe regibus, ut hac unica insistant via , si populos suos rectè regere, & reddere sibi non infestos volunt : nam alioqui pessum eunt universa, ægerrimèque à publicis gubernaculis gentes & nationes amoveri se patiuntur , & quasi in furorem aguntur , cum suæ gentis vel agnationis vident in consilio neminem : existimant namque non sine causa id fieri, & aut à Principe haberi despiciatui se , aut servorum instar , aut denique indignos, quibus se concedat , arbitrantur. Ac primum quidem ingenerat odium : alterum quærit & concupiscit libertatem , unde in Principem conjurationes oriuntur , & externorum arma evocantur : postremum inflamat & obdurat corda subjectorum ad quamvis proditorem in suum naturalem Principem prosequendam. Iam & illud perspicuum est , quòd illarum regionum, in quibus nati & educati sumus, omnes omnium mores, ingenia, desideria, virtutes, vitiaque hominum, ac denique ipsas familias, ac earum merita, maculas, commoditates & difficultates , utilia denique & damnosa cuncta , rectius cognoscimus, quàm externarum. Quo etiam magis, si ex omnibus , quæ illi subjacent provinciis,

rex elegerit consiliarios, natos, inquam, & in iis educatos, poterit rebus commodius providere. Et quidem *natura ipsa duce ita est comparatum*, ut nostros magis amemus semper, quàm externos & alienigenas: multa namque nos consociant & obligant nostris, sanguis, societas, amicitia, obsequia, merita, vicinitates. Ac quo maximè tenentur boni, sub iisdem legibus esse natum atque educatum plurimum interest: earum enim rerum nulla cum externis nobis est communitas: consequens ergo est in & extra consilium, citius & melius, & majori cum diligentia, domesticorum negotia tractari, quàm externorum: qui quando consequi aliquid nituntur, oportet eos sudare guttas sanguinis: summo labore, & (ut ita dicam) brachiorum contentione parant omnia; aut verò quod boni mercatores facere solent, numeratis pecuniis emunt quæ concupiscunt. O quam autem infelix est illa provincia, quæ in Principis sui consilio ne unum quidem suæ nationis consiliarium intuetur! Iam verò & Princeps ipse, qui ex una tantum gente eligit sibi consiliarios, ut mihi quidem videtur, maximè animi laborat impotentia, & partium sectarumque se ostendit amatorem. Etenim cum nationi uni tribuuntur omnia, aut saltem maxima; necessariò illa tandem insolescit: quod cum aliæ indignius ferant, inflammantur tandem invidia, & in ipsos Principes jaciunt maledicta, & denique perditos

perditos eos cupiunt, & varias concitant in eos seditiones, unde postea ad bella & tumultus devenitur. Iam & quælibet sua vitia & virtutes habet provincia, habet bonos & malos, doctos & indoctos, fidos & infidos: quam ad rem non multis mihi opus est verbis: qui potest me intelligat, ego quidem satis me ipsum intelligo. Princeps pro se quisque publica juris ipsius ratione persona est: nolit ergo contra rationem partium ostendere se fautorem: est omnium civitatum suarum & regionum civis, nolit esse alienigena & externus: est pater omnium, non expedit ut vitrici loco habeatur. At breviter, cum consilium Principis omnes ipsius debeat regere provincias, ex omnibus iis consiliarios operæpretium ad illud erit quæsisisse. Quarta est admonitio, ut Princeps eligendo consiliario, non modò eorum numero, quos in aula sua habet, aut aliquando eos vidit, vel de iis audivit, & ut vel ipsa re idonei reperiantur, sit contentus; sed ut adeò etiam omni via & ratione, quoad ejus fieri maxime potest, de iis perquirat, suisque præfectis, vel provinciarum mandet rectoribus, ut omni adhibita sollicitudine & cura diligenter pervestigent, qui ad hoc consiliarii munus plus vel minus apti videantur. Quorum trium aut quatuor nomina mitti debent: & ille ad se proficiscentibus viatico non desit, si, ut cognoscantur, in aulam evocarentur. Vix autem percenseri

tot ac tanta commoda possunt, quæ ex hac una admonitione, si recte observaretur, proficerentur. Interim sufficiat scivisse, inter complures aptos, quam inter paucos facilius inveniri excellentissimum, & populos gaudere, magisque amare Principem, cum paterna cura illum affici omnium, & æquè procurare commoda & ornamenta omnium, deprehendunt. Iam & homines nobiles magis invigilabunt artibus gubernationis addiscendis, & ut bene scienterque inter alios vivant, citra omnem infamiam seu reprehensionem levitatis. Hinc missa facient vitia, persequentur virtutes, fugient scandala, & alia quæque turpiora, ut tantum nomen sibi concilient, & in eum numerum referri possint aliquando. Hac eadem postremo in suis provinciis via cognoscet Princeps suos exactius, quales, & quanti sint, & quid pro se quisque ipsorum mereatur. Atque ita pro re & occasione, pro diversis periculis, negotiis, & muneribus publicis, quo loco quid promere poterit & debet, non eum præteribit. In numero quidem ipsorum, qui apti esse censebuntur, unus tandem aut alter restabit: verum non restet Princeps ipse consolari sua affabilitate cunctos, laudando illorum mores, atque adeò vitæ ipsius institutum, in quo & perseverare, & cursum gloriæ continuare velint, spe præmiorum proposita eos hortetur, & tandem aut in aula servabit sibi aliquos, aut publicis

blicis præficiet muneribus, aut domum reverti patietur. Ex hac nimirum ratione pro uniuscujusque meritis & autoritate dicetur rectè omnes tractavisse, & reddet haud dubiè contentos, & ipsi consilio optimè providebit. Quinta est admonitio, ut in eligendo consiliario Princeps celeritate non utatur nimia rationi & diligentia inimica; sed sensim & pedetentim ad eos, qui nominati fuerint, muneri consilarii præficiendos progrediatur: & interim detur facultas omnibus omnium vitiorum tam scripto quàm voce proferendorum candidati, ejusque rei commodius exequendæ gratia immunes accusatores sunt; sed tamen ita, ut via obsepiatur falsitati: quod fiet, si talionis, quæ dicitur, lex omni severitate animadversionis suum effectum fortietur, incurrentque indignationem Principis, qui tales fuerint. Iam & illud gravibus pœnis cavendum est, ne quis ea, quæ de ipso Principi referri debebunt, tam per se quàm per alium ullo modo impediat. Hinc enim tam vitia quàm virtutes candidatorum magis erunt explorata, & portæ calumniis obstruentur, & qui idonei fuerint, concilio subministrabuntur: qui verò minus idonei erunt, saltem non audebunt esse peraces, ne cum infamia repellantur. Hoc idem aliquando in eligendis magistratibus observabatur Romæ, pœnis & præmiis in utramque partem propositis, quæ executioni strictissimè

mandabantur. Quæ quoad duravit consuetudo, floruit semper Roma: ut desita est observari, eò tandem, quò videmus, res devenit. Sexta admonitio est, ut attentè & alacriter tam accusationes, quàm commendationes omnes candidati Princeps audiat; sed interim tamen facilè fidem habeat nemini, si infames accusationes erunt, cogitet & veras & falsas esse posse, & quàm multi malitiosi, invidi, ignari, animo impotentes, reperiantur. Neque verò dicat: hoc mihi Dux & Episcopus ille, sacerdos, doctor, pater sanctus, aut denique hic vel ille narravit: nam vel inter ipsas cruces, quod dicitur, diabolus est medius vel nonnunquam: hoc autem est, quòd omnes homines sumus, & fallere atque falli possumus. Qua de causa Princeps non facilè alicui credat, antequam recto iudicio & inquisitioni sui tribunalis id commiserit, atque eodem etiam modo, si vel in favorem candidati multa sortiatur testimonia, ne iis quidem habeat perfacilè fidem: non enim sufficit dixisse, talis Cardinalis, talis Marchio, talis miles, talis religiosus, bonus & sanctus, hoc vel illud mihi confirmavit. Equidem nos omnes homines esse memini, qui aut alios circumscribimus, aut circumscribimur ipsi. Atque unum illud tandem est certissimum, qui de his rebus testimonia dant, nunc rectè, nunc sinistrè multa refert quampinimos; & interdum partim cupiditate moveri aliqua,

qua, partim invidentia, partim commodo-
rum spe, partim etiam vanitate. Quæ ut
omnia non subito dignoscantur, est, quod
latent sub quodam ceu integumento studi-
i erga Principem, & desiderio ipsius digni-
tatis; & sunt tanquam bolus quidam medi-
corum inauratus, in quo exterius non appa-
ret, quæ intus recondita est amaritudo.
Credere interim facile, quod experientia
magistra, num ita se vel secus habeat, pos-
sis scire, nunquam fuit sapientis. Velim
igitur principem cum S. Thoma loqui, &
non nisi ea credere, quæ aut oculis cerne-
re, aut manibus potuerit ipse palpare. Se-
ptima admonitio est, ut nullo modo, non
præcedente examine, consiliarius eligatur,
quod si dignus vel secus fuerit, possit con-
stare. Memini probè, quid superioribus
diebus eligendo pistore regis Hispaniarum
dulciario acciderit; res haud dubiè eò de-
ducta est, ut is potissimum eligeretur, qui
quibusdā confectis ex saccharo sciebat sibi
melius conciliare fautores. Iam & illud in-
mentem venit, quod aliquando Cardina-
lem Ludovicum Borbonium, cum ex Re-
gno Galliarum ab eo postulans discedendā
facultatem alloquerer, cum ad arma utrin-
que spectarent res, anno à Christo nato su-
pra mille quingentos primo & quinquage-
simo, cuidam, qui canes venaticos volebat
ipsi donare, memini dixisse: Fac, inquit, ut
venandi periculum primum iis faciam:
tum si mihi usui secusvè fuerint, facilius

judicabo. Hoc quidem, ut rursus hoc loco adduci argumentum videatur, certissimum tamen est, nec pistorum dulciarios sine examine, neque canes sine venandi exercitatione posse spectari. Examen autem erit illud, ut Princeps semel atque iterum, sedulo inquam & accuratè perquirat, an candidatus habeat adjumenta illa, quæ ego in secundo & tertio capitulo annotavi, & ut eo modo, quo ego monui, cuncta pervestiget: nam qui illis adjumentis carebit, prorsus erit inutilis; qui cuncta habebit, erit haud dubiè perfectissimus; & qui plus vel minus, eodem modo plus vel minus idoneus erit existimatus. Ut igitur hæc omnia adjumenta metiatur Princeps, unam ulnam quindecim palmarum, hoc est, quindecim adjumentorum animum concernentium, & quinque palmarum alteram, hoc est, quinque adjumentorum, quæ corpus spectant, adhibebit. Qui omnes, aut saltem habebit plures, is postpositis aliis, ad consiliarii munus rectissimè eligetur; ita quidem, ut si unus habuerit decem, alter verò octo aut novem, ille qui habet decem, cunctis præponatur, nec ullum sit in hominibus discrimen, siue ille dives, siue pauper fuerit, siue parvus, siue magnus, siue ignotus, siue familiaris. Nam si potens dux, aut nobilis prædives, aut intimus aliquis familiaris simul & semel ambiret consiliarii munus, cum eo, qui nec principatu, neque divitiis, neque gratia ipsius Principis comparandus

randus iis esset, superior duntaxat illis, de quibus diximus, adjumentis evaderet, citra ullam dubitationem præ cæteris eligendus, reliqui omnes essent repudiandi. Et quidem hoc intelligitur de iis, qui elucet clara aliqua & illustri virtute. Munera quippè publica debentur virtuti potissimum, & non aut benevolentiae gratia, aut præstitorum obsequiorum causa, aut etiam divitiarum ergò sunt distribuenda. Interim certum etiam illud definitumque esse, & favorem, & divitias, & obsequia tum haud dubiè valere, cum in utramque partem virtutis paria sunt adjumenta. Exempli gratia: si competitores duo æqua lance ponderandi essent, tum Princeps suæ in aliquem tribuere posset aliquid voluntati, & obsequiorum ipsius recordari, concedere etiam non nihil potentiae, & non oblivisci præstantium in Rempub. meritorum, aut suæ regali majestati præstitorum. Etenim certissima hæc est regula, munera non nisi ex his causis tribus, unius causæ concedi gratia, videlicet, aut propter merita, aut propter favorem, aut propter potentiam. Primus modus, ut ita dicam, est ipsius virtutis; postremus abusus; intermedius ut etiam abusus sit, postremo tamen non potest comparari. Ut ut autem habet se res, illa quidem boni Principis & tyranni est nota, quod Princeps virtuti tribuit, quæ tribuenda sunt omnia, honores & magistratus: tyrannus propter favorem & potentiam largitur

universa, qui quidem in tertiam generationem vix suum tuebitur principatum. Prætereo multas alias & graves rationes, quæ hoc loco commodè adduci possent & deberent: eo tantum sine facio, identidemque moneo, examen ut diligentissimum adhibeatur, & is præ ceteris eligatur, qui præscriptis regulis secundi & tertii capituli accedet quàm proximè semper: & denique ut illud examen ipsum ab illo Principe, & non à quopiam fiat alio ullo modo aliquando. Octava admonitio est, ut posteaquam examen factum & subsecutum ea ratione, quam proximo præscripsimus capite, fuerit, sine ulla vel minima priorum præceptionum, aut in hanc vel in illam partem interpretatione, tum demùm duobus tribusvè diebus post, vocet ad se Princeps eundem consiliarium, & præsentibus audientibusque aulae suæ cunctis, portis apertis, brevibus verbis ei demonstret, quomodo sit electus virtutis & meritorum suorum causa consiliarius, pro ea spe & opinione, quam omnes de ipso conceperunt: Videret igitur, ut virtute, integritate, & morum vitæque constantia in omnibus eam opinionem tueatur: demum principatum suum & omnia ipsius commoda & ornamenta diligenter ei commendabit, eo etiam adjuncto, ut pro re & occasione, cum ea, qua par est, modestia, libere eum hortetur & dehortetur, & suggerat cuncta, quæ ad ipsum pertinere maxime

mè judicabit. Ac nimirum dicet, ut nulla non animadversionis gravitate in eum usum se esse, si quid contra officium fecerit: sic rursus & libenter opibus & honoribus eum aucturum, si de se semel expectationem excitatam virtute & industria factam rectamque conservaverit. Hac tali & tam necessaria admonitione in effectum deducenda, Princeps sibi devinctos reddit populos, ad virtutem & gloriam accenduntur boni, terror & desperatio injicitur malis: consiliarius postremo ipse non solum similis esse sui; sed adeo etiam ipsam expectationem de se semel excitatam indies vincere, quam maximè poterit, semper contendet. Nona & extrema est admonitio, ut his omnibus, quæ antea dicta sunt, ritè peractis, solenne à consiliario jurandum Princeps exigat ipse, in quo Deo Opt. Max. juret bonum & fidelem consiliarium se ejus futurum esse, & commoda dignitatemque principatus diligentissimè curaturum, & quod denique nec vitæ, neque sanguinis, neque bonorum, aut utilitatis alicujus spe vel ratione à justitia & æquitate se dimoveri patietur. Exacto ad eum modum juramento, non est quod adhibeat ipsum aliis negotiis. Dici autem vix potest, quantum inde proveniet commodorum. Etenim, si tum forte officio & juramento suo consiliarius non satisfecerit, Princeps in ipsum justam habiturus est causam indignationis, tanquam in eum, qui
fidei

fidei & conscientia suæ oblivisceretur. Ipse verò consiliarius magis reddetur circumspectus, ne officio & functione sua abutatur : iis etiam, qui contra jus & æquitatem ab eo precibus obtinere volent, sanguinis & necessitudinis colore alicujus, facilius, & cum majori æquitate se excusabit. Populus denique rebus injustis postulandis erit moderatior, & assuescet honesta à consiliariis regiis postulare ; & si quid in contrarium fecerint, fidentius eos deferet & accusabit.

Operis Conclusio.

Hoc illud est totum, quod in hoc primo octo librorum dixisse libro occurrebat, in quem materia de concilio & consiliario Principis debet inferri. Iam verò satis superque quid sit concilium, est declaratum. Et quomodo pro se quemque Principem (si aliàs benè gubernare cupit) concilia differentia septem, in omnibus & per omnia, in munere & administratione tota, in ministris, in mandatis & auctoritate, expediat ordinare. Est denique illud etiam ostensum, quid sit & dicatur consiliarius, qui, ut aded aptus & idoneus habeatur, adjumenta viginti eum habere oportere, quindecim ratione animi, corporis duntaxat quinque. Iam & Principi notas & admonitiones novem, quomodo & quando eligere consiliarium debeat, suggesti.

Hoc

Hoc quidem est totum, quod apud animum proposueram meum, & quod vel initio istius libri me facturum esse promiseram. Quam ipsam ad rem divinæ & humanæ induxerunt me leges, quibus, ut quo & quando maximè potest, unus alterum juvet, obligamur; præsertim in rebus, quæ ad publicam maximè spectant salutem & utilitatem. Quales concilium & consiliarii ipsius sunt principis. Quod si in me esset formare, quale fieri expediret concilium, sicuti quidem scripto est comprehensum, prius boni concilii proponerem exemplum, quàm illud stilo adumbrarem: sed quando unum non datur, præstemus saltem illud, quod nostræ est potestatis. Illis incumbet reliquorum perficiendorum cura, qui ad voluntatem afferre pariter poterunt facultatem, quod profectò & majoris quietis suæ causa, & tam honoris, quàm utilitatis gratia debent præstare. Ego interim, quoad vixero, duo illa divinitus precabor: Vnum, ut Principum aperiat oculos, ut quid eorum conciliis & consiliariis desit, videant: aut ut tandem aliquando ferid secum, quomodo his tot ac tantis malis occurrì possit, recognoscant: dimidium certè itineris confectum judicarem, si vel saltem, an bonum vel malum eis est consilium, cogitarent: Nulla quippè infirmitas, quàm ea, quæ non cognoscitur, major habetur. Alterum est, ut ii, qui sunt consiliorum apud Principes directores, omnibus

bus perturbationibus animi semotis, salutaribus monitis viam demùm patefaciant, & Reipub. suique Principis, quàm suar privatarum serviant potius dignitati, neque falsis perturbationibus, album pro nigro, & nigrum pro albo ei obtrudant. Etenim illi sunt, qui perditum volunt & faciunt Principem. Illi, inquam, bonis & virtute præstantibus crura succidunt, ne ulterius altiusvè progrediantur: Illi oculis Principis tenebras offundunt densissimas. De malis quidem, non de bonis, hoc loco loquor. De bonis satis persuasum mihi fuerit, quòd hoc ejusmodi opusculum semper probabunt; non quòd meum sit, qui minus quàm mediocris sum, sed quòd proculdubio re ipsa est salutare. At quid jam porro non clamabunt mali? Affirmabit quidem iste, ut Princeps in tam subtili consilarii electione tantopere laboret, non expedire. Cui ego respondeo, non esse hunc laborem, sed laboris potiùs allevamentum. Nam eò minus bello & pace habiturus est occupationum. Mox dicet ille, Principem esse liberum, & ejus arbitrato distribuendas functiones. Iam & huic vicissim hoc responsum dabo: Libertatem Principis, expertem rationis non esse libertatem: Nam tum demùm abusus est, & nescio quid ejusmodi instar ipsius servitutis. *Et ille verè est Rex, qui rectè facit; & liber, qui moderatè utitur libertate:* Nam aliter, qui tyrannus non habeatur? concedere autem id Principi, ut
pro

pro libito distribuat magistratus, est exag-
gitare ipsum risu publico, & tyranni loco
habere. Erit præterea non nemo, qui viros
nobiles præmiis & dignitatibus, ratione
antiquitatis & splendoris familiæ, præstan-
tiūque in Rempub. meritorum afficien-
dos judicabit: & hoc quidem ego etiam
sentio: verū non unum & idem est, ali-
quem aliquo præmio vel honore æstimare
dignum, & pati esse consiliarium. Nam
non desunt quidem viæ præmiis afficiendi
multos, consilarii licet non evaserint, quam
plurimæ. Quid verò est, quòd & eos po-
stremò videas, qui, quales volumus, consi-
liarios in orbe terrarum reperiri nusquam,
non dubitabunt affirmare. Quibus ego sic
respondeo, etiam multos, & idoneos, &
spectatos in omnibus partibus reperiri:
sed unum illud deesse, ut virtutis causa,
non benevolentia, aut potentia gratia
Princeps eos eligat, & ut maximè deside-
rarentur, præstare illos velit pro eo ac de-
bet. Ex lapidibus homines excitabit. Cūm
est Princeps poëta, omnes versus pangi-
mus: cūm est musicus, omnes cantamus
& choreas ducimus: cūm est bellator, tra-
ctamus arma: cūm est assentatorum ami-
cus, omnes lepidis delectamur: cūm studet
astrologiæ, circa sphaeras versamur, & id
genus alia instrumenta. Si verò talium
consiliorum, quales depinxi, est fautor,
caput mihi amputari patiar, si intra qua-
drenniū præcipui quique procerum ad
hæc

hæc munera idonei non reperientur. Serid hæc tantum aggrediatur Princeps, & semel reipsa, quod consului præstet, tum demum opinione celerius & aulam & totum principatum suum imminutum experietur; mutatum dico, imò etiam quodammodo novum effectum. Omne hoc tempus, quod datur otio, alex. blasphemix, adulteriis, & aliis mille vitiis, dabitur virtuti & honestati, & iis artibus, quæ sunt eruntque maximè Reipub. necessariae; aula postremò virtutis & sapientix reddetur officina. Aliis autem interim quæstunculis nec libet quidem respondere, cum sint plenissimæ vanitatis. Redeo ergo ad ipsos Principes, & illis hoc confirmo: si hoc, quo præscripsi, suos consiliarios eligent modo, quoad vivent, sortituros eos quietem & voluptatem maximam; & non solum defensuros, verum etiam aucturos esse principatum. Pacis denique & belli tempore erunt semper domini, amabuntur à suis subiectis, timebuntur ab adversariis, & ab omnibus evadent laudati atque celebrati. Posteris etiam suis firmum & diuturnum relinquent imperium, & magnorum bonorumque Principum nomen vel ab ipsa morte omni ævo sortientur.

H I P P O L Y T I
A C O L L I B V S
C O N S I L I A R I V S.



HIPPOLYTI A COLLIBVS
CONSILIARIVS.

PHILIPPO LVDOWICO.

Hanovix comiti illustriss.



*Agnum sanè Principibus vi-
ris unus impositum: impe-
rium moderari sapienter, ju-
ris æquabilitatem colere, fla-
gitiorum coercere licentiam,
excitare virtutis studia, or-
dinem in omni officio conser-*

*vare, & rem denique publicam excellentibus
meritis obstringere.*

*Consulere patriæ, parcere afflictis, ferâ
Cæde abstinere, tempus atque iræ dare,
Orbi quietem, sæculo pacem suo.*

*Quoque majus imperium diffusiusque, cò ma-
jor cura, ut non immeritò Diocletianus Imp.
nihil difficilius dixerit, quàm bene imperare.
Nam si administrationem rerum suarum fa-
miliaribus totam permittant, omnia Regni
presidia dilabantur necesse est: si per se omnia
curare velint, inanem curam & sine ullo fru-
ctu percipient, horamque nullam molestissimis
negotiis, metu & sollicitudine liberam habe-
bunt. Magna servitus, magna fortuna.*

————metui cupiunt

Metusque timent, non nox illis

Alma recessus præbet tptos,

Non

Non curarum somnus domitor
Pectora solvit.

Prudenter Saturninus illis, qui imperatoria eum purpura inducebant: Nescitis, amici, quid mali sit imperare: gladii & tela nostris cervicibus impendent: imminent undique hasta, undique spicula ipsi custodes timentur & formidantur. Verum mali huius remedium optimum, idque unicum in legum maiestate est, sapientiumque consilio, ex quorum sententiis quid optimum factu sit, statuunt: nam summis, ut ille ait, Imperii moderatoribus, pia & decora suadentes, instrumenta sunt boni seculi. At difficulter reperiuntur: & pauci qui reberi possent, Principum auidas vitant. Sapiens enim ingenium suum, & prudentiam non venditat, nec suas unquam rationes ed confert, ut Principis alicuius gratiam acquirat, ad cuius nutum & arbitrium se totum componat: speciosam illam servitutem fugit, quin potius summas divitias in equitate animi, & in ressecanda potissimum cupiditate constituit. semper cupere (ajunt) nihil aliud est, quam semper miserum esse. Vera vita est, odisse honores, qui sic expetuntur, ut parentur libertatis jactura, pacis, otii. Salem Athenis lingere se malle, quam cum principibus opiparris vesci dapibus quidam acerbè nimium respondit: sed facete Lacydes Cyrenæus, qui à rege Attalo, amicitiam, societatemque in rebus agendis promittente, accersitus, venire renuit: philosophos quippe ut picturas & imagines eminus videndos esse, non cominus.

Intelli-

Intelligebant sapientes hi viri, Principum familiares variis non raro fortuna casibus expositos neque felices eos existere omnes, qui regia purpura, regioque auro rutilant. Ex se autem satis didicerant, in rebus humanis nil magis expetendum, quam quiete, & procul à publicis muneribus tranquilla vitæ constantiam.

Felix, mediæ quisquis turbæ
Parte quietus, aura stringit
Littora tutâ, timidâque mari
Credere cymbam, remo terras
Propiore legit.

Quapropter veri Principis industria in sapientibus omni studio in bonum publicum vindicandis retinendisque, merito semper versata est. Ad retinendos duo requiri video. Quemadmodum (aut ille) fruges non tam ingenio soli, quam cæli beneficio, meliori que temperie latius exuberant; ita & eximia ingenia, benignitate, humanitatēque Principum virorum excitantur & aluntur: alterum igitur est, ut eorum opera, tum clementer & benigne, tum etiam justè hoc est, congruenter utantur. Quemadmodum enim ministrorum partes sunt obsequium, assiduitas, taciturnitas, labor indefessus: sic magnatum contrà officium est, consiliariorum, (quos boni principes partem sui corporis esse struunt) sedulitate non abuti, nihil unquam in eos asperum aut contumeliosum dicere, nec acerbè officium exigere, sicque cogitare, se non servos & mancipiis, sed liberis hominibus imperitare, quorum

L

opera

opera si non gratuita & voluntaria, ac certe libera utuntur. Alterum est, ne laborum suorum premio ac mercede fraudentur: quid queso aequius, quàm ut quorum vita in nostris consenitur commodis, eos remuneremur? exemplo vel ab agris sumto, qui à quibus diligentius coluntur & laboriosius, us uberiores fructus ferunt. Rerum istarum neglectum magna laeae principibus incommoda tulisse, prater antiquas, historiae etiam recentiores clarissime docent. Atque haec quidem Principem ipsum respiciunt.

Ceterum quanam ipsius consilarii partes sint, hoc sermone, qua potui diligentia, succursis horis persequi conatus sum: an aliquid assecutus, boni lectoris iudicii facio. Id sanè qualecunque est, in splendidiſſimo tuo potissimum nomine, Comes illustrissime, apparere volui, cuius, in magna fortune indulgentia, animi moderatio, morum sanctitas, & regie denique virtutis indoles, ut de formae dignitate nihil dicam, ita undique erant, ut de te ornando certasse videantur. atque id cò lubentius feci, quòd opportunè hoc ipso tempore, desponsatam tibi audiam, Dei immortalis mutare, Nympham principem, in qua, prater illustrissimum genus, forma & venustas conspicitur; sed pudor magis, probitas, sanctitas, & casti mores, quos domestica disciplina auxit & probum ingenium confirmavit:

Hoc, par non aliud convenit pulchrius
unquam
Nobiliùſve.

Dum

Dum igitur alii per varia certatim tibi
 gratulantium genera in carmina erumpent,
 ac tibi hymenaeum canentes, facies praferent
 nuptiales: ego hoc qualicunque libello, quo
 uno iam possum, meam adversum te obser-
 vantiam testabor: ac tibi felix administra-
 tionis tue auspiciis, fortunatum in longum
 annorum spatium conjugium, longamque pro-
 pagationis seriem precabor.

Vt senex videas gregem nepotum.
 Nec dubito, quam muneri huius (quod du-
 ctu auspicioque tuo prodit) tenuitatem, ani-
 mi tui magnitudo et singularis humanitas
 sibi levatura sit. Vale.

Q V O D D E V S

B E N E V E R T A T.



I in rebus etiam privatis nos nobis non sufficimus ; ut cùm agitur de filia collocanda , de fundo emendo , testamento faciendo , societate ineunda , vel alia simili de re : & certissi-

imum est , sapientissimum quemque aliorum sæpe prudentia egere , medicorum ægrotantium more , qui alios sibi adhibent medicos ; quilibet enim in suo negotio hebetior quàm in alieno ; multo sanè minus consilio aliorum carere poterunt ii , quibus multi populi & infinita negotia eaque publica, commissa sunt , qui ita nati sunt, ut bona malaque eorum ad Rempub. pertineant : ii , inquam , qui si vel minimum errent, ingenti protinus id totius regni sæpe & orbis malo faciunt. *Gravissimi Principis labores, quæis orbem terra capessit, egent admniculis.* Idcirco quemadmodum Tyranni fidos consultores odio habuerunt, ac summos honores ingentesque divitias, justissima virtutum præmia, impuris & sceleratis hominibus, prædæ objecerunt, mimis, scurris, lenonibus, quorū flagitiis imperia eversa : sic optimum contra quemque Principem Consiliariis stipatum fuisse legi-

*Tac.l.4.
ann.*

*lib.12.
annal.*

legimus, totidem veluti oculis, auribus, manibusque. C. Cæsar Q. Pedium & Corn. Balbum habuit. Augustus Meccenatem & Agrippam; Adrianus Celsum, Salvium & Neratium: M. Antonius Scævolam, M. N. N. & Volosianum: Severus Papirianum, & alii alios. *Raro*, inquit Vellejus, *eminentes viros non magnis adiutoribus ad gubernandum fortunam suam usos invenies.* Imò sapientiæ argumentum in Principe nullum majus, quàm sapientium virorum consilio uti. *Bene enim*, inquit Iropp. in quodam rescripto, *Cognoscimus, quod cum vestro consilio. Patres conscripti, fuerit ordinatum, id ad beatitudinem nostri Imperii, & ad vestram gloriam redundare.* Non viribus, ait Cicero, aut velocitatibus, aut celeritate corporum res magna geruntur; sed consilio & auctoritate. Atque ego, inquit Sallustius, multa legendo, atque audiendo ita comperi, Omnia regna, civitates, nationes, eo usque prosperum imperium habuisse, dum apud eos vera consilia valuerunt: ubi gratia, timor, voluptas, ea corrumpere, statim imminuta opes, deinde ademptum Imperium; postremo servituti imposita est: quod tunc intellectum est cum Pericles, ut plebis gratiam captaret Areopagitarum auctoritatem sustulisset, & ea quæ prius in Areopago tractabantur ad pop. transfulisset. Nam haud multò post Respublica tum externis, tum intestinis bellis concussa ruere cepit. Atque hanc fuisse causam unicam existimant, cur Ro-

Therist. orat. 3. & Synef. de regno ad Card. Dio. Cass. lib. 52.

l. humanum C. de legib. l. dubium C. de re-pud in Cat. majore. in Orat. Cas.

Plutar- chus.

Dionys. Hal. l. 2.

Senec.
1^o. de
Ben. sic c.
32 Tacit.
tus lib. 4.
hist. l. 1.

ma tam diu floruerit, quod qui ei præfue-
runt, non sua, sed Senatus consilia sequuti
sunt. Horum mihi nihil accidisset, dicere
Divus Augustus solebat, postquam flagi-
tia domi sue in publicum emisisset, si aut
Agrippa, aut Mæcenas vivisset. Nullum e-
nim magis boni Imperii instrumentum, quàm
bonus Consiliarius, qui non immerito, pater
deus vocatur. Atque ut uno verbo dicam,
non magis mens & ratio in corpore hu-
mano necessaria, quàm Consilium in Prin-
cipe. Sed ut commoda etiam alia, quæ ex
Principis bene consulti iussis emergunt, o-
mittam, Nonne Princeps ex assiluitate
consiliorum in negotiis cæteris decernen-
dis prudentior sit? notum est illud Græco-
rum: sapientum congressu Principes sa-
pient. *Princeps bonus sit*, ait Capitolinus, &
bonis amicis utatur. & detur durius quid à
Principe imperatum fuisse, iustum tamen
& rectum subditis vel unica hac de causa
videbitur, quia consilio prudentum fa-
ctum. Neque majus ullum iudicium bonæ
mentis ostendere potest Princeps (ut præ-
clare Commæus) quàm si eligat sibi, &
iis familiariter utatur, viros virtute & fa-
ma celebres: nam omnes statim judica-
bunt, Talem esse Principem, quales sunt eo-
rum mores, quorum familiaritate ipsum
implicatum animadvertunt. Ex Senatori-
bus Principes noscuntur, ait apud Tacitum
Otho Imp. Adde quod dominum illum
offendere cives metuant, & ipsius iussis

contra-

contradicere, quem sciunt omnia cum consilio prudentum agere solere, ut taceam iucunditatem, qua princeps, qui sibi bonos viros studio ac benevolentia devincit, in quorum virtute conquiescat, fruitur. Quid in vita amico fideli dulcius? quod prædium quæve possessio tam opima, tamque omnium fructuum ferax & fertilis, quam amicus est? Sed ad rem. Consilium, ait Philosophus, est investigatio quadam earum rerum, quibus ad finem, quem nobis proposuimus, faciliè pervenire possumus. Cicero verò excogitatam aliquid faciendi vel non faciendi rationem definit. quæ definitiones ita intelligi debent, ut illa de consultatione loquatur, hoc est, de consilii inventione, hæc verò de ipso consilio, ut est consultationis effectus. At nos (quia hoc in loco consiliū pro Principum Senatu sumimus, quo sensu Tullius, *qui ex Senectus hoc in consilium delecti estis &c.*) Consiliū dicimus selectorum virorum legitimam congregationem, sive cœtū, qui Principi suo, quomodo Respub. bello seu pacis tempore administranda sit, consulunt: unde etiam dictum videtur, quod scilicet in unam sententiam plurium mentes cōsiliant & conveniant. Hinc tria in quolibet consilio requiri patet: *Personas* consulentes, Consiliarium videlicet qui cōsultitur, & Principem qui sententiam rogat; *Res* quæ in consilium veniunt, & *finem*. Tria sunt, ait Quintilianus, in suasorus seu in consiliis spectanda:

Synesius de Regno

Moral. l. 6.

Boet. de rep. l. 3. c. 1.

Fur.

Ceriol.

c. 1.

Festus in v. Consilium.

l. 3. Institut. 8.

quid sit de quo deliberatur, qui deliberant, & ad quid. De istis ordine, sed breviter disserere animus est. Consiliarius dicitur, qui Principi suo salutaria de Repub. fideliter & prudenter suggerit. Ex qua descriptione duo notanda, ea quibus instructus esse debet, & officium. Consiliarium iis animi & corporis præsiidiis, & veluti instrumentis munitum esse oportet, quibus finem suum, & ea quæ ad finem spectant, consequi possit. Caput ad consilium de Rep. danum est nosse Remp. Nemo de iis rebus sapienter disserere, aut alius rectum consilium dare valet, quas non novit, & notum est illud, turpe esse Iuriconsulto, ius in quo versatur ignorare, non minùs quàm medico & gubernatori morbos cognoscendi & curandi, aut navigandi peritia carere. Regis igitur artibus præstet opus est, qui regem est consilio adiuturus. notas habere debet, ut summam dicam, eas omnes res, quæ à Principibus tractari solent, actiones quæ ad pacem vel ad bellum spectant: versatus sit in rebus gerendis, atque in ipsa civili administratione. Quod ut melius intelligatur, præsidia dicimus Consiliarii esse partim à natura, partim à fortuna, & ut brevius, vel insita, vel acquisita. Insita, ut ingenium, forma corporis: acquisita studio vel exercitio: ut artes, disciplinæ, virtutes. Quum igitur in quovis genere virtutis nemo excellere posse videatur, nisi naturæ fundamentum

jactum

jactum habeat, Consiliarium ingenio præstantem esse oportet. Nam ut ingentia pondera, quæ nullis hominum viribus elevari possunt, machinis facile tolluntur, ita quod aliâ sæpe ratione nequeas, ingenio id facile efficias. *Animi & ingenii celeres qui-* Cic. de
dam motus, ait ille, esse debent qui ad exco- offic.
gitandum acuti & ad explicandum, ornan-
dumque sint uberes & ad memoriam firmi,
ac diuturni. Ingenio inquam Portiano, in rebus civilibus tractandis versatili, & indefesso Consiliarium esse convenit, qui tanquam odorari cuncta, eaque cernere ac seligere valeat, qui consilium secundum circumstantias aptare sciat. Ut enim in navis administratione alia in secunda, alia in adversa tempestate usui esse videmus: sic magna pars consilii erit uti in tempore. *Consilia enim rebus aptantur, res ipsa serun-* Seneca
tur, imò voluntur. quare consilium sub die Epist. 71.
nasci debet: & hoc quoque tardum est nimis: in pr-
fallaces enim sunt rerum species; sub manu,
quod ajunt, nascatur oportet: quod magni
ingenii est. Rebus novis talis esse debet Fur. Ce-
constantia, ut rapienda sint consilia, non *rol. c. 2.*
quærenda, ut V. Sabinus dicere solebat:

Nimirum hoc illud factum in horas,

Si toties res ipsa ferat, nova sumere semper
Consilia.

Ingenio præditus dignoscitur, si in dicendo argutus, in respondendo promptus, in accipiendo facilis, in docendo clarus, in feriis cautus fuerit. Neminem excelsi inge- Epist. 39.
L 5
nii

in virum humilia delectant, ait Seneca, &
sordida magnarum rerum species ad se vocat.
 Ingenii vi numerossimam rerum speciem
 exiguo tempore percipi videamus, *que vis,*
 ut idem auctor alibi, *præceptis alitur & cre-*
scit, novæque persuasiones adjicit immatis, &
 depravata corrigit. Quantum quæso, ut
 cætera taceam, solo Dialecticorum acu-
 mine excitatur; quo primo latuit omni in
 argumentationem, non deo ad Philoso-
 phorum disceptationem, sed ad quam-
 cumque rem propositam elicere poterit.
 sed hoc acumine rectè uti debet consilia-
 rius, ne Sophistæ nomen mereatur. Quod
 igitur dicimus ingenio opus esse, id intel-
 ligendum non tantum acuto & magno;
 sed alacri etiam & apto, quod habeat iudi-
 cii directam normam. Sine hac enim in-
 genii commoditate, negotia plerumque
 exitus non solum minime optatos, sed ex-
 tiales etiam habent. Nimis subtilia &
 ignea ingenia (ut rectè Curtius) quæ in
 assiduo motu versantur, novandis quam
 gerendis rebus aptiora sunt: quæd si quid
 auctoritatis in ipsis est, destruunt. Fit et-
 iam sæpe, naturæ (dona sua inter mortales
 patientis) decreto, ut idem quamvis ex-
 cellenti ingenio præditus vir, non omni ne-
 gotiorum generi aptus sit, neque satis feli-
 citer sese variis hominum ingeniis & stu-
 diis accommodet. utrumque concurrat
 necesse est. Marcus Cato talis erat, ut si
 arma sumisset, natum in armis crederes;
 si se ad

si se ad studia convertisset, inter literas educationem. De eo ita Livius prædicat. *In Decad. 4. lib. 1.*
hoc viro tanta vis animi ingenique fuit, ut quocunque loco natus esset, fortunam sibi ipsi
facturus videretur. Tici ingenium, ait Tacitus, quantacunque fortuna capax, & decor oris cum quadam majestate, sanam
angebatur. Magnum igitur quoque Consilii ornamentum forma corporis dignitati congruens, oris decus & elegantia.
Nam quamvis in orbo vel tempore deflorescat, & nec nostra, nec animi sit; pulchrum tamen amabile suapte natura est,
quandoquidem externa pulchritudo divitiarum pulchritudinis imaginem refert, & licet interdum sub ignobili forma lateat pulcherrima natura, & sub ignobili corpore insignis lateat animus, id tamen rarum est.
Sapientissimus ille pulchros præ ceteris ad philosophiæ studia admittebat, de pulchritudine hæc loquimur, quam Cicero in dignitate, non in venustate ponit: quoniam ubi vera pulchritudo, ibi quoque ingenium pulchrum: in fucata verò & muliebri pulchritudine omnia fucata. Dignitas corporis apta compositione membrorum movet oculos, & delectat vel hoc ipso, quod omnes partes cum quodam lepore inter se consentiunt. P. Scipio Africanus major, formæ dignitate Barbaris in Hispania admirationi fuit. Tanta specie, ait Iovius, ad exprimendum omne decus in magno Sfortia dissimilium rerum partes ratione
In vita magni Sfortia.

tionem atque ordine respondebant, ut à rudibus, rusticisquæ . qui cum nunquam vidissent, pari inter multos cultu, & sæpe sine comitatu, uti omnium Princeps atque Imperator salutaretur. Ridiculi vulgo sæpe fiunt ac dignitatem amittunt, quos natura potius quam casus aliquis deformarit. Etiam barbaris hominibus, ait Curtius, in corporum maiestate veneratio est, magnorumque operum non alios capaces putant, quàm quos eximia spèce donare natura dignata est. De ætate Consilarii quari hoc in loco potest, qua scilicet cum fructu legendus. Iuventus sanè *lubrica moribus ætas*, variis cupiditatibus obnoxia, iræ, desiderio dominandi, ambitioni, intemperantiæ, vehemens est impetus iuventutis in utramque partem, Synesius. *Aristot. l. 2.* non aliter quàm amnes, quâ viâ data est eruptio, illuc excurrunt avidius. Adde quod iuvenes sapientia, rerumque gerendarum usu excellere non possint, nec auctoritate apud populum vel alios, quibus interdum aliquid persuadendum valeant & dolis etiam haud difficulter capiantur: unde non immerito abortivi vocantur consilarii. *Cautum est Domine* (scribit ad Trajanum Plinius) *ne quis capiat magistratum, nec sit in senatu minor annorum triginta.* Seneca contra ut plurimum timida, suspiciosa, incredula & avara. Quantò enim mortiquis vicinior, tantò magis sollicitus & timidus, addo laborum & dolorum impatiens,

Claudianus.

De Regno.
Rhetor.
de moribus ætatis.

tiens, obliuioſus (quo defectu multæ negli-
guntur ſæpe occaſiones) & natura lo-
quacior. quod ſi experientia aliqua adſit,
ea non raro in obſtinationem conuertitur.
Hiſce rationibus motus Ariſt. iuniores &
ſenes e numero remouet germanorum ci-
uium : iuniores quod cives ſint imperfecti,
ſenes quod effecti. *Cum in quintum gra-
dum pervenerant*, ait apud Nonium Varro,
*atque habebant ſexaginta annos cum denique
erant à publicis negotiis liberi atque expediti*
& otioſi. Ideo in Proverbum quidam pu-
tant veniſſe : ſexagenarios de ponte deſci
oportere ; hoc eſt quod ſuffragium non
ferant, quod per pontem ferebant. *A quin-
quageſimo anno lex militem non cogit ; à ſexa-
geſimo ſenatorem non citat*, ait Seneca. Me-
dia igitur ætas conſiliis opportuniffima :
mediam intelligo ætatem à trigefimo ad
ſexageſimum uſque annum. Quod in eli-
gendis conſiliariis regulariter dico : ſcio
enim & ante trigefimum (quod Dio decre-
to Mecænatis ſtatutum ſcribit) & poſt
ſexageſimum ad munus iſtud idoneos re-
periri poſſe : ſed ut rectè Furius Ceriola-
nus cenſet, tutius eſt qui triginta nondum
attigerunt annos celebres adeant Acade-
mias, peregrinentur, urbes moreſque ho-
minum diſcant, aulas principum intuean-
tur, caſtra ſequantur &c. ſexageſimum ve-
rò qui exceſſerunt, ſibi vivere incipiant, in
otio & quiete, quaſitis utantur ; & ſolius
animæ ſalutis curam gerant. Hinc ſenibus

*Sigon. de
antiquo
iure ci.*

*Rom. l. 1.
c. 17.*

*Sen. de
brev. vita
c. ult.*

lib. 52.

Cap. 3.

tanquam emeritis beneficia, honores, vacationes munerum à legibus tribui videmus. Hæc de bonis infortis & de atate. Acquilita bona circa ea versari dicemus, quæ (ut supra attigi) ad Rempub. bene ac feliciter gerendam necessaria sunt: circa notitiam scilicet earum rerum, quæ in omni genere principatus ad Imperii magnitudinem & conservationem potissimum pertinent. Inter cætera quibus munitus esse debet consiliarius, principem locum obtinet prudentia Theologica. Nam cum impietas omnem ex animo peccanti metum evellat, & consilia impiorum fraudulenta sint, sequitur Religionis contemptum, rerumpublicarum everisionem adferre. Necessarium igitur Consiliario, ne populus in religione fluctuet, quinam rectè vel male sentiant, scire: quinam religionis causa coerceri debeant vel non: quomodo sectarum vindices evelli possint, &c. Neque solum hoc scire debet; sed & ipse Religioni ex animo addictus esse, votis ac precibus Deum colere. Nam ut omittam Deum solum esse, qui mentem dat, qui animum confirmat, qui opes clarigitur, qui fraudes intestinas comprimit, qui hostium impetum retundit, qui victoriam omnibus, & magnis viris gloriam dat; quomodo quæso Consilium de rebus magnis inire poterit, qui mentem castam, & divino splendore collucentem non habet? omne verum lumen, quod admirationem

*Lactant.
de justitia, l. 5.
c. 15.*

tionem commovet & amorem concitat, in
 religione situm : talis etiam est opinio, eos
 qui Deo chari sunt, divinis consiliis instrui,
 & ista de causa minime labi & errare pos-
 se ; id quod & Ethnici viderunt : quibus,
 fictæ licet & commentitiæ, religionis opi-
 nio auctoritatem apud quamplures natio-
 nes attulit magnam. nullo vinculo magis
 in officio retinemur, quàm religionis sincere
 præcipud : quemadmodum igitur nullo
 modo publica utilitas ab honestate separa-
 ri, ita nec honestas à pura religione avelli
 potest. & ut concludam, *Fallunt qui huma-* Valer.
nis imperiis & regibus, non ultionis divina Max.
metu Respubl. contineri docent ; humana con-
silia castigantur ubi cœlestibus se præferunt.
 Ad prudentiam humanam venio, & Con-
 siliarium Philosophiæ cognitione carere
 non posse affirmo. Quamvis autem cum Cic. de
 de vera Philosophia loquimur eam intelli- clar. orat.
 gamus, quæ in actione consistit, moralem
 scilicet, familiarem & civilem, alterius
 tamen etiam quæ in contemplatione ver-
 satur, naturalis scilicet, & Mathematices
 gnarum esse vellem. Turpe esset homini
 consiliario in Regum & principum aulis
 versanti, & cum magnis viris sæpè con-
 gredienti loqui nescire de naturæ rerum
 causis, quæ vis materiem omnem, & quic-
 quid ex ea efficitur, & quasi informatur,
 contineat ; quàm variæ ex ea & multiformes
 expressæ fuerint qualitates ; unde illa
 corpora extiterint, quæ Elementa voca-
 mus,

mus, quæ vis fulminaria & tonitrua impellat, inulsiatos ignes accendat, arcum tam variis coloribus distinguat, ventorum prælia concitet, terram concutiat, aquis terras aperiat, aut perpetuos terrarum tractus aquis obruat, & similia. sed Mathematicis imprimis artibus instructum esse utilissimum fuerit. Astronomia, præterquam quod Physicæ proxima est, dat nobis exquisitam Solis & Lunæ cursus, denique omnium rerum celestium cognitionem. Faceffite vos Genethliaci & iudicarii, qui ex astris homini futura præjudicatis, & ex iis divinare vultis. Arithmetica supputandi artem perquam necessariam monstrat: quomodo enim acceptorum expensorumque rationem intelliget, si casu aliquo ei quæstorum, aliorumve suspectorum argentariorum ratiocinationes committantur? Geometria sanè inter alias consiliarium summè iuvabit, sine cujus ope historię intelligi, agri recte dividi, castra locari, urbes edificari, arces muniri, ædificiorum, templorum, ædium, navium, reliquarumque rerum dimensiones haberi nequeunt. Tolle metiendi rationem & iustitiam, civiumque concordiam multasque alias utilitates e vita tolles. Quis formam illam Geometricam rependa civitatis intelligere poteris, si quid Geometricum sit, ignores? quomodo intelliges Arithmeticas leges in tribuendis honoribus, vel in aliis, si Arithmeticam non tenes?

De

De Philosophia practica aliquid inculcare
superfluum videtur. Planè absurdum esset
in Rep. versari, ea quibus præcipuè Resp.
stat, & ex quibus manat, ignorare. Neque
aliam Philosophiam intellexit Plato, cum
nobilissimam illam vocem tanquam ex
oraculo edidit: Tum demum beatas fore
Respubl. cum aut regnarent Philosophi,
aut Reges philosopharentur. *Nulla lauda-
bilior philosophia pars est, ait Plinius, quam
agere negotium publicum, cognoscere, judica-
re, promovere & exercere justitiam, quæque Phi-
losophi doceant, in usu habere.* Hæc Philo-
sophiæ pars docet, quid honestum, quid
turpe, quid extremum bonorum & malo-
rum; quomodo domus regenda, quæ pa-
tris, quæ mariti, quæ heri potestas, quæ
instrumenta tam animata quam inanima-
ta, & quo pacto res familiaris tuenda, quot
Imperatorum genera, quibus virtutibus &
disciplinis imbutum esse oporteat, qui
Rempubl. bene administrare velit; quis sit
optimus Reipub. status, quibus artibus
inclinatæ ruentesque civitates subleventur,
& optimis institutis & legibus temperen-
tur. Affirmat apud Cic. Crassus, nullum
esse oratorem posse, nisi qui hanc Philoso- *de Orat.*
phiæ partem omnem perdidicerit. Omnis
enim oratio fit ex iis rebus, quæ vel agen-
dæ vel fugiendæ sunt: in quibus cum offi-
cium omne consistat, sequitur necessariò,
ut qui officiorum ignarus est, is etiam in
dicendo rerum inops & infacundus sit.

Non

De Tus-
cul.

Non immeritò igitur exclamat idem : O
vita Philosophia dux , ô virtutis indagatrix,
ô expultrix vitiorum , & quæ sequuntur.
Scio vulgi opinionem esse, eos, qui Philo-
sophiæ studis paulò ulterius progrediente
ætate dediti sunt , homines in solitudine
versatos consuetudinis imperitos , ad res
agendas nulla ratione idoneos esse , σφῆς

Athen. l.
33. dis-
posp. c.
33.

ἡδὲ ἀπὸ τῶν περὶ τὴν φιλοσοφίαν.

Hec mihi philosopharis ? atqui Philosophi
Sermone solo sunt Sapientes : ceteris
In rebus esse novi ego stultissimos.

Sed falluntur. Nam non loquimur hic de
Philosophiâ , quæ in meris ideis animi va-
cui ab omni gubernatione fingitur , nec
de philosophastris, qui vel sine iudicio Phi-
losophiæ operam dant , vel nimio ejus stu-
dio ducti philosophia uti nesciunt , & sa-
pientes sunt , præterquam in iis, in quibus
sapientes esse debent : sed de iis qui usum
& exercitationem conjungunt. Helvidius

Lib. 4. hi-
stor.

Priscus (ait Tacitus) ingenium illastre alio-
ribus studiis , juvenis admodum dedit , non ut
plerique , ut nomine magnifico segne otium
velaret , sed quò firmior adversus fortuna,
Remp. capesseret ; doctores sapientie secutus
est , qui sola bona quæ honesta , mala tantum
quæ turpia , potentiam , nobilitatem , cetera-
que extra animum , neque bonis neque malis
annumerant . Quæstoribus adhuc à Pato
Thrasea gener dilectus , è moribus soceri nihil
agrie ac libertatem hausit. civis, senator, ma-
ritus, gener, amicus, cunctis vitæ officiis aqua-
bilis,

*bilis, opum contemptor, recti pervicax, constans
adversus metus, qui veræ philosophiæ veri
fructus. Ad Iurisprudentiam venio, quæ* *Bod. l. 3.
ex hoc manavit fonte: nam quamvis Prin-* *capit. 1.*
*cipis consistorium litibus disceptandis oc-
cupari non debeat, ut suo loco dicemus:
nihilominus, quia & extra ordinem sæpe
judiciaria incidunt, & leges firmissima Im-
periorum fundamenta sunt, absurdum
esset, omnium artium & scientiarum mo-
deratricem & arthitectonice ignorare
Consiliarium. Cum sis, ait in quadam Epi-
stola Plinius, & privati juris & publici, cu-* *Lib. 8. E-
pist. 14.
ad Arist.*
*jus pars senatorium est, peritissimus: cupio
potissimum ex te audire, erraverim in senatu
proximè nec ne: non ut in præteritum (serum
enim) sed ut in futurum, si quid simile inci-
derit, erudiar. Sæpe novæ leges condendæ,
sæpe in proditores, peculatores, ambitus
& majestatis reos & latrones animadver-
tendum. Sed & inter Principes tales ex-
oriri possunt controversiæ, de quibus in
magno consistorio agatur. Quoties enim
agitur de jure alicujus civitatis? de jure
portus, agri, fluvii &c. unde levi de caus-
sa sæpe bella nascuntur? quo casu efficiet
hæc cogitatio, ut non solum de re proposi-
ta differere doctè valeamus, sed etiam ut
bellum justè susceptum sit, intelligamus.
Verùm historiæ cognitionem supra omnia
consiliario necessariam dico. Rectè Philo-
sophus ad cōsultationem res gestas utilissi-
mas esse asseruit: nam ut plurimum præ-
teritis*

teritis futura similia sunt. Tantam sanè copiam & ubertatem earum rerum suppetitat historia, quæ ad vitam rectè instituendam, & Rempub. optimè administrandam pertinent, ut qui ea legat attentius, ut sunt à rerum scriptoribus literis tradita, & non idem continuò in omni genere laudis excellat, is planè omni laude indignus videatur. *Longum iter est per præcepta. ait Seneca, breve & efficax per exempla.* Dixi attentius, plerique enim cognitare, qua de agitur, tanquam hic unus sit finis in legendo, ea una contenti longius non progrediuntur. Qui negligenter igitur, exempli gratia, Thucydidis scriptoris gravissimi, & quem inter Græcos senatus historici principem quis audeat appellare, bellum quod conscripfit maximè omnium memorabile inter Athenienses & Lacedæmonios, quod victoribus penè ac victis exitio fuit, percurrit, præter nudam ipsam rem nihil habet, quod quærat: qui verò attentè legit, res ita loquentes audit: Discant Atheniensium exemplo civitatum moderatores quiescere, ubi facultas datur; cum pacis atque otii tuendi non turbandi causa arma adinventæ sint, ne patiantur se efferrî cupiditate proferendi imperii in patriæ exitium, cum certa infamiae note assuescant aliena bella sua facere, & per speciem juvandi amicos imminere ad eorum perniciem quos juvant; discant aut compressas habere animi cupiditates, aut

quod

Epist. 6.

Lib. 2.

Sunt. de
hist. laud.

Libro 4.

quod malum quidem est, sed mitius malum, quoad spes certior rei agenda affulserit, tectas, occultasque habere, si qua de re controversia orta sit inter communes amicos, malint auctoritate conciliandis animis utriusque partis studia, quam armis partem alteram fovendo & sibi exitium quaerere & suis. Sed ad alia aliorum scripta descendamus. Si quis demonstrare velit Principes moderatos esse debere, atque uti potestate in suos legibus praefinita, non immani, non infinita, abstinere à privatorum injuriis, quorum alienatis animis nullam potestatem posse diuturnam esse: ita traditum uni imperium in multos, ut suorum saluti & ornamento non dedecori & exitio esse debeat: hæc & talia faciliè ex L. Bruti historia eliciet. Si quis Regis optimi expressam effigiem habere vult, & virtutum omnium quibus efficitur, ut in uno homine contineatur multarum gentium salus, fidei inprimis admirabile exemplum, æquè secundis ac adversis rebus amicitiae cum sociis colendae, hospitalitatis & munificentiae in proximos, is Hieronis optimi Principis vitam sibi proponat. Contra qui Tyrannum in præceptis ruentem, superbum, omnes & omnia despicientem, qui patentes habeat aures regionum blanditiis, praeclusas tutis consiliis, & miserorum querelis, atque dicendi genus contumeliosum, is Hieronis generos intueatur. Si quis, quantum mulier mali interdum possit,

*Livius l.
1. 2.*

*Livius l.
23. & 24.*

• 4th ann.
l. 9.

Libr. 26.

sit, scire avert, is quid Demarata apud maritum Andronodorum effecerit perpendat. Si magna ararii difficultas sit, nec alta inveniri possit explicatio ratio, is consulat M. Marcellum & Valerium Levinum Coll. qui Senatui populoque collationem suadendam dicent, ita ut à majorum gentium diis initium fiat: quod olim Romæ ita successit, ut quilibet præcipuorum quicquid æris, argenti, auri facti insecti, apud se haberet, annulo modo sibi retento ac salino, & patella sacrorum causa, & filio bulla, in publicum tanto certamine injecto contulerit, ut prima inter primos nomina sua vellent in publicis tabulis esse, & nec Triumviri accipiendo, nec scribæ referendo sufficerent, ait Livius. Hæc ad exemplum dicta. In legenda itaque historia, non solum rerum gestarum, locorum & temporum descriptiones, sed etiam rerum causas observavit Consiliarius, consilia, æta, eventa, cur quid gestum, cur quid omissum sit: tum eventus, quid ita hi læti, illi minus ex sententia? casusne factum sit & felicitate, an virtute & consilio, ut quid præclare ceciderit, si quid malè eveniret, qui occurrere potuerit, ne eveniret: peccatumne à duce sit, malè puta ducendo agmine, instruenda acie, loco deligendo castris, quo, si quid durius accidisset, facilis esset receptus, quæ victoriæ causa commisso prælio, quæ victis rei perperam ge-

In præfat. ita. Ad illa mihi (ait Livius) pro se quisque acriter

acriter intendat animum, quæ vita, qui mo-
res fuerint, per quos viros, quibusque artibus
domi militiaque & partium & auctum im-
perium sit: labente deinde paulatim discipli-
na, velut dissidentes primo mores sequatur
animo; deinde ut magis magisque lapsi sint,
tum ire caperint præcipites, donec ad hæc tem-
pora, quibus nec vitia nostra, nec remedia
pati possumus, peruentum est: hoc illud est
præcipue in cognitione rerum frugiferum, om-
nis te exempli documenta in illustri posita mo-
numento intueri: inde tibi tusque Reip. quod *Polyb. l. 3.*
imitere capias: inde sædum inceptu, sædum *hæstor.*
exitu quod vites. Quemadmodum enim
medici nihil prodesse ægrotantibus pos-
sunt, si morborum causas aliasque circum-
stantias ignorent, ita qui circa res gestas
versantur, omni prorsus fructu carent, nisi
& loci & temporis & causarum, omnium-
que occasionum ratio constet: nam nec
illi ægrotos rectè curare, nec isti quic-
quam in rebus agendis obire poterunt, ni-
si eorum omnium cognitionem veram ha-
beant. Admirabilis inter cæteros Polybius
est is, qui cum posteriore Africano vixit. *Suidas.*
Nam rebus explicatis, quem ad modum
gestæ, administrataque sint, tum quid pru-
denter & callidè, quid temerè & inconsul-
tè, quid cum laude, quid cum dedecore
actum sit, subjungit; ut inde qui vellent
ad agendum documenta illustria habeant.
Quod idem Salustius observat: euenta e-
nim ita narrat, ut causas simul aperiat, ut
omnia

*Fur. Cæ-
riol. c. 2.*

*Donat. de
Repub.
Ven.*

omnia nostra consilia, immò omnes nostras actiones veterum exemplorum regula metiri facile possimus. Sed & Tacitus, qui vel maxime Consiliarii manibus terendus, saluberrimum enim præceptorum politicorum tanquam seminarium quoddam est. Historias intelligo, non tantum veterum Græcorum & Romanorum, sed etiam nostri temporis, præcipue verò familiaris Principis, cui inservit, & vicinorum Principum, & Rerumpub. cum quibus ei vel per consequentiam res fuit vel est; sive sint amici, sive hostes. Qua in re Consiliarium non parùm juverit, varias lustrare provincias ac regiones, celebres invisisse civitates, multarum nationum mores ac vitas edidicisse, sinus, portus, promontoria, montes, flumina, maria, loca denique quæcunque sunt insignia diligentissime cognovisse; ut scilicet ex peregrinatione, exterorum notaverit instituta, mores, urbes, leges, imperii genus. Magnos viros cognoverit, & allocutus sit: aulas Principum frequentarit. Notaverit, inquam, an provinciæ, quas viderit, armis munitæ, quænam in iis bella præteritis temporibus gesta fuerint, & qua occasione: noverit vicinorum Principum potentiam, ut sciat, à quibus sibi timere possent; & quibus fidere, adve: sus quem bellum gerere, cum quo fœdus in re, qui reditus, quæ expensæ, cuomodo Respub. illa defendi queat, quis status & similia; atque hæc tam ex-
acte,

actè, ut ei nemo falsarum rerum narratio-
ne imponere possit : item quàm lata sit &
longa provincia, vel Regnum, quas muni-
tiones habeat, ubinam aditus pateat, quâ
re subditi delectentur, quibus vitiis labo-
rent ; quot flumina non vadosa, & alia hu-
jus generis. Quis enim dubitat eum, qui
sic peregrinatus est, & in potentissimorum
Principum aulis versatus, qui sæpe cum
nobilissimis viris congressus est, propter
ea quæ observavit in rebus agendis magis
idoneum esse tenebricoso altero, quidomi-
clausus, quid apud exterarum gentes fiat,
ignorat. Notat Livius Minionem Regis
Antiochi intimum Consiliarium, qui om-
nium externorum ignarus Regi suo bel-
lum adversus Romanos suaserat, regno illi
perniciem attulisse. De eloquentia ita sen-
tio, cum Deus hominum generi duas ma-
ximè peculiares dotes elargitus sit, in qua-
rum inest altera intelligendi ac judicandi
vis, quam rationem nominamus, in altera
orationis facultas : utramque excolendam,
parum inquam esse rectè sentire, & pru-
denter intelligere, si quæ rectè sentias
& intelligas, politè eloqui non possis.
Consiliarium ita eloquentem esse oportet,
& de rebus omnibus variè & eleganter di-
cere posse : quamvis enim in sententia
dicenda magnam non requiram eloquen-
tiam (nam ejus munus præcipuum non
est delectare & verborum lenociniis per-
suadere, sed nudè sententiam suam ex-

Lib. 35.

M

plica-

plicare) fieri tamen potest, ut quis ad alias Respublicas mittatur ad suadendum, dissuadendum, laudandum, vituperandum, gratulandum, dolendumve: fieri etiam potest ut ei mandato Principis sui, sive apud Principes externos, eorumve legatos, sive ad populum, ut ipsum fortè à furore ad sanitatem perducatur, loquendum sit: ibi orationem Consiliario sapientissimis sententiis gravissimisque verbis perpolitam deesse nolim, ita tamen ut scholam non redolet, sed ad audientium aures accommodata sit: non in speciem nimis elaborata, neque sententias & rationes nimis reconditis è locis erutas, aut nimis longè accersitas contineat. *Maximus studiorum fructus & veluti premium quoddam amplissimum longi laboris*, ait Quintilianus, *ex tempore dicendi facultatem nactum esse*. quid enim ad alliciendas voluntates impellendosque animos eloquentia utilius? Sed nec illis casibus multiloquam & vagam, sed brevem & argutam eloquentiam laudari. Armatam plebem Romanam, quæ Regibus exactis nimia libertate secesserat à patribus, pestifera seditione divisam & miserrimum Reipub. statum P. Valerii brevis oratio, in pristinum reduxit statum. & *verbis facundis*, ait Valerius Max. l. 8. c. 19. *de vir. illustr. ira, consternatio, arma cesserunt*. Et notum est illud Menenii Agrippæ, Popilii consulis & aliorum. *Ceteroquin in sententia dicenda,*

*Zib. 10.
c. 7.*

*Plut. &
Cic. in
Bruto.
Arist. 1.
Rhet. 1.
& 16.*

ea, nec proœmiis, nec epilogis utetur, ut tota dicentis industria in rei ipsius substantia defigatur. Nihil ante tam parvum, ait Plinius, tam vulgare in senatu agebatur, ut non laudibus Principum imemorarentur, quibus censendi necessitas accidisset. At nunc quis nostrum tanquam oblitus ejusdem quod refertur censendi officium Principis honore consumit? tunc moderatæ hæc laus, &c. *Senatori hæc jussa sunt*, ait Tullius, *ut adsit; nam gravitatem res habet, cum frequens est ordo: ut loco dicat, id est rogatus; ut modo, ne sit infinitus.* Tres reperio dandi consilii modos, Ratione scilicet, auctoritate, & exemplo; quod si conjungantur, magnam vim habeant necesse est. Itaque si vel res propositæ, vel priorum suffragia omnia, consiliario minime probanda sint, hæc notabit, ut quod dicturus est contra aliorum opinionem, id validis firmisque rationibus & verborum compendio probandum sibi sciat. Et quoniam aliorum sententia diluenda erit, pauci autem reperiuntur, qui sua improbari moderatè ferre soleant, omni verborum honore, & mitissimo dicendi genere utetur, contentiosasque omnes voces fugiet, atque eos loquendi modos, quibus se plus ceteris vidisse significari posset; neque tanquam certum & exploratum idipsum, de quo agitur, proponat. Ea enim quæ consultantur contingentia sunt. Omnia, inquit Philosophus, quæ veniunt in consultatio-

*In pane-
87.*

De legib.

*Arist. lib.
1. Rhe-
tor. c. 2.*

*Gabr. Pa-
leot de
consult.
sacri 4.
q. 12.*

*L. 3. E-
this. 3.*

nem, talia sunt, quæ aliter accidere possunt: sufficiat consiliario conscientiæ suæ satisfecisse. Quod si res, quæ consultanda proponitur consiliario, clara videatur, vel anteriorum suffragiis satis examinata & probata resque celeritatem requirat, assensus per verbum *placet*, vel *idem censeo*, vel *assentior* fieri debet. Valdè ineptum est ea repetere, quæ jam in medium allata fuerunt, aut nova oratione actum agere, vel intempestivis digressionibus audientium aures plus æquo onerare. Pericles antequam in publico verba faceret, optare solitus est, ne ullum sibi verbum à re alienum incideret. Reperiuntur præterea nonnulli, qui nihil explicite pronunciant, sed tectis, compositisque verbis responsionem concipiunt, ut ad utramque partem accommodari possit, more carminum Sibyllinorum, idque faciunt, ne à majorum gentium diis dissentire videantur: verùm quum conscientia eos in contrarium extimulet, obscurè aliquid loquuntur: sed miseri non hisce nugis suspicionem evadunt, ne dicam culpam, quæ tantò gravior est, quantò dolus tectior putatur. Alii de industria sententiam suam sermonum tenebris involvunt, ut se admirabilia & paucis cognita enunciasse demonstrent; aut affectata prudentiæ specie sua abduunt, ut nihil difficilius sit. Alii prolixitate sua se intricant & involvunt. Ab his & simili bus censendi modis cavere sibi solet bonus consiliarius:

Palæst.
d. c.

Plutarch.
de garrul.

Palæst.
S. qu. 5.

liarius: quin apertè potiùs, candidè & breviter sententiam suam pronunciet, ita ut oratio neque confundat celeritate, neque offendat tarditate. Et quandoquidem memoria eloquentiæ thesaurus est, & necessarium maximè vitæ bonum, ut eam consiliarius à juventute exercuerit, postulo. Pythagoreos legimus vegetandæ exercendæque memoriæ gratia, quod quoque die dixissent, audivissent, egissent, vesperi commemorare solitos: quem morem Cicero-
ni quoque probatum videmus. Eloquentiæ linguarum subjungo cognitionem, qua ornatus esse debet consiliarius, eorum præcipuè populorum, quibus Princeps ejus aut imperat, aut amicis vel hostibus utitur. Adfert hæc cognitio magnum usum ad quaslibet res commodiùs tractandas. Qui interprete uti coguntur, quæ proferunt, nec tam grata, nec tam efficacia esse possunt: vix poteris per interpretem affectus tam bene movere: ut omittam, multos dicendi modos, qui suas energieas & dicendi habent significationes, quæ alia lingua, ex tempore præcipuè, exprimi nequeunt: addo, quod qui vicaria alterius opera confidunt, sæpe decipiantur. Cùm Censorius Cato populi Romani nomine *Plutarchi in Cat.* legationem apud Athenienses obiret, quia Græcè tunc ipse nesciebat, ea quæ habebat in mandatis per interpretem exposuit. Ibi quod ea quæ paucissimis verbis Cato dixerat, interpretes vix longis ambagibus refer-

Plut. in
Apoph.

Ant.
Menavi-
nus &
Guil. Post.
de reb.
Turc.

ret: Athenienses orationum dissimilitudinem mirati, Romanis sermonem in pectore, Atheniensibus in ore nasci dixerunt. Tantum enim à genuina ipsius auctoris mente cujusvis interpretis orationem distare judicarunt, quantum inter cor & labra est interstitium. Ideo Themistocles unus totius Græciæ in rebus agendis acerrimus, atque in consilio capiendò dandoque callidissimus, cum Athenis profugus, ad Regem Persarum concessisset, animi sui petitionem exponere noluit, priusquam Persicam addidicisset linguam, ut sine interprete, quod plurimum referre arbitratus est, cum Rege loqui posset. Et sanè si veredarii etiam, tabellarii, nautæ, mercatores, & quicunque ad faciendum quæstum diversas gentes accedere solent, plures ideo linguas addiscunt, ut suis potius quàm alienis auribus ea accipiant, quæ petentibus respondentur; quantò magis magni principis consiliarius in id sedulo eniri deberet. Turcæ licet barbarorum ferocissimi, & à literis maximè alieni, cum re ipsa linguarum summam videant utilitatem, quot linguas quis callet, totidem viris illum æquivalere vulgato proverbio dictitant; hæc fuit ratio, quare Carolus IV Imperator bulla illa aurea, quæ de imperatorum electione agit, inter alia hoc quoque præcipiat, ut Electorum filii primis ab annis Latinam, Italicam & Illyricam addicerent linguam, ut sermonem cum multis gentibus

bus communicare possint. Postremò, quia, ut rectè Cicero, omnia sub præsidio & tutela virtutis bellicæ latent, & non tam cum magnis Regibus amicitia junctæ, neque fœdera cum gentibus finitimis inita, quàm rei bellicæ scientia & armorum potentia Reipub. statum tutum & incolu- De offic.
nem præstant, rem etiam militarem didicerit consiliarius, requiro. Militiæ genera intelligat item ea, quæ ad peditum equitumque ordinem, dispositionem aciei & disciplinam spectant; cognoscat locorum, montium, fluminum, vallium naturas, urbium situs & similia. Quid crebrius in consistorio magnorum Principum, quàm consultationes de bello, de exercitu, de castris, de signorum collationibus, de comineatu, de insidiis faciendis aut vitandis, de muniendis oppidis, de custodia arcium, de prohibendis repentinis finitimorum hostium incursionibus, agrorum populationibus &c? Ided pauci olim in senatum recipiebantur, quorum virtus non esset domi militiæque cognita; nullus autem, qui magistratus & honores in Reipub. prius non gessisset, ut esset.

Pacisque bonus bellicque minister.

M. Portio Catoni, de quo ante, nullam artem neque privatæ, neque publicæ rei gerendæ defuisse scribit Livius. *Urbanas Lib. 39*
rusticasque res pariter callebat. Ad summos honores alios scientia juris, alios eloquentia, alios gloria militaris provexit. Huic versatile
inge-

ingenium sic pariter ad omnia fuit, ut natum ad id unum diceres quodcumque ageret. In bello manu fortissimus, multisque insignibus clarus pugnis: Idem posteaquam ad magnos honores pervenit summus Imperator, idem in pace, si jus consuleres, peritissimus: si causa oranda esset, eloquentissimus. Hisce præsidiis instructi honores petitori, inquit Plinius, adstebant curiæ foribus, & consilii publici spectatores, ante quam consortes erant. Quæ potestas referentibus, quod censentibus jus, quæ libertas, ubi cedendum, ubi resistendum, quod silentii tempus, quis dicendi modus, quæ distinctio pugnantium sententiarum, omnem denique senatorium morem, quod fidelissimum percipiendi genus, exemplis docebantur. Ad officium consilarii transeo: quod primò in eo consistit, ut Principem suum, & Remp. præcipuè, sincero amore ac pietate debita prosequatur. Parum fuerit acutè perspicere quæ facienda essent, ornatèque eloqui posse, si odium Reip. aut cupiditas nefaria tibi fuerit, quò minus id quod sentis exprimas. Erat olim apud Athenienses lege sancitum, ut quoties advocata concione, populus de Repub. consultabat, præco maxima voce diram cladem & exitium illi & posteritati ejus imprecaretur, qui Reip. inutile consilium daret, ne ipse incommodum aliquod subiret. Erant autem illæ execrationes quæ caput civis perfidi devovebant tam horrendis verbis scriptæ, ut maximum

*In pane-
gry.*

*H. Ofor.
de reg.
disc. lib.
8.*

Plut.

ximum metum omnibus, qui illas audiebant, incuterent. Sapienter enim intellexit, qui legem illam tulit, nihil esse acuto ingenio sine fide, sine Reipublicæ studio, sine patriæ caritate, perniciosius. Exstat apud Herodotum Aristidis oratio. *Certa-* *In Vra-*
re, inquit, nos oportet, Themistocles, non *ma.*
 privatis simultatibus & odiis, sed uter nostrum melius de patria mereri, & plura in eam beneficia conferre possit. Admirabilis pietatis in Reinp. constantia fuit, quam Q. Fabius Maximus patriæ præstitit. *Pe-*
cuniam, scribit Valerius Max. *pro capti-* *Lib. 3.*
vis Annibali muneravit: ea fraudatus pu- *c. 8.*
blicè, tacuit. Dictatori ei Senatus magistrum
Equitum Minutium, jure Imperii, adversus
leges, equaverat: silentium egit. Compluribus
præterea injuriis laceffitus, in eodem animi
habitu permansit; nec unquam sibi Reipub.
permisit irasci, tam perseverans in amore
fuit. O indefatigabilem & sanctum amo-
rem, quem ut non fucatè habeat consilia-
rius, debet in limine consilii, odium in ad-
versarios, gratiam adversus amicos, pervi-
caciam & arrogantiam ex se ipso exuere,
& privatos denique omnes affectus depo-
nere, atque ea solùm intueri, quæ ad Dei
cultum & Reipub. commodum spectant.
Omnes homines, ait prudenter Sallustius, De bello
qui de rebus dubiis consultant, ab odio, ami- *Catil.*
citia, ira, atque misericordia vacuos esse de-
cet. haud facile animus verum providet ubi
ista officiunt: neque quisquam omnium libi-
dini

dimi simul & usui paruit . ubi intenderis ingenium, valet : si libido possedit , dominatur. Magna mihi copia est memorandi P. C. qui Reges aut populi , ira aut misericordia impuls- si, male consuluerint : sed ea malo dicere quæ majores nostri contra libidinem animi sui fecerunt, & quæ sequuntur. & alibi : *Animus in consulendo liber sit . neque delicto, neque libidini obnoxius, qui sic? quia qui vitiiis scatet, fieri non potest, ut vitiiis non faveat , ne illa judicando seipsum condemnet.* *Suspectus,* inquit Tacitus, *præfecti consiliis , quod pelli- cem regiam polluerat, inque libidinem omnem venalis habebatur.* Sit igitur Consiliarius vir bonus, justus & integer , cujus vita , ut ait Plinius, censura sit, eaque perpetua, ad quam cæteri magistratus dirigantur , ad quam ii convertantur, quibus non tam imperio, quàm exemplo opus est. *Quis in cæ-* no, ait D. Ambrosius, *fontem requirat ? quis de turbida aqua potum potat ? quis utilem judicet causa alicui , quem videt inutilem vite sue ? quomodo enim eum potes judicare consilio superiorem , quem videas moribus inferiorem ?* Exstat apud Agellium Æschini oratio, qua Timarchum de impudicitia arguit. *Quanam, inquit, Lacedæmonii, ratio, aut quæ tandem spes erit , urbem hanc , & hanc Rempub. salvam inexpugnabilemque diutius esse posse , si hujusmodi antea cta vitæ hominibus Consiliariis utamur ? quod si proba ista hæc & honesta sententia est , queso vos, non sinamus eandem dehonefari auctoris contagio.* Cūm

Libr.
ann. 12.

In Pane-
gyr.

Libr. 2. de
offic.

Cùm Spartæ Demosthenes quidam, homo intemperans, sententiam commodam dixisset, eam populus rejecit. Ephori autem sorte lecto cuidam senum eam dicendam dederunt, tanquam ex sordido vase in sincerum eam diffundentes, ut grata fieret multitudini. Tantum in utramque partem in Repub. habet persuasio de hominis ingenio concepta. Virtutes (ait Philosophus) & mores ad persuadendum faciunt. Fundamentum perpetuæ commendationis & famæ, est probitas, fides, justitia, sine quibus nihil potest esse laudabile. Prudentia omnis sine his est vana & mendax & vafra quædam calliditas & versutia. Non igitur sit invidus, non obtrektor, nullius odium gravius concipiat, nulli moleste nimis æmuletur, nullas inimicitias gerat, nullum maledictis, nullum contumelia, nullum verbis vehementioribus, nec absentem nec præsentem prosequatur. Repe-

Tacit. lib. 1. hister.

consilii, quamvis egregii, quod non ipsi adferant, inimici, quum id, quod dicturi erant, videant ab iis, qui priores dixerunt, quasi præoccupatum, eosque pudeat vel idem repetere, vel palàm in sententiam priorum ire, cavillos excogitant, correctiunculas addunt, & nodum, quod ajunt, in scirpo quærunt, aut præstigiis sophisticis aliorum sententias eludunt, & veritatem tenebris involvunt, ne cuiquam succubuisse, aut quicquam cuiquam concessisse vi-

deantur. Hos observet Princeps, viri enim boni non sunt: quorum est, aliorum rectas sententias candidè adprobare, licet cetero- qui auctores exosi sint. *Fides summa*, ait de quodam Cicero, & *naturalis quadam inerat auctoritas, ut non causam, sed ut testimonium dicere putares, quod ad sententiam dicendam aptum maxime videbatur.* Veritas inter alia consiliario maxime amica esse debet, immò nihil pejus iis Consiliariis, qui eam principibus reticent: juramento obstringuntur, se sententiam dicturos & consulturos ex animi sententia, quæ meliora & utiliora videbuntur, quod si veritatem taceant, nonne perjuri fiunt? At veritas odium parit, quid tum: qui tale metuit odium, non dignus est nomine Consilarii.

Senec.

Odium qui nimium timet, regnare nescit. Possumus interdum Principibus applaudere, possumus etiam illorum incommoda, & contumelias nonnullas & ineptias, non modò perferre, sed amanter etiam tegere: at in consiliis & negotiis publicis, veritas nunquam reticenda.

Pf. 10.

*Veritas simplex quibus est amor,
Hos amo, amplector, video libenter,
His mihi seros sociis senectus
Impleat annos.*

Epist.

Cujus rei inopia, quærît Seneca, laborant magna fastigia? quid omnia possidentibus deest? ille qui verum dicat. & Plinius: Vidimus, ait, curiam clinguem, in qua dicere quod velles

In pane-
yr.

velles periculosum; quod nolles, miserum est.
 & alibi: quis antea loqui, quis hiscere aude-
 bat. prater miseros illos, qui primi interroga-
 bantur? ceteri quidem defixi & attoniti
 ipsam illam mutam ac sedentariam assentien-
 di necessitatem, quo cum animi dolore perpe-
 tiebantur; unus solus censebat, quod seque-
 rentur omnes. & alibi laudat Trajanum,
 quod eo rogante sententias liberè dicere
 liceret, vinceretque sententia non prima,
 sed melior. Notanda illa apud Tacitum
 verba: Per idem tempus L. Piso Pontifex,
 rarum in tanta claritudine, fato obiit: nul-
 lius servilis sententia sponte auctor, & quoties
 necessitas ingrueret, sapienter moderans. & il-
 la de Cn. Pisone: Manebant etiam tum
 vestigia morientis libertatis: igitur Cn. Piso,
 Quo, inquit, loco censebis, nam si primus, ha-
 bebo quod sequar, si post omnes, vereor ne im-
 prudens dissentiam. Octavio Aug. ob im-
 modicas altercationes disceptantium ali-
 quando è curia per iram se proripienti,
 quidam ingesserunt, licere oportere sena-
 toribus de Repub. loqui. Eidemque Anti-
 stius Labeo in senatu aliquando dixit,
 suum quemque iudicium habere. Et notum
 est illud Prisci Helvidii, ad quem cum Ves-
 pasianus misisset, ne in senatum veniret:
 Penes te, inquit, est, ne me senatorem esse
 patiaris. quàm diu autem me loco non
 moves, est in curiam mihi veniendum. A-
 ge, at ingressus taceto, inquit. Ne me ro-
 ga, & tacebo. At est mihi rogandum: &

Lib. I.
annal.

Suet. cap.
54.

Arrian.
in Epi-
t. I.
l. 1. c. 26

mihi dicendum, quod rectum putavero. Verum si dixeris, occidam te. Quando ego tibi dixi, me immortalem esse? tu tuum facies, ego meum. tuum est occidere, meum mori non trementem. Quid prodest, rerum cognitione, earumque usu excellere, tum salutaria studia, accensumque bene operandi affectum intus enutrire, si, cum tempus illius depromendi venit, animi deficit alacritas, & trepidatio aut suspicio, seu aliud quodvis obsistit impedimentum, quò minus apertè sincerèque id profiteatur, quod mente jam conceperat. Adde quòd ejusmodi adulatores sæpiissimè ipsis etiam Principibus fastidium pariant. Memoria proditur, Tiberium, quoties curia egrederetur, Gracè in hunc modum eloqui solitum: O homines ad servitutem paratos. scilicet etiam illum, qui libertatem publicam nollet, tam projecta servientium patientia tadebat. Quòd si quis tamen timidiore reperiatur animo, is à principe erigendus. Solent boni Principes, cum rem proponunt, alacritatem Consiliariis ad dicendum injicere, atque hoc testari, se id tantum quærere, quod publicæ serviat utilitati: cum verò sententiam audiunt, attentis auribus vultuque benigno, etiam postremos & infirmiores audire: quis enim dubitat libertatem consulentium impediri, dum liberè ipsis loquentibus Princeps irascatur, & libentiùs se audire ostendat, quæ placent quàm quæ prosint?

Despe-

*Paletot. in
con. cl.
memb. 4.*

*Tac. l. 3.
in.*

*Paletot. p.
5. 9. 7.*

Desperata ejus Principis salus est, cujus aures ita formate, ut aspera quæ utilia, nec quicquam nisi jucundum accipiat. Cùm de frumento ex Sicilia Romam advecto in senatu aliquando ageretur, an gratis, vili aut magno pretio plebi divenderetur: inter alios M. Coriolanus exstitit, qui adversus plebem gravem diceret sententiã: Nihil per largitionem populo tribuẽdum, his artibus petulantio rem ac lascivio rem effici: satius hunc esse vel cariore annona domari ac reprimi, quò fieret modestior ex necessitate, & ad civilia munera obeunda paratior: agros hac injuria non seditiones colat. desidia, otio ac luxuria maximè, quæ ex copia & inerti abundantia nascitur, jura, leges, instituta negligi. Patricia & aristocratica sententia: sed parùm popularis. Ideo Tribuni plebis, qui in senatu eam audierant, ad populum referunt, à quo sine mora dies Coriolano dicitur. Verùm quantum ad hanc accusationem attinet, licet populo infenso uleretur, eam facilius diluit. Agnovit plebs, Coriolanum nihil præter officium fecisse. ubi enim loquendi ulla licentia, si non in deliberando & dando consilio? Nemo igitur consilii sui post senatum rationem reddere coge batur. Rectè; etsi enim aliud consilium alio melius interdum sit, omnium tamen Consiliariorum eadem mens præsumitur, ut pro salute Reipublicæ dicant: quemadmodum in navi, alii sæpe velificatione, alii remi-

Dionys.
Halicarn.
lib. 7.
Livius
lib. 2.
Plin. da
vir. il
lustr.

gatione

- gatione utendum censent, sed omnium idem scopus. Fuit nihilominus Coriolanus postmodum, sed aliis de causis, quod à tribuno vocatus venire recusasset, lictores pulsasset, condemnatus. Cum itaque Princeps (ut unde digressi sumus, revertamur) vultu ipso iracundiam, aut severitatem acerbam ostendit: non dubium est Consiliarios animos magna ex parte debilitari & frangi. pauci admodum reperiuntur, qui, cum se Principem agere audire intelligant, libenter loquantur. Patienter igitur Princeps sententiam, quamvis liberam, audiet, neminem interrumpet, memor, jus olim senatori apud Romanos fuisse, quam diu vellet orationem trahere, adeo ut nonnullos horis septem, alios vero dies totos concionem in senatu habuisse tradant. Finemque sermonis suus cuique pudor, non tua superbia facit, ait ad Trajanum Plinius.
- Agel. lib. 24. c. 10. Philippidem Atheniensem comicum summa benevolentia complexus est Lysimachus Rex, nulla alia de causa, nisi quod liberè loqueretur & ex animi sententia, proculque ab adulatione vitam probam & modestam ageret. Dicere solebat Hiero, Gelonis in tyrannide successor, neminem qui liberè loqueretur sibi importunum esse. Moderationis tantæ fuit Alexander Severus, ut non solum nemo unquam ab ejus latere subinveretur, omnibusque se blandum affabilemque praberet, sed etiam ut sibi ab omnibus, quæ sentiebant liberè dici cuperet,
- Plut. de disc. amic. & adul.
- Alex. ab Al. lib. 4. c. 11.
- Plut. in Demetr.
- Plut. in apoph.
- Al. Lamprius in Alex.

cuperet, & quod dictum esset, audiret, & quum audisset, ita uti res poscebat, emendaret, si minus benefactum esset aliquid, etiam ipse convinceret; idque sine fastu & sine amaritudine animi. Cum Tacito igitur consiliarium moneo: *ne cum fortuna potius sui Principis loquatur quàm cum ipso. Interrogatus à Tiberio Messala Valerius, num se mandante sententiam suam promississet, sponte dixisse respondit, neque in iis, quæ ad Remp. pertinerent, consilio, nisi suo, usurum.*

Lib. 1.

histor.

Tacit. lib.

1. annal.

Seneca. ——— *justa, qui reges timet,*

Deponat, omne pellat ex animo decus:

Malus est minister regii Imperii pudor.

Principem verò, ne iis fidat, quibus omnia Principum honesta atque inhonesta laudare mos est. Duo hic extrema consiliatio vitanda: alterum, ne loquendi libertatem cum audacia & immodestia confundat, & inani jactatione libertatis, famam fatumque provocet: quod fit quando quis in propria obstinatus sententia, non veretur specie utilitatis & veritatis, verborum aculeis alios mordere, crimina detegere, maledictis famam proscindere: quæ petulantia potius & scurrilitas quàm loquendi libertas vocanda est. Nam vera libertas bonum tantum publicum respicit. Falsò libertatis vocabulum obtenditur, ait Tacitus, *ab iis qui privatim degeneres, in publicum exitiosi, nihil spei nisi per discordias habent. Qui hac libertate uti vult, ut monet Quintilianus, debet*

Tacit. lib.

2. annal.

Lib. 16.

annal.

- Lib. 11.* debet rei, loci, temporis & personarum
c. 1. rationem habere, ut & sui ipsius. Major
 libertas diu in senatu aliquo versatum de-
 cet, quàm recens admissum. Modi item,
 ne clamore, vel alio corporis habitu, iræ
 vel alterius perturbationis suspensionem
 moveat, & nihil arroganter, nihil proter-
 vè, nihilque ad ostentationem proferat:
- Tac. l. an.* neque acerbis facetiis delectetur, quin po-
5. tiàs illius meminerit, acerbis faceti-
 arum apud præpotentes in longum memo-
 riam esse. Alterum extremum est, cum
 quis sub libertatis specie assentatur. *Adu-*
- Tac. lib. 1.* lationi scdum crimen servitutis, malignitati
hystor. falsa species libertatis inest. Exemplum istius
 adulationis apud Plutarchum exstat: *Audi*
Cesar Tiberi, in quo te reprehendimus omnes,
licet nullus audeat palàm facere, impendis te
ipsum nobis corpus tuum diurnis nocturnisque
laboribus & curis pro Repub. conficis. istud æ-
què detestandum, sed priore extremo ma-
gis noxium. Et quandoquidem non dor-
mentibus, sed vigilantibus & laboranti-
bus prudentia infundi solet, consiliarium
convenit, in consilio quidem attentissimis
auribus omnia, quæ quisque loco suo di-
cit, & quibus argumentis ea corroboret,
excipere, ne in respondendo vel minimum
aberrer; qua in re quantum situm sit, o-
stendere volens Lycurgus, ne ullæ picturæ
in locis, ad consilia destinatis, haberentur.
constituit; ne scilicet consiliariorum cogi-
tationes distraherentur, sed totæ in rebus
deli-
- De discr.*
amici &
adul.
L. quod
autem, 5.
apud La-
bronem.
L. pupillu.
ff. quam
in fraud.
max.
cred.
- Plat. in*
vita Lye.

deliberandis defigerentur. Extra consilium autem diligentissimus erit meditando etiam, legendo, differendo, finem cujuscunque rei considerando, sed & singulares rerum circumstantias & contingentia varia in humanis actionibus perpendendo: quæ practica cognitio est, quia ipso perficitur actu. atque hæc rebus administrandis, populorumque gubernationi maxime prodesse solet. Curiositas hominum ex omni genere signa coilegit instantis tempestatis. at multo magis conveniebat consiliario, hac uti diligentia in consultationibus, ut observatis experimentis conjiciat, quid malorum ex unoquoque perperam constituto consequatur, & quænam causæ impedimentorum, ut oculi iis rebus, quæ provideri queunt, adjiciantur. Et quandoquidem incommoda multa, ex ignorantia ejus Reipub. cui inservit consiliarius, quæque curandam suscepit, nascuntur, omnia illius Reip. etiam minima scire tenetur; plurimum igitur studii & diligentiae ponet ad ea omnia cognoscenda, quæ ad principatum, in quo est, spectare videntur, consideret ipsius naturam, populi subditi, & vicinorum; alia veterem & firmatum, qui invidiæ & seditioni minus expositus est, decent; alia Principatum novum; alia vi quæsitum, vel successione vel electione.

Plut. in
moral.

Metiri sua regna decet, viresque fateri.

Rectè Seneca: Multi dum se tam magnos De trania
quàm audiunt, credunt, attraxere superva- quill-
cua, visa.

cua, & in discrimen rerum omnium perventura bella. Principem etiam & aulam cognoscer, ex omni parte, ut & ceterorum administratorum & consiliariorum naturam, mores, omnem denique administrationem, quæ, quantaque sit omnis ditio Principis; quæ provinciæ, civitates, oppida, loca illius ditioni subjecta sint, provinciæ verò ipsæ quot millia passuum habeant in longitudine, quot in circuitu. Locorum, inquam, ambitum, situm etiam: utrum montibus, mari, flumine, vallo, fossa, lacu munita sint, quæ eorum opportunitates, & an cōmeatu prohiberi possint. an sit ubertas vel inopia rei frumentariæ; Quidnam in Principatu controversum, & cum quibus, quibus de causis, quæ ratio provinciæ administrandæ, quibus rebus delectentur cives, quibus se sustentent, quomodo erga Principem affecti; quodnam vectigal eorum, quæ evehuntur & invehuntur, portoria vocabant veteres, ex pascuis agrorum publicorum, ex sale, vino, oleo, frumento, ex mercatura, ex subditorum tributis; hæc enim ossa sunt & nervi Principis; quodnam ærarium, an subditi nimis tributis, vectigalibus, aliisque oneribus premantur, an mercaturæ studio teneantur, an opibus abundant: quantus militum numerus in qualibet provincia conscribi possit: quænam Principis familiæ origo, quæ conjunctiones, affinitates, & amicitia, quæ fœdera, & quid ex iis sperandum,

*Arist. lib.
1. Rhetor. c. de rebus, de quibus consilium agitur.*

randum, quorumnam partes Princeps defendendas suscepit. Et ad summam; in omnia, etiam minutissima, quæ neglecta Reip. detrimento esse possunt, omne studium, curam, cogitationem & solertiam conferet. *Qui vulgi naturam noverant*, ait Tacitus, & quibus modis temperanter haberetur, senatusque & optimatum ingenia perdidicerant, callidi temporum & sapientes credebantur. Verum quid fieri oporteat in universum, monet prudentissimus vir, aut quemadmodum, ex longinquo nemo suadebit. Cum rebus ipsis deliberandum. vigilantis est captare properantem occasionem. Morus novissima omnium arborum germinat, & tamen parit inter primas: ita qui tempus idoneum rei conficiundæ opperiuntur, etiam si serius ceperint, maturius tamen conficiunt. Quare plerosque magnorum virorum videmus, occasione prudenter captata, ad eam pervenisse magnitudinem. Consueverant Pontifices Romani, si quid mali ab externo hoste immineret, opem Constantinopolitanorum Imperatorum implorare, ob quorum negligentiam, quum urbs & Italia tota devastaretur, Carolus Magnus à Leone III. Pontif. (ut nonnullis placet) vocatus, occasione illa prudenter suorum consilio captatâ, Ecclesiæ Romanæ patrocínio in se suscepto imperium simul in se, posterosque suos transtulit. Pari ratione excitante Romano Pontifice Gallos ad bellum Neapolitanum, Carolus

Lib. 2.
histor.

Epist. 22.

Lib. 15.
c. 24.

P. A.
mil. l. 2.

*rov. l. 1.
hist.*

*Pand.
Collen.
lib. 6.*

*Lib. 2.
ann.*

rolus Andegavensis occasione non neglecta, Siculo etiam, non solum Neapolitano regno potitus est. Alphonsus Arragonum Rex à Iohanna R. Neapolim vocatus, tam idoneam occasionem non contemnendam ratus, regnum illud, magno Neapolitanorum applausu, Pontificeque consentiente adeptus est. Possent innumera alia exempla adduci, sed hæc sufficiant ad consilii diligentiam in captandis occasionibus excitandam, ubi magna prudentia opus est. Quæri hoc in loco potest, num consiliarius tam diligens esse debeat, ut etiam non requisitus, Principi, ubi res postulat, consilium subministrare teneatur? Dubium movet mos inveteratus postulandi consilium: & quod is, qui consilio dando se ingerit, curiosus videatur, quin etiam suam censeatur prudentiam majoris facere quàm Principis & aliorum consiliorum. Ut igitur non est boni medici, se, cùm vocatus non est, intrudere ad ægrotum: sic nec consilii ad Principem. Verùm hisce non obstantibus existimant doctiores in rebus magni momenti, postulante necessitate, eum quod sibi videatur, etiam non rogatum, Principi ob bonum publicum denunciare debere: atque id à Romanis etiam senatoribus observatum fuisse, ut necessitate urgente ultro postularent, ut sibi de Rep. dicere liceret, non dubium est. *A maioribus, ait Tacitus, concessum egredi aliquando relationem, & quod in commune con-*
duceret,

duceret, loco sententia promere. & alio quodam in loco; licebat patribus, quoties ius dicenda sententia accepissent, quæ vellent, ex-promere, relationemque in ea postulare. Vnde Cato etiam cum de aliis rebus consulere-tur, omni senatu censere se dicebat delenda esse Carthaginem. *Consurgit Scaptius*, apud Livium, & si licet inquit, *Consules*, de *Rep. dicere*, ut alia omittam loca. quæ ta-men tum demum rectè fieri existimo, si consiliarius prius diligentissimè & diu multumque secum rem proponendam exa-minarit, ne fallatur, quod ridiculum esset; deinde etiam omnes circumstantias, An antea simili de causa cum Principe loquutus sit, an tempus, locus & rerum status id requirant, an res opportuniùs differri pos-sit, an ipsemet Consiliarius Principi gra-tus & acceptus sit; an per alium id com-modiùs fieri posse existimet: an alii tale quid tentarint, & quo successu. Ad obje-ctiones autem dupliciter respondetur, pri-mò non esse curiositatem, sed vigilantiam, si quis debita moderatione ea investiget & proponat, quæ sui officii sunt. Dein-de quamvis Princeps à Consiliario consi-lium non petat, id tamen Rempub. fa-cere, quæ necessitate urgetur, & eo ipso satis interpellat, subsidiumque Principis loco postulat. Altera quæstio hîc tractari potest: Si Consiliarius in Consistorio con-silium aliquod tractatum iri sciat, cui sal-va conscientia assentiri nequit, an si eo die

Lib. 13.
ann.

Plut. in
Cat.

Paest. 1.
9.6. sub
finem.

domi

*Felin.
ate. quod
super de
major. &
obedi-
entia.*

*Paleot. 5.
7. 8.*

*Cicero
lib. 3. de
legibus.*

*In ejus
vita.*

*Pro do-
mo.*

*D. Gre-
gorius
hom. 14.
in Evang.*

domi se contineat, officium suum minus diligenter & fideliter fecisse dici possit. Dubitandi causa est, quia tutius est in senatum non venire, quam in aliam trahi sententiam, & adversus conscientiam agere; adde quod is culpa carere videtur omni, qui in tam iniquam rem non consensit. Sed contrarium ex superioris quaestiones decisione elucet; nam si & non rogatus, publici boni causa, consilium dare Principi meo teneor, multo minus salva fide efugere occasionem potero, ne roger. Tantum igitur abest, ut haec sit legitima absentiae causa, ut Consiliarium contra eum magis urgere deberet senatum eo die ad eundem. Occasio enim rerum graviorum veros à ceteris distinguit Consiliariis: illi enim quod periculosiora instant negotia, eum magis se ad ea, & juvandam Remp. accingunt; hi urgentibus vel minimis difficultatibus, libenter se ab eis subducunt. Verum illud est: SENATORI QUI NEC ADERIT, AUT CAUSSA, AUT CULTA ESTO. De Catone praedicat Plutarchus, eum in senatum, quoties haberetur, semper venisse. Verebatur enim ne quid se absente per gratiam fieret. Boni senatoris est, ait Cicero, semper in senatum venire. Essetne quaelo militis nomine dignus is, qui in certamen descendere iussus, id ob evidens periculum detrectaret & fugeret? Fugit, ait vir sanctus, non tantum qui mutat locum, sed & qui subtrahit solatium: fugit,

git, qui se sub silentio abscondit: fugit, qui
 tacet cum resistere deberet. Nec Consilia-
 rium moveat, quod se in sententia propria
 solum futurum, ac se proinde frustra in se-
 natum venturum existimet. Nam ut omit-
 tam, hanc assensu non esse legitimam
 causam, quoties quæso factum videmus,
 ut unus ceteros omnes à se prius dissen-
 tientes, argumentorum vi ad se traxerit?
 sed demus non fieri, at sane hoc sufficiet,
 officio satisfecisse, ut liber sit & sibi pro-
 batus; ait Tacitus. Ex his dilucidè appa-
 ret, quid ei quæstioni respondendum sit.
 Si Consiliarius priorem sententiam non
 prober, an (quia puta offensionem metuit)
 tacendo & capite annuendo muneri suo
 satisfaciatur. Quamvis enim dici soleat, eum,
 qui tacet in rebus quæ noxiæ esse possunt,
 non haberi pro consentiente: id tamen hoc
 in loco non obtinet, ubi manifestè annue-
 re eum apparet, alioqui clarè dissentiret,
 & dissensus sui causam adduceret. Quin-
 imo dicendum, eum dupliciter peccare,
 assurgendo vel annuendo, & sic consen-
 tiendo: & tacendo, quando maximè lo-
 quendi tempus fuerat. *Scienti bonum, &*
non facienti, peccatum est illi. Pergo ad reli-
 qua, quæ Consilarii officium respiciunt.
 ut scilicet occultas & sibi concreditas res
 nullo modo divulget. Nam si, qui amici
 consilium de privata re aperit, omnium
 odio meritò dignus habetur, quo odio di-
 cemur illum dignum, qui Principis sui

*Annal.
lib. 3.*

*Grimald.
l. 1. Rob-
buis.*

Iac. 4.

N

confi-

transque nondum à Censoribus in senatum lectum, quo uno modo etiam is, qui honores gesserant, aditus in curiam dabatur: sed quamvis honestus foret error, vehementer tamen à Coss. oburgatus est. Nunquam enim taciturnitatem, optimum ac tutissimum administrandarum rerum vinculum, labefactari volebant. Pompeii probabilis virtus, qui dum legationis officio fungeretur, à Gen-
 tio Rege interceptus, cum senatus consilia prodere juberetur, ardenti lucernæ digitum cremandum præbuit, eaque constantia regi simul & desperationem tormentis quicquam ex se cognoscendi excussit & expetendi. Apparet ex postremo hoc exemplo, Consiliarium animo etiam magno & forti præditum esse debere, ne in consilio dando vel reticendo, Principis aut aliorum pertimescat offensionem: qui parvo animo est, timet; qui vero timet, aut laborem fugit, aut vitæ pericula formidat, aut pecuniæ sumtus extimescit, quibus rebus in
 Repub. nihil perniciosius. Qui laborem fugit, nihil expedit, procrastinat negotia, aut ea perditis fortè hominibus administranda relinquit, & negotia negotiis accumulatur. qui pericula formidat belli, vel alia, is hostium vires & audaciam confirmat, is nunquam suadebit, ut milites ad tutelam patriæ accipiantur, ut illata contumelia vindicetur, ut vis vi cohibeatur. huic denique metus rectum sanguine consilium ademit, & veritatem sæpe oc-
 cultare

Gal. Max.
 l. 3. c. 3.

Ofor. de
 reg. inst.
 lib. 8.

Tacitus l. 3. annal. cultare cogitur. *Pavulus*, ait ille, *consilia in incerto*. Ideo Deus volens Reipub. perdere Israëlitarum, ipsis non tantum reges pueros, sed etiam effeminatos Consiliarios minatur. Metellus cum animadverteret, quod tenderent conatus Tribunorum plebis, quantoque malo Reipub. si non occurreretur illis, erupturi essent, in exilium ire maluit quam in eorum leges. *Potestne, Lib. 8. c. 8.* scilicet Val. Max. hoc viro aliquis dici constantior? qui ne sententia sua pelleretur, patria, in qua summum dignitatis gradum obtinebat, carere sustinuit. Sylla occupata urbe senatum armatus coegerat, ac summa ferebatur cupiditate, ut Marius hostis judicaretur: cujus voluntati nullis obviam ire audentibus, solus Scævola interrogatus sententiam hac de re dicere voluit, quin etiam truculentius sibi minitanti Syllæ: *Lacet, inquit, mihi agmina militum, quibus curiam circum e-listi, ostentes, licet mortem identidem miniteris, nunquam tamen efficies, ut propter exiguum senemque sanguinem meum, Marium, à quo urbs & Italia conservata est, hostem judicem. Non est vir fortis, cui non crescit animus in ipsa difficultate.*

Mich.
Hospit. ad
Franc. O-
livarium.

Nam fortes animi prorsus nihil ista mo-
rantur

Quæ sunt fluxa, caduntque cito & mutant-
tur in horas;

Non illos aurum, non spes, non gratia fle-
ellit,

Non metus; crecta circum fora fronte va-
gantur. . . . *In-*

Introeunt aulas venerandi Regibus i-
psis.

Hæc ita intelligenda, quod & paulò entè
attigi, ut nihilominùs reverentiæ Princi-
pibus debitæ non obliviscamur. Cautè
igitur & circumspèctè fortem & intrep-
dum esse oportet, ne fortitudo in nervum
erumpat. Non sunt contraria, summa re-
verentia & observantia Principem suum
colere, & nullo metu ab officio discedere.
Quisquis metu alicujus potestatis, ait D. Au-
gustinus, veritatem occultat, iram Dei super
se provocat, quia magis timet homines, quàm
creatorem. Porro quæ de fortitudine &
constantia diximus, non ita intelligenda,
ut sententiam Consiliario mutare non li-
ceat; demens enim est, qui in errore per-
stat: ex causa igitur superveniente, muta-
re consilium prudentis est. Præstat mutare
in melius, quàm in malè cœptis pergere:
sed nec propositum infringere eum judi-
cant canones, qui in melius commutat; it
quidem alio gradu, sed non alia via. Medi-
cus quidam agro medicamentum dare
jusserat, id congruens ratus, sed re matu-
riùs deliberata, noxium reperit. Dicemus-
ne hîc Medicum sententiam priorem mu-
tare non debere? Nequaquam. Eadem est
Consilarii ratio, qui consilium utilitatis
publicæ causa mutare tenetur. Nec est
quod levitatis notam timeat. *Nemo enim*
doctus (ait Cicero) mutationem consilii in-
constantiam dixerit. & alibi, *Nunquam præ-*
stanti-

Epist. 86.
ad Casul.

Cap. 3. de
jurejur.

non uno -
quam st.
de coll.
honorum.
l. 1. officii.
rum. l. 1.
epist. pen.

stantibus in Repub. gubernanda viris, laudata est in una sententia perpetua permanſio. Quemadmodum enim in navigando tempeſtati obſequi artis eſt, etiam ſi portum tenere nequeas: cùm verò id poſſis mutata velificatione aſſequi, ſtultum eſt eum tenere cum periculo curſum, quem ceperis potiùs quàm eo mutato, quò velis tandem pervenire: Sic omnibus in adminiſtranda Repub. idem propoſitum eſſe debet, non idem ſemper dicere, ſed idem ſemper facere. Verùm demus, in conſilii mutatione inconstantiam aliquam ſubefſe, nonne conſiliarius, qui ſuo honori Repub. ſalutem anteſert eo magis laudandus? notum eſt illud de Fabio: Non ponebat enim rumores ante ſalutem. De hoc ſatis ſerò diximus. Ad munus etiam conſilarii ſpectat, avaritiam fugere, & beneficentia ſtudere. Hinc Polybius Africanum ſuum crebro monebat, ne priùs e foro domum reverteretur, quàm beneficiis aliquem, vel ex iis qui occuſſent, ſibi devinxisset. Sicut radix omnium malorum eſt cupiditas habendi: ita radix omnium bonorum eſt charitas & beneficentia. De avaritia ſenatorum audiamus Saluſtium, *Multò maximum bonum patria, civibus, tibi, liberis, poſſremo humane genti pepereris, ſi ſtudium pecunie aut popularis, aut quod res feret, minueris, aliter neque privata res, neque publica, neque domi neque militie regi poteſt. Nam ubi cupidio divitiarum invaſit; neque diſci-*
plina,

Plut.

lib. 8. q. 6.

Plut. lib.

4 q. con-

ſilii.

Can. quia

radix d.

ſen. diſt.

2. d. P.

ſen. al.

monſtr.

plina, neque artes bonæ, neque ingenium ul-
 lum satis pollet; quin animus magis aut mi-
 nus maturè, postremò tamen succumbit. &
 paulò infra: Ceterum avaritia belua fera,
 inmanis, intoleranda est: quò intendit, oppi-
 da, agros, fana, atque domos vastat: deuma
 cum humanis permiscet, neque exercitus ne-
 que mœnia obstant, quò minus vi sua pene-
 tret: fama, pudicitia, liberi, patria atque
 parentibus cunctos mortales spoliât. M. Craf-
 sius, quinque eaque maxima habuisse scri-
 bunt, quod esset nobilissimus, quod elo-
 quentissimus, quod Iuriconsultissimus,
 quod Pontifex maximus, quod Aristissimus
 Quintum post Syllam. At omnes has vir-
 tutes & fortunæ bona avaritiæ sordes ob-
 scurarunt. Dicebat Demosthenes, si res
 privata publicam non avertat, tolerari ali-
 qua ratione posse, ut consiliarii ditescant,
 & incrementi participes fiant: verùm,
 quia ut plurimum videmus, quò magis res
 eorum augentur, qui publicis muneribus
 præsumunt, eò magis Rempub. minui, caven-
 dum esse. *Vae pastoribus Israël, qui pascent* *Plut. in*
semetipsos, oves autem dispergunt, neque pa- *apophr.*
scunt. Pachtio, ait Livius, & respectus rerum *Esa. 44.*
privatarum, semper officere, efficienque pu- *Libr. 2.*
blicis consiliis. A decoctoribus etiam & pro-
dis consiliariis, æque ac avaris caven-
dum censeo. Consiliariis utere iis, ait Ba- *Ad filium.*
silius, qui rebus propriis bene consulerunt,
recteque eas administrarunt: non autem iis,
qui per imprudentiam male. Nam qui suis
rebus

l. 2. offic.

rebus malè prospexerit, nunquē alienis bene
 consulet? Maxima cautio in liberalitate ad-
 hibenda, ait Cicero, non adeo claudi rem
 familiarem oportet, ut eam benignitas non
 aperiat, nec item referari, ut pateat omni-
 bus. Ceterum liberalitatem comitantur
 morum facilitas, comitas & humanitas,
 misericordia, erga proximum benevolen-
 tia & hospitalitas. Condimentum hu-
 manæ conversationis est humanitas & po-
 pularitas. Sit igitur consiliarius aditu et-
 iam alloquioque facilis, neminem exspe-
 ctando fatiget, verecundos & timidos eri-
 gat, cives pariter & externos summa bene-
 volentia audiat, nullorum preces fastidiat,
 facilis sit in salutando & compellando; ne
 de ipso dici possit, difficilius esse famulum
 alloqui, quàm dominum: fiet hac ratione,
 ut non solum muneri tanto satisfaciatur, sed
 omnium etiam benevolentiam sibi conser-
 vet. Marcum Crassum laudant, quòd nul-
 li civium unquam patrociniū suum non
 lubens impenderit, nullum in via non sa-
 lutarit, atque unus omnium popularem fe-
 cerit avaritiam, ex qua nemo antea gra-
 tiam reportaverat. Solent magni viri glo-
 riæ stimulis plusquàm satis est, sæpe inci-
 tari, unde superbia, & aliorum contentus
 nascitur. contemtor animus & superbia
 commune nobilitatis malum, ait Salustius.
 Quare consiliarium crebro cogitare ve-
 lum, *Cuncta mortalium incerta, quantoque*
plus adeptus sit, tanto magis se in lubrico esse,
 &

Plut. in
Crasso.D. bel.
Lugot.
Tacit. l.
ann. 1. c.
11.
Tacit. l. 4.
vrb.

Et illud quoque, modestie famam necne sum-
 mus mortalium spernendam, Et a Duce esti-
 mari. Reclussimè ille, qui Prisco suavit, ne
 supra Principem scanderet, nam quemad-
 modum pessimis imperatoribus, sine fine
 dominatio, ita quamvis egregius modus
 libertatis placet. Notanda Archidami ver-
 ba. Scripserat ad ipsum Philippus, par-
 ta victoria ad Chæroneam, superbis & aspe-
 rnis. Rescripsit itaque Archidamus hæc
 inter alia: Si tuam ipsius umbram rectè me-
 tiaris, eam unico pilo maiorem haud reperi-
 ras, quam ante victoriam. Socrates Alcibiadem
 opibus & prædiis nimis superbientem, ad
 suspensam tabulam Geographicam cum *Ælian.*
 duxisset, ab ipso ut Atticam in ea quære-
 ret, petuit, quam cum reperisset, sua etiam
 prædia inspicere præcepit, quæ cum Alci-
 biades nusquam reperiri diceret: Cur igitur,
 subiunxit tunc Socrates, ob illa super-
 bis, quæ circa nullam terræ partem exi-
 stunt. Superbia etiam in Principibus odio-
 sissima est, sed in privatis fastidiosa &
 molestissima, quam etiam Deus summè
 odit. Quemadmodum fulmen, ait apud Sto-
 bæum Hierocrotus, eminentia quævis Et cel- *Serm.25.*
 sissima deiecit, parit autem arbutus: sic Deus
 superbos ubique prostermit, amat humiles.
 Pompeius Sabinus, ait Tacitus, vita con- *lib.6.an-*
 cessit, modicus originis, Principum amici- *nal.*
 tia consultum, ac triumphale decus ade-
 ptus, maximilque provinciis per quatuor
 & viginti annos impositus nullam ob exi-

miam artem, sed quòd par negotiis, neque supra erat. Atque hæc quidem de consiliario. nam quæ de cognitione Metaphysices, Musicæ, Poëseos, & de ornatu scribendi peritia, item de consiliarii familia & divitiis, de corporis constitutione, de ornatu & vestitu, de sacetiis & salibus, aliisque similibus dici possent, consultò à me omissa facere. Nunc quia non sufficit rectè consulere, nisi recta consilia Princeps amplectatur, atque non minoris sit sapientiae, inter varia multorum consilia, quod optimum sit, discernere, atque exsequi, quàm ad rem consulere, unde Cicero: *In consilio capiendò prudentia, in dando fides etiam requiritur & religio*: fit scilicet magno cum Reipub. detrimento, ut Principes, qui sibi suoque iudicio nimium tribuunt, hallucinentur. Ptolomæus Aegypti Rex, ex quadam cum civibus suis offensa, Alexandria relictà, Romam venerat, ut a Pompejo & Cæsare reduceretur. Consultus hac de re Cato, eum liberè reprehendit, quòd relictà tanta felicitate ingentibus se objiceret indignitatibus, laboribus, largitionibus, & avaritiæ Principum Romanorum, consuluit autem, ut cum civibus suis rediret in gratiam, sed spretum hoc fuit consilium. Ut primùm autem ad fores unius accessit in magistratu positi, deslevit inconsulta sua cepta, quòd i non tam boni viri quam ipsius Dei fallidisset oraculum. Annibal cum ad Antiochum in Asiam profugisset,

Plut. in
Catone.

fugisset, eum de bello in Italiam transfe-
rendo sollicitare cepit, Italiam subdens & *Livius l.*
militem & comineatum extenuo militi *31.*
præbituram. Cujus consilium si Rex se-
cutus fuisset, Romanis de Italia retinenda
denique timendum fuerat, quod non multò
post, quum Rex, bello Theſſalis illato, à
Romanis victus esset, serò tandem unum
Annibalem, quid facto opus fuerit, prævi-
dille falsus est. *Sæpe audirei, ait Livius, cum* *Libro 36.*
primum esse virum, qui ipse consulit quod in
rem sit: secundum eum, qui bene morienti
obediatur: qui neque ipse consulere, neque alteri
parere scit, cum extremi esse ingenui. Nobis
quia prima animi ingenique sors negata est, *Lib. 22.*
secundam & mediam teneamus. Eadem im-
perare discimus, parere prudenti, in annum
inducamus. Verum & in aliam peccatur
partem. Accidit sæpe numero, ut qui in
ipso negotio consilium capere cogitur, du-
bitet, timeat, & (ut Cæsar ait) deficere
eum omnia videantur: atque sic non rectè
judicando consilia, dum alteri parer, deci-
piatur, & in insidias deducatur; quod Guic-
ciardini in Petro Mediceo, consilium à
Veneris (qui proprio suo scopo inservire
conabantur) petente notavit. Sed existant
& alia, ut consilium quod Theodorico *Tornand.*
Theodorici Westgothorum regis filio Al- *lib. 1. de*
tius Valentianum imp. dux dedit: item con- *Goth.*
silium Ludovici Sfortia, quo Gallorum
Regem ad Neapolitanam expeditionem *Guic. l. 1.*
contra Arragonios traxit. Magnum igi-
tur

tur iudicium adhibendum non solum in eligendis consiliariis, an scilicet iis, de quibus antè, præditi instructi sint, an magistratum aliquem gesserint, & an in eo recte administrando, operam, fidem, prudentiam, diligentiamque præstiterint, an alicujus factionis Principes sint, ne justitiæ specie privatam vindictam armis publicis querant; sed etiam in sequendo consilio

Ut caveat vitetque dolos, & prava suorum

Consilia, ut monitis addat melioribus aures.

*In epist.
ad Alex.*

Rerum humanarum, ait Aristoteles, angustissimum est, consultatione uti, quare pro virili elaborandum, ut ipsam consultandi artem teneas. Notanda Mutiani oratio ad Vespasianum: *Omnes, qui magnarum rerum consilia suscipiunt, æstimare debent, an quod inchoatur, Republicæ utile, ipsis gloriosum, aut proprium effectum, aut certe, non arduum sit: prout ipse qui suadet considerandum, adiciatne consilio periculum suum, & si fortuna coepta assuerit, cui summum decus acquiratur.* Diligenter igitur perpendet consulens, num quod tractatur vel per consequentiam consiliarium attingat, in propria enim causa omne consilium suspectum, quia raro sanum: an quod consultatur honestum sit; ab honesto enim si deflectat, malum est: an principaliter ad utilitatem Reipub. pertineat, an verò privata

*Tacitus
lib. 2. histor.*

tam quoque utilitatem intueatur: audiat
 patienter quæ à contrariis partibus & dis-
 paribus suffragiis dicta erunt, rationibus-
 que firmata notabit. si res difficilior videat-
 ur, melius deliberet, & res in aliud disse-
 rat tempus: aut fer sententiam, ait Sene-
 ca, aut quod facilius in hujusmodi rebus *Epist. n. d.*
 est, nega tibi LIQVERE, & nos reverti *l. 17.*
 jube. *Consilii nulla res tam mimica quam l. iv. lib.*
celeritas: celer enim poenitentia, sed eadem 31.
spera atque inutilis sequitur: cum precipitata
raptim consilia neque revocari, neque in inte-
grum restitui possint. Ideo consulum putat
Vtopicæ Reipub. auctor, ut nihil quo die
primum in senatu quid proponitur, eodem
disputetur, sed in sequentem differatur se-
natum, ne quis, ubi quod in buccam pri-
mo venerit, temere effutierit, ea postea ex-
cogitet, quibus decreta sua tueatur; ma-
litque salutis publicæ, quam opinionis de
se iacturam facere, perverso quodam ac
præpostero pudore, ne initio parum pro-
spexisse videatur, cui prospiciendum initio
fuerat, ut consultò potius, quam citò lo-
queretur. Hoc præceptum vel monitum
ab Alexandro Severo Imp. sumptum vi-
detur, qui re proposita, Consiliariis suis
spatium ad disquirendum cogitandumque
dabat, ne de rebus sæpè ingentibus, inco-
gitati sæpe dicere cogerentur, quod multos
etiam bonos pessum dedit, qui spretis, qua tar-
da cum securitate, prematura vel cum exi-
tio properant. Laurentius Medices Petri

Th. Mo-
rus l. 2. c.
de magi-
stratibus.

Al.
Lampr.
in Seve-
ro.

Tacit. l. 3.
ann. Brut.
l. 5. hist.
Flor.

F. Reipub. Florentinæ Princeps, in consulendis amicis, siue ille fidei hominum, siue constantiæ diffideret, aliquando variavit, minime diu usdem usus. Quos verò in consilium adhibere decrevisset, non illos quidem eodem tempore, sed seductos ab aliis, de Reipub. consulbat, ita ubi ab his, qui, quæ aliorum esset sententia, ignorarent, eadem asserri comperisset, in multorum consensu, quem neque præsentium amulatio divelleret, neque studium & gratia in mala sententia tueretur, consilium optimum esse arbitrabatur. Conducat etiam Principi, ad consilia dignoscenda, ea scire, quæ per ipsius discretionem sunt omnia, ne illi à male contentis impo-
natur. Sed cavendum interim, ne delatori-
bus nimis facilem præbeat aurem; solent enim ea, quæ nulla ex parte vera sunt, per calumniam Principi deferre, & eum ad injustitiam servitumque impellere, ex quo multorum sæpe innocentum periculum, imò perniciës exoritur, quod quidem verius latrocinium, quàm iudicium est. Observatum à sapientibus est, nullam unquam delatorem fidelem fuisse. *Delatores, ait Tacitus, hominum genus publico odio repertum, expensis quidem nunquam suis coercitum.* Sed ad rem. Conducat etiam Principi dare operam, ut Consilarii libere quidem sententiam dicant, sed ut interim concordia fraternæ inter se conjungantur. Inter Consiliarios enim factiones
inter-

*Libr. 4.
annal.*

interdum exitiales sunt. *Stimulat saepe privati odii pertinacia in publicum exitum*, ait *stor*
 Tacitus, & alibi: *Odio consulum in Reipub. Lab 5.*
perniciem eunt. Multos sectatores habent *annal.*
 magni isti, quibus se facile adjungunt, &
 quorum ope odia exercent, in multorum,
 sed in Principis interdum Reiquepubl.
 perniciem. His duo addo, alterum, ut
 Princeps Consiliarios elipat (sic suadet sa-
 pientissimus historicus) non studiis priva-
 tis, nec ex commendatione & precibus, *Tacit in*
 sed quos tales esse compererit, uti requi- *Agro.*
 tuntur: alterum, ut in roganda sententia
 Augusti nonnunquam morem observet;
 qui de majore saepe negotio non ordine,
 sed prout libuisset, perorabat, ut perinde
 quisque animum intenderet, ac si consen-
 dum magis quàm assentiendum foret, &
 sanè nullum perpetuum rogandarum
 sententiarum ordinem fuisse, clarè do-
 cet Suetonius: qui Iul. Caesarem post *In 1. Ca-*
 novam adfinitatem Pompejum primò *sare.*
 rogare sententiam cepisse scribit, cum
 Crassum soleret, essetque consuetudo, ut
 quem ordinem interrogandi sententias
 Consul Calendis Ianuariis instituisset, eum
 toto anno servaret. Ad extremum hoc quo-
 que addendum, ne in principio sui Impe-
 rii, sine magna caussa, prædecessoris sui si-
 dos probosque Consiliarios à se dimittat,
 à quibus multa gubernationi utilissima dis-
 cere poterit. Calistus prioris quoque regiae
 peritus, ait Tacitus, potentiam cautis quàm *Lib. 17.*
 acris *annal.*

acrioribus consiliis tutius haberi, &c. Exemplum in Ludovico sit XI. Gallorum Rege, qui filio suo Carolo hoc consilium dedit, ne quid mutaret in administratione regni, & antiquos amicos, familiares, & ministros retineret; se enim reipsa expertum, in quot quantaque discrimina, vel unica hac de causa venisset, quod excelsi probataque virtute viros ab aula pepulisset, exorto haud multò post, Principum bello, quod commune bonum vocabant, & conspiratione multaria. Amicos elegit Titus (ait Tranquillus) quibus etiam post eum principes, ut & sibi & Reip. necessariis acquieverunt, quo nomine Claudianus Honorium laudat:

Vt fortes in Marte viros, animisque paratos;

*Sic iustos in pace legis, longumque tuervis
Electos, crebris nec succedentibus urges.*

*Arist. lib.
1. Rhetor.
de quin-
querebus,
de quibus
consilium
agitur.*

Restat, ut de rebus, quæ in Principum senatu deliberari debeant, agamus; deque consiliorum fine. De rebus sic statutum reperio: Ea tantum sacrosancto huic consilio proponenda, quæ ad summam Rem publicam & ipsum statum pertinent, talia sunt de religione & Dei cultu, de legibus & magistratibus, de bello ac pace, de fide publica, de securitate servanda; de fœderibus ineundis & tuendis, de finibus Imperii regendis, de Magnatum controversiis, de eorundem capite & fortunis omnibus, de negligentia magistratuum vel præfe-

clorum,

etorum, de curiarum & collegiorum controversiis, de legationum secretis, & aliis similibus de rebus. Qui enim senatum libet disceptandis impediunt, rem tanto senatu minimè dignam faciunt. Debet namque Principis consistorium (ut dixi) circa ea demum versari, quæ ad Rempublicam directè pertinent, & in rebus gravissimis, non in minutis ac levibus controversiis privatorum, vel similibus nugis occupari. Ut rectissimè, quisquis ille fuit, dixerit, eos qui magnorum virorum consilio convocato:

Boet. lib. 3. c. 1.

Tanquam de Geticis aliquid torvisque Sicambris

Juven. Sat. 4.

*Dicturi, tanquam diversis partibus orbis
Anxia præcipiti venisset epistola penna:*

de nugis, vel exigui momenti rebus consulunt; Apioni comparandos, qui Homerum ab inferis evocatum nihil aliud interrogavit, quàm quibus parentibus genitus esset. Quod si quæras, ubinam cetera negotia tractari debeant, quæ tot supplicibus libellis continentur, item ea quæ ad reditus & ærarium Principis pertinent, ad annonam, ad delinquentium pœnas, & similia: Respondeo, plura solere constitui consilia, officio, negotiis & ministris differentia. Hispani septem consilia, totidem curiis sejuncta, & Regis prætorio comprehensa habent, ut quod libuerit Princeps adire, ac singulorum sententias exquirere facile possit. 1. Quæstorium, quod æra-

*Boet. lib. 3. c. 1.
Fur. Cærol. de cons. c. 1.*

rii publici curam gerit, & in Imperii redditibus, ex subditorum tributis, ex earum rerum vectigalibus, quæ evehuntur invehuntur, ex agris publicis, ex hostium spoliis, ex sociorum vectigalibus & tributis, ex mercatura, &c. colligendis, conservandis & augendis, debitisque extolvendis versatur. 2. Militare quod circa munitiones urbium, custodiam finium, præsidia militum, aciem instruendam, castrametationes, omnem denique rem militarem versatur. 3. Annonariam, quod in iis incumbit, ut vitæ necessaria tam abunde suppetant, ut partem etiam vicinis & aliis impertiri possimus. 4. Iurisprudentium, ad quod extrajudiciales, omnes private controversiæ civiles, de quibus Princeps consultitur, pertinent, item condendarum abrogandarumque legum cura. 5. Criminale, ad quod spectat rerum criminalium cognitio. 6. Censorium, cui morum castigatio commissa est. Postremo Summum, ad quod præter ea quæ diximus, istorum etiam præcipua referuntur, ut ærarii dispensatio &c. Veneti verò quatuor Consilia habent; præter senatum & cæterum optimatum: Consilium sapientum, qui quæ terra geruntur, curant; Consilium sapientum, quod maritimum dicitur; Consilium Decemvirorum, & Consilium Septemvirorum, huic postremo summa quæque in rebus deliberanda decernendaque commissa sunt, quibus ut collegiis dux præ-

Donat.
Lact. &
cap. con-
s. 1.
Repub.
Lact. it-
mo 2.

præesse potest. Galli etiam consilium magnum ab arcantibus Imperii submoverunt, & aliud selectorum Principum & amicorum instituerunt, quod Privatum vocant, ubi Principum literæ referantur, legationes referuntur, mandata explicantur. Nos igitur hoc in loco de isto consilio loquimur, quod cæterorum tanquam caput esse debet. Sequitur, ut de consiliorum fine non nihil attingamus. Hominis est agere propter finem, finis necessitatem imponit iis, quæ sunt ad finem, & est velut regula & iudicium eorum, quæ pertractantur. Ergo qui rerum agentium finem ignorat, ejus adipiscendi spes illi aequè adempta est, ut ei scopum feriendi, qui telum, incertus quò jaculetur, emittit: *Errant consilia nostra, quæ non habent quò dirigantur. Ignoranti quem portum petat, nullus furus est.* Ut igitur gubernator cursum secundum, medicus ægri salutem, Imperator victoriam: sic consiliarius Dei gloriam, Principisque sui & Reipub. utilitatem sibi proponet, & in eam rem toto animo & studio incumbet. Ex veterum scriptorum lectione satis apparet, senatum etiam Romanum ante omnia hoc semper potissimum spectasse, quid Reipub. conducere, & quid civitatis utilitas, quid communis salus, quid Reipub. tempora poscerent, unde imitabilissimæ illæ formulæ passim, *E re publica esse. item, Si aliter quis fecisset, cum contra Rempublicam facturum, &c. Qui Reipublicæ*

*Arist. lib.
I. c. 2.
Moral. &
de part.
ann. libro
I. c. 5.
Senec.
epist. 71.*

Cic. Phi-
lip 8 Cas
lib 1 de
bellis ci-
vilibus
De off 1.

publica præsint, ait Cicero, *duo Platonis præcepta tenere debent*: unum, ut civium utilitatem sic tueantur, ut quicquid agant, ad eam referant, obliti commodorum suorum. Alterum, ut totum corpus Reipub. curent, ne, cum partem aliquam tueantur, reliquas deſerant, ut enim tutela, sic procuratio Reipub. ad utilitatem eorum, qui commissi sunt, non ad eorum, quibus commissa est, gerenda est.

Claud.

*Tu civem patremque geras, tu consule cun-
ctus,*

*Nec tibi; nec tua te moveant, sed publica
vota.*

Commodum publicum non tam Principis intelligi debet, quàm Reipub. Nam Princeps etiam ipse privatam negligere debet utilitatem, si cum publica pugnet. Possunt autem unius rei plures esse fines. Architecti finis est domus, & est lucrum: Medici finis est ægrotantis sanitas, & lucrum: pictoris, repræsentare imaginem, & quaestus. Sic Consilarii quidem scopus potest etiam esse privata utilitas, vel ambitio, verus autem finis est bonum publicum; nam quaestus (ut ad exempla redeam) non est finis architecti, medici, vel prætoris quatenus artificis, sed quatenus mercenarii. *Pau-
cis*, inquit Tacitus, *publicum decet cura, plu-
res tuta dissimul.* Keelo igitur Athenien-
ses. Decreverat Themistocles post victo-
riam de Xerxe, Græciæ Principatum in-
stituire, atque in eum finem classem Lace-
dæmo-

Aristot
mar mo-
ral lib 1.
c. 3.

Annal.
lib. 12.

dæmoniorum in unum subductam locum,
clam incendere, ut eorum opes & Impe-
rium frangerentur: ad populum igitur, se,
de gravissima re, & ad summam Rempu-
blicam pertinere, aliquid habere retulit,
quod communicaret, rogavitque, ut unum
nominarent, quicum ea de re ageret, ne
per multitudinem evulgata, aliquando
Reipub. fraudi esset: Aristides à populo
nominatus, re audita, cum videret The-
mistoclem in fine, qui decus est publicum,
errare; ejus quidem consilium utile Rei-
pub. sed turpe & flagitiosum videri respon-
dit. Univerfa igitur concio è vestigio re-
pudiandum consilium, quod cum propaga-
tione finium dedecus imperii conjunctum
haberet, proclamavit. Reperit Tacitus *Lib. 2.*
apud scriptores senatoresque eorum tem-*annal.*
porum Adgandestrii Principis Cattorum
lectas in senatu literas, quibus mortem
Arminii promittebat, si patrandæ neci ve-
nenum mitteretur; responsumque esse non
fraude, neque occultis, sed palam, & ar-
matum populum Romanum hostes suos
ulcisci; qua gloria æquabat se Tiberius
priscis Imperatoribus, qui venenum in
Regem Pyrrhum vetuerant. *Quæ facta, l. fil. 15.*
ait Iurisc. *ledunt pietatem, existimationem, ff. de cond.*
verecundiam, & ut generaliter dixerim, quæ inst.
contra bonos mores sunt, nec facere nos posse
credendum. ideo Romani legibus suis hanc
clausulam adjiciebant: SI QUID SACRI
SANCTIQUE EST, QVOD IVS NON
SIT

*Pro Cecin.**Suet. in
Domit.
cap. 5.*

SIT ROGARI, EIVS HAC LEGE NI-
HIL ROGATUR, ut Probus testatur, sed
& Cicero. Atque hæc si non omnia, præ-
cipua tamen sunt, quæ de consiliis in ge-
nere dici possunt: quæ brevitate, uti spe-
rare me juvat, non jejuna, ad finem per-
duxi. additis doctorum quos sequutus sum,
virorum testimoniis: ne me quis, licet in
re valde dissimili, Domitianum imitatum,
obicere possit, qui plurima opera, incen-
dio absunta, restituit, sed omnia sub ritu-
lo tantùm suo, ac sine ulla pristini aucto-
ris memoria. Porro, quid hic assecutus
sum, tui lubens merird facio iudicii, lector,
si eruditus es & candidus.

F I N I S.



